

南宗景著

中医内科学全書

焦易堂題



中醫內科全書

上册

急性傳染病
新陳代謝病
呼吸器病
消化器病

永嘉南宗景著



中華民國二十六年一月初版

中醫內科全書二冊

上冊定價大洋伍元

▲外埠酌加運費匯費▼

★.....★
 版 所 翻 必
 權 有 印 究
 ★.....★

著 者

南 宗 景

參 校 者

潘 國 賢

出 版 兼

上海開北虬江路森巽里十六號

發 行 者

南宗景醫藥事務所

印 刷 者

上海北山西路底
大華印刷公司

發 行 所

上海開北虬江路森巽里十六號
南宗景醫藥事務所

代 售 處

上海三馬路千頃堂書局
上海山東路中醫書局
上海四馬路中和里光華醫學書局

宗景先生惠存

文
化
上
火

郭
柏
良
題



學醫寶笈

宗景先生新作中

醫內科全書出版紀念

陳存仁題



宗景仁兄雅鑒

學
紹
長
沙

吳克潛題



真景况生不著

變

為

並

重

秦伯



未

觀

廿六年一月

宗系先生 著席

是於岐黃之道如操剝榛忽逢康
莊以冥引索途忽見烟照必能辨病
者癥結之所立而攻之焉

如皋宋永祥敬題



運丁耕季吾道
寢衰嗟尔歐
風茂我軒岐車
我南君尊聞行知
編綴方書抗彼西
醫允為干城相當
鼓旗酌古準今為
旦羽儀

宗景光屬題

曹宗達



沈序

嘗聞山明水秀之鄉。往往有振奇特出之士。精思獨學。別有會心。其造詣之深。往往有出於人文薈萃之大都會。而毫無慚色者。古之人恆多有之。吾觀於永嘉南君宗景之醫學而益信矣。吾於前年得蘭溪女埠邵君餐芝。觀其所爲素子醫話。與傷寒論新詮。而奇其爲人。與之通訊。訂神交焉。今年首夏。又得讀南君張長沙原文讀本。觀其自序。與愚意不謀而合。適如吾之所欲言。是其學識不在邵君下。吾以此嘆造化生才之巧。古人何地無才之一語。誠篤論也。南君不以愚爲老朽無聞。更以所著中醫內科全書。來督余爲序。余不文。不足以張南君。而愛才之忱。有不能自己者。遂書此以歸之。

中華民國二十五年五月廿一日吳縣七二老人沈琢如序

陸序

余欲納中醫學於科學之軌。以爲中醫寶藏。胥在唐以前古書。苟能以科學知識籀讀。則賢者識大。不賢者識小。小大雖殊。其必有所得則一也。於是爲仲景書作今釋。以發其凡。古醫書至多。余不能取而盡釋。一人之知見有涯。余所釋又不能周當。於是又作中醫生理病理今釋。使有志讀古醫書者。有所憑藉而自得焉。屬稿未竟。而及門永嘉南振鏞宗景以其所作中醫內科全書求序。夫中醫沈蘊於五行運氣諸玄說者千餘年。一旦欲刮磨剔抉。躋於科學之林。無所鑿柄。固不可以一蹴幾。余淺薄而嬾。不敢期其及身而成此業。雖有繼起者。任重道遠。亦不敢望及見其竟成。今觀宗景之書。乃知吾志之不久可成也。方余書之出也。毀譽者紛紛。毀之者大抵家傳世守。與老耄不能窺科學之門者。譽之者大抵學問之士。與少年新進有銳氣者。前者余聽其叫囂。後者常相與攻錯討論。期共事此業。又有介於二者之間者。或取余說爲己說。以自樹一幟。或既取余說以自張。又從而詆謫余。以媚世之毀吾者。此雖短於行檢。余猶取其知吾也。宗景篤厚力學。方其從遊。

上海國醫學院。殊不亟亟自表見。既卒業。乃最先成書。於此知其實事求是。非但求標榜者。其書每病引列前人之說。然後下己意。以科學案之。復羅舉效方。示施治之準則。其引前人也。見其蒐討之勤。學者得此。無異遍讀古書。其下己意也。初不襲取余說。而周旋婉轉。不失矩矱。於此見其食而能化。舉一而能反三。豈非吾黨之佼佼者歟。夫欲中醫悉合科學之轍。既非旦暮可期。而世之學者。方日夜望而不可待。則宗景之書。所以輔吾志而啓彼後學者。並世殆未有以尚之。爰樂而爲之序。丙子閏月。陸淵雷。

許序

最近論醫之士。非牢騷不平。託古人以自見。卽東塗西抹。馳說騁詞。好爲非古以是今。孟軻云。誦其詩。讀其書。不知其人可乎。是以論其世。尙論古人未易言。認識今病不可忽。牢騷者有激爲之。其爲個人之好惡。已非學者之所公。而時勢之需要。必難適合。至於語必引其古。詞必附以新。深文周納。一若今人之發明。悉爲過去之陳迹。不顧古人之時勢。古人之能力。炙手求熱。救溺取名。更非學者之所公。夫古人已往。烏從追問。旣不能文而致之。又不可激而議其非。且或爲中國古時之所有。而爲現在東西醫所無。或爲東西醫之新發現。而與中國古時之記載相符者。南生宗景以積年研究國醫之所獲。編著中醫內科全書。上自內難傷寒金匱千金外臺。下迄宋元明清近代諸書。旁及東邦漢醫名家之說。古則引書以折衷。今則按時以立論。使舊者可以知新。新者可以識舊。大異乎最近俗醫之所爲。後之覽者。其亦慨然有感於斯乎。遂不辭而爲之序。

中華民國二十五年九月吳江許半龍於滬北海寧邨之吉祥雲舍

陳序

晉皇甫謐曰。不知醫事。此爲遊魂。又曰。不作良相。便作良醫。拾瑣雖爲巾幗中人。亦喻斯旨。故自中學卒業。卽專心壹志於學醫。然良師猝難得。爲之惘然而自習者久之。永嘉南宗景先生。少承家學。精研醫理。自上海國醫學院畢業歸來。初設溫州國醫專修社。以宏其傳。家嚴學識淵博。目無餘子。獨以南先生爲國醫之傑出。稱許無已。迺命委贄以師事之。南師教授各種醫書。不假思索。背述如流。講解微妙。引人入勝。嘗於授課行醫之餘。本其所習。纂述中醫內科全書。上自內經傷寒金匱千金外臺。下迄宋元明清近代諸書。旁及東邦漢醫名家之說。抉精擇微。搜羅靡遺。時閱十稔。稿凡三易。全書都八十餘門。數千餘方。一百餘萬言。偉哉。洋洋大觀。洵爲中醫界空前之鉅著也。拾瑣從學三年。得窺堂奧。丙子春。升入中國醫學院肄業。得從海上名醫沈師琢如。薛師文元。丁師仲英。徐師小圃。郭師柏良。陳師存仁。徐師麗洲。盛師心如。實習。每值課題答案。輒以心得於南師所著者以應之。謬承諸師皆讚爲切當。侍察諸師臨診擬方。對症下藥。類皆與中醫內科全書相

吻合。而病者即得方服藥而瘳。於是益見南師所著者之切於實用也。時南師教授於蘇州國醫學校。乃馳書促將所著。刊行於世。南師不自秘。允付剞劂。並屬爲任校讎之責。拾瑣以辨析魯魚亥豕。亦足以溫故知新。而樂爲任之。刊將竣。因泚筆而序其崖略云。

中華民國廿五年六月一日女弟子青田陳拾瓚拜序於上海中國醫學院

自序

不爲良相。必爲良醫。乃范希文之願力也。故大丈夫立身處世。縱未能建大功成大業。其願力則不可不弘遠。宗景夙研岐黃之術。以其可以保身健全。可以濟世活人。此非宗景一人之私願。實亦紹承祖訓也。南氏先世居浙江樂清。自前清遷居永嘉。累世業儒。兼習醫學。先曾祖南金公。名噪遐邇。先大父琴舫公。亦以醫名世。垂訓嘗謂凡後世子孫。讀書之外。當兼學醫。蓋卽張子和爲人子者。不可不知醫之意云爾。宗景幼從先嚴嘯秋公。習英文數學。稍長。先大父又授以方書。指示大意。謂誦讀之暇。遊藝於此。爲益良多。宗景敬識之。不敢忘。故曰。遵祖訓也。特我國醫學。侈談五行。理論架空。讀其書者。如墮五里霧中。宗景每以其無科學系統爲憾。而習醫之志。仍不少懈。是以十載以前。或執電務於交通。或參戎機於軍次。公餘之暇。輒涉獵方書。希冀異日。使我國舊醫。漸趨於科學之化。民國十七年。揚州之役。宗景奉調往十七軍部。管理電務。奔走於槍林彈雨間。瀕危者數矣。解職後。改入上海國醫學院。專攻醫學。以遂初志。居諸荏苒。卒業後。懸壺問世。行將十稔。頗蒙社會人士。屢以

醫事下問。而有志習醫。執經問難者。又日益衆。於是創設溫州國醫專修社。以供諸生就學之所。而搜采教材。則頗感困難。夫近世中醫之書。充棟而不勝度。汗牛而不勝載。欲擇其合於科學系統。足以啓發新進學子者。寥寥無幾。不自以爲褊小懷大。綆短汲深。乃於教學應診之餘。作中醫內科全書。爲雜病課本。引列前人之舊說。而以科學釋之。使舊者可以知新。新者可以識舊。是則宗景區區之命意也。丙子秋。教學中國醫學院。四方友朋。函促付印。時間倉卒。多未愜意。老子云。知者不言。然則余年未四十。謬有述作。其亦不知者歟。

民國二十五年十月一日雁蕩下工南振鏞宗景序於上海中國醫學院

凡例

一、中醫之書。向無系統。從事整理。頗爲棘手。本書仿西醫內科全書體裁。分爲急性傳染病、新陳代謝病、呼吸器病、消化器病、循環器病、血液及脾病、神經系統病、泌尿生殖器病、運動器病等。十大部分。每部列入所屬之病若干門。合於科學系統。使學者易於檢閱。非敢好異也。

二、每門均有余之按語。若引列古人論說及驗方。必載明書目。如內經云。千金云。或金匱方外臺方之類。而近人精當之論說。改訂之效方。並採錄之。仍各冠名目。使人曉然知誰氏之語。某氏之方。凡湯方無從查攷者。則置諸闕疑之例。

三、研究科學。由淺而深。有一定之步驟。學者不能躐等。我國學術則不然。試觀青年學子。其於國學略有根底。嶄然露頭角者。最初必從四書入手。學習中醫。稍知途徑者。必從傷寒論入門。久而久之。自有一旦豁然貫通之樂。是以本書所引內經傷寒金匱等。學理稍奧之處。在所不免。學者欲求貫徹。則當參閱原書各家之註釋。

四、古醫籍中。每論一病。或詳其原因。而略於證狀。或詳其症狀。而略於脈法。或載其死候。而不言禁忌。或舉其治法。而不出湯方。如是者頗多。至於病之預後及經過。亦罕有論及。是以本書不得不間採西說。以補充之。

五、中醫之病名。未有統一。例如濕溫病。或謂之濕熱症。或謂之傷寒症。傷風亦稱中風。咳嗽分爲數十種。而各有名稱。於是名愈多。而學者愈辦不清。本書若一概採用西醫病名。則每病之原因症狀。皆當節取西說。蓋以古醫籍中無遊走腎遊走脾等病名故也。且西醫所謂心囊炎。腹膜炎等。皆是兼症。中醫既無此等病名。其原因症狀。亦無從查攷。無已。仍沿用舊名。惟西醫所論之病。古醫籍中有其論。而不出治法者。間亦採錄之。例如新陳代謝病篇之肥胖症是也。

六、醫者治病。每多偏見。譬如工於傷寒者。其所見之症。心目中皆以爲傷寒。工於溫熱者。其所見之症。心目中皆以爲溫熱。其實傷寒溫熱。各有一定之見證。各有一定之治法。非可以阿私所好。本書所引諸方。惟祈有當於病。當溫則溫。當涼則涼。當補則補。當瀉則瀉。因病用方。不敢稍存成見。

七、單方力專而效捷。但用而不中。爲害亦大。學者當審慎採用。所謂量而後入。勿入而後量也。

八、古今醫方之分量。均不符合。概從刪略。本書下冊附有應用藥物提綱。並載用量。以便初學參攷。凡方劑已見於前者。其後不再出方。如某湯見某門是也。

九、本書雖僅兩冊。然搜擇參攷書。已達千餘種。學者若能尋余所集。以之辨證處方。恢恢乎其於遊刃。必有餘地矣。第倉卒付印。難免紕繆之處。尙希海內明達。指正爲幸。

南宗景誌

目錄

頁數

濕溫	一
感冒	一五
瘧疾	二一
鼠疫	四二
霍亂	五六
疫痢	七五
疔腮	八一
白喉(附喉痧)	八六
破傷風	九八
麻疹	一一一
痘瘡	一二四
水痘	一四三

中醫內科全書上冊

永嘉 南振鏞 宗景 撰述
新昌 潘國賢 參校

急性傳染病

溼溫

原因 溫熱經緯云。太陰內傷。濕飲停聚。客邪再至。內外相引。故病濕溫。

活人書云。其人嘗傷於濕。因而中暑。暑濕相搏。則發濕溫。

症狀 溫病條辨云。其症頭痛惡寒。身重疼痛。舌白不渴。……面色淡黃。胸悶不飢。午後身

熱。狀若陰虛。病難速已。名曰濕溫。

溫熱經緯云。其證始惡寒。後但熱不寒。汗出胸痞。舌白。口渴不引飲。

活人書云。其症兩脛逆冷。胸腹滿。多汗頭痛妄言。

脈法 溫病條辨云。……其脈弦細而濡。

時病論云。是病之脈。脈無定體。或洪或緩。或伏或細。

治法 溫病條辨云。宜輕開上焦肺氣。蓋肺主一身之氣。氣化則溼亦化也。濕氣彌漫。本無形質。以重濁滋味之藥治之。愈治愈壞。

活人書云。……治在太陽。不可發汗。汗出必不能言。耳聾。不知痛所在。身青面色變。名曰重暈。如此死者。醫殺之也。蒼朮白虎湯主之。

溫熱經緯薛生白濕熱病篇云。溼熱證。惡寒無汗。身重頭痛。溼在表分。宜藿香香薷羌活蒼朮皮薄荷牛蒡子等味。頭不痛者去羌活。

又云。溼熱證。惡寒發熱身重。關節疼痛。溼在肌肉。不爲汗解。宜滑石大豆黃卷茯苓皮藿香葉鮮荷葉白通草桔梗等味。不惡寒者。去蒼朮皮。

又云。溼熱證。初起壯熱。口渴脛悶懊懣。眼欲閉。時譫語。濁邪蒙閉上焦。宜涌泄。用枳殼桔梗淡豆豉生山梔。無汗者加葛根。

又云。溼熱證。初起發熱。汗出胸痞。口渴舌白。溼伏中焦。宜藿梗薏仁杏仁枳殼桔梗鬱金蒼朮厚朴草果半夏乾菖蒲佩蘭葉六一散等味。

又云。溼熱證。初起卽胸悶不知人。脅亂大叫痛。溼熱阻閉中上二焦。宜草果檳榔鮮菖蒲芫

葵六一散各重用。或加阜角地漿水煎。

又云。溼熱證。胸痞發熱。肌肉微疼。始終無汗者。糜理暑邪內閉。宜六一散一兩。薄荷葉三四分。泡湯調下。卽汗解。

又云。溼熱證。發瘧神昏笑妄。脈洪數有力。開泄不效者。溼熱蘊結胸膈。宜仿涼膈散。若大便數日不通者。熱邪閉結腸胃。宜仿承氣微下之例。

又云。溼熱證。嘔吐清水。或痰多。溼熱內留。木火上逆。宜溫膽湯加栝萸碧玉散等味。

又云。溼熱證。嘔惡不止。晝夜不差。欲死者。肺胃不和。胃熱移肺。肺不受邪也。宜用川連三四分。蘇葉二三分。兩味煎湯。呷下卽止。

又云。溼熱證。寒熱如瘧。溼熱阻遏膜原。宜柴胡厚朴檳榔草果藿香蒼朮半夏乾菖蒲六一散等味。

又云。溼熱證。發瘧撮空。神昏笑妄。舌苔乾黃起刺。或轉黑色。大便不通者。熱邪閉結胃腑。宜用承氣湯下之。

又云。溼熱證。數日後。汗出。熱不除。或瘧。忽頭痛不止者。營液大虧。厥陰風火上升。宜羚羊角

蔓荊子鉤藤元參生地女貞子等味。

又云。溼熱證。壯熱口渴。自汗身重。胸痞。脈洪大而長者。此太陰之溼。與陽明之熱相合。宜白虎加蒼朮湯。

又云。溼熱證。口渴苔黃起刺。脈弦緩。囊縮舌鞭。譫語昏不知人。兩手搖擗。津枯邪滯。宜鮮生地蘆根生首烏鮮稻根等味。若脈有力。大便不通。大黃亦可加入。

又云。溼熱證。壯熱煩渴。舌焦紅。或縮。斑疹胸痞自利。神昏瘧厥。熱邪充斥。表裏三焦。宜大劑犀角羚羊角生地元參銀花露紫草方諸水金汁鮮菖蒲等味。

又云。溼熱證。壯熱口渴舌黃。或焦紅。發癍。神昏譫語。或笑。邪灼心包。營血已耗。宜犀角羚羊角連翹生地元參鉤藤銀花露鮮菖蒲至寶丹等味。

又云。溼熱證。按法治之。數日後。或吐下一時並至者。中氣虧損。升降悖逆。宜生穀芽蓮心扁豆米仁半夏甘草茯苓等味。甚者用理中法。

又云。溼熱證。數日後。脘中微悶。知飢不食。溼邪蒙繞三焦。宜藿香葉薄荷葉鮮荷葉枇杷葉佩蘭葉蘆尖冬瓜仁等味。

又云。溼熱證。數日後。自利溺赤口渴。溼流下焦。宜滑石豬苓茯苓澤瀉葶藶通草等味。

又云。溼熱證。三四日卽口噤。四肢牽引拘急。甚則角弓反張。此溼熱侵入經絡脈隧中。宜鮮地龍秦艽威靈仙滑石蒼耳子絲瓜藤海風藤酒炒黃連等味。

又云。溼熱證。四五日口大渴。胸悶欲絕。乾嘔不止。脈細數。舌光如鏡。胃液受劫。膽火上衝。宜西瓜汁金汁鮮生地汁甘蔗汁磨服鬱金木香香附烏藥等味。

又云。溼熱證。四五日忽大汗出。手足冷。脈細如絲。或絕。口渴莖痛。而起坐自如。神清語亮。乃汗出過多。衛外之陽暫亡。溼熱之邪。仍結一時。表裏不通。脈故伏。非眞陽外脫也。宜五苓散去朮加滑石酒炒川連生地耆皮等味。

又云。溼熱證。七八日。口不渴。聲不出。與飲食亦不卻。默默不語。神識昏迷。進辛香涼泄芳香逐穢俱不效。此邪入厥陰。主客渾受。宜仿吳又可三甲散。醉地鼈蟲醋炒鼈甲土炒穿山甲生蠶蠶柴胡桃仁等味。

又云。溼熱證。十餘日後。尺脈數。下利。或咽痛口渴心煩。下泉不足。熱邪直犯少陰之證。宜仿豬膚湯涼潤法。

又云。溼熱證。十餘日後。左關弦數。腹時痛。時暈血。肛門熱痛。血液內燥。熱邪傳入厥陰之證。宜仿白頭翁法。

又云。溼熱證。按法治之。諸證皆退。惟目暝則驚悸夢惕。餘邪內留。膽氣未舒。宜酒浸郁李仁薑汁炒棗仁豬膽皮等味。

又云。溼熱證。十餘日。大勢已退。惟口渴汗出。骨節痛。餘邪留滯經絡。宜元米湯泡於朮。隔一宿。去朮煎飲。

又云。溼熱證。曾開泄下奪。惡候皆平。獨神思不清。倦語不思食。溺數唇齒乾。胃氣不輸。肺氣不布。元神大虧。宜人參麥冬石斛木瓜生甘草生穀芽鮮蓮子等味。

又云。溼熱證。溼熱傷氣。四肢困倦。精神減少。身熱氣高。心煩溺黃。口渴自汗脈虛者。東垣用清暑益氣湯主治。

豫後 本病之結果。據西醫統計。十分中有二分不救。小兒之死亡數較少。年齡愈大。則豫後愈不良。此外有肥胖症慢性心臟病肺病腎臟病者。以及貧血虛弱平時嗜酒者。豫後亦均不良。

死候 本病最可恐怕者。爲腸出血與腸穿孔。腸出血約在病發之第三星期而來。由於患者食物不注意。缺乏安靜。其徵候爲便血。間或可救。腸穿孔亦多起於第三星期。其徵候爲下溏糞及粘液。雜以鮮紅血星。且漏出腸之內容於腹膜。而生腹膜炎。腹部疼痛。且甚覺膨脹。非常困苦。數小時內可死。

禁忌 不可發汗。不可早用滋陰之藥。飲食更宜謹慎。只可與以流動之食品。如牛乳藕粉之類。熱退一星期後。始可與以半流動物。再次則與以固形物。且在恢復期內。腹中易起飢餓。若不明病情。妄與以饅頭羊羹等類。則其腸立爲之穿破。而至於死。故卽漸恢復。亦不可輕與以固定之食物。

古今驗方選

小柴胡湯傷寒論方。治傷寒少陽症。往來寒熱。胸脅苦滿。嘿嘿不欲飲食。心煩喜嘔。口苦耳聾。及婦人傷寒。熱入血室等證。

柴胡 黃芩 甘草 半夏 人參

加生薑大棗煎。

三仁湯 溫病條辨方 治溼溫病。頭痛惡寒。身重疼痛。舌白不渴。脈弦細而濡。面色淡黃。胸悶不飢。

午後身熱。狀若陰虛者。

- 杏仁
- 白蔻仁
- 生薏仁
- 飛滑石
- 竹葉
- 半夏
- 白通草
- 厚朴

甘瀾水八碗。煮取三碗。每服一碗。日三服。

達原飲 張氏醫通方 治濕溫病。先憎寒而後發熱。嗣後但熱而不憎寒。其脈不浮不沈而數。晝夜

發熱。日晡益甚。頭疼身痛。

- 檳榔
- 厚朴
- 草果仁
- 知母
- 芍藥
- 黃芩
- 甘草

加薑棗煎。午後溫服。

清宣溫化法 時病論方 治秋時晚發之伏暑。并治濕溫初起。

- 連翹
- 杏仁
- 栝蘘皮
- 陳皮
- 茯苓
- 製半夏
- 甘草
- 佩蘭葉

加荷葉二錢為引。

桂苓甘露飲劉河間方統治溼溫溼熱。

茯苓 豬苓 白朮 澤瀉 肉桂 滑石 石膏

寒水石 甘草

蒼朮白虎湯張氏醫通方治濕溫身痛。胸滿頭疼。妄言多汗。兩脛逆冷。

蒼朮 茯苓 石膏 知母 生甘草

加粳米煎服。

茯苓白朮湯 得效方 治濕溫。

赤茯苓 蒼朮 白朮 乾薑 桂心 甘草

甘露消毒丹葉天士方治濕溫之病。發熱倦怠。胸悶腹脹。……舌苔淡白或厚。

飛滑石 綿茵陳 淡黃芩 石菖蒲 川貝母 木通 藿香

射干 連翹 薄荷 白豆蔻

各藥曬燥。生研細末。每服三錢。開水調服。日二次。或以神麩糊丸。如彈子大。開水化服亦可。

六一散 河間方 治諸熱證及熱泄。煩躁。小便不利。

滑石 甘草

研為細末。和勻。每服一錢。冷熱水或薄荷湯燈心湯調下。

碧玉散 即六一散方中加青黛

涼膈散 局方 治溫病表裏實熱。及中焦燥實。煩躁多渴。溼熱蘊結胸膈。

大黃 芒硝 連翹 黃芩 甘草 梔子仁 薄荷葉

研為末。每服四五錢至一兩。加竹葉十五片。清水煎服。

溫膽湯 千金方 治熱嘔。痰氣上逆。溼熱內留。

半夏 枳實 竹茹 橘皮 甘草 茯苓

劉散 每服一錢至四錢。清水加生薑大棗煎服。

至寶丹 局方 治神魂恍惚。頭目昏眩。發瘧發厥。心肺積熱。邪灼心包……

犀角 硃砂 雄黃 玳瑁 琥珀 麝香 龍腦
金箔 銀箔 牛黃 安息香

將犀角玳瑁研爲細末。入餘藥令勻。以安息香膏重湯煑烱。入諸藥中。和搜成劑。盛於不津器中。並旋丸如梧桐子大。分作百丸。如乾。入熟蜜少許。用蠟護之。每服三丸。或五丸。湯送。

豬膚湯傷寒論方治少陰病。伏熱下痢。咽痛。胸滿心煩者。

豬膚

湯泡刮取皮上一層白膩者。清水一斗。煑取五升。去滓。加白蜜一升。白粉五合。熬香和令相得。溫分六服。

三甲散吳又可方治溼熱症。邪入厥陰。口不渴。聲不出。與飲食亦不却。默默不語。神識昏迷者。

鼈甲 龜甲 山甲 蟬蛻 殭蠶 牡蠣 當歸

白芍 甘草 蠱蟲

白頭翁湯傷寒論方治厥陰熱利下重。及下利脈沈弦。渴欲飲水者。

白頭翁 黃連 黃蘗 秦皮

急性傳染病 溼溫

清暑益氣湯 東垣方 治長夏溼熱蒸炎。四肢困倦。精神減少。頭痛身熱。氣高心煩。自汗口渴。

便黃溺赤。脈虛者。

黃耆 蒼朮 升麻 人參 白朮 陳皮 神麴

澤瀉 甘草 黃蘗 乾葛 青皮 當歸身 麥門冬

五味子

加生薑大棗。清水煎服。

宗景按。濕温爲廣義傷寒中之一。其病名始見於難經。後世或謂之濕熱症。西醫以其病竈在腸。高熱不退。每有腸出血腸穿孔之患。故名爲腸熱症。日文譯爲腸窒扶斯。實則同是一病也。其症之潛伏期無定。約九日乃至二十一日。全身倦怠。食慾減退。頭痛。四肢痠痛。微熱惡寒。胸腹滿悶。然病者猶能行動如常。及第一週時。症狀漸見。午後身熱。微有惡寒。或有汗或無汗。體温升至四十度以上。至天曉時。熱勢略低。午後則仍如故。脾臟腫大。頭痛躁渴。溼重者。口中黏膩。渴喜熱飲。而飲又不多。小溲短赤。大便或閉或溏。迨第二週。

高熱不退。脈搏增速。胸腹兩部。生薔薇疹。若誤投石斛等滋潤之藥。則發白瘡。大便溏泄。殆無一定。觸迴盲部。較常過敏。壓迫之。如發雷鳴。嗜眠昏惰。謔語時作。飲食少思。舌苔乾燥生裂。且帶咳嗽。有氣管枝炎症之徵。至第三週。則熱甚弛張。心機衰弱。危險徵候。常伏此期。而最可怕者。爲腸出血與穿孔性腹膜炎。此期苟有轉機。則熱漸下降。舌苔剝落。諸症緩解。日見平復。否則病必終凶。實爲本病中生死之一大關鍵也。其致病之原。有言素傷於濕。因而中暑。暑濕相搏。則發濕溫。有言太陰內傷。濕飲停聚。客邪再至。內外相引。故病濕溫。又有言濕溫卽暑病之偏於濕者。而西醫則謂有一種傷寒桿菌。由吾人之呼吸或不潔之飲料。侵襲腸內。顯微鏡上可以證明。顧無論其爲菌爲濕。若在長夏秋令之時。遇有初起頭痛惡寒。午後身熱。後但熱不寒。汗出胸痞。口渴不引飲之主要證狀。舌苔或白或黃或膩或如積粉。其脈弦細而濡。或洪或緩。或伏或細者。則必爲濕溫無疑矣。濕溫之所以多於長夏者。以空氣中酸素少而淡氣多也。淡氣能使各物霉腐。且令人窒息。是故濕溫之胸腹滿悶。雖乃病菌侵襲於脾藏之現象。抑亦淡氣有以致之也。治療之法。當先辨濕與熱。二者孰勝。濕勝於熱者。化濕爲主。清熱佐之。熱勝於濕者。清熱爲主。化濕佐

之。若濕熱相等者。則兩解之。通常所用之方。三仁湯。甘露消毒丹。最爲盛行。惟此等方。施於重症。往往延長時日。愈病不足。悞病有餘。功雖王道。而病家已於無形中受其害矣。是以愚治濕温。乘其發熱惡寒。或但熱不寒。汗出胸痞。舌白不渴之時。每用柴胡桂枝湯。合達原飲加減。屢獲效驗。其處方之式如下。(軟柴胡錢半。桂枝尖一錢。炒白芍錢半。傷寒脈促胸滿者。桂枝去芍藥湯主之。故後世醫者。每遇胸滿之症。不用白芍。今以白芍炒用。與柴胡爲伍。雖有胸痞之症。亦無所顧忌。炙甘草錢半。生薑八分。黃芩錢半。厚樸六分。草果仁一錢。肥知母錢半。半夏糲三錢。)小洩短赤者。加木通一錢。濕勝者。增厚樸。草果。去知母。熱勝者。去生薑。重用黃芩。減草果。厚樸。加銀花。連翹。身熱不揚者。增柴胡。桂枝。熱盛傷津者。增知母。中氣不足者。增炙草。如此施治。則熱勢漸低。一星期內。可退至三十七度之常度。若熱度爲三十七度一。或三十七度二。仍須繼續服此方。務期退清爲止。惟用藥分量。最有分寸。臨症時。宜細心斟酌耳。且此方不僅可治濕温。卽惡性瘧疾。亦頗有效。凡診病除辨症外。當注重切脈。惟治温病。則以望口舌較爲有據。若服此方後。嚮之白苔。今已完全轉爲黃胎。卽爲溼已化熱之徵。當偏重於清熱。慎勿再投辛燥之品。致劫其陰。又凡亡血家。不可與此方。以免虛虛之禍。執刀圭者。所不可不知。濕温之

變化多端。難以盡論。茲所述者。爲初期撮要之治法。若欲求其完備。則當詳參溫熱諸書也。

感冒

原因 沈氏尊生云。感冒。肺病也。元氣虛而腠理疎也。經曰。虛邪賊風。陽先受之。蓋風者。天之陽氣。其乘於人則傷衛。衛者陽也。故曰陽先受之。衛又卽氣也。肺主氣。脾生氣。故傷風。雖肺病而亦有關於脾。以脾虛則肌肉不充。肺虛則玄府不閉。皆風邪之所由以入也。蓋以風爲百病長。善行數變。無微不入。十二經十五絡。五臟六腑。皆能受風而爲病。或經絡受之。由皮毛而入肌肉入腑。或由口鼻受之。而入胃入腸。或入骨空肢節。……風邪襲人。不論何處感受。必內歸於肺。……

症狀 沈氏尊生云。……其證或頭痛身熱。輕則否。鼻必塞。兼流清涕。必惡風惡寒。或聲重。或聲啞。甚者痰壅氣喘。合口不開。咳嗽咽乾。自汗。……此外感也。

時病論云。冒風。乃風覆冒皮毛。皮毛爲肺之合。故見惡風微熱。鼻塞聲重。頭痛咳嗽。……

脈法 脈訣云。浮數風熱。浮緊風寒。浮緩風濕。

經過 輕者數日即愈。重者往往有延至數旬之久。

診斷 憑上列脈證。不難診斷。

治法 醫學入門云。傷風症屬肺者多。宜辛溫或辛涼之劑散之。

沈氏尊生云。感冒……春夏治以辛涼。宜茶調散。柴胡升麻湯。秋冬治以辛溫。宜參蘇飲。人參敗毒散。則肌表解。而邪從汗散矣。或素有痰熱。壅遏於太陰陽明之間。內有窠囊。風邪易入。若爲之招飲者。昔人所謂風乘火勢。火借風威。互相鼓煽者。此內因也。治必以辛涼外發。甘苦內和。宜羌活沖和湯。防風通聖散。斯正不傷。而邪自去矣。又有重衣厚被。肺因壅熱。生風。而在外風邪。又適與之相襲。其證亦聲重鼻塞。咳嗽咽乾音啞。則內外因也。治以甘苦辛涼。兼升散之品。宜桔梗湯。上清散。菊花散。邪自由內達外而解矣。至有風熱兼傷者。或先感風。又受熱。或先受熱。又感風。一時交發。貴審其輕重而治之。宜桔梗湯。上清散。菊花散。或加味二陳湯。若久而不愈。其人必虛。固不得專用疎散也。陽虛宜加參朮。陰虛宜加地黃五味。培麥冬白芍。然則感冒之證。雖若輕微而要。豈可忽視者乎。

時病論云。冒風……治宜微辛輕解法。

豫後 體壯者。若無併發症。則預後良。體弱原有心肺病者。則豫後不良。
禁忌 禁食油膩生冷等物。

古今驗方選

桂枝湯 傷寒論方 治太陽病。頭痛發熱。汗出惡風。或兼鼻鳴乾嘔者。

桂枝 芍藥 甘草 大棗 生薑

水七升。微火煎取三升。去滓。適寒溫服一升。須臾啜稀熱粥一升餘。以助藥力。

麻黃湯 傷寒論方 治太陽病。頭痛發熱。身疼腰痛。惡風。無汗而喘者。

麻黃 桂枝 杏仁 炙草

茶調散 赤水玄珠方 治風熱上攻。頭目昏痛。及頭風熱痛不可忍。

茶葉 川芎 黃芩 白芷 薄荷 荊芥

柴胡升麻湯 沈氏尊生方 治春夏感冒。

柴胡 前胡 升麻 赤芍 桑皮 黃芩 葛根

荊芥 石膏

急性傳染病 感冒

參蘇飲 易簡方 治感冒風寒。頭痛發熱憎寒。驚風煩悶。脘悶嘔惡。痰熱作搐。咳嗽氣逆。涕唾

稠黏。脈弱無汗。產後感冒咳嗽。

人參 蘇葉 葛根 半夏 前胡 桔梗 枳壳

陳皮 茯苓 甘草 木香

微辛輕解法時病論方治冒風之證。頭微痛。鼻塞咳嗽。

紫蘇梗 薄荷梗 牛蒡子 苦桔梗 桔萸皮 橘紅

羌活冲和湯 醫宗金鑑方 治春夏秋冬感冒諸證。

羌活 防風 蒼朮 甘草 白芷 生地 川芎

黃芩 細辛

加葱頭三根。生薑一片。紅棗二枚。清水煎。食遠服。

桔梗湯 沈氏尊生方 治火鬱肺部。

桔梗 香附 山梔 黃芩 川貝 知母 前胡

上清散 沈尊生方 治風熱。

元參 薄荷 荆芥 甘草 大黃 歸尾 桔梗

陳皮 黃芩 枳壳 川芎

菊花散 證治準繩方 治風熱頭痛。目眩面腫。

甘草 防風 羌活 枳壳 石膏 蔓荊子 旋覆花

甘草

咬咀。每服五錢。清水三鍾。加生薑五片。煎至一鍾。不拘時服。

加味二陳湯 沈氏尊生方 治痰厥痰嗽。

半夏 陳皮 當歸 茯苓 枳實 桔梗 杏仁

砂仁 黃芩 山梔 蘇子 甘草

防風通聖散 劉河間方 治一切風溼暑溼。饑飽勞役。內外諸邪。氣血怫鬱。表裏三焦俱實。憎寒

壯熱。頭目昏運。目赤睛痛。耳鳴鼻塞。咽喉不利。唾涕稠黏。咳嗽上氣。大便秘結。小便赤

澀……等證。

防風 連翹 川芎 麻黃 薄荷 白芍 當歸

急性傳染病 感冒

大黃 黃芩 桔梗 石膏 荊芥 山梔 白朮

滑石 甘草 芒硝

桑菊飲 溫病條辨方 治風溫在肺發熱咳嗽。

杏仁 連翹 薄荷 桑葉 菊花 苦桔梗 甘草

葦根

人參敗毒散局方治時疫傷風風溼寒熱頭眩項強目疼肢疼咳嗽鼻塞聲重以及小兒感

冒發熱惡風痰阻胸膈頭目不清者。

人參 羌活 獨活 柴胡 前胡 川芎 枳殼

桔梗 赤茯苓 甘草 (一方有陳皮)

研為粗末。加生薑二三片。(一方有薄荷)清水煎服。

宗景按。本病即俗所謂傷風也。其病原菌為 R. Pfeiffer 所發見。係一種短小桿菌。常存鼻液及氣管枝分泌物中。其傳染之徑路。則由於空氣。或由與本病患者相接觸而來。若值大流行時。其蔓延之速。半歲間可周游世界。雖輪車不及也。大概體弱之人。既易感

受。又不易愈。推其所以然之故。則因抵抗力不足。然後菌肆其虐耳。是以愚每遇體弱感冒。輕者做參蘇飲加減。重者若身熱無汗。頭痛咳嗽。惡寒骨楚。用麻黃湯加入別直參數分。助正達邪。一汗而解。體實感冒。則不加參。若有汗者。用桂枝湯加入宣肺之品。亦不出數日而愈。他如風熱。則用桑菊飲銀翹散之類。無不獲效。西醫分流行性感胃爲三種。曰氣管枝炎性。曰胃腸性。曰神經性。氣管枝炎性者。鼻喉氣管及氣管枝均發炎症。卽沈氏尊生所謂鼻必塞。兼流清涕。或聲重。或聲啞。甚者痰壅氣喘。合口不開。咳嗽咽乾等症是也。若肺炎咳嗽。久久不愈。往往貽肺結核之後患。古人謂傷風不醒。變成癆症。信不誣也。胃腸性者。頭痛發熱。嘔吐下痢。胃呆腹痛等症。神經性者。頭痛全身神經痛。口發謔語。或起腦膜炎。以瀕於死也。

瘧疾

釋名

瘧。酷虐也。凡疾。或寒或熱耳。而此疾先寒後熱。兩疾似酷虐者也。

(見劉熙釋名)

種類

本病有風瘧。牡瘧。(一名寒瘧)瘧瘧。(一名熱瘧)濕瘧。痰瘧。食瘧。(一名胃瘧)

勞瘧。鬼瘧。疫瘧。瘴瘧。瘧母之別。

原因 沈氏尊生云。諸瘧。暑病也。邪入於陰。則陰實陽虛而發寒。邪入於陽。則陽實陰虛而發熱。經故曰寒熱更作。陰陽相移也。……然瘧雖原於暑熱。而瘧之發。實因於寒與風。經曰。夏傷於暑。汗大出。腠理開發。因淒滄之水寒。藏皮膚中。秋傷風。則病成。夫所謂水者。因浴而受水之氣也。所謂寒者。因暑乘涼而反受寒也。是水寒之氣。當盛夏之時。與暑之邪。並伏皮膚之內。迨秋風外束。而新涼之陰欲入。暑陽從內拒之。暑陽欲挾水寒之氣而出。新涼之陰又從外遏之。陰陽相搏而成瘧。此瘧所以原於暑。而發必因於寒與風也。

東垣云。瘧之爲病。以暑舍於營衛之間。得秋之風寒所傷而後發。亦有非暑。因風寒感冒而得之者。在於陽則發熱。在於陰則發寒。並則病作。離則病止。作止故有時。在氣則發早。在血則發晏。淺則日作。深則間日。或在頭項。或在背中。或在腰脊。雖上下遠近之不同。在太陽則一也。

內經云。陽氣者。精則養神。柔則養筋。魄汗未盡。形弱而氣燂。穴俞以閉。發爲風瘧。又云。夏暑汗不出者。秋成風瘧。

時病論云。風瘧者。亦由長夏先受暑。至秋感風而發也。

又云。寒瘧者。先受陰寒。或沐浴之水寒。寒氣伏於肌腠之中。復因外感邪氣觸之而發。內經云。痺瘧者。肺素有熱。氣盛於身。厥逆上衝。中氣實而不外泄。因有所用力。腠理開。風寒舍於皮膚之內。分肉之間而發。發則陽氣盛而不衰。則病矣。其氣不及於陰。故但熱不寒。邪氣內藏於心。而外舍於分肉之間。令人消燂脫肉。故命曰痺瘧。陳無擇云。濕瘧者。因汗出復浴。濕舍皮膚。及冒雨溼所致。

金匱翼云。痰瘧由夏月乘涼飲冷。及臥濕地。飢飽失時。脾胃不和。痰積中脘所致。

時病論云。食瘧卽胃瘧也。因於飲食失節。饑飽不常。穀氣乘亂。營衛失和。一有不謹。則外邪冒之。遂成瘧疾。

又云。勞瘧者。瘧疾久延爲勞也。或因久病勞損。氣血兩虛而病瘧。或因勞役過度。營衛空虛而患瘧。

沈氏尊生云。勞瘧者。以真元不足。表裏俱虛。或作勞。或房勞所致。故病發於陰。卽久瘧也。時病論云。鬼瘧者。因卒感尸疰客忤。……患是證者。都係體弱屬陰之人。而強壯屬陽之體。無一患者。

又云。疫瘧之爲病。因天時寒熱不正。邪氣乘虛而襲膜原。欲出表而不能透達。欲陷裏而未得空隙。故作寒熱往來。或一日二三次。或一次無定期也。

又云。瘴瘧之證。嶺南爲多。因天氣炎熱。山氣濕蒸。多有嵐瘴之毒。人感之者。卽時昏悶。……又云。瘧經年不愈。謂之老瘧。或食積。或痰涎。或瘀血。皆能結成痞塊。謂之瘧母。亦有因調治失宜。營衛俱虛。或截瘧太早。邪伏肝經脅下。而成痞塊。……

症狀 內經云。瘧之始發也。先起於毫毛。伸欠乃作。寒慄鼓頰。腰脊俱痛。寒去則內外皆熱。頭痛如破。渴欲飲冷。

沈氏尊生云。風瘧者。自感風而得。風爲陽邪。故其證先熱後寒。惡風自汗。頭痛煩躁。……

又云。寒瘧者。自感寒而得。寒爲陰邪。故先寒後熱。且寒多熱少。惡寒無汗。攣痛而慘。……

張氏醫通云。瘧瘧。但熱不寒。裏實不泄。煩渴而嘔。肌肉消燦。……

金匱翼云。溼瘧者。寒熱身重。肢節煩疼。脹滿善嘔。自汗。

又云。痰瘧。……其證胸痞嘔吐。或時眩暈者是也。

諸方云。食瘧一名胃瘧。……寒已復熱。熱已復寒。寒熱交併。苦飢而不能食。食則吐痰。經曰。

寒熱善飢而不能食。食已支滿腹脹。病以日作。名曰胃瘧是也。

時病論云。勞瘧者……發熱惡寒。寒中有熱。熱中有寒。或發於晝。或發於夜。每遇小勞即發。氣虛者。多汗。飲食少進。血虛者。午後發熱。至晚微汗乃解。

沈氏尊生云。鬼瘧者……寒熱日作。或甚或不甚。每發必胡言亂語。見神見鬼。多生恐怖……時病論云。疫瘧……寒輕熱重。口渴有汗。大概沿門合境。長幼相似……

又云。瘴瘧之證……人感之者。即時昏悶。一身沉重。或寒甚熱微。或寒微熱甚。亦有疊日間日而作者。亦有狂言妄語者。亦有口瘡不語者……

醫學入門云……結成痞塊。藏於腹脅。作脹且痛。乃瘧母也。

脈法 金匱云。瘧脈自弦。弦數者多熱。弦遲者多寒。弦小緊者下之差。弦遲者可溫之。弦緊者可發汗。鍼灸也。浮大者可吐之。弦數者風發也。以飲食消息止之。

丹溪云。瘧脈多弦。但熱則帶數。寒則帶遲。亦有病久而脈極虛微無力。似乎不弦。然必於虛數之中見弦。但不搏手耳。細察之可也。

醫鑑云。弦短者傷食。弦滑者多痰。虛微無力爲久瘧。

萬病回春云。瘧脈遲緩者。病自愈。

脈經云。瘧脈自弦。微則爲虛。代散則死。

鑑別診斷 金匱翼云。傷寒往來寒熱。勞瘵寒熱如瘧。傷食勞役。脚氣疝氣。腫毒初起。俱有寒熱。陰虛證。每日午後發熱惡寒。至晚亦得微汗而解。脈弦而數。但不大弦爲辨耳。俱不可誤認爲瘧也。凡病寒熱。有期者瘧也。無期者諸病也。

治法 時病論云。風瘧者……初宜辛散。太陽法去羌活。加秦艽。俟寒熱分清。始可進和解之法。總當細審其因。可散則散。可和則和。可補則補。可截則截。全在臨時活法耳。

醫學入門云。寒瘧一名牝瘧……宜人參養胃湯交解湯。果附湯。草果飲。柴胡桂薑湯。

金匱翼云……名曰瘧瘧。此以陽藏而病陽證。與諸瘧證亦不同。其治之之法有三。一者熱氣內蓄。而表有客寒。則當散以辛涼。一者客邪已解。而蘊熱獨盛。則當清以苦寒。或甘寒。一者邪火雖盛。而氣血已耗者。急宜壯水固原也。

張氏醫通云。瘧瘧……小柴胡加香薷黃連竹葉。盛暑發者。白虎湯。虛者加人參。秋涼後發者。小柴胡湯。

陳無擇云。濕瘡……當從太陰論治。除濕湯主之。寒多者必兼溫。行陽氣也。

金匱翼云。痰瘡……微則消之。甚而實者。蜀漆常山之類。攻而去之。虛者四獸飲之屬。補而逐之。

諸方云。食瘡……宜平陳湯。加枳實。白朮。山查子。神麩。青皮。或清脾飲。小清脾湯。又二陳湯。加青皮。枳榔。縮砂。白豆蔻亦佳。

沈氏尊生云。勞瘡……宜補中益氣湯。酌加鼈甲。牛膝。首烏。（按小柴胡湯原方治勞瘡甚效）

時病論云。勞瘡者……治用營衛雙調法。氣虛者倍參耆。血虛者倍歸芍。倘寒熱分清。按時而至。脈兼弦象。顯出少陽兼證。始可佐柴胡青蒿。

又云。鬼瘡者……用驅邪辟祟法。

又云。疫瘡……治以宣透膜原法爲主。

沈氏尊生云。疫瘡者……宜五瘟丹不換金正氣散。

張氏醫通云。瘡瘡。山嵐溪澗之毒。須用祛瘴滌痰之藥爲主。

時病論云。瘡瘡之證……初起之時。邪必鬱於氣分。甚則血瘀於心。涎聚於脾。先宜宣竅導

痰法。探吐其痰。然後辨其輕重。表裏爲要。其輕者在表。宜芳香化濁法。加草菓檳榔。其重者在裏。宜和解兼攻法。加玉樞丹。

金匱云。……此結爲癥瘕。名曰瘧母。急治之。宜鼈甲煎丸。

張氏醫通云。瘧母者。頑痰挾血食而結爲癥瘕。鼈甲煎丸。或小柴胡加鼈甲蓬朮桃仁。俱用醋製。其鼈甲用栗灰湯煮糜爛。入藥尤效。此金匱法也。病氣俱實者。瘧母丸。虛人久瘧。時止時發。芎歸鼈甲飲。不應。脾虛也。急用補中益氣加鼈甲。少食痞悶。胃虛也。四獸飲加鼈甲。當歸蓬朮肉桂。虛人瘧母。必用補益。蓋緣治之失宜。邪伏肝經。而脅下有塊。仍寒熱時作。不可以癥積治之。每見急於攻塊者。多致不救。按溫病條辨化癥回生丹。治瘧母亦效。

豫後 良。死亡者甚少。

死候 內經云。寒熱脫形。脈堅搏逆也。死不治。

得效云。久瘧腰脊強急瘦癯者。必不治。

禁忌 直指云。凡瘧方來。與正發時。不可服藥。恐藥病交爭。轉爲深害。須未發兩時之前。或發日清晨與服。仍節飲食。避風寒。遠酒色。慎起居。無不愈。

金匱翼云。瘡發時。雖大熱大渴。必以淡生薑湯。適寒溫飲之。若恣飲冷水瓜菓。脾胃轉傷。邪氣不達。綿延難愈。

古今驗方選

散邪湯 醫鑑方 治風瘡初起。

川芎 白芷 麻黃 白芍藥 防風 荊芥 紫蘇葉

羌活 甘草

右入薑葱白煎。露一宿。早晨溫服。

辛散太陽法 時病論方 治風瘡寒少熱多。頭痛自汗。

桂枝 羌活 防風 甘草 前胡 淡豆豉

加薑棗煎服。

草果飲 直指方 治寒瘡。

草果 白芷 良薑 青皮 川芎 紫蘇葉 甘草

果附湯 入門方 治脾寒瘡疾。面青振寒。

急性傳染病 瘡疾

草果 附子

右入薑棗煎服。

柴胡桂薑湯 外臺方 治瘧寒多微有熱。或但寒不熱。服一劑如神。

柴胡 桂枝 乾薑 甘草 栝蔞根 黃芩 牡蠣

交解湯 局方 治寒瘧神效。

肉豆蔻 草豆蔻 厚朴 甘草 生薑

右加棗梅。水煎空心溫服。

二陳湯 局方 治胃中寒溼痰濁等證。

半夏 陳皮 茯苓 甘草

小柴胡湯 方見濕溫門

白虎加桂枝湯 金匱方 治溫瘧者。其脈如平。身無寒。但熱。骨節煩痛。時嘔。此湯主之。

石膏 知母 甘草 粳米 桂枝

蜀漆散 金匱方 治瘧多寒者。名曰牡瘧。此散主之。

蜀漆 雲母 龍骨

牡蠣湯 外臺方 治牡瘡。

牡蠣 麻黃 甘草 蜀漆

補中益氣湯 李東垣方 治氣虛氣少。氣高氣喘。內傷勞倦。陰虛發熱。頭痛口渴。表熱自汗。畏風惡寒。體倦語懈。食少無味。心煩脈大。及勞瘡等證。

黃耆 白朮 陳皮 升麻 柴胡 人參 甘草
當歸身

加薑棗煎。

玉樞丹（即紫金錠）祛瘀辟穢。

麝香 硃砂 雄黃 大戟 千金子 五倍子 山慈姑
研末為錠。每服輕者五分。重者一錢。涼開水調下。孕婦忌之。又不可與甘草藥同進也。

白虎湯傷寒論方治傷寒陽明症。不惡寒。反惡熱。汗出煩躁。口渴欲飲水。脈洪大者。亦治瘧瘧。

急性傳染病 瘧疾

石膏 知母 粳米 甘草

宣透膜原法時病論方治溼瘧寒甚熱微。身痛有汗。肢重腕懣。

厚朴 檳榔 草果仁 黃芩 粉甘草 藿香葉 半夏

加生薑三片為引。

柴胡芎歸湯回春方治夜間陰瘧。引出陽分則散。

柴胡 川芎 當歸 芍藥 人參 桔梗 白朮

乾葛 茯苓 陳皮 厚朴 紅花 甘草

加薑棗烏梅煎。

備急竹葉常山湯金匱翼方治瘧瘧及溫瘧。

常山 淡竹葉 小麥

四獸飲簡易方治瘧病胃虛。中挾痰食。

人參 白朮 陳皮 茯苓 炙甘草 半夏 草菓

烏梅

加薑棗煎。

除濕湯 肘後方 治溼瘡。

半夏 厚朴 蒼朮 白朮 藿香 橘紅 白茯苓

甘草

右加薑棗。水煎。食前溫服。

人參養胃湯 局方

白茯苓 人參 草豆蔻 甘草 陳皮 厚朴 蒼朮

半夏 藿香

加生薑烏梅煎。

平陳湯 入門方 治食瘡。

蒼朮 半夏 厚朴 陳皮 赤茯苓 甘草

右加薑棗煎。

清脾飲 入門方 治食瘡。

急性傳染病 瘧疾

柴胡 半夏 黃芩 草果 白朮 赤茯苓 厚朴

青皮 甘草

加薑棗水煎服。

小清脾湯 得效方 治胃瘧。

厚朴 烏梅肉 半夏 青皮 良薑 草果 甘草

加薑棗煎。

營衛雙調法 時病論方 治灑寒烘熱脈濡且弱虛瘧勞瘧並宜。

桂枝 黃耆皮 當歸身 白芍 西潞參 甘草

加生薑紅棗煎服。

柴胡去半夏加栝蒌根湯 外臺方 治瘧病發渴及勞瘧。

柴胡 黃芩 栝蒌根 人參 甘草 生薑 大棗

芎歸鼈甲散 直指方 治勞瘧寒熱。

當歸 川芎 芍藥 青皮 陳皮 茯苓 半夏

鼈甲

加薑棗煎。

驅邪辟崇法時病論方治鬼瘧寒熱日作多生恐怖脈來乍大乍小。

龍骨 茯苓 茅蒼朮 廣木香 柏子仁 石菖蒲

加桃葉七片為引。

達原飲醫通方見溼溫門治時疫邪氣初犯募原及疫瘧壯熱多汗而渴。

五瘟丹沈氏尊生方治疫瘧。

黃連 黃柏 黃芩 甘草 香附 紫蘇葉

右皆生用。冬至日製。研為末。用錦紋大黃熬成膏為丸。如彈子大。硃砂雄黃為衣。再

貼金箔。每服一丸。井華水磨下。

不換金正氣散局方

蒼朮 橘皮 半夏 厚朴 藿香 甘草

清水二鍾。入生薑紅棗。煎至一鍾。去滓。食前稍熱服。忌食生冷油膩等物。

急性傳染病 瘧疾

神尤散 太無方 治感山嵐瘴氣。憎寒壯熱。一身盡痛。頭面腫大。瘡瘡時毒。

藿香 石菖蒲 蒼朮 厚朴 陳皮 甘草

宣竅導痰法時病論方 治風邪中藏中府。及瘡發昏厥等證。

遠志 石菖蒲 天竺黃 栝蒌實 白殭蠶 皂角炭

芳香化濁法時病論方 治五月霉濕。并治穢濁之氣。

藿香葉 佩蘭葉 陳廣皮 製半夏 大腹皮 厚朴

加鮮荷葉三錢為引。

柴胡湯 入門方 治痰瘡。

柴胡 半夏 人參 黃芩 陳皮 赤苓 甘草

生薑 大棗

露薑飲 得效方 治痰瘡。

生薑四兩。連皮搗爛。止取自然汁。約明當發。隔夜安排。將紗片蓋露一宿。五更初。澄

者飲之。或有痰吐。任之即安。

鼈甲煎丸 金匱方 治瘡母。

鼈甲	烏扇	黃芩	柴胡	鼠婦	乾薑	大黃
芍藥	桂枝	葶藶	石葦	厚朴	牡丹	瞿麥
紫威	半夏	人參	蠶蟲	阿膠	蜂窠	赤消
蜣螂	桃仁					

右二十三味。爲末。取鍛灶下灰一斗。清酒一斛五斗。浸灰。候酒盡一半。著鼈甲於中。煮令泛爛如膠漆。絞取汁。內諸藥。煎爲丸。如梧子大。空心服七丸。日三服。

化癥回生丹 溫病條辨方 治瘡母左脇痛而寒熱者。

人參	安南桂	兩頭尖	麝香	片子薑黃	公丁香	川椒炭
蟲蟲	京三稜	蒲黃炭	藏紅花	蘇木	桃仁	蘇子霜
五靈脂	降真香	乾漆	當歸尾	沒藥	白芍	杏仁
香附	吳茱萸	延胡	水蛭	阿魏	川芎	乳香
小茴香炭	良薑	艾炭	益母草	熟地黃	鼈甲膠	大黃

急性傳染病 瘧疾

共研細末。以鼈甲益母大黃三膠和勻。再加煉蜜爲丸。重一錢五分。蠟皮封護。用時溫開水和。空心服。瘵甚之證。黃酒下。

瘧母丸證治準繩方 治瘧痞結於左脇硬痛者。

鼈甲 青皮 神麩 桃仁 麥芽 三稜 蓬莪朮

海粉 香附 紅花

共研末。神麩糊爲丸。如梧子大。每服七八十丸。空腹時熟湯或淡薑湯送下。

清中驅瘧飲六要方 治瘧初起。胸膈飽悶。

半夏 橘紅 柴胡 黃芩 檳榔 草果 山查

青皮 厚朴 蒼朮

加薑棗煎。

何人飲景岳方 截瘧如神。凡氣血俱虛。久瘧不止。可服。

何首烏 人參 當歸 陳皮 煨生薑 大棗

常山飲局方 治瘧久不止者。用此截之。

常山 檳榔 知母 草果 烏梅 貝母

加薑棗半酒半水煎服。

外治方錄漢法醫典 無論每日瘡。間日瘡。三日瘡。均可貼之。

硃砂 斑貓 雄黃 麻黃

右藥研末。和入膏藥。貼在項後第三骨節。(此名肺俞穴)但須發作前二、三點鐘貼之。即能截止。

單方

鼠婦 主寒熱瘡取三枚研和溫酒服小兒尤良(本草)

白葵花 主瘰癧取花陰乾搗爲末酒調服一錢(本草)

烏梅 主熱瘡煩渴羹湯飲之(本草)

虎頭骨 治溫瘡酥炙黃爲末溫酒下二錢又取肉煮食之取皮覆身上(本草)

狸糞 主鬼瘡燒灰和酒服又煮肉食之又頭骨亦主瘡用如虎骨法(本草)

狐肉 主寒熱瘡取五藏及腸治如食法和五味煮食之良(本草)

燕屎 治瘡疾取尿二錢和酒一升盛碗中令病人於發日朝兩手捧碗當鼻下熏氣妙(本草)

夜明砂 蝙蝠屎也治五瘡搗爲末每取一錢冷茶調下立效(本草)

急性傳染病 瘡疾

小蒜 治瘧取蒜研極爛和黃丹作丸梧子大每
七九桃柳枝煎湯吞下名脾寒丹(類聚)

茵陳 治瘧瘧煎服之又煮羹
作齏並可食之(本草)

麻黃 治溫瘧無汗煎湯
服發汗差(本草)

半夏 治痰瘧取一兩煎湯
和姜汁服之(本草)

蛇蛻 主瘧當發日取皮塞兩耳
又手持少許良(本草)

蜈蚣 主溫瘧瘧瘧灸為末調
溫酒服半錢(本草)

牛膝 治老瘧久不愈取肥大牛膝一握
剉酒水和半煎服三劑差(本草)

葛根 療瘧取一兩煎
湯服之(本草)

知母 主熱瘧煎湯服
之良(本草)

松蘿 療溫瘧煎湯服可
為吐痰(本草)

鼈甲 主溫瘧老瘧取甲炙為末每一錢
溫酒調下連三服無不斷(本草)

宗景按。寒熱發作有定時者為瘧疾。其證或先寒後熱。或先熱後寒。或熱多寒少。或寒多
熱微。淺者每日一發。深者間日一發。極深者三日發也。舊說謂瘧疾不專在少陽。而實以
少陽為主。蓋少陽位居半表半裏之間。瘧邪外併於太陽則惡寒。內併於陽明則身熱。陰
盛者寒多熱少。陽盛者熱多寒少。風者陽邪也。先傷於風。後傷於寒。故先熱而後寒。寒者。

陰邪也。先傷於寒。後傷於風。故先寒而後熱亦有。但熱不寒者。則因陰氣先傷。陽氣獨發也。由上而言。中醫之學說。縹緲虛無。殊欠真理之根據。實令人讀之而欲睡。其論致病之原。以爲痰濕。雖非全由於此。但臨床實驗上。於治瘧對證方中。參以化痰燥濕之法。（古方治瘧。十九治痰。）往往效如桴鼓。此事實之不可誣也。然就瘧疾之原理。當採西說之所長。考諸西醫書中。西曆千八百八十年。有法國軍醫 Laveran 氏。在 Constantan 地方於一瘧疾患者之血液內。發見瘧疾孢子虫。當時學者尙多非難。嗣經 Richard 氏等證實 Laveran 氏之發見。於是醫家始認定此虫爲瘧之病原。其傳染之徑路。據 Ross 氏研究之報告。謂由一種 *anopheles* 蚊介入人體。當其在血中分裂繁殖時。則見瘧疾寒熱之證狀。其所以發熱之原理。主張雖不一致。要不離乎中孢子虫之毒而已。且孢子虫之種類不同。故成熟期間。亦有短長。長者每三日由成熟而分裂一次。其次則隔日一次。短者則每日一次。因身體上被害之血球。成熟分裂而起變化。故患者有每日熱隔日熱三日熱之分。同時因受瘧虫新陳代謝產物之作用。而血球破壞。乃起溶血性貧血。Ross 氏謂一瘧虫。可以破壞二十五個赤血球。是以瘧疾患者之貧血症狀。必不能

免。此西說瘧疾之大略也。惟西醫尙於理論。治病專事殺菌。而結果往往不良。中醫理論模糊。治病不知殺菌。但能對證用藥。而屢獲奇效。病菌亦無形消滅。其實中醫所用之藥。亦含有間接殺菌之效力。第近今科學。尙非全盛時代。誠有待於研究耳。愚意整理中醫理論。當取西說。治法當從中醫。必如是。則研究醫學。庶有發揮而光大之一日也。

鼠疫

略史 鼠疫新篇云。鼠疫西名(Pest)日本譯其音爲百斯篤。其疫之發源地爲印度。繼傳及歐洲。至前清乾隆間。傳至中國。因此疫以鼠爲媒介。故名鼠疫。同光之交。雲南鼠疫大作。斯時西人始知此疫。卽百斯篤。回匪亂時。流行尤盛。漸延至東京灣北海各地。光緒九年。愈傳愈廣。各處咸遭波及。光緒二十年。廣東省垣。鼠疫發生。頗爲猛烈。其死亡達至六萬之譜。由香港而汕頭。而廈門。而福州。勢若燎原。嗣後香港無歲不有。旋復延及台灣。然此僅及熱帶地方耳。至光緒二十五年。牛莊曾有鼠疫發生。宣統季世。滿州暨東三省寒帶之區。亦有是疫。民國紀元。上海城廂內外。亦有鼠疫流行。民國七年山西發生此疫。甚爲猛烈。幸防禦有方。未至蔓延。現在寒帶各地。雖漸減稀。而福州泉州平潭各處。仍跋扈非常。至今不絕。民

國十年。平潭東區一帶。此疫大發。甚至滅門之禍。推其原因。實由平潭蕞爾小邑。偏居海隅。濕氣較厚。毒氣綿綿不絕。加之人民愚蠢。不知衛生。以是每年皆有。而不能撲滅。靜言思之。真令人毛骨悚然也。

原因 鼠疫新篇云。鼠疫之病。世人皆知死鼠之毒菌傳染而成。所以有預防驅鼠之衛生。冀可消滅其災。不知預防愈嚴。死鼠日多。而人之患鼠疫者。亦日甚一日。推究其原。實由于醫家未能研究毒菌發生之底蘊。以致無最良之結果。查北帶地質凜冽。天氣乾燥。疫癘之氣稀少。故患此症者。比南帶爲少。南帶地質多熱。濕氣濃厚。蘊蘊之毒。氤氳不絕。致地中生有一種黑蟻。此蟻體中本有毒菌之自生性。棲巢於地窖內。食子亦毒蟲爲養生。得熱氣之感。而生殖日甚。蔓延劇烈。最爲人害。鼠兔善營窟穴。寄居於地下。與蟻最親密。故其毒先直接傳於鼠兔之血管。毒發身亡。其菌飛揚四佈。遂傳於人。或不由鼠之間接。乃由蟻之直接傳染者。間亦有之。夫黑蟻雖與黃蟻不同種。而其附羶之性無異。遇有葷腥食物。彼則羣聚咀嚙。其毒遂沾於食物體上。人若食之。卽傳其毒。西醫云。鼠疫爲鼠之蚤所傳。其實鼠疫之病。非專由於鼠。世人只知預防死鼠。獨不思黑蟻之菌。卽鼠疫之毒苗。往往置之膜外。不加

講求。所以鼠瘟日甚也。

症狀 鼠疫新篇云。感受毒菌之後。先潛伏於肺之膜原。及脈絡中。至二三日。或七日以後。所發之證狀不一。有先惡寒有不惡寒者。有既熱之後。卽不惡寒。有先核而後發熱者。有先熱而後核者。有熱核同見者。有見核不見熱者。有見熱不見核者。有汗有不汗者。有渴有不渴者。皆無不頭痛。四肢痠痺。痞滿腹痛。其兼見者。瘡、斑、疹、衄、咯、吐。甚至煩躁懊懣。昏憤譫語。痞滿腹痛。便結旁流。舌焦起刺。鼻黑如煤。目瞑耳聾。骨痠足腫。舌烈唇烈。脈厥體厥。**脈法** 中國急性傳染病學云……惟鼠疫身雖發熱。而脈則或沉或伏。或微細。或代止。或緊急而亂。不但微細。且兼遲象。

經過及預後

一、初起一日。陡見身熱如烘。神亂目吊。手足厥痺。湯藥不納。毒核刺痛而不自知者。是毒氣直中于手少陰厥陰也。有朝發夕斃之危。預後不良。

二、先中熱毒。潛伏血管。再遇房勞。腎氣虛損。熱毒乘腎虛而內陷。少陰之君火熾甚。少陰之真水枯涸。外見腰痛腹熱。舌黑如鯨。遺尿喘滿。神色不清者。此屬危證。經過二日。卽斃。預

後不良。

三、勞倦過度。腦神過傷之人。心肺已先受損。復中毒氣。毒發於肺胃。即夾斑帶疹。毒伏於心臟。即心志錯亂。口吐粉紅血。此症即是鼠瘟并血瘟也。有朝發夕死。預後不良。

四、或核在胯下。惡寒刺痛。病者疑是便毒。服鮮草藥和酒。酒性猛烈。熱毒鼓動。煥發周身。血痺筋敗。遂傳入厥陰。厥陰之火猖獗。陽明之熱內結。二三日後。即見直視抬肩。循衣撮空。等等危象。預後不良。

五、初起身輕。無大熱痺痛。口不渴者。是最輕之症。照法服藥。過一星期。即可治愈。預後良。

六、素體強健。抵抗毒素之力富足。兼以感毒甚淺。身輕不怠。服藥後大汗淋漓者。是毒氣由汗已除。預後良。

七、毒核發在胯下。一二日即見高腫易潰。核不甚痛。身無大熱者。預後良。（節錄鼠疫新篇）
診斷 一、初病昏迷一時令病症。必二三日後。方有讖語搖擲及熱深厥甚昏厥等候。惟鼠疫一得病。即人事昏迷。或多沉睡。或夜寐發驚。或讖語如狂。或目珠忽然不順。或面白如紙。或面黑如炭。總有昏昏沉沉氣象。且雜症發熱輕而緩。鼠疫發熱重而急。此可以意會而

得者。尤可異也。人雖昏迷。遇清醒時。又極清醒。令人難以摸捉。與他症發熱漸漸而來。實有分別。

「二、察看身體」凡鼠疫朝病暮死。不及延醫。尙可委之於命。至於三日五日可死者。在核未發時。不誤作他病。未嘗無法調治。中醫治病。半憑診脈問證。手足胸腹。未曾驗看。不免簡陋。凡鼠疫症。核雖未起。亦藏於皮肉之內。凡察看發熱證候。心有疑難者。必將其兩脇胸腹。及手罅足罅。用力按之。間有生頸上者。不按不知。若有長扁形式。隱在皮肉內者。約一二日。卽行將核發出。累試不爽。至其辨別之法。核之發現處。如頸部、脈部、胯部、大膊、大腿等處。未發現核之前。則其處必輒。周身之熱更甚。此之謂局所更熱。傷寒表熱甚。腹內不甚熱。且無胸悶欲嘔之症。見於未發寒熱之前。雖伏邪溫熱。由裏達表。亦無局所更熱之別。似宜以胸悶、頭暈、咽阻。爲報信之使。惡寒內熱。夜熱氣粗。爲第二辨別。局所之特別熱。爲第三鉄證。（節錄中國急性傳染病學）

治法 中國急性傳染病學云。初期在氣分。身發熱咽喉腫痛。咽乾舌燥。脈微神昏者。用辟穢驅毒飲。或用清芳辟疫湯。送下解毒萬病丹。無寒熱無汗者。參用麻杏甘石湯法。如協熱

下利。熱結旁流。或痞滿腹痛。大便秘結者。參用承氣湯法。二期口渴喉痛。腺腫漸大。胸悶氣喘。吐血嘔血。身發斑疹者。用清瘟敗毒飲。加牛蒡、大青葉、杏仁、枳殼。喘不得臥者。參用葶藶大棗瀉肺湯法。腹痛腸腫者。參用大黃牡丹皮湯法。若竹葉石膏湯及麥門冬湯。皆可供清熱生津輔助之用。三期神糊氣喘。面赤如醉。用葶藶湯送下紫雪丹一錢。或牛黃膏一錢。在血分。壯熱神迷。形如尸厥。面青肢厥。身發青紫色癍。痛如被杖。唇紫舌燥。用加減血府逐瘀湯。如腺腫紫赤。灼熱。疔瘡斑疹者。用加味解毒活血湯。如腺體腫大。疼痛劇烈者。用王孟英治結核方。合神犀丹。外用經驗塗核散。

預防 鼠疫新篇云。熱毒之氣。先由口鼻而入肺胃之靜脈管。旋即傳於血管。以達於心臟。由心臟幹旋周身。熱毒閉塞。瘀血苑結。釀成惡核。夫毒氣之發生。如火燎原。若不早爲預防。未有不措手不及之慮。然欲預防此症者。當推究毒菌之來源。生病之原因。然後卽有善良之結果也。不然。只顧目前之衛生。不從根本上之研究。猶芟草之不除根。豈不滋蔓難圖乎。年來苦心研究。經歷所得。深知黑蟻之滋毒。能生一種毒核桿菌。此菌卽爲製造鼠疫之原料。故當先除黑蟻。庶爲上法。此蟻多在於牆隙地坑之隱處。卑濕穢濁之暗地。而無空氣者。

若使空氣之常吹。光線之常射。則濕氣消滅。毒蟻不生矣。至于空隙之處。宜用石灰粉摻之。蒼朮硫黃雄黃薰之。以除濁氣。房舍多開窗牖。俾空氣流通。窗前多栽草木。使養氣通入房內。房內之炭氣吸於草木。庶新鮮之養氣。得以養吾人之身體矣。蓋毒蟻受汗氣以發育。吸垃圾爲養生。如養氣多。炭氣少。則黑蟻之生活必不繁盛矣。吾人如遇有蟻蟲擁附之食物。腐敗之肉類。屏棄不食。眠床榻棹之下。掃除清潔。寢具衣服器皿等日用品。時時曝諸日光。以防黑蟻及毒鼠來往之有遺留毒蹟者。

鼠與蟻有親密之聯絡。其毒菌先傳於鼠。鼠傳於人。故鼠爲傳染鼠疫最易而最可怖之物。平時卽宜嚴行捕鼠。設遇鼠疫流行時。必先浸及鼠族。是以屋內若死鼠時。速用火鉗。鉗而燒之。以石灰粉摻於死鼠之處。並用石炭酸水施行消毒。

畜兔者。宜於礦野及草地。茹以草根。家中暗濕之處。實非所宜。是恐兔與蟻連接。必至傳染毒菌。毒菌潛伏兔之體內。人若誤食之。卽中毒而發鼠疫。豈可不謹慎預防哉。

古今驗方選

辟穢逐毒飲辨症求真方

西牛黃 人中黃 石菖蒲 忍冬蕊 野鬱金 靛葉

麻杏甘石湯傷寒論方

麻黃 杏仁 生草 生石膏

調胃承氣湯傷寒論方

大黃 甘草 芒硝

清瘟敗毒散余師愚方

生石膏 酒黃芩 粉丹皮 苦桔梗 眞犀角 赤芍藥 小生地

肥知母 炒山梔 青連翹 炒川連 玄參 生甘草 鮮竹葉

葶藶大棗瀉肺湯 金匱方

苦葶藶 大棗

大黃牡丹皮湯 金匱方

生大黃 粉丹皮 桃仁 冬瓜仁 芒硝

竹葉石膏湯傷寒論方

急性傳染病 鼠疫

急性傳染病 鼠疫

五〇

竹葉 石膏 半夏 麥門冬 人參 甘草 粳米

方中去竹葉石膏即麥門冬湯

葦莖湯 千金方

葦莖 苡仁 桃仁 冬瓜仁

紫雪丹 局方

滑石 寒水石 芒硝 元參 石膏 青木香 磁石

焰硝 升麻 公丁香 沉香 炙草 辰砂 麝香

犀角 羚羊角

製法 先煎滑石、石膏、寒水石、磁石、犀角、羚羊角。濃煎去渣。再入木香、沉香、丁香、升

麻、元參、甘草等。與前藥汁和勻。再煎最濃之汁。去渣。入朴硝焰硝粉末。微火煎。不住

手用柳木攪勻。候汁要凝。再入後藥。辰砂、麝香。和勻合成。退火氣。溫水調服一二錢。

最少者。須服三五分。

王孟英治結核方

銀花 蒲公英 皂角刺 甘草節

嘔者去甘草。加竹茹。大便秘加大黃。身熱甚加生石膏。送服神犀丹一片。核不消用藏紅花。煎湯送服真熊胆。若白泡疔去皂刺。加白菊花。兼黑痘用神犀丹。解毒萬病丹間服。

神犀丹溫熱論方

犀角尖 條芩 銀花 元參 石菖蒲 大生地 連翹
花粉 紫草 淡豆豉 金汁

右藥各先晒研末。忌用火炒。用瑩白金汁。蒸豆豉生地。搗成膏。和藥末為片。每片重三錢。每用一片。溫開水化服。日服二次。小兒減半。如無金汁。人中黃四錢亦可。

經驗塗核散鼠疫約編方

辰砂 明雄黃 紫花地丁 生大黃 冰片 蟾酥 山慈姑
番木鱉

右藥各研細末。貯瓷瓶內。蠟封。每用一兩。如意油調敷。鄭肖岩云。凡小兒不能服藥。

於結核四面。先以輕針微刺。再塗此藥。功效甚佳妙。

鼠疫驗方鼠疫約編方

大青葉 青黛 黃芩 花粉 紫草 連翹 忍冬藤

炒山梔 人中黃

鼠疫毒核消毒散

銀花 連翹 玄參 桔梗 殭蠶 板藍根 生草

馬勃 牛蒡 射干 薄荷 蘆根

應驗疫證方鼠疫約編方

紫花地丁 甘草節 浙貝 生大黃 山甲片 紫背天葵 忍冬藤

牙皂 絲瓜絡 藏紅花 熊胆 白菊花

經驗化核散鼠疫約編方

山慈姑 真青黛 生黃柏 浙貝母 赤小豆

共研末香油調敷。

善消鼠疫結核方朱鉢文傳方

生大黃 生草 生牡蠣 瓜蒌仁 青連翹

經驗敷核方彙編方

蒲公英 柏樹葉 浮萍 雄黃 大梅片

共研末和勻。白蜜和敷。或用梅花點舌丹。調旱烟膏敷之。

清熱辟疫湯周氏驗方

鮮菖蒲 淨芒硝 山慈姑 人中黃 大黃 續隨子 生石膏

車前子 細木通 犀角尖

另加萊菔汁八兩。西黃五分。麝香五厘。分二次或三四次沖服。

清芳辟疫湯加味（錄中國急性傳染病學原方見洄溪醫案）

鮮蘆根 鮮茅根 鮮薄荷 鮮青蒿 佩蘭葉 石菖蒲 鮮桑葉

杭菊花 萊菔汁

水煎溫服。送下解毒萬病丹一錢。

急性傳染病 鼠疫

解毒萬病丹方載蘭台軌範

雄黃精 山慈姑 川文蛤 千金霜 紅芽大戟 當門子 飛辰砂

右七味各研細末。米粥爲丸。每丸約重一錢。

牛黃膏

劉河間傷寒六書方加減

(錄中國急性傳染病學)

西牛黃 廣鬱金 梅片 辰砂 丹皮 黃連

共研細末。每服二分。調成膏服之。每隔一小時服一次。

血府逐瘀湯

遇安齋證治叢錄方加減

(錄中國急性傳染病學)

青蒿 桃仁 赤芍 生草 大黃 紫花地丁 王不留行

丹皮 小薊 鮮藍根 紫背天葵(蟬退) 皂角刺 殭蠶

滑石粉) 先煎代水

加味解毒活血湯鼠疫約編方

桃仁泥 川紅花 當歸尾 赤芍 銀花 連翹 丹皮

生草 玄參 小生地

宗景按。鼠疫亦稱黑死病。蓋以患是病者。死後屍體。瘀血積聚。現青黑斑點故也。西醫謂其原因。由於鼠疫菌侵入人體之淋巴核或血液中。分裂繁殖。勢甚猖獗。若蔓延全身。兩三週內。足致斃命。近人李健頤君。對於此病。頗有研究。所著鼠疫新篇一書。推究鼠疫菌爲傳染媒介之外。發明黑蟻爲直接傳染之毒苗。殊有至理。西醫關於本病之治法。所最通行者。厥惟注射鼠疫血清。及以昇汞注入血管中。危篤之時。則與以毛地黃白蘭地酒等強心興奮之劑。其他亦無良法。我國醫學。注重對證用藥。有是證則用是藥。病之名稱。可以置之不問。且病症千萬。而湯方有限。以有限之湯方。應付無限之病症。勢必至於窮。是以有時某方與某症相合者。則以原方治之。有其症而無主治之方。則擇其方意相近者加減之。所謂活法在人。變化無盡。此卽東洞翁之遺旨也。鼠疫既係血分毒盛。則余師愚之清瘟敗毒散。王孟英之神犀丹。吳鞠通之化斑湯。皆可隨證採用。且方中犀角一藥。能使減弱之心臟。轉爲強盛。其浸出液。注射靜脈內。能使白血球減少。且具有解毒作用。凡瘡腫化膿。血分有熱毒者。用之更宜。感染鼠疫之病人。檢其血液。則見血球增多。白血球尤多。推其致死之由。一則因於熱毒過盛。一則因於心臟衰弱。犀角既有如斯之效。較

彼西醫毛地黃白蘭地酒等藥。大有天淵之別。讀者至此。必以爲白血球有吞食細菌之能力。本病患者之白血球增多。其抵抗力必愈大。乃祛病之佳兆。今反以犀角減少其白血球。豈非自取其禍乎。曰。是又不然也。夫白血球增多。乃病毒猖獗時。人體產生抵抗力之病理現象。正如國家遇有外患。所有海陸空軍。悉出而致力。以期戰勝敵國。其實人民受此驚擾。社會上已不安甯。若政府實力充足。將士效命。敵人退服。國家昇平。則兵氣銷爲日月光矣。服犀角後。能使減弱之心臟。轉爲強盛。即充足政府之實力也。其減少白血球者。乃因犀角祛除病毒後。身體上由病理現象。恢復生理之現象。亦即敵退兵銷之意也。準是以觀。則讀者之疑團。當可渙然冰釋已。

霍亂

釋名 巢氏病源云。名曰霍亂者。言其病揮霍之間。便致繚亂也。

類別 本病有乾溼二種。吐利不得。謂之乾霍亂。（俗名絞腸痧）上吐下瀉。謂之溼霍亂。

原因 巢氏病源云。霍亂者。由人溫涼不調。陰陽清濁二氣有相干亂之時。其亂在於腸胃之間者。因遇飲食而變。……亦有飲酒食肉腥膾生冷過度。因居處不節。或露臥濕地。或當

風取涼。而風冷之氣歸於三焦。傳於脾胃。脾胃得冷則不磨。不磨則水穀不消化。亦令清濁二氣相干。脾胃虛弱則吐利。水穀不消則心腹脹滿。皆成霍亂。

又云。乾霍亂者。是冷氣搏於腸胃。致飲食不消。……其腸胃先挾實。故不吐利。

千金方云。原夫霍亂之爲病也。皆因飲食。非關鬼神。夫飽食臃膾。復食乳酪。海陸百品。無所不噉。眠臥冷席。多飲寒漿。胃中諸食。結而不消。陰陽二氣。擁而反戾。陽氣欲升。陰氣欲降。陰陽乖隔。變成吐利。頭痛如破。百節如解。遍體諸筋。皆爲回轉。論時雖小。卒病之中。最爲可畏。雖臨深履危。不足以諭之也。

症狀 巢氏病源云。霍亂者。……發則心腹絞痛。其有先心痛者則先吐。先腹痛者則先利。心腹並痛者。則吐利俱發。挾風而實者。身發熱。頭疼體痛而復吐利。虛者但吐利。心腹刺痛而已。

又云。乾霍亂者。……但腹滿煩亂。絞痛短氣。

得效方云。乾霍亂者。忽然心腹脹滿刺痛。狀若神靈所附。吐利不得。頃刻之間。便致悶絕。**脈法** 巢氏病源云。診其脈來代者霍亂。又脈代而絕者。亦霍亂也。霍亂脈大可治。微細不

可治。霍亂吐下脈微遲。氣息劣。口不欲言者。不可治。

張氏醫通云。脈伏或微澀者。霍亂。脈長爲陽明本病。霍亂脈洪大吉。虛微遲細兼喘者凶。

治法彙云。吐瀉脈代。乃是順候。氣口脈弦滑。乃膈間有宿食。……凡吐瀉脈見促結代。或隱伏。或洪大。皆不可斷以爲死。果脈來微細欲絕。少氣不語。舌卷囊縮者。方爲不治。

脈訣云。滑數爲嘔。代者霍亂。微滑者生。澀數凶斷。

經過 本病死亡多在二三日以內。爲急性傳染病中之極急性病。若乾霍亂。其死尤速。不過數小時。

診斷 極易。但有真性假性之別耳。大概真性者。吐瀉暴作。腹不甚痛。指螺皆癢。目眶黑陷。頃刻之間。危象畢露。假性者。腹痛甚劇。如普通傷食之狀。此外如中巴豆藜蘆等毒。亦能發霍亂症狀。於鑑別診斷上。雖屬困難。然徵諸既往症。亦不難辨別。

治法 醫徹云。霍亂之候。其來暴疾。腹中疝痛。擾亂不安。有吐瀉交作。有吐而不瀉。瀉而不吐。有不得吐而又不得瀉。則邪有上下淺深之分。而總以得吐爲愈。邪有入必有出。鹽湯探吐。上妙法門。然後調其胃氣可也。蓋霍亂每傷於胃。雖風寒暑濕四氣相乘。而中必先虛。故

邪入焉。至飲食失和。穢邪觸感者尤多。胃氣一傷。清濁相干。邪不去則正不安。所以攻邪尤要於扶正也。卽至肢冷脈伏。轉筋聲啞。亦必驅邪自盡。蓋邪去則正安。非比他證養正而邪自除也。所以當其發時。不可米飲。先哲諄諄戒之。豈無謂哉。觀於乾霍亂上不得吐。下不得瀉。亦因邪不能出。所以爲劇。治者亦可思其故矣。

治法彙云。乾霍亂急宜探吐。得吐方可。不吐則死。法曰。既有其入。必有其出。今有其入。而不得其出者。否塞也。多死。得吐後方可理氣和中。隨證調治。

豫後 明理云。溼霍亂死者少。蓋吐利則所傷之物得以泄出。雖甚重。胃中水穀泄盡則止矣。所以死者少也。乾霍亂死者多。以其上不得吐。下不得利。則所傷之物。不得出泄。壅閉正氣。隔絕陰陽。煩擾悶躁。喘脹而死矣。

死候 張氏醫通云。霍亂之後。陽氣已脫。或遺溺不知。或氣怯不語。或膏汗如珠。或躁欲入水。或四肢不收。舌卷囊縮。皆爲死候。

禁忌 千金云。凡諸霍亂。忌與米飲。胃中得米。卽吐不止。綱目云。霍亂吐瀉時。慎勿與粟米粥湯。入胃必死矣。

古今驗方選

五苓散傷寒論方治霍亂。頭痛發熱。身疼痛。熱多欲飲水者。

朮 茯苓 猪苓 澤瀉 桂

右五味爲末。以白飲和服方寸匕。日三。多飲煖水。汗出愈。

理中湯傷寒論方治霍亂寒多不用水者。

人參 乾薑 炙草 白朮

四逆湯傷寒論方治霍亂既吐且利。小便復利。而大汗出。下利清穀。內寒外熱。脈微欲絕者。

乾薑 附子 炙草

附子粳米湯 金匱方治中寒霍亂。肢冷腹痛。吐少嘔多者。

附子 半夏 炙草 大棗 粳米

通脈四逆加猪胆汁湯傷寒論方治霍亂吐已下斷。汗出而厥。四肢拘急不解。脈微欲絕者。

炙草 乾薑 附子 猪胆汁

四逆加人參湯傷寒論方治惡寒脈微而復利。利止亡血也。此方主之。

炙草 生附子 乾薑 人參

半夏瀉心湯 千金方 治老少下利。水穀不消。腸中雷鳴。心下痞滿。乾嘔不安。煮法後云。并治霍亂。

半夏 黃連 黃芩 乾薑 炙草 人參 大棗

藿香正氣散 局方 治溼蘊於中。寒襲其外。而霍亂吐瀉者。

厚朴 陳皮 桔梗 白朮 半夏 大腹皮 白芷

茯苓 蘇葉 藿香 炙草

右十一味。爲粗末。每三錢。薑三片。棗一枚。煎服。

三聖丹 治寒溼爲病。諸痧腹痛。霍亂吐瀉。

木香 明雄黃 明礬

共研細末。以鮮荷葉橘葉藿香葉各二兩。搗汁丸。綠豆大。每服九分。重者再服。

蟾酥丸 治暑月貪涼飲冷。食物不慎。兼吸穢惡。成痧脹腹痛。或霍亂吐瀉。

杜蟾酥 硃砂 明雄黃 茅山蒼朮 丁香 牙皂 當門子

七味各研極細。蟾酥打丸。鳳仙子大。辰砂爲衣。放舌底化下。重者二三丸。洄溪云。此祕方也。

又方治同上

杜蟾酥 明雄黃 丁香 木香 沉香 茅山蒼朮 硃砂

當門子 西牛黃

九味各研極細。擇上吉日淨室中合研勻。同蟾酥加糯米糝尖五箇。搗千餘下。丸如椒子大。曬乾盛於瓷碗內。再用硃砂一錢五分。燒酒調塗碗內蓋好。用力搖一二千下。則光亮矣。密收瓷餅內。每服三粒。輕者一粒。重則五粒。泉水下。

香薷飲 局方治暑月乘涼飲冷。陽氣爲陰邪所遏。頭痛發熱。惡寒煩躁。口渴腹滿之霍亂。

香薷 厚樸 白扁豆

黃連香薷飲 活人方治同上

原方加薑汁炒黃連。

左金丸 治霍亂轉筋。肝火內熾。或吐青綠苦水者。

川連 吳茱萸

右二味。同煮乾為細末。米飲糊丸。綠豆大。每三錢。陳木瓜五錢煎湯下。吐酸味者。竹茹生苡仁各三錢。煎湯下。

桂苓甘露飲河間方治暑熱挾濕之霍亂。

桂去皮 白朮 猪苓 茯苓 澤瀉 寒水石 石膏

炙草 滑石

右九味為末。每三錢。溫水或新汲水。或生薑湯。量證調下。

胃苓湯準繩方治脾胃受溼。飲食停積。霍亂嘔吐。浮腫泄瀉。四肢痠痛。小便短赤。

蒼白朮 厚朴 陳皮 茯苓 澤瀉 猪苓 甘草

肉桂

六和湯局方治夏月虛人。外感風寒。內傷生冷之霍亂。吐瀉而身發熱者。

香薷 人參 茯苓 炙草 扁豆 厚朴 木瓜

杏仁 半夏 藿香 砂仁 生薑 大棗

急性傳染病 霍亂

臥龍丹 治諸痧中惡。霍亂五絕。諸般卒倒。急暴之證。

西牛黃 飛金箔 梅花冰片 荊芥 羊躑躅 麝香 硃砂

豬牙皂角 燈心炭

九味。共研細。磁瓶密收。毋使泄氣。以少許搖鼻取嚏。垂危重證。亦可以涼開水調灌分許。

太乙玉樞丹 一名解毒萬病丹 一名紫金錠 治諸痧霍亂。疫厲瘴氣。方見瘧疾門

太乙紫金丹 治霍亂痧脹。嵐瘴中惡。水土不服。喉風中毒。蛇犬蟲傷。五絕暴厥。顛狂癰

疽。鬼胎魘魅。及暑濕溫疫之邪。彌漫薰蒸。神明昏亂。危急諸證。

山慈姑 川文蛤 紅芽大戟 白檀香 安息香 蘇合油 千金霜

明雄黃 琥珀 梅冰 當門子

下。十一味。各研極細。再合研勻。濃糯米飲杵丸綠豆大。外以飛金爲衣。每錢許。涼開水下。

行軍散 治霍亂痧脹。山嵐瘴癘。及暑熱穢惡諸邪。直于包絡。頭目昏暈。不省人事。危急等

證。

西牛黃 當門子 眞珠 梅冰 蓬砂 明雄黃 火硝

飛金

八味。各研極細如粉。再合研勻。瓷餅密收。以臘封之。每三五分。涼開水調下。

絳雪一名八寶紅靈丹 治霍亂。痧脹。肢厥。脈伏。轉筋。昏暈。瘴癘。時疫。暑毒。下痢等證。……

硃砂 牙硝 明雄黃 蓬砂 礞石 梅冰片 當門子

飛眞金

八味。擇吉日淨室中各研極細。再研勻。瓷餅收緊。鎔蠟封口。毋使泄氣。每一分。涼開

水送下。小兒減半。以藥佩帶身上。可辟疫氣。

蠶矢湯 霍亂論方治霍亂轉筋。肢冷腹痛。口渴煩躁。目陷脈伏。時行急證。

晚蠶砂 生苡仁 大豆黃卷 陳木瓜 川連 製半夏 黃芩

通草 焦梔 陳吳萸

右十味。地漿或陰陽水煎。稍涼徐服。

急性傳染病 霍亂

白虎湯傷寒論方治暑熱熾盛而為霍亂者。

白虎加人參湯即白虎湯中加人參治證如前。而元氣已虛。心下痞鞭者。

竹葉石膏湯傷寒論方治中虛暑熱霍亂。及霍亂已定。而餘熱未清。虛羸少氣者。

黃芩定亂湯夢隱方治溫病轉為霍亂。腹不痛而肢冷脈伏。或肢不冷而口渴苔黃。小水不

行。神情煩躁。

黃芩 焦梔子 香豉 原蠶砂 橘紅 製半夏 川連

蒲公英 鮮竹茹 陳吳萸

陰陽水二盞。煎一盞。候溫徐服。轉筋者加生苡仁八錢。絲瓜絡三錢。瀉行者。用木瓜

三錢。溼盛者。加連翹茵陳各三錢。

燃照湯霍亂論方治暑穢挾濕。霍亂吐下。脘痞煩渴。苔色白膩。外顯惡寒肢冷者。

飛滑石 香豉 焦梔 黃芩 省頭草 製厚樸 製半夏

水煎去滓。研入白蔻仁八分。溫服。苔膩而厚濁者。去白蔻加草果仁一錢。

駕輕湯霍亂論方治霍亂後。餘邪未清。身熱口渴。及餘熱內蘊。身冷脈沉。湯藥不下而發呃者。

鮮竹葉 生扁豆 香豉 石斛 枇杷葉 橘紅 陳木瓜
焦梔

麥門冬湯 金匱方 治霍亂後。餘熱未清。神倦不饑。無苔而渴。或火升氣逆。乾咳無痰。

麥冬 製半夏 人參 甘草 粳米 大棗

大順散 局方 治襲涼飲冷。陰寒抑遏。陽氣而成霍亂。水穀不分。脈沉而緊者。

甘草 乾薑 杏仁 桂心

先將甘草同白砂炒至八分黃熟。王晉三云。白砂即河砂。次入乾薑同炒。令薑裂。次入杏仁同

炒。候不作聲爲度。篩去砂。與桂心同搗爲散。每二錢。水煎服。或沸湯調服。如煩躁。并

華水調下。

桂枝湯 方見感冒門 治寒霍亂後。身痛不休。

走馬湯 外臺方 治中惡。心痛腹脹。大便不通。

巴豆 杏仁

右二味。以錦纏搗令碎。熱湯二合。捻取白汁飲之。當下。老小強弱量之。

備急丸 金匱方 治中惡客忤。鬼擊鬼打。面青口噤。胸腹刺痛。脹滿氣急。卒死暴厥。以及寒氣

冷食。稽留胃中。胸腹滿痛便秘。

巴豆 乾薑 大黃

先以大黃乾薑搗為細末。入巴豆霜合搗千杵。和密為丸。如小豆大。密器收藏勿洩氣。每服三四丸。熱湯送下。未醒更服三丸。腹中鳴轉。得利即活。

肘後治霍亂心腹脹痛。煩滿短氣。未得吐下方。

鹽二升。以水五升。煮取二升。頓服得吐愈。

又治中惡腹痛卒死方。

取牛馬糞尚濕者。絞取汁。灌其口中。令入喉。若口已禁者。以物強發之。若不可强者。乃扣齒下。若無新者。以人溺解乾者。絞取汁。此扁鵲云。

厚朴湯 蘇沈方 治乾霍亂。

厚朴 高良薑 朴硝 枳殼 枳榔 大黃

薑鹽湯 直指方 治乾霍亂欲死。

鹽 生薑

右同炒色變。以童尿二盞。同煎至一盞。分二次服。

異功散 治霍亂後中虛主劑。

人參 白朮 茯苓 甘草 橘紅

急救回生丹

衷中參西錄方

治霍亂吐瀉轉筋。諸般痧症暴病。

硃砂頂高者。壹錢五分。此藥為水銀硫黃二原質合成。此二原質皆善消毒菌。化合

為硃砂。又色赤入心。能解心中竄入之毒。且又重墜。善止嘔吐。俾服藥後。不致吐出。

冰片參分。真好冰片。出於杉樹及加爾普斯科樹。其次者。係樟腦煉成。此方中冰片

宜用樟腦煉成者。因樟腦之性。原善振興心臟。通活周身血脈。尤善消除毒菌。特其味

稍劣。煉之為冰片。味較清馥。且經煉而其力又易上升至腦。以清腦中之毒也。

薄荷冰二分。此藥善解虎列拉之毒。西人屢發明之。且其味辛烈香竄。無竅不通。無

微不至。周身之毒。皆能掃除。矧與冰片又同其發表之性。服之能作汗解。使內蘊之邪。

由汗透出。且與冰片皆性熱用涼。無論症之因涼因熱。投之咸宜也。

粉甘草細末一錢。此藥最善解毒。又能調和中宮。以止吐瀉。且又能調和冰片薄荷冰之氣味。使人服之不至過於苛辣也。

右藥四味。共研細。分作三次服。開水送下。約半點鐘服一次。若吐劇者。宜於甫吐後急服之。若於將吐時服之。恐藥未暇展布。即吐出。服後溫覆得汗。即愈。服一次即得汗者。後二次仍宜服之。若服完一劑。未全愈者。可接續再服一劑。

衛生防疫寶丹

衷中參西錄方

治霍亂吐瀉轉筋。下痢腹痛。及一切痧症。平素口含化服。能防一切癘疫傳染。

粉甘草 細辛 香白芷 薄荷冰 冰片 硃砂

先將前五味和勻。用水爲丸。如桐子大。晾乾。不宜日晒再用硃砂爲衣。勿令餘膿。裝以布袋。雜以琉珠。來往撞盪。務令光滑堅實。如此日久。可不走氣味。若治霍亂證。宜服八十九丸。開水送服。餘證宜服四五十丸。服後均宜溫覆取微汗。若平素含化以防疫癘。自一丸至四五丸皆可。

單方

鍋底墨 治霍亂取二錢百沸湯一盞投其中急攪服吐瀉立止(本草)

生熟湯 一名陰陽湯治乾霍亂能吐宿食惡毒之物和鹽服之尤妙即百沸湯合新汲水也(本草)

天南星 治吐瀉不止四肢逆冷不省人事南星為末每三錢入大棗三枚同煎服四肢漸煖神識便省神妙(本草)

蘆花 一名蓬農治霍亂氣息危急者取一把濃煎取汁頓服即瘥(本草)

木瓜 治霍亂吐瀉轉筋不止煮汁飲之枝葉同功(本草)

烏梅 治霍亂煩渴水瀆和蜜飲之妙

糯米 治霍亂煩渴水研取汁任意飲之(本草)

香薷 治霍亂吐瀉轉筋濃煎飲之即止(本草)

醋 治霍亂未得吐下飲一二升良，治轉筋取衣絮漬醋汁令溫裹患處冷則易愈(千金)

鹽 治霍亂鹽一大匙熬黃取重尿一升溫和攪服吐下即愈

甘爛水 治霍亂入藥煎用甚妙

生薑 治霍亂欲死生薑五兩切取牛尿一升同煎取汁服即瘥(本草)

皂角 治乾霍亂鹽湯一碗入皂角末少許調服探吐即效(本草)

林檎 青色者治霍亂吐瀉甚妙煮取汁飲或嚼食之(本草)

粟米泔 治霍亂煩渴飲數升立瘥，又研米清水和濾取汁服之主轉筋入腹(本草)

蓼 治霍亂轉筋濃煎乘熱熏洗因取飲一二盞即愈(得效)

小蒜 治霍亂吐瀉煮汁飲之(本草)

牛糞 治霍亂吐瀉轉筋四肢逆冷黃牛糞以水煮濾取清汁頓服一升即止(本草)

牛

涎

小兒霍亂牛涎一合灌下立效(得效)

烟鹿皮

或烟樟皮熏煙最多黃色者水浸採取汁頓服治乾霍亂即吐神效(俗方)

宗景按。Cholera 一語來自希臘。有吐瀉之意。西醫譯爲霍亂。謂其原因由于飲食不

潔所致。

(中醫書籍嘗作不節。蓋括不潔之義而言。)

蓋以夏秋之間。蒼蠅繁殖。糞便污穢之處。團聚成羣。尤喜飛

集食品。輾轉傳播。爲害至烈。據 Grossi 氏之研究。其羽翼及腹足各部。常有霍亂菌發

見。故咸認此物最善搬傳病毒。實爲霍亂病之大媒介。卽如河水之中。往往經滌洗霍亂

病人之糞具。或衣服等物。亦含有無數霍亂菌。我人飲食。偶一不慎。卽易侵入。若復腸胃

素弱。胃酸缺乏。則霍亂立至矣。千金亦云。霍亂之爲病也。皆因飲食。非關鬼神。可見古人

對於霍亂之原因。早已洞悉。惟限於時代。無顯微鏡檢查。故不知有細菌耳。然中西學說。

已不謀而合矣。夫藩籬不固。而後盜賊至。凡細菌侵入人體。必因身體先有弱點。然後菌

肆其虐。若自身強健。抗毒力充足。雖有細菌。亦不足爲患。此內經所謂邪之所湊。其氣必

虛也。由此言之。我人欲避免一切疾病。首須鍛鍊身體。並宜注重衛生。亦不僅霍亂而已。

然有藜藿之人。處污穢之室。鯨吞狼咽。雖食蟲蟻之餘。而無傷害者。何也。此因其人之抗

毒力充足。已養成抵抗之習慣。譬如上古洪荒之世。人類與鳥獸。無日不相值。且無日不

相搏。未聞有被其殘食無餘者。今之人偶遇猛獸。輒心驚胆怯。遠避惟恐不及。由于無養成抵抗之習慣力也。又聞某西醫由美國遊學歸來。自命衛生家。居必華屋。食必牛酪。衣服以及日常飲食所用之器皿。皆經消毒。與人談話不接近。恐有細菌之傳染。食物每口必經七十嚼。始敢下咽。防有消化之阻礙。甚至親如父母妻子。不與同食。其衛生之注重。可謂並世無與倫比矣。詎知數月之後。適值痢疾流行。某君亦染之。他人則醫治得愈。彼則不四日而亡。昧者不察。諉爲命有定數。其實彼之軀體。必有弱點。蓋平時既少與細菌接觸。抗毒力已日加薄弱。一旦病菌侵入。不勝其敵。猶之以未經臨陣之士兵。出而應敵。未有不敗者。近今西醫以霍亂死菌。製爲豫防注射之劑。亦卽此意耳。我故曰。衛生固宜注重。身體亦不可不鍛鍊也。予書至此。對於霍亂之原因。以及細菌與體力之關係。既述其大概。今當進而論其病理與治法矣。章太炎先生論霍亂曰。嚴用和云。吐利之證。傷寒伏暑皆有之。非獨霍亂。醫者當審而治之。夫常病之吐利者。自腸胃涌泄而出。是以利必有溏糞。吐必有餘食。霍亂之吐利者。自血液抽汲而出。是以洩如米汁。而溏糞餘食鮮見。且腸胃亦不與相格拒。無腹痛狀。心合于脈。脈爲血府。故血被抽汲。則脈脫。脈脫而心絕。

矣。又傷寒論霍亂篇云。惡寒脈微而復利。利止。亡血也。四逆加人參湯主之。傷寒今釋解之曰。……其有利自止者。乃因亡血而無所復利之故。非病之欲解。此其病視利不止者尤急。故主四逆加人參。蓋霍亂所下多爲血清。故曰亡血。非謂見紅失血證也。金鑑改利止爲利不止。改亡血爲亡陽。乃不知病理之誤。以上二家之說。寥寥數十語。已揭出霍亂心臟衰弱由於亡失血清之故。真是犀燃牛渚。洞燭幽微。雖先哲復生。必不易也。然則霍亂之大吐大瀉。最傷身中水分。水分既耗。則面龐削小。眼球陷沒。皮膚乾燥。失彈力性。血液濃厚。血管空虛。體表厥冷。溫度低落。凡此種種危象。乃勢所必然。急救之法。除服四逆湯等方強其心臟外。並宜注射生理食鹽水。補充其水分。庶幾挽回生命。化險爲夷。第時機急迫。用藥最宜斟酌。失之毫厘。差之千里。矧夏至一陰生。所見之症。本以虛寒爲多。是以內經言長夏善病洞泄寒中。王士雄霍亂論。竟謂絕未見有寒霍亂。蓋因彼用藥偏於寒涼。且當時所遇之霍亂症。屬於假性。所以用蠶矢湯半夏瀉心湯藿香正氣散等方。時獲效驗。若真性霍亂。非四逆輩。恐難爲功。此爲吾儕所不可不知也。至於乾霍亂。則由於冷氣搏於腸胃。致飲食不消。腹中絞痛。不得吐瀉。治法自應催其吐利。古方如備急圓走

馬湯之類。皆可採用。此古人所謂不通則痛。通則不痛也。然審機察微。不可拘守成法。自當臨床活變。此則大匠能與人規矩。不能使人巧也。

疫痢

釋名 痢之易於傳染者。良方云。一方一家之內。上下傳染。長幼相似。是疫毒痢也。

原因 痢疾論云。疫痢乃時行不正之氣。春感爲瘟。秋則成痢。

症狀 痢疾論云。其症大都先發寒熱。或先見泄瀉。繼而裏急後重。利下赤白……此症多見惡寒身痛。發熱嘔吐。

治法 入門云……疫痢。人參敗毒散加陳皮白芍藥煎服。或薑茶湯以防之。

痢疾論云。治疫痢法。古用倉廩湯。

繆仲諄云。疫痢屬濕熱厲氣。當清熱解毒。表散爲急。忌硝黃枳。下利破氣……發熱自汗脈弦者。宜從表解。用倉廩湯。表證甚者。宜人參敗毒散加厚朴。或加芍藥。胸次不寬。裏證甚者。用平胃散。佐羌活。獨活。柴胡。在初起時即宜黃芩湯。以解疫毒而救胃氣。體實者。加黃連。繼用四君子湯。扶脾土而補元氣。久則用八味加人參湯。補真元而生土氣。

死候 丹溪心法云。下痢如塵腐色者死。下純血者死。下如茅屋漏水者死。大孔開如竹筒死。唇如朱紅者死。

禁忌 千金方云。凡痢病通忌生、冷、酢、滑、猪、羊、鷄、魚、油、乳酪、酥、乾脯、醬粉、鹹。所食諸食。皆大熟爛為佳。亦不得傷飽。此將息之大經也。若將息失所。聖醫不能救。

古今驗方選

人參敗毒散局方治時疫。傷風。風溼。寒熱。頭眩。項強。目疼。肢疼。咳嗽。鼻塞。瘡瘍。邪氣在表。應發者。以及小兒感冒。發熱惡風。痰阻胸膈。頭目不清。風熱瘙癢。

人參 羌活 獨活 柴胡 前胡 川芎 枳殼

桔梗 赤茯苓 甘草

研為粗末。加生薑二三片。清水煎服。每日二次。

倉廩湯 補遺方 治各種痢疾。發熱。心煩。頭痛。食即嘔吐。

陳倉米 人參 茯苓 甘草 前胡 川芎 羌活

獨活 桔梗 柴胡 枳殼

服。 咬咀。每服四五錢。清水一盞半。加生薑三五片。大棗一枚。煎至七分。去滓。不拘時溫服。

黃芩湯傷寒論方治太陽少陽合病自利。

黃 芩 甘 草 芍 藥 大 棗

白頭翁湯傷寒論方治厥陰熱利下重。及下利脈沈弦渴欲飲水者。

白頭翁 黃 連 黃 蘗 秦 皮

黃連解毒湯 治熱痢

黃 連 黃 蘗 梔 子 黃 芩

薑茶湯蘇東坡方治赤白痢疫痢等證

生 薑 細茶葉

解毒生花丹 衷中參西錄方 治痢久鬱熱生毒。腸中腐爛。時時切疼後重。所下多似爛炙。且有腐敗

之臭。

金銀花 生杭芍 粉甘草 三七 鴨蛋子(即苦參子)

急性傳染病 疫痢

右藥五味。先將三七鴨蛋子用白沙糖化水送服。次將餘藥煎湯服。病重者。一日須服兩劑。始能見效。

宗景按。痢疾古稱腸澼。又名滯下。患之者。更衣頻數。腹部疝痛。裏急後重。窘迫不暢。所下之物。混有多量血液者。其色赤。故名赤痢。混有多量粘液或膿汁者。其色白。故名白痢。西醫之所謂赤痢。有廣狹兩義。廣義者。如傷寒瘧疾腸癌及直腸梅毒等。發作時所現之一種症是也。西曆一千八百七十五年。Loesch 發見一種阿米巴菌。一千八百九十七年。日本志賀氏發見一種桿狀赤痢菌。醫家咸認爲赤痢病原。前者名之曰地方性。後者名之曰流行性。皆爲狹義。屬於急性傳染病也。痢疾之能傳染者。不僅疫痢。我國醫籍無原虫細菌之說。亦無傳染性非傳染性之分類。醫者治病。但知依據當前之症狀。斷爲氣鬱濕滯。或食積毒盛。施其對症之方藥。往往能愈。西醫所不治之症。然則中醫以氣鬱濕滯食積毒盛主治。實勝於原虫細菌。蓋原虫細菌。現尙不足證明爲痢疾之唯一病原耳。如患痢疾者。其腸胃中必有阿米巴菌。或桿狀赤痢菌。換言之。凡腸胃中有阿米巴菌。或桿狀赤痢菌。必生痢疾。特事實仍不如此。往往有患痢症初期。便中不帶細菌。檢查結果。常

屬陰性。其診斷之時。仍須根據臨床之症候者。又有健康之人。雖不現赤痢症狀。而大便中常混有此菌。解者曰。凡人抵抗力強者。雖有細菌。亦不足爲患。是此病原蟲細菌之爲患。皆因其人之抵抗力不強耳。中醫治痢。首先導滯化濕行氣解毒。使腸胃運化生理工作。恢復常狀。不專事殺菌。而菌亦隨之滅跡。蓋腸胃生理工作。既已恢復。縱有細菌。亦無傷害。卽人之抵抗力強者。細菌不足爲患之說也。有奇恆痢者。張隱菴謂其證三陽並至。三陰莫當。九竅皆塞。陽氣旁溢。噎乾。喉塞痛。并於陰則上下無常。薄爲腸澼。其脈緩小遲瀋。血溫身熱死。熱見七日死。蓋因陽氣偏劇。陰氣受傷。是以脈小沈瀋。急宜大承氣湯。瀉陽養陰。緩則不救。醫者不知奇恆之因。見脈氣和緩。而用平易之劑。必致誤事。又陳修園云。嘉慶戊午夏。王孝廉患痢七日。忽於寅午之交。聲微啞譫語。半刻卽止。酉刻死。七月榕城葉廣文。觀鳳之弟。患同前證。來延。自言伊弟痢亦不重。飲食如常。唯早晨咽乾微痛。如見鬼狀。半刻卽止。時屆酉刻。余告以不必往診。令其速回看視。果於酉戌之交死。此皆奇恆痢。殆卽西醫之所謂志賀氏赤痢歟。志賀氏赤痢證。初期常帶微熱。若延及侵迴腸下部。則發高熱。類似傷寒。且起腦症。此時裏急後重不強。便數少。量多而稀薄。所混血液及

粘液亦較少。症重者。脈搏細數。舌呈煤黑。皮下溢血。眼球陷沒。聲音失調。肛門括約肌麻痺。不久即死。小兒患之。亦常發熱。惟帶搖擗瘳嘔吐等。大便不過一二次。混粘液或血液。或竟不大便而死。乙亥秋。女門生蔣仲雲之姑。年逾六旬。下痢赤白。日十餘行。身熱微寒。煩躁口渴。醫者誤認爲外感挾痢。(倪涵初云。一痢有頭痛。目眩。身發寒熱者。此非外感。乃內毒薰蒸。自內達外。雖有表症。實非表邪也。若發汗。則正氣已耗。邪氣益肆。且風劑燥熱。愈助熱邪。表虛於外。邪熾於內。鮮不斃矣。一然確有外感表證。則非發汗。不能愈病。此又不可不知也。)遂於桂枝蘇葉等表散藥中。參以治痢之品。服後胸腹如焚。欲坐井中。舌乾口燥。神昏譫語。下痢轉如茅屋漏水狀。西醫斷爲志賀氏赤痢。診其脈有歇止。謝絕而去。迎余診時。已臥在地上。舌不能伸。憑脈察症。殆不可救。乃告其子曰。下痢如茅屋漏水者。法當死。况高年之人。脈有歇止。其能免乎。然醫乃仁術。病人一息尙存。豈忍束手坐視。姑擬一方以治之。遂處方用西洋參錢半。鮮生地二兩。鮮鐵蘭六錢。炙甘草錢半。川黃連八分。生白芍三錢。金銀花四錢。眞阿膠三錢。金汁一杯。服後半日。諸症稍減。繼進一劑。痢亦略疎。其家人等。皆喜出望外。次日邀診。神識已清。舌亦能伸。惟質絳而燥。脈來仍

有歇止。自謂咽喉微痛。夜間苦不得寐。乃於原方中增西洋參爲三錢。鮮生地爲三兩。加京元參五錢。一星期後。脈始如常。調理月餘。遂告全愈。此案亦治痢之另一變法。特記之以備一格。又疫痢濕盛有憎寒壯熱之表證者。人參敗毒散頗效。蓋以此方能使陷者舉之。領邪外出。卽喻嘉言所謂逆流挽舟之法。若濕不兼風而兼熱者。或噤口痢屬虛者。皆不可輕試也。

疔腮

釋名 中國急性傳染病學云。歷代醫家。沿稱頤毒。發頤。腮腫。疔腮。時毒等名。或象形稱之曰蝦蟆瘟。異名甚多。要皆今日之流行性耳下腺炎也。

原因 陳實功云。疔腮乃風熱濕痰所生。或冬溫後天時不正。感發傳染。兩腮腫痛。薛新甫云。疔腮屬足陽明胃經。或外因風熱所乘。或內因積熱所致。

症狀 醫宗金鑑云。初起焮痛。寒熱往來。若高腫色紅焮熱者。係陽明風熱所發。若平腫色淡不鮮者。由胃經濕熱所生。

診斷 頗易。惟與傳染病後續發之耳下腺炎須鑑別。然流行性者極少化膿。

治法 醫宗金鑑云。始則俱以柴胡葛根湯表之。若口渴便秘。宜四順清涼飲解之。表裏證俱解。腫痛仍作者。勢必成膿。宜托裏消毒散托之。膿熟者鍼之。體虛者宜平補之。

薛新甫云。若腫痛寒熱者。白芷胃風湯。內熱腫痛者。升麻加黃連湯。外腫作痛。內熱口乾者。犀角升麻湯。內傷寒涼。不能消潰者。補中益氣湯。發熱作渴。大便秘結者。加味清涼飲。表裏俱解而仍腫痛者。欲作膿也。托裏散。若飲食少思。胃氣虛弱也。六君子湯。肢體倦怠。陽氣虛弱也。補中益氣湯。膿毒既潰。腫痛不減。熱毒未解也。托裏消毒散。膿出而反痛。氣血虛也。人參內托散。發熱晡熱。陰血虛也。八珍湯。惡寒發熱。氣血俱虛也。十全大補湯。若腫焮痛連耳上者。屬手足少陽經。當清肝火。若連頤及耳後者。屬足少陰經虛火。當補腎水。患此而有不治者。多泥風熱。執用剋伐之藥耳。

預後 良

死候 六科準繩云。若治不得法。延及咽隘。潰爛穿口。不食者死。

禁忌 醫宗金鑑云。凡疔腮初起。若過服涼藥。致毒氣攻喉者險。

古今驗方選

柴胡葛根湯醫宗金鑑方治傷寒及疔腮。

柴胡 葛根 石膏 花粉 黃芩 甘草 牛蒡子

連翹 桔梗 升麻

四順清涼飲醫宗金鑑方治疔腮。口乾便秘。

防風 梔子 連翹 甘草 當歸 赤芍 羌活

大黃

托裏消毒散醫宗金鑑方治瘡瘍氣血俱虛。腫不能潰。潰不能斂。

人參 黃耆 當歸 川芎 白芍 白朮 茯苓

金銀花 白芷 甘草 連翹

人參內托散 治瘡瘍潰腫而作痛者。

人參 黃耆 當歸 川芎 厚朴 防風 桔梗

白芷 官桂 紫草 木香 甘草

六君子湯局方

急性傳染病 疔腮

人參 白朮 茯苓 甘草 陳皮 半夏

八珍湯六科準繩方調和榮衛滋養血氣治氣血俱虛者。

當歸 川芎 白芍 地黃 人參 白朮 茯苓

甘草

十全大補湯局方治諸虛百損五勞七傷及潰瘍寒熱作痛膿清而少或流注癰癰便毒久不作膿或膿成不潰潰而不斂。

人參 肉桂 地黃 川芎 白芍藥 茯苓 白朮

黃耆 當歸 甘草

犀角升麻湯證治準繩方治陽明經受風熱口唇頰車髮鬢腫痛及鼻額間連頭痛不可開口。

及時毒頰瘍初起色紅。

犀角 川升麻 防風 黃芩 香白芷 白附子 川芎

羌活 生甘草

白芷胃風湯沈氏尊生方治氣虛風熱面目麻木或牙緊急眼目瞤動或生疥癩。

白芷 升麻 葛根 蒼朮 當歸 甘草 柴胡
 藜蘆 羌活 蔓荊子 僵蠶 麻黃
 補中益氣湯李東垣方治瘡瘍過服敗毒藥以致中氣不足者。

人參 黃耆 白朮 陳皮 升麻 柴胡 當歸
 甘草

升麻加黃連湯瘍醫大全方治面熱。

升麻 川黃連 葛根 白芷 甘草 白芍藥 犀角末

川芎 荆芥穗 薄荷

加味清涼飲方缺

宗景按耳下腺（即腮腺）為最大之唾腺。生於骨性外聽道附近之後下頷窩。大部分埋沒於深部。小部分為不正三角形而存在於咬肌之表面。是以此處發炎。往往使咬筋部亦疼痛緊張。食物談話均為之妨礙。但患此症者屬實者多。而虛者少。富貴之人。率多喜服補藥。柴芩膏黃。視同鳩毒。譬諸助紂為虐。病何由瘳。愚曾治一人患此症。初投東垣

之普濟消毒飲。去柴胡升麻。加入石膏花粉等清熱消腫之品。服後無效。繼則不去升柴。仍加前藥。並囑其外塗靛青花汁。（此藥涼血解毒。較青黛更優。蓋青黛雖即靛青之沫。每有石灰和之。無石灰者絕少）於患處。每隔兩小時。塗上一次。二三日後即愈。蓋因升柴能透發少陽陽明兩經鬱積之火毒。火毒既有出路。便無內攻之患。且方中又有芩連消炎。是以獲效頗速。嗣後每遇此症。悉照此法施治。大便閉者。加入大黃。無不應手治愈。金鑑謂凡疔腮初起。若過服涼藥。致毒氣攻喉者。險。原知寒涼之藥。不可獨任。必佐以升透之法。始無流弊。雖未指出。意在其中矣。

白喉（附喉痧）

原因 白喉條辨云。陽明燥令司天之年。或秋冬之交。天久不雨。燥氣盛行。邪客於肺。伏而化火。至初春雨水驟至。春寒外加。少陽相火。不能遂其條達之機。遂挾少陰君火。循經絡而上。與所伏之燥火。互相沖激。猝乘咽喉清竅而出。或發白塊。或發白點。名曰白喉。互相傳染。大人易治。小兒難治。

喉痧症治概要云。爛喉痧。發於夏秋者少。冬春者多。乃冬不藏精。冬應寒而反溫。春猶寒禁。春應溫而反冷。經所謂非其時而有其氣。釀成疫癘之邪也。邪從口鼻入於肺胃。咽喉爲

肺胃之門戶。暴寒束於外。疫毒鬱於內。蒸騰肺胃兩經。厥少之火。乘勢上亢。於是發爲爛喉。疥痧也。

症狀 白喉條辨云。白喉病初起。頭痛身惡寒。右寸脈微數而濇。咽燥無痰。喉間發白。或咳。或不咳。或痛。或不痛。但介介如梗狀。飲食如常。此手太陰肺經燥氣本病也。

又云。白喉病症如前。喉間紅腫而痛。甚則頸項亦腫。初起輒多痰涎。此太陰燥火。挾有少陽相火也。

又云。白喉病症如前。初起心煩。舌根微硬。尖絳者。此太陰燥火。挾有少陰君火也。

喉痧症治概要云。爛喉痧病。初則寒熱煩躁。嘔噁。咽喉腫痛。腐爛。舌苔或白如積粉。或薄膩而黃。此時邪鬱於氣分。……如壯熱口渴煩躁。咽喉腫痛腐爛。舌邊尖紅絳。中有黃苔。痧密布。甚則神昏譫語。此時疫邪化火。漸由氣入營也。

脈法 白喉條辨云。白喉病初起。餘脈如平。但右寸微數而濇。或沉數者。手太陰伏邪本病也。其浮數或緊者。挾有外感時邪也。左寸關動數者。少陽相火。少陰君火。併病也。洪滑者。火鬱而成痰也。延之日久。或經誤治。兩手脈滑數甚。按之搏指者。火勢劇也。洪大無力。按之芤。

或散大者。陰澗已極也。

喉痧正的云。喉痧之脈。初起浮之濡瀼。按之沉滑。此伏氣在內。腠理怫鬱之象也。或左兼弦緊者。風勝故也。右反沉者。邪遏氣道也。右寸伏者。誤進寒涼。喉已腐而肺氣不布也。左寸亦伏者。邪陷已深。上焦氣道欲閉也。左關獨弦者。陰氣先傷。邪氣乘虛而犯肝胆也。男子奪精。婦人經水適來者。往往見之。弦而勁者。火炎生風也。若治之得法。一散之後。便轉洪數。或未甚暢者。當再散之。必六脈俱透。內伏之邪盡洩。然後清而和之。則證靜脈和矣。至于誤治之脈。則似浮非浮。似洪非洪。似數非數。脈既模糊不清。證亦錯雜不齊。難爲力矣。

鑑別診斷 章次公先生云。白喉喉痧之大別。吾以爲當于丹痧之有無分之。咽喉腫痛。無論喉紅淡紅。白膜白腐。苟不見丹痧。雖微似寒熱。卽當作爲白喉論。……今再以二證大不同之點。列表於後。

喉痧白喉證象同異表

證象		證別	
惡寒發熱咳嗽	有	喉	痧
咽喉腫痛	有 <small>但其腫 焮紅</small>		
白腐白點	有 <small>白膜白點但 淺薄浮肉上</small>		
遍身丹痧	有		
咽喉穿潰	有		
惡寒發熱咳嗽	有 <small>惟咳嗽則無 雖有亦輕</small>	白	喉
咽喉腫痛	有 <small>但其色 淡紅</small>		
白腐白點	有 <small>白條白塊或滿喉皆 白但皆深連肉裏</small>		
遍身丹痧	絕無		
咽喉穿潰	有		

治法 白喉條辨云。白喉病初起。見手太陰肺經燥氣本病者。加減喻氏清燥救肺湯主之。右寸脈浮。惡風寒。甚者挾有外感時邪也。前方略加辛涼藥。如春則薄荷。夏則荷葉扁豆花之類。或已誤治。咽燥舌乾。甚或絳者。鄭氏養陰清肺湯亦可用。太陰燥火。挾有少陽相火者。白虎青龍湯主之。間用青黃散。不時吹入喉間。以消腫去涎。若輕者。可用張氏神功辟邪散。

去葛根青萹馬勃蠶。

又云。白喉病症如前。初起心煩。舌根微硬。尖絳燥者。此太陰燥火挾有少陰君火也。朱白雙清散主之。輕者張氏神功辟邪散。去葛根蠶黃芩馬勃蟬退青萹。加紫地丁竹葉生梔仁燈心草。

喉痧症治概要云。時邪鬱於氣分之見症者。速當解表。輕則荆防敗毒。清明利膈湯。去硝黃。重則麻杏石甘湯。……疫痰化火。漸由氣入營。即當生津清營解毒。佐使疎透。仍望邪從氣分而解。輕則用黑膏湯。鮮石斛。豆豉之類。重則犀鼓湯。犀角地黃湯。必待舌色光紅或焦糙。痧子布齊。氣分之邪已透。當用大劑清營涼解。不可再行表散。此治時疫喉痧用藥之次第也。

死候 喉痧症治概要云。脈伏者不治。泄瀉不止者不治。會厭腐去。聲啞氣急者不治。

又云。凡咽喉閉。毒氣歸心。胸前腫滿。氣煩促。下部洞泄不止者死。若初起咽喉。嘔吐清水。神昏識語。目光上竄。脈濇伏。痰聲如鋸者。不治。又三四日內。津涸舌光。唇齒焦黑。鼻煽口張。目無神者。亦不治。

禁忌 白喉條辨云。白喉忌升提并吐。忌溫散發汗。忌大下亡津。忌刀針。忌苦重助燥。喉痧正的云。喉痧邪伏在裏。初起切忌寒涼以鬱。則毒焰愈熾也。不特涼藥不宜誤服。卽一切瓜果冷飲俱宜禁絕。世人不知。以爲口渴咽痛屬火。恣啖青果水梨茅根西瓜皮等。甚者或擅服西洋麥冬元參石斛之類。貽誤非淺。不可不申其禁。

古今驗方選

加減喻氏清燥救肺湯 白喉條辨方

西洋參 生石膏 大麥冬 生粉草 苦杏仁 冬桑葉 枇杷葉

銀花露 金汁

養陰清肺湯 鄭梅澗方

麥冬 丹皮 生甘草 貝母 大生地 生白芍

原註。體虛加熟地。或生熟並用。熱甚加連翹。夫白芍燥甚加天冬茯苓。如有內熱及發熱者。亦不必表藥。照前方治之。其熱自退。

白虎青龍湯 白喉條辨方

急性傳染病 白喉

生石膏 木通 貝母 桑葉 連翹 牛蒡子 板藍根

銀花 蟬退 麥冬 生地 鼠尾青苔

右藥十二味。清水煎二服。日再劑或三。太陰本病盛。少陽標症輕者。去黃芩牛蒡子。加西洋倍石膏地冬。標症獨盛者。以黃芩易龍膽草。痰涎壅盛者。仍用牛蒡子。或沖入鮮萊菔汁牛黃。減地冬。加杏仁旋覆萸皮。

吹喉青黃散白喉條辨方

飛青黛 西牛黃 老式大坭冰 西瓜霜 西月石 濂珠

右藥研極細。用竹管吹入。若喉燥者。用上白蜜調敷。或鮮嫩側柏葉搗汁調亦可。燥甚者不得用吹喉法。

朱白雙清散白喉條辨方

生石膏 黃柏 麥冬 生梔子 生地 紫花地丁 連翹甲
木通 杏仁 潤元參 桑葉

右藥十一味。水五杯。煎取三杯。分二次溫服。日再劑或三。若燥甚陰涸。急宜保液。加

西洋犀角。倍冬。地元參。火勢劇喉腫且紫者。急加涼血解火毒之藥。如紫草丹皮金汁。痰涎壅盛者。加牛黃。或間用青黃散。

張氏神功辟邪散

生地 連翹甲 牛蒡子 麥冬 木通 貝母 金銀花

葛根 僵蠶 黃芩 馬勃 蟬退 青菓

解肌透痧湯。丁甘仁方。治痧癘初起。惡寒發熱。咽喉腫痛。妨於嚥飲。遍體痠痛。煩悶泛啞等症。

荆芥穗 淨蟬衣 嫩射干 生甘草 粉葛根 熟牛蒡 輕馬勃

苦桔梗 前胡 連翹壳 炙僵蠶 淡豆豉 鮮竹茹 紫背浮萍

涼營清氣湯。丁甘仁方。治痧癘雖佈。壯熱煩躁。渴欲冷飲。甚則譫語妄言。咽喉腫痛腐爛。脈洪

數。舌紅絳。或黑糙無津之重症。

犀角尖 鮮石斛 黑山梔 牡丹皮 鮮生地 薄荷葉 川雅連

京赤芍 京元參 生石膏 生甘草 連翹壳 鮮竹葉 茅根

蘆根 金汁

急性傳染病 白喉

敗毒湯丁甘仁方治痧癩未曾透。項頸結成痧毒。腫硬疼痛。身熱無汗之證。

荊芥穗 薄荷葉 連翹壳 生蒲黃 石膏 炒牛蒡 象貝母

益母草 生甘草 京赤芍 炙蠶蠶 板藍根

加減黑膏湯丁甘仁方治疫邪不達。銷燦陰液。痧癩佈而不透。發熱無汗。咽喉腫紅。燥痛白腐。

口渴煩躁。舌紅絳起刺。或舌黑糙無津之重症。

淡豆豉 薄荷葉 連翹壳 炙蠶蠶 鮮生地 石膏 京赤芍

淨蟬衣 鮮石斛 生甘草 象貝母 浮萍草 鮮竹葉 茅根

蘆根

加減滋陰清肺湯丁甘仁方治疫喉白喉。內外腐爛。身熱苔黃。或舌質紅絳。不可發表之證。

鮮生地 細木通 薄荷葉 金銀花 京元參 川雅連 冬桑葉

連翹壳 鮮石斛 甘中黃 大貝母 鮮竹葉 活蘆根

清咽利膈湯證治準繩方治心脾蘊熱。或咽喉腮舌腫痛。

玄參 升麻 桔梗 甘草 茯苓 黃連 黃芩

牛蒡子 防風 白芍藥

麻杏甘石湯傷寒論方治憎寒發熱無汗頭痛骨楚喉痧見白點在卅六點鐘之內而未潰者。

麻黃 杏仁 石膏 甘草

荆防敗毒散證治準繩方治風熱相搏邪氣在表發生瘡瘍寒熱作痛及捻頸大頭蝦蟆瘟咽

喉腫痛等證。

荆芥穗 防風 羌活 獨活 前胡 柴胡 枳殼

桔梗 赤苓 川芎 人參 甘草

剉細加薄荷清水煎去渣食遠緩緩溫服。

犀歧湯疫痧草方治喉爛痧隱脈弦神煩熱盛汗少舌絳口渴證雖乍起而疫火燎原者。

犀角 香豉 牛蒡子 荆芥 連翹 梔子 馬勃

大貝母 蟬衣 赤芍 桔梗 甘草

犀角地黃湯千金方治傷寒溫病熱傷血分及喉痧重證痧透咽爛火灼液虧者。

犀角屑 生地黃 牡丹皮 芍藥

急性傳染病 白喉

錫類散王孟英方治一切喉痧喉疳腐爛作痛痰涎甚多渴飲難下此散吹入能豁痰開肺去腐生新。

象牙屑 壁錢 西黃 冰片 青黛 人指甲 珠粉

以上吹藥研細末貯瓶勿令出氣。

玉鑰匙丁甘仁方治一切喉症腫痛白腐將此藥吹之能退腐消腫惟陰虛白喉忌用。

西瓜霜 西月石 飛硃砂 殭蠶 冰片 研極細末

金不換喉科指掌方功效較玉鑰匙尤勝治疫喉生肌長肉。

玉鑰匙加 人中白 青黛 西黃 珠粉

宗景按咽喉位居要道飲食所由入呼吸所由轉偶有疾患則飲食呼吸均發生窒礙其危急莫此為甚故諺云一救病如救火走馬看咽喉一蓋謂喉症之來死生反掌醫治不容稍緩也白喉與喉痧驟聞之頗足驚人若能細心辨證用藥得宜亦不難速愈世之論白喉者皆主張滋陰而禁用表散推其立說之由來則本於耐修子考耐修子之言曰「白喉乃肺之灼實由於胃之蒸胃之蒸實由於腸之塞腸塞則下焦凝滯胃氣不能下降」

而上灼於肺。咽喉爲肺胃之系。適當其衝。終日薰蒸不已。而成白喉。故其治多用鎮上清潤化毒之法。若誤用表散。使毒氣竄入經絡。有入無出。愈入愈深。必至不救也。一耐氏此說。意謂白喉初起。每有發熱惡寒骨節疼痛之證。乃陰虛火亢之象。與表症相似。而實非表證也。徵之實驗。殊屬可信。憶昔年初行道時。曾治一人患白喉。其症發熱惡寒。骨節疼痛。謹守傷寒論表未解者。當先解表之法。投以豆豉桑葉薄荷等藥。加入治喉之品。服後得汗。非第身熱愈熾。而喉間白點加多。愈覺疼痛。復診時。急改用鮮生地麥門冬京元參川貝母生石膏銀花連翹板藍根等藥。不兩日而愈。然則白喉忌表之說。誠未可廢也。憚鐵樵先生傷寒研究中。載有麻杏甘石湯治愈白喉案。主張白喉應表。不宜滋陰。其實彼之所謂白喉。卽西醫之實扶的里。亦卽中醫之爛喉丹痧。與陰虛白喉。不可同日而語。喉痧一症。始見於雍正癸丑年間。葉天士醫案中曾載之。其症發則壯熱煩渴。疔密肌紅。宛如錦紋。咽喉疼痛腫爛。治法宜解肌散表。使溫毒外達。若用寒涼強遏。多致不救。當與白喉辨別清楚。不容稍混。丁甘仁先生曾謂「喉痧應表。有汗則生。白喉忌表。誤汗則危。」金鍼度人八字盡之矣。至於白喉確有表症者。滋陰之藥。亦不可妄投。麻杏甘石。乃對症

良方。荆芥葛根。有所不忌。喉痧之痧點已透足。喉腫不退。口渴心煩。舌質紅絳。脈象數者。清泄法中。亦當參以滋陰之品。此又不可執一而論也。

破傷風

釋名 因風邪侵入身體之破損處。故名曰破傷風。

種類 本病有金瘡。新產婦人。小兒臍風三種。

原因 巢氏病源云。產後中風瘧者。因產傷動血脈。藏府虛竭。飲食未復。未滿日月。榮衛虛傷。風氣得入五藏。傷太陽之經。復感寒濕。寒搏於經。則發瘧。

又云。小兒解脫之臍瘡未合。爲風所傷。皆令發瘧。

六科準繩云。夫風者。百病之始也。清淨則腠理閉拒。雖有大風苛毒。莫之能害。諸瘡不瘥。榮衛虛。肌肉不生。瘡眼不合。而風邪入之。爲破傷風之候。

正傳云。破傷風者。初因擊破皮肉。視爲尋常。殊不知風邪乘虛而襲。變爲惡候。或諸瘡久不合口。風邪內襲……

症狀 巢氏病源云……其狀口急噤。背強直。搖頭馬鳴。腰爲反折。須臾十發。氣急如絕。汗

出如雨。手拭不及者皆死。

醫學入門云……面赤喘急。啼聲不出。其證臍腫突。腹脹滿。日夜多啼。不能飲乳。甚則發搐。噤口撮口……

劉河間云。邪在表者。則筋拘急。時或寒熱筋惕。搐搦脈弦。在半表半裏者。頭微汗。身無汗。傳入裏者。舌強口噤。項背反張。筋惕搐搦。痰涎壅盛。胸腹滿悶。便溺閉赤。時或汗出。脈洪數而弦……

脈法 李東垣云。瘧脈浮而無力。太陽也。長而有力。陽明也。浮而弦小。少陽也。回春云。凡瘧脈弦。或沉細。些汗後欲解。脈至如蛇。弦緊尙可。伏堅傷嗟。

三因云。瘧病脈皆伏沉弦緊。

診斷 中國急性傳染病學云。本病診斷極易。由其既往症中之創傷。與夫現在症中之特殊的強直性痙攣。便可認爲本病而無疑。

治法 醫宗金鑑云……當分風邪在表在裏或半表半裏。以施汗下和三法。如邪在表。則寒熱拘急。口噤咬牙。宜服千里奔散。或雄鼠散汗之。次以蜈蚣星散頻服。追盡臭汗。如邪在

裏者。則惊而抽搐。臟腑祕澀。宜江鱧丸下之。如邪在半表半裏無汗者。宜羌麻湯主之。若頭汗多出。而身無汗者。不可發汗。宜榆丁散和之。若自汗不止。二便秘赤者。宜大芎黃湯主之。又有發表太過。臟腑雖和。自汗不止者。宜防風當歸散服之。發表之後。表熱不止者。宜小芎黃湯服之。攻裏之後。裏熱不止。宜栝石湯服之。若傷時血出過多。不可再汗。宜當歸地黃湯主之。至於生瘡潰後受風者。因生瘡潰而未合。失於調護。風邪乘虛侵入瘡口。先從瘡圍起粟作癢。重則牙關緊急。項輒下視。不宜發汗。誤汗令人成瘡。當以參歸養榮湯加殭蠶主之。先固根本。風邪自定。若手足戰掉不已者。宜硃砂指甲散主之。若痰盛抽搐身涼者。宜黑花蛇散主之。

又云。臍者小兒之根蒂也。名曰神闕。穴近三陰。喜溫惡涼。喜乾惡濕。惟斷臍不知慎重。以致水濕風冷之氣入于臍中。兒必腹脹臍腫。日夜啼叫。此臍風之將作也。須急用驅風散治之。若寒邪深入。已成臍風者。又當視其所兼之形症治之。如肚腹脹硬。大便不通者。風兼實也。黑白散主之。面青肢冷。二便不實者。風兼虛也。理中湯主之。痰涎壅盛。氣高喘急者。風兼痰也。辰砂殭蠶散主之。身體壯熱。面赤口乾者。風兼熱也。龍胆湯主之。面青嘔吐。腰曲多啼者。

風兼寒也。益脾散主之。撮口唇青。抽搐不止者。風兼驚也。撮風散主之。

醫學入門云。破傷風口喎。肢體反張。須臾立死。宜用全蝎散。大蜈蚣散。風盛者。二烏丸。風痰者。玉真散。烏蛇散。手足戰掉者。宜硃砂指甲散。血凝昏悶者。烏鴉散。

又云。臍風撮口不得飲乳者。宜蝎梢散。宣風散。

又云。產後中風。名曰蓐風。口噤牙緊。手足痲癱欲死。宜愈風散。歸荆湯。如口噤反張。涎潮者。爲瘥。宜交加散。豆淋酒紫湯。

醫學綱目云。產後瘥。血氣大虛。不宜發表。但用防風當歸散最妙。

丹溪心法云。產後中風。口眼喎斜。必用大補氣血。然後治痰。切不可作中風治。用小續命湯及發表治風之藥。

預後 中國急性傳染病學云。本證預後。全視病狀之良否。經過之急慢爲轉移。大抵病狀較輕。經過緩慢者。預後較佳。急性者多不及治療而死。

死候 劉河間云。四般惡證不可治。第一頭目青黑色。第二額上汗珠不流。第三眼小目瞪。第四身上汗出如油。

回春云。瘳病目瞪口開。神氣昏冒。不知人者。斷死無疑也。

古今驗方選

蜈蚣星風散醫宗金鑑方治破傷風之邪在表者。

蜈蚣 江 鰮 南 星 防 風

共研細末。每用二錢。黃酒調服。一日二服。

愈風散華陀方治婦人產後中風口噤。手足痠癱。角弓反張。或血暈不省人事。四肢強直。或

心眼倒築。吐瀉欲死。

荊芥微焙研為細末。每服三五錢。豆淋酒或童便調下。

江鰮丸證治準繩方治破傷風傳入裏證。驚而發搐。臟腑祕澀。

天 麻 雄 黃 蜈 蚣 江 鰮 僵 蠶 野 鴿 糞

共研細末。作兩分。一分飯後。如梧桐子。硃砂為衣。一分加巴豆霜二分五厘。飯丸如

梧桐子大。每用硃砂藥二十九。加巴豆藥一丸。二服加二丸。白滾水送下。至便利為

度。再服硃砂藥。病愈即止。

羌麻湯證治準繩方治破傷風在半表半裏。急服此湯。稍緩。邪入于裏。不宜用。

羌活 麻黃 川芎 防風 枳壳 薄荷 白茯苓

石膏 黃芩 細辛 甘菊花 蔓荊子 前胡 甘草

白芷 生薑

榆丁散醫宗金鑑方治破傷風。邪在半表半裏。頭多汗而身無汗者。

防風 地榆 紫花地丁 馬齒莧

大芎黃湯六科準繩方治風行在裏。宜疎導。急服此湯。

黃芩 羌活 大黃 川芎

防風當歸散證治準繩方治發汗過多。發熱頭搖。口噤背反張。及破傷風。發表太過。自汗不止。

婦人產後。血氣大虛。及產後瘵。

當歸 防風 川芎 生地

栝石湯醫宗金鑑方治破傷風攻裏之後。裏熱不止者。

栝蒌仁 滑石 蒼朮 南星 陳皮 赤芍 白芷

急性傳染病 破傷風

急性傳染病 破傷風

一〇四

黃柏 黃芩 黃連 甘草 生薑

千里奔散

用行遠路驟蹄心。陰陽瓦煨存性。研細每服三錢。熱黃酒沖服。

雄鼠散醫宗金鑑方治破傷風之邪在表者。

活雄鼠一枚。用鉄錢縛繞。陰陽瓦煨存性。研爲細末。作一服。熱黃酒調下。

小芎黃湯醫宗金鑑方治破傷風發表之後。表熱不止者。

川芎 黃芩 生甘草

當歸地黃湯證治準繩方治破傷風。

當歸 熟地 川芎 藁本 白芍 防風 白芷

細辛

參歸養榮湯醫宗金鑑方治風痰。及潰瘡失護。風邪侵入。榮衛虛弱者。

人參 當歸 川芎 白芍 熟地 紅棗 白朮

白茯苓 陳皮 甘草 生薑

硃砂指甲散醫宗金鑑方治破傷風手足戰掉不止者。

人手足指甲 硃砂 南星 獨活

共研細末。每用四錢。熱黃酒調下。

黑花蛇散醫宗金鑑方治破傷風潰後痰盛抽搖身涼者。

麻黃 黑花蛇 天麻 白附子 乾薑 川芎 附子

草烏 蝎梢

共研細末。每服一錢。熱黃酒調下。日二服。

驅風散醫宗金鑑方

蘇葉 防風 陳皮 厚朴 枳壳 木香 殭蠶

鈎藤 生甘草 生薑

辰砂殭蠶散證治準繩方治初生小兒撮口。

辰砂 殭蠶 蛇蛻皮 麝香

右爲末。用密調敷唇口。

急性傳染病 破傷風

撮風散證治準繩方治撮口。

赤脚蜈蚣 鈎藤 硃砂 直殭蠶 全蝎尾 麝香

右爲末。每服一匙。竹瀝調下。

益脾散證治準繩方健脾

白茯苓 人參 草果 木香 炙甘草 陳皮 厚朴

紫蘇子 生薑 大棗

龍胆湯 千金方 治小兒初生。血氣盛實。寒熱温壯。四肢驚掣。發熱吐衄。臍風撮口。及已能進

哺。中滿食不消。壯熱變蒸。並諸驚癇。

柴胡 黃芩 生甘草 鈎藤鈎 赤芍 大黃 龍胆草

蛭 螂 赤茯苓 桔梗

黑白散證治準繩方 治小兒急驚。壯熱發搐。及臍風氣實者。

黑牽牛 白牽牛 生大黃 枳榔 陳皮 生甘草 元明粉

右除枳榔不過火。餘五味或晒或焙。仍合枳榔爲末。同元明粉入乳鉢內研細。每服

五分至六七分。溫蜜湯調化。

理中湯 傷寒論方
見霍亂門

全蝎散 醫學入門方 治破傷風。口喎噤。肢體反張。須臾欲死。

蝎梢七個爲末。熱酒調服。日三。凡破傷風非此不除。

大蜈蚣散 醫藥綱目方 治破傷風。搖擗反張。

蜈蚣 魚鱧 左蟠龍

右爲末。每二錢。以防風煎湯調服。服此不解。覺轉入裏。當服左龍丸（一名江鱧丸）

二烏丸 醫藥入門方 治破傷風。角弓反張。牙關緊急。

生川烏 白芷 天麻 生草烏 雄黃

右爲末。酒糊和丸。梧子大。溫酒下十丸。

烏雅散 丹溪心法方 治破傷風。血凝昏悶。

烏鴉翅燒灰。酒調一錢服。服後飲酒一二盞。以助藥勢。

交加散 醫學入門方 治產後瘧

生地黄一斤。生薑十二兩。各搗自然汁。以生地黄汁炒生薑。以生薑汁炒生地黄。滓合焙乾為末。每三錢。溫酒調服。

豆淋酒

產書方

治產後風。

黑豆一升炒熱。乘熱投三升清酒中。密封。隨量飲之。

紫湯

良方 同治上。

黑豆二合炒香熟。以酒一盞。煮取七分。去豆空心頓服。

玉真散

回春方

治破傷風。口噤身強直。

防風

天南星

右等分為末。每二錢薑汁和溫酒調服。以滓敷瘡口上。口噤者。童便調下。

烏蛇散

入門方

治破傷風痰盛。

烏蛇

麻黃

草烏

乾薑

蠍梢

附子

川芎

白附子

天麻

右為末。每一錢熱酒調服。

蝎梢散 入門方 治撮口風及一切胎風臍風。

蝎梢四十九個。每個用生薄荷葉卷定。以線扎之。砂鍋內滾炒。以薄荷乾酥為度。再入白僵蠶四十九個。薑汁炒乾。入腦麝各少許。共為細末。調勻。以紫雄雞肝二片煎。

湯調下一字。

宣風散 丹溪心法方 治臍風撮口。多啼不乳。口出白沫。

全蝎 酒炙

為末。入麝香末一字。和勻。每取半字。以金銀器煎湯調下。

歸荆湯 入門方 治產後風痙。

荆芥穗 當歸

右為末。每二錢。豆淋酒調下。

單方

蟻蟻 治破傷風極有神效。初覺即取糞堆內蟻蟻蟲一二個。用手捏住待即口中吐些少水。即抹在破傷處。身穿厚衣裳待片時。瘡口覺麻兩脅微汗。風出立效。如風緊急。速取此蟲三五個。剪去尾。將肚內黃水塗瘡口。再滴些少入。

熱酒飲之。汗出立效（丹心）
又取此蟲安瘡口上。艾灸蟲尾即效（類聚）

急性傳染病 破傷風

杏仁 治諸瘡入風水紅腫欲成破傷風杏
仁泥入白麵和水塗之即消(本草)

蜈蚣 治破傷風口噤身冷強直蜈蚣細
末擦牙吐出涎沫立甦(綱目)

竹瀝 治破傷風欲死灌入
二三升即活(本草)

宗景按。本病由破傷風桿菌傳染而來。此類桿菌所產生之毒素。入人體血液中。經循環。侵神經。而達神經中樞。即互相結合。能使脊髓之運動神經細胞。過度興奮。而發強直性痙攣之狀態。其傳染之徑路。大概可分爲三種。由刀劍所傷之創口侵入而起者。謂之外傷性破傷風。新產婦人。由陰部侵入者。謂之產褥性破傷風。小兒初生由解脫之臍瘡侵入者。謂之初生兒破傷風。治療之最要藥。厥惟本病血清。其主要成分爲破傷風抗毒素。俾與破傷風毒素中和而無害。無殺菌之力。但須早行皮下注射。遲則毒素與神經細胞。既已結合。即失效用。此西說本病原因及種類治法之大略也。夫新產婦人及金瘡。或小兒臍瘡未合之時。易得本病。吾國巢源千金諸書。已有明文言之於先。謂其原因。由于風邪侵入。蓋因古人不知細菌之故。然依說文。風動蟲生。則古人亦知風能傳播細菌。以達人

體惟限於時代。無器械可供檢查耳。治本病之方。有華陀愈風散（方見前）愚嘗用之獲效。又紀昀槐西雜志云。刑曹案牘。多被歐後以傷風死者。在保辜限內。於律不能不抵。呂太常合暉。嘗刊祕方。以荊芥黃蠟魚鰾三味。魚鰾炒黃色。各五錢。艾葉三片。入無灰酒一碗。重湯煮一炷香。熱飲之。汗出愈。惟百日以內。不得食雞肉。按此病因被歐後瘡口傷風。足以喪命。當係是破傷風。亦前人之醫案也。

麻疹

釋名 張氏醫通云。麻疹俗名痧子。浙人呼爲瘡子。痲病風熱。人或未知。痧之與瘡。字學不收。皆土音習俗之訛耳。

原因 張氏醫通云。痲疹者。手足太陰陽明二經蘊熱所發。小兒居多。大人亦時有之。是亦時氣傳染之類也。

吳氏兒科云。……至于病之起源。可以賅括稱之曰毒。蓋兒居母腹。以母之氣血爲氣血。夫人孰無飲食所傷。六淫之所侵。毒之伏于母體者。胎兒莫不感之。且當成胎之時。精華者供榮養。糟粕者棄胞中。則積漸所蘊。皆足成毒。胎兒日處其間。又安能免于爲毒所染。故胎兒

各組織中。悉含有毒素。可以斷言。比其生也。其新陳代謝之作用。倍增于往時。故其毒有宣洩之必要。于是或生而遊風丹毒。一時蠶起。或生而腮腫口腐。雜然並作。此皆毒之洩露也。然毒之盛者聚者。自隨初生去毒之法。由人力逗之外出。然毒之輕者散者。則一時不易發出。伏蘊于內。待時而動。于是乎痧子一症。遂爲小兒人人所必經之症矣。至于痧疹觸發之期。最盛于春夏。則以時當降藏之後。天氣動。地氣洩。時行之邪襲于外。含蘊之毒遂動于中。是以痧疹之發。必有誘因。或一門皆染。或闔境流行。職是故耳。再者凡痧物之發。必密佈週身。無微弗至。則正因胎兒各組織中。悉含有毒素。故無處不洩也。若有一部未發。爲一部之毒素未透。是以驗痧者。恆視透齊與否。以定施治之標準也。

症狀 張氏醫通云。麻疹發時多咳嗽。多嚏多嘔。眼中如淚。面浮腮赤。多瀉多痰。多熱多渴。多煩悶。甚則躁亂咽痛。脣焦神昏。通身紅赤。起而成粒。勻淨而小。斜目視之。隱隱皮膚之下。以手摸之。磊磊肌肉之間。其形若疥。其色若丹。以其陽氣從上。故頭面愈多者爲順。吳氏兒科云。痧疹將發。其初並無顯著之現狀。卽偶有發熱。不過似尋常之感冒而已。繼則身熱益甚。口渴而燥。（或間有惡寒者）咳嗆時作。涕淚俱有。不時噴嚏。此痧候也。如是者。

多或七八日。少或二三日。氣急煩悶。眼赤腮紅。隨卽見點矣。甚者乾嘔惡心。或兼泄瀉。或兼吐利。其點初見不多。依次遞增。每間數時。熱較甚則氣益粗而顆粒益增。當其壯熱之時。謂之潮。潮甚者。恆倦臥。重者則竟譫語悶亂焉。每日三五潮。潮三日則顆粒全透。無微弗至。毒發已淨。自漸退隱矣。其隱也。亦以漸。大約三日後。顆粒平。而五六日後。則隱不復見。至痧點透齊後。有三日不沒者。或沒而遲遲者。則以內有濕熱。故不易回也。

脈法 吳氏兒科云。痧疹屬陽邪。故宜見陽脈。本來陰症見陽脈者吉。陽症見陰脈者危。痧疹尤甚。凡脈之洪浮滑數弦。皆陽象也。脈之細澹沉伏遲。皆陰象也。故痧疹脈伏。使非熱極見陰。卽屬元氣怯弱。脾胃衰敗。均爲危症。次之卽脈之細弱者。雖非危證。亦防變端。然有不可一概而論者。則其人本屬陰臟脈。必一生常細。或其人脾胃無甚實熱。脈亦未必洪數。此則當另求真象于脈外者也。考普通痧疹之脈。大率初起浮數。繼則洪數。熱方進者。必見弦大。胃熱有積者。必見洪實。至于胃家虛熱。多見洪滑。內有痰濕。獨見滑象。血分熱極。數而兼促。此其綱也。至部位之分。則右寸獨浮大者。當防肺熱過甚。左寸獨浮數者。當防熱入包絡。至于兩關寧以較實爲佳。左關屬肝。左弦當防血熱之盛。右關屬脾。右弦當防積濕。或胃熱

之甚。若言兩尺。則命門與腎所屬。過于洪大。裏熱必盛。過于細小。邪毒難透。均所不利。惟小兒痧疹。大都不全恃於脈法。然有時不得不取資憑證。決疑者。因錄之以備一格。

經過及預後 張氏醫通云。痲疹之發。自始至終。不過二三日。即安。從古迄今。靡不皆然。邇來風氣變遷。有似北方氣候。即尋常痲疹。必六七日乃消化。若熱勢未盡。或觸風寒。或犯飲食。變證百出。其危有甚於痘者。

治法 張氏醫通云。若初發壯熱。至已出而熱不少衰者。其證必重。清熱透肌湯。出盡而壯熱不退者。竹葉石膏湯。去半夏加荊芥黑參。沒後而壯熱不退者危。急需涼解為主。其有熱數日。止而復作者。有早熱而暮退者。在初發時爲熱邪未透。葛根解肌湯。正出之際。而煩熱轉甚。乃邪熱未解。而復內攻也。清熱退肌湯。沒後見者。爲餘邪未盡。四物湯。換生地赤芍。加連翹黑參。亦有痲退身涼。越六七日而復熱者。非餘熱未清。即復感風邪。當以意消息。或因病大之後。中氣虛而然者。治本爲要。臨病之機。不可不審也。

吳氏兒科云。痧疹當未發之時。未必能斷爲痧疹也。此時切其脈浮數。一襁褓兒無脈可尋。則用大姆指按其腕側驗之。聽其息有時而粗。可與輕清表劑。自無或誤。蓋諸病發熱初

起。使非虛熱內傷之屬。率從表解也。惟熱有輕重。表有分寸。大概熱盛而渴而燥者。宜乎辛涼。熱不甚而煩而悶者。宜乎辛散。熱而挾濕。濕在上者宜汗。濕在下者。宜佐以利水。此治痧子之初起也。及其熱甚之後。咳噎迭作。眼淚汪汪。鼻流清涕。不時噴嚏。便知痧候。宜急用透達清肺之劑。庶使邪毒易洩。迨至眼赤腮紅。痧點隱現。尤當以前法爲準。所以使邪毒洩而易暢也。在此時期中。有兼見之症。不一而足。膈悶懊懣者。宜舒氣散結。頭痛昏暈者。宜辛散祛風。嘔吐嘔痰者。宜快氣消痰。下利泄瀉者。宜重透達。若大便不爽。則宜涼潤微利。若氣急喘滿。則宜開肺洩邪。此治痧之法也。至于痧子發現之後。迭經透達。點已出齊。仍宜辛散之劑。以達餘蘊。清涼之劑。以保肺藏。然清涼不可驟下者。若點稀色白。宜養血助氣。辛散有不可恆用者。若點密色紫。或暗而成片。宜清血解毒。至痧回之後。大抵清涼之劑。蕩滌餘邪。虛弱者。宜補益脾胃。此治痧之大概也。

死候 赤水玄珠云。黑暗乾枯。一出卽沒者不治。鼻扇口張。目無神者不治。鼻清糞黑者不治。心前吸氣喘者不治。

張氏醫通云。麻疹胸高。肺熱熾盛而脹也。多見于正沒。沒後。爲肺經壞證。不治。

禁忌 吳氏兒科云。癩疹既沒之後。尤須慎避風寒。嚴戒勞碌。忌口靜養。方無餘恙。否則辛辣早嗜。令生驚搖。鹽醋過早。令咳不止。雞魚早嘗。令天行時即重出。不避風寒。令膚燥癢。此皆終身為患。不可不戒也。

古今驗方選

清熱透肌湯張氏醫通方治癩疹未透。熱甚而欬。

黑參 石膏 鼠粘子 荊芥 防風 前胡 葛根

生甘草 杏仁

葛根解肌湯張氏醫通方治癩疹初起。發熱咳嗽。或乍涼乍熱。

葛根 前胡 荊芥 鼠粘子 連翹 赤芍 蟬蛻

木通 生甘草

涼血飲子張氏醫通方治癩疹火毒熾盛。紫赤而黯。

生地黃 黃連 黃芩 荊芥 黑參 紅花 赤芍

丹皮 木通

甘桔湯張氏醫通方治痲疹咽痛。口舌生瘡。

甘草 桔梗 山豆根 黑參 鼠粘子 荆芥 麥門冬

石斛清胃散張氏醫通方治痲後嘔吐。胃虛不食熱滯。

石斛 茯苓 橘皮 生薑 葱白

雙和湯和劑局方治痲後虛羸。

熟地黃 白芍 黃耆 當歸 川芎 甘草 肉桂

生薑 紅棗

麥冬甘露飲張氏醫通方治痲疹熱甚而渴。

麥門冬 黑參 黃芩 栝蔞根 連翹 竹葉 燈心

生甘草

清咽滋肺湯張氏醫通方治痲後餘熱。欬嗽聲瘖。

黑參 鼠粘子 荆芥 葳蕤 貝母 桔梗 栝蔞根

麥門冬 枳殼 扁豆 藿香 馬兜鈴 丹皮 赤芍

急性傳染病 痲疹

甘草

除熱清肺湯張氏醫通方治麻疹盡透而壯熱欬嗽大便祕結。

石膏

黑參

生地黄

赤芍

貝母

麥門冬

栝蔞根

甘草

射干消毒飲張氏醫通方治麻疹欬嗽聲痞咽喉腫痛。

射干

黑參

連翹

甘草

荊芥

鼠粘子

四物湯和劑局方治痧後血虛血熱。

生地

白芍

當歸

川芎

金花丸證治進繩方治痧後邪毒猶鬱於肌肉間發熱便艱。

黃連

黃柏

黃芩

大黃

麥冬清肺飲沈氏尊生方治痧後肺虛頓咳。

麥冬

人參

甘草

赤芍

桔梗

陳皮

檳榔

赤苓

清火消毒湯沈氏尊生方治痧後晝夜發熱。漸至髮焦膚稿。羸瘦。

黃芩 山梔 黃連 鬱金 龍胆草 雄黃 地骨皮

燈心

清胃湯李東垣方治痧後疳。牙根臭爛出血。頰腫環口青黑。

升麻 生地 黃連 當歸 丹皮

甯肺湯證治準繩方治痧後咳嗽。清肺除熱。

黃芩 桑葉 貝母 知母 杏仁 花粉 天冬

沙參 枇杷葉

三黃湯李東垣方治痧後下赤白痢。滯下兼實者。

炒川連 炒黃芩 蒸大黃

當歸養榮湯證治準繩方治痧後遍身壯熱。痲癢煩躁。由于陰虧血耗者。

當歸 山梔 川芎 生地 麥冬 甘草 竹葉

燈心

犀角解毒湯證治準繩方治痧毒倒靨胃爛。

犀角 連翹 桔梗 生地 當歸 薄荷 防風

黃芩 甘草 赤芍 牛蒡 荊芥

宗景按。中醫自古以癩疹爲胎毒。至西洋學說則謂一種細菌所侵入。但近年來。吾國新進中醫。對於疾病之論調。往往抱折衷態度。如章君巨膺謂本病以胎毒是內因。傳染爲外因。必先有內因。然後外因得以引誘爲病。此說似乎可信。本病症候。每有一定之經過。可分作三期如下。

一、潛伏期。從感受病毒起。至發病時止。平均須十天左右。在此期間。除輕度發熱。或睡臥欠安。胃納略減等。似有而似無之症狀外。大概不現何等症狀。雖亦有早期發熱。但係因感冒風寒而誘發。非可認爲定型也。

二、前驅期。從發熱咳嗽等起。至發疹時止。約三四日。其間症狀經過。亦爲漸進式。茲分述本期症狀之經過如下。

第一日發熱在三十八九度之間。鼻流清涕。（鼻黏膜炎）噴嚏呵欠。眼結膜潮紅腫脹。

並流出多量淚液。咽喉扁桃腺炎腫。咳嗽咯痰。或聲音嘶啞。呼吸困難等狀。

第二日頰內黏膜及口唇內面。發現一種白色或黃色之考拍立克氏（Korlik）斑點。斑之周圍。圍有紅色環狀圓暈。

第三日熱度稍下降。在軟腭和懸雍垂小舌之附近。發生小如粟粒。或大如扁豆之前發疹。（此時皮膚疹尙未發現）

三、發疹期從皮膚疹起初發現。至疹子佈滿全身時止。約須五日。其間症狀。可略述如下。

一、熱度復昇騰至三十九度或四十度。各種黏膜炎證狀。較前更覺加重。

二、痲症最先發生於顏面各部。次及頸項部。胸背部。臂部。臀部。漸次佈滿全身及四肢。

三、病人顏面。因為發疹強盛。變為浮腫模樣。眼臉腫脹。怕光流淚。膿狀眼脂之分泌。較前增加。口圍各部。或生溼瘡。

四、聲音嘶啞。咳聲粗厲。咳嗆頻頻發作。咳時胸部作痛。

五、舌苔乾燥膩白。或灰褐色。同時脈搏迅速。呼吸亦非常促迫。

六、胃口停滯。食機全廢。口中煩渴。頭痛或昏睡譫語等證。次第發現。

麻疹病毒。由呼吸機關。侵入血液。初無若何之現象。待其潛伏期已過。遂開始分泌其毒素。營其有害之作用。同時人體自然療能。亦被喚起。而同與病毒相抵抗。遂起發熱現象。蓋發熱爲人體自然之抗毒作用。人當發熱時。其血運呼吸皆速。易使體內毒素外達於皮膚毛細血管。由皮脂汗腺而排洩。在前驅期中。則因毒素之分泌。未至引起熱度增高。（排毒作用尙未旺盛）之程度。故僅發生眼臉赤腫。眼淚汪汪。（結膜炎）氣急咳嗽。（氣管枝加答兒）作吐作瀉。（消化器炎）鼻塞鼻流清涕噴嚏（鼻膜炎）等之炎症現象。殆疫勢猖獗。熱度亦因以增高。（排毒作用亢盛至極度）皮脂汗腺不及放泄。源源外達之毒素。致毒素羈留於肌膚之間。發爲紅色疹點。當此之時。神經中樞。一因受高溫之熏灼。一因傳染翹之中毒症狀。或不免有手足抽搐。語昏狂及煩躁不安等狀。如能使病人保持微微汗出之狀態。則麻毒自能源源外達。漸漸外泄。殆毒素泄盡。就能自然向愈。若在發疹期間。偶受風寒之侵襲。或誤投寒涼之藥。或誤食生冷之數。則皮膚汗腺。及皮膚毛細管突然收縮。毒勢因不得從皮膚放散而內陷。則肺炎牙疳瀉痢鼻衄。地角膜瘡瘍等合併症。次第發生。勢必不救矣。

小兒於痧子流行時。發熱咳嗽。須注意下列各點。

一、勿與鞏腥生冷等食物及回春丹保赤丹等藥。

二、康健之小兒。勿使入病兒家。

三、家中如有病兒。則其他兄弟姊妹須分居。

四、痧子既出。鞏油氣味。不可使病兒嗅得。

五、乳母亦須戒絕鞏腥。

六、病兒勿當風受冷。亦不可過暖。

七、若見熱重無汗。氣急鼻煽。面白泄瀉諸逆症。急須延良醫醫治。

八、瘡子之後。禁食芥菜蚬蟹等一個月。犯之則爲癩疥。周身作痒。

在初起咳嗽發熱。涕淚交流時。若無汗即可用麻黃發表。有汗即如荆芥、防風、葛根、茅根、薄荷、連翹、桑葉、杏仁、象貝、橘紅等疏散宣肺化痰之品。均可酌用。痰多熱重。可採用括蕒、黃芩、黃連。舌乾汗多煩躁。可採用石膏。兼有食積。可採用查炭、神麴、腹皮、萊菔子、枳實、枳、榔、穀芽等消導之品。小便短赤。泄瀉不止。可採用車前、豬苓、赤苓、澤瀉、扁豆衣、芡實、荷蒂。

等品。咽喉腫痛。可採用牛蒡、元參、桔梗、馬勃。口渴可用茅根煎湯代茶。

痘瘡

釋名 萬菊軒曰。上古之時。未聞痘瘡之名。素難之文。鮮有及者。豈其人淳龐朴野。積精全神。賊邪苛毒。莫之能害歟。或云自建武擊虜。遂染其毒。流布中國。謂之虜瘡。或曰聖瘡。言其變化莫測也。或曰天瘡。言爲天行疫癘也。或曰百歲瘡。言人自少至老。必作一番也。或曰豌豆瘡。言其形之相似也。自錢氏名爲痘瘡之後。延用及今。或有稱爲天痘者。言其能傳染也。或稱爲天花者。言其如花也。此則非學名而爲俗語矣。

原因 痘科學云。論痘瘡之病原。至今尙無確說。在一八九二年。Guarnerie 氏以痘苗接種法。發見細胞之內。寄生小體。從前多認爲病原。但據多數學者之研究。皆云此非病原體。至一九一七年。Leschke 氏謂膿胞之塗抹標準中。所數現 Paschen 氏小體。是病原體。但亦不能確定。(最近有人發表病原體而非顯微鏡所能窺見也)以現在的學者。努力於預防醫學之研究。如霍亂白喉天痘等之接種苗漿。以預防各病之發生。正是上工治未病之微旨。故於一九一七年之後。甚少發表其病原菌者。然在中說。別有所見。憚鐵樵

先生說是先天慾火。父精母血。陰陽鼓鑄而成胎。當這成胎之頃。就埋伏了一點天花的根子。在內。民國六年有江西羅君社昂者。謂痘疫是相火之毒。凡小孩有受父母夾雜之遺傳。大人有染交媾之直傳者。若逢木水二氣之歲。加以木水二氣之時。又加以木水之風。自地中起發。地中已積自人身脫出之相火毒。得天地之同氣。爲風之原素。氤氳混合。同類中人。內外相激。瘟痘構成矣。惟此中微妙之理。關於五運六氣。及司天在泉者居多。細攷內經。當知余言之不謬耳。

症狀

潛伏期 通例十至十四日。

前兆期 又名發熱期。最初常覺一回戰慄。次發三十九至四十度以上之熱。全身甚感困倦而就褥。舌乾燥厚白。脈搏極數。食思缺乏。或頻頻嘔吐。咳嗽。（氣管枝炎）其至呼吸促迫。煩渴。讞語。大便多祕結。少有利。利尿減少。有著明極劇之腰痛。（腎藏部或腰髓膜部充血）在女子未達經期。先來多量經水。或是妊婦早產流產者亦有之。一二日後。口腔內部。及咽喉部之粘膜。現散慢性之紅斑。次日又在下腹。上腿。胳膊。及腋窩部等處。發生形似

麻疹之小紅點。但經過不久。即自行消失。此即西醫所謂初期皮疹。或名前兆期皮疹。若再細辨之。此疹又有兩種不同之症狀。不憚其煩。故詳述如下。所見者或似麻疹。決不成丘疹狀。或發斑狀。先發顏面。次及四肢。多於十二至二十四小時內消散。（不落屑而褪色也）即是上文所述者是也。亦有呈猩紅熱症狀者。疹各融合。呈瀰蔓性發赤。指壓褪色。總稱為非出血型。在本病之預後較良。若在本期。第一日見極小帽針頭大之皮膚出血。呈猩紅熱或疹之觀。此出血點。好自下腹部。及大腿內側蔓延於膝。惟不及外陰部。呈三角形。稱為股三角。此狀存留之時間較長。即至第二期尚有形跡可按。此為出血型。亦有兩型同時並見者。

發疹期 三四日後。則於顏面及前額等處。皮膚表面。現限局性類圓形斑。試以手指壓之。則褪色。一晝夜間。漸次蔓延胸部。背面腹部。及腿足。顏面最多。股三角部最少。所應注意者。在前期皮疹出現之處。此發時不再現斑點。即有之。亦不過受輕度之侵襲耳。

丘疹期 至第五日。顆粒隆起。其形圓整。經過一日。（即發病第六日。發疹之第三日。）於各丘疹之表皮。形成水泡而隆起。謂之水泡期。即開始灌漿。此期持續至三日。（在發病第

九日)開始形成痘瘡膿疱。平均約有豌豆大。水泡之色漸黃。內貯膿漿。此時病勢轉劇。熱度升高。痘之內容與熱並進。往往喉舌等處。均見痘點。是爲

灌漿期。灌漿之後。其中央現著明之陷凹。卽痘臍。或稱痘窩。周圍發赤。時爲痘暈。自見皮疹。至本期第三日之內。其發育已達極度。故至發病第十二日。膿疱漸乾燥。(灌漿期又名膿疱期。)以至於

結痂期。此時膿疱破裂。熱候亦退。痂皮次第結成。身有搔癢之感覺。此時期內爲伏雖退。若不加意調護。仍有危險之轉變。(此時亦可再發膿疱。症情自是轉劇。)傳染他人亦以此時爲甚。乾痂留皮膚上。約五至七日而達

落痂期。乾固之痘痂。在此時期。漸漸脫落。表皮剝屑。其持續約十四日。故痘疹患者之正規的經過。在感染第六週。方告終止。乾痂剝落之後。在舊膿疱位置。暫時尙留有赤色斑。經數週。始得消失。惟膿疱之侵入真皮中者。則治愈後。該部陷凹。終身存留。此卽痘痕。多見於顏面之上。俗名麻子。平人常說。麻子心狠性毒。實無稽之談也。在前兆期。或發疹期。粘膜變化。見痘疹性內疹。此無論是痘瘡。或是麻疹猩紅熱。皆各有各個不同之內疹發現。在不明

眞象者。以風熱痰火論之。未免是皮相之談也。(一)眼中焮灼。訴異物感。頻頻流淚。結膜甚潮紅(赤眼)且著明腫脹。有發粘膜水腫者。鼻喉頭。及氣管枝粘膜。惹起同樣之變化。與疾苦因此發噴嚏。鼻中灼熱。流涕。嚥下痛。聲音嘶嘎。咳嗽。咯痰。此卽西醫所謂廣汎性加答兒性炎性之症狀也。(二)有時舌面被厚苔。舌邊呈壓痕。上有膿疱。赤暈而帶白色。此名痘疹性舌炎。患者舌痛難咀嚼。屢自滄涎。口臭難聞。又有喉頭粘膜。起膿疱時。誘起聲音嘶嘎。及喉頭部疼痛。有時會厭皺裂。及假聲帶發急性炎性腫脹。此卽急性聲門水腫。或有以此窒息而死者。一更有一危險症。卽膿疱侵入深部時。發喉頭軟骨膜炎。及其續發症狀。有時與相對之粘膜癒着。誘起膜性。及隔壁狀之喉頭狹窄。極難除去。此症湯水不進。而殞其命者有之。一眼粘膜上。若有膿疱時。誘起劇烈之加答兒性炎症。往往成膿。如膿疱接近角膜境界。或波及於此時。則惹起全眼球化膿性炎症。此名全眼球炎。眼球完全癒着。患者終至失明。一痘症有耳痛。耳鳴。及重聽諸疾患時。常由歐氏管及鼓室粘膜。發生炎症而然。他如食道及胃粘膜之膿疱。生前不能發現。一若尿道粘膜生膿疱。則排尿時後發熱灼及疼痛。一腔子宮頸。及直腸粘膜等處之膿疱。非用鏡檢不能見。卽在本病。亦無診斷之價值。中醫

書籍更少論及。以其發生內疹或膿疱形成諸症。方書甚少詳其說者。故取西說而上述。○
節錄繆俊德痘科學）

脈法 痘科學云。自發熱以至灌漿。毒從內出。其脈宜浮數。不宜沉細而遲。結痂之後。毒從外解。脈宜安靜。古名和緩。卽不大不小。不快不慢。不過於有力。不過於無力之現象。不宜見浮、數、弦、滑、及虛大等象。若見浮而無根。沉而牢緊。皆爲死候。

診斷 痘科學云。發熱一症。大有分別。感冒發熱之候。熱在肌表。且有惡寒。脈躁。鼻流涕。有汗或無汗等證。食積之候。必有腹脹腕悶。舌酸。噯腐。不思飲食。舌被厚苔等證。惟痘瘡發熱。遍體骨節。蒸蒸疼痛。筋惕肉瞤。神情恍惚。與他證發熱之徵象迥不相同。

治法 何氏佩瑜云。治痘之法。分輕重以施緩峻。熱輕者銀翹湯。熱重者葛根黃連及解毒活血。或用白虎及承氣湯。審氣血以辨虛實。清熱解毒之中。血虛合四物。氣血俱虛。合芎歸保元之類。清熱加芩連石膏。活血加桃仁丹皮紫草。解毒加甘草中黃。察部位以辨順逆。察痘發部位之所在。以分經施治之。治兼證以去障礙。兼表證解表。加防風薄荷之屬。兼裏證通裏。如大黃芒硝之屬。兼熱者清熱。如石膏犀角之屬。兼寒者溫中。如桂附之屬。兼證旣除。

痘症自能依期循軌而收功矣。

中國急性傳染病學云。痘證之出。以其常而言之。一、二、三日。宣表解毒。使痘易出。亦有氣滿而不能出者。當微和其氣。氣利則出快。用者不可過早。恐腠理一密。則痘難出。四、五、六日。宜清涼解毒。使痘易脹。清涼則無血熱腸壅之患。解毒則無壅滯黑陷之害。七、八、九日。以灌漿爲主。當溫補氣血。氣血流行。而成漿自易。十日至十二日。以收斂爲主。調和氣血。補脾利水。使痘易於結痂。此治痘之常法。亦有先期而速。後期而遲。不可執一。苟見點之時。痘粒稀少。不可過表。恐成癍爛。若痘現紅紫色者。急宜疎利。不然。在後必然黑陷。四、五日後痘出未盡。而清涼。則得寒而凝滯。熱毒未解。而溫補。則毒蓄而不能化漿。四、五日內。痘出至足下爲者。苟未盡出。於解毒之中。宜兼發散。若專於寒涼。則痘更遲滯不出。七、八日之間。毒未盡解。於溫補之中。又兼解毒。若偏於溫燥。則毒盛不能化漿。十一、二日之間。漿未滿足。必大補氣血。略兼解毒。不然。恐有癰毒疔瘡之患。是當於臨證之際。因病勢之進退。而變通之。

預後 痘科學云。大抵由流行之性質。感染之輕重。年齡之大小。合併症之有無而異。患者曾否種痘。與本病之預後。大有關係。在妊婦罹融合性。及出血性痘瘡。其時屢因流產。及發

產褥性腐敗症而致死。其胎兒有帶痘疹而出。未幾即死。或是在分娩之後。即罹痘疹。妊娠
期內。若胎兒在子宮內。經過痘疹。此小兒分娩後。即種牛痘。亦不善感。而天花流行之時。亦
不患此。其病之神祕。有如此者。

死候

- 一、根窠紫黑色。全不起發。(因血液乾枯之故)痘粒內陷。神昏氣促。腹脹不能飲食。腰腹痛
或不痛。悶亂不寧。痘粒黑陷。神氣昏潰者。皆屬死證。
- 二、貫漿之時。純屬清水。皮薄而白。如水泡者。三四日後死。
- 三、灌漿乾枯無血水(名空倉)者死。
- 四、灌漿之時。泄瀉不止。二便下血。乳食不下。或二便不通。目閉聲啞。腹中脹滿。肌肉紫黑者。
皆死。

五、當結痂之時。痒塌而無膿血。皮如豆殼者死。

六、寒戰咬牙。噤口手足顛掉。目閉。四肢冷過肘膝。腹脹大者死。

七、痘發紅點。四圍帶紅紫色。發癢者五日死。夾癍如錦紋色者。六日死。夾癍現青色者。一二

日即死。初出紅點滿項。肌肉皆作紅色者。八九日死。痘出頭面如胭脂紅者。六日死。痘出之色如湯泡及火燒之傷痕。痘粒平塌而作癢者。十日死。見點三日後。痘粒不起。紅腫如瓜者死。

八、痘根如麻密無隙。不礙手。舌捲囊縮者死。痘粒已出。頂陷色白者死。頂陷色紫黑者亦死。
(節錄時逸人中國急性傳染病學)

古今驗方選

十神解毒湯 繆氏改訂方 治身發壯熱。腮紅。臉赤。一二日來。煩躁口渴。痘欲見點。小便短澀。睡臥不甯。

小生地 川紅花 若桔梗 細木通 青連翹 當歸尾 赤芍藥

大腹皮 牡丹皮 雞血藤膠

(加減法) 熱甚。加銀花葛根。兼惡寒者。加薄荷牛蒡子。口渴甚。加天花粉山梔竹葉。小便

短。加滑石赤芍。小便祕。加枳殼大黃。(炒用)兼見血證。加犀角桃仁黃連山梔。發斑加

黃芩犀角。煩躁。狂亂譫語。加石膏知母。嘔吐。加竹茹法夏。咽痛。加生草射干牛蒡子。

四順飲證治準繩方主治發熱面赤氣粗便閉。

全當歸 生草 酒大黃 赤芍

(加減法) 小便少者加燈心木通大便瀉加木香甚則用肉苳蔻。

加味葛根湯幼集集成方治痘初起毒氣深重大熱眩暈。

粉葛根 京赤芍 生甘草 荊芥穗 柴胡 牛蒡子 白桔梗

連翹 淮木通 北防風 綠升麻

痘科神仙活命湯時氏改訂方發熱期及見點期內熱甚煩躁痘疹稠密或咽喉腫痛或兼見

腫癢治宜消散。

銀花 當歸鬚 浙貝 炮山甲 連翹 赤芍 白芷

製乳沒 薄荷 廣皮 天花粉 赤苓

(加減法) 初發熱加葛根葦莖咽痛加生草桔梗射干山豆根嘔吐加竹茹法夏懊懣加

山梔竹葉便閉加大黃溺少加滑石內熱重加酒芩生石膏如已見點色紫者加山梔

紫花地丁紫草如根脚腫硬加桃仁角刺紅花丹皮如痘色淡白加黨參寒重者加官

桂去銀花。

寬中透毒飲 金鑑方 痘欲出發熱見嘔吐煩渴大便祕結口出酸臭此兼傷食也。

葛根 桔梗 前胡 青皮 厚樸 炒枳殼 山查

炒麥芽 蟬蛻 連翹 牛蒡子 黃連 荊芥穗 生草

歸宗湯 金鑑方 壯熱不止爪甲色紫四肢厥冷(熱深厥深)心煩渴欲引飲大小便祕煩燥

狂亂唇口焦裂舌生芒刺或失血或腰痛。

生大黃 牛蒡子 小生地 京赤芍 生山查 細木通 青皮

荊芥穗

導赤散 幼幼集成方 治痘初起發熱作搐。

鮮生地 淮木通 蘇薄荷 北防風 生甘草 燈心 辰砂

(加減法) 心煩啼叫不寧加麥冬山梔驚搐甚者加全蝎天麻痰盛者兼服抱龍丸。

加減冰飢飲 見點後熱勢尙重痘出甚多服此能減少出痘時方中之解毒劑也。

金銀花 連翹 酒芩 山梔 澤瀉 黃連 黃柏

犀角 地黃 丹皮

增損八物湯幼幼集成方 治痘過期而出氣血虛弱者。

官揀參 白朮 炙黃耆 當歸 川芎 牛蒡子 荆芥

赤芍 桔梗 連翹 防風 乾葛 炙草

蘇解散 金鑑方 痘瘡見點應出不出欲有表證或毒重熱盛者宜之。

蘇葉 羌活 升麻 山查 木通 生草 川芎

前胡 葛根 防風 桔梗 荆芥 芫荽

保元湯 金鑑方 氣虛怯冷唇白面灰腹泄便溏痘疹出而復陷中氣虛也本方主之。

黨參 生黃耆 生苳 上女桂

千金內托散 金鑑方 不見發熱虛而兼寒者宜之。

保元湯加當歸 川芎 白芍 白芷 山楂 厚朴

木香 防風

必勝湯 金鑑方 見點之後觸諸邪穢痘陷色見灰滯焦黑毒重形氣實者本方主之。

大黃 荆芥 赤芍 青皮 生地 山楂 木通

牛蒡子 桃仁 地丁 蟬蛻 葛根 地龍 紅花

紫草飲子 金鑑方 凡痘見點。頂平不起。根脚鬆散。虛者宜此。實者用歸宗湯。

紫草 蟬蛻 人參 穿山甲 炒枳壳 山楂 木通

保元化毒湯 金鑑方 起脹時。內宜尖圓紅潤。根鬆體厚為正。如平凹。灰白。皮薄。嫩亮。倦怠。氣

乏。不煩不渴等虛證。宜此方。若內熱壅滯。其色深紅而豔。板硬平塌者。用歸宗湯。

台黨參 生黃耆 炙甘草 油肉桂 全當歸 山甲片 香白芷

廣木香 炒殭蠶 炒川芎

奪命五毒丹 金鏡錄方 治痘瘡不起。黑陷。或乾枯。或痘形中扁。色枯黑。毒盛不能外出。此方神

驗。

牛黃 蟾酥 硃砂 雄黃

上藥各研細末。用豬尾血和勻。量加白蜜為丸。每用一分。薄荷湯下。

百祥丸 幼幼集成方 治痘黑陷。大小便秘。煩躁悶亂者。

紅芽大戟。不拘多少。水煮極爛。去骨。晒乾。復加原汁。焙盡乾爲末。水和丸。如粟米大。每服三分。至五分。芝麻湯下極效。

異功快斑湯 幼幼集成方 治痘證久瀉不止。

官揀參 炙黃耆 炙甘草 漂白朮 南木香 全當歸 青化桂

廣陳皮 丁香 白茯苓 訶子肉 大棗

四聖膏 金鏡錄方 痘疔最險。急用銀鍼刺破四圍。以洩毒血。再貼此膏。內服清毒活血湯。內熱重者。並宜歸宗湯。

眞菘豆粉。珍珠粉。新豌豆。血餘炭。各研細末。以葱和白蜜搗勻。成膏塗之。外貼桑皮紙。清毒活血湯 繆氏新訂方 治痘疔。

紫 草 赤 芍 角 針 銀 花 牛 蒡 子 炒 丹 皮 紅 花

蒲公英 連 翹 川 連 鮮 菊 葉 根 汁

人牙散 金鏡方 痘不起。色灰白者。

人 牙 (好者煨存性) 研末。加麝香少許調服。

急性傳染病 痘 瘡

獨聖散 金鑑方 痘陷不發。乾枯黑色。而神欲絕者。

川山甲 (洗淨炙焦黃色研細末) 每用五分。日服三五次。和麝香少許。木香湯下。或用紫草

湯。加酒少許調服。

參歸鹿茸湯 金鑑方 痘形皮薄漿清。根色無紅暈者。此氣血大虛之候。急用本方。

老山參 歸身 炙草 黃耆 鹿茸 糯米

清毒活血飲 金鑑方 痘不如期灌漿。板硬乾黃。或灰滯紫暗。此毒火太重。而氣血又虛弱者

用之。

紫草 木通 炒白芍 牛蒡子 全當歸 生地 連翹

山楂 桔梗 黃芩 川連 黨參 黃耆 燈芯

加味歸宗湯 金鑑方 痘根紅紫。紅形焦黑。而漿水不行者。此毒火熾盛。宜此湯。

生大黃 牛蒡子 小生地 京赤芍 生山楂 細木通 青皮

荊芥穗 歸尾 紅花 紫草 犀角 黃連 穿山甲

地丁

犀角地黃解毒湯繆氏新訂方治痘瘡諸般血熱失血。

犀角 丹皮 白芍 生地 黃芩 黃連 紫草

敗毒飲子加減方繆氏新訂方痘見板結。凹陷。大熱引飲。昏迷譫語。身起癰腫。黑暗堅硬。病勢

垂危諸症。

生地黃 西紅花 赤芍 川黃連 連翹 銀花 牛蒡子

升麻 葛根 木通 羚羊角 犀角尖

茶甘敗毒湯 治痘毒發癰煎洗之方。

當歸 銀花 陳茶葉 粉草 紫草茸 五倍子 紅花

外用

王氏通經逐瘀湯加味 錄繆氏痘科學 凡週身攢簇。蒙頭。覆釜。週身細碎成片。或夾疹。夾斑。浮

衣。水泡。其色或紫。或暗。或黑。其症或乾嘔。煩躁。晝夜不眠。險逆諸證。皆疫毒血瘀之候。

宜用本方。

光桃仁 川紅花 生赤芍 青連翹 川柴胡 皂角刺 生黃耆

急性傳染病 痘瘡

肥知母 川山甲 白頭蚯蚓 當門子

(附錄)何氏廉臣按。此方藥性不大寒大熱。不大攻大下。真良方也。五六日後。見清漿白漿。將麝香去之。加黃芪五錢。將山甲皂刺減半。至七八日後。桃仁紅花亦減半。黃耆可用八錢。若溫毒極重者。余每遵丹溪翁法。與犀角地黃湯合用。一則清透血毒。一則善殺原蟲。以犀角桃仁為君藥。雙方兼顧。改定方名。曰十二味犀角桃仁湯。較之王氏本方。尤為穩健而周到。凡治瘟毒痘疫。屢奏殊功。故表出之。以供獻於專門痘科者。

回漿飲 金鑑方 痘至收斂之時。當醫不醫。皮嫩漿薄。身不甚熱。二便不實者。

黨參 黃耆 茯苓 白朮 首烏 炒白芍 炙草

煨薑

大連翹飲 金鑑方 當醫之時。痘根焮腫而赤。潰爛而臭。通身大熱。煩躁不寧。此毒盛也。

連翹 牛蒡子 當歸 滑石 銀花 黃芩 蟬退
山梔 赤芍 車前子 木通 生草 燈芯

除濕湯 金鑑方 當醫之際。痘粒有孔漏水。腹脹。小便少。甚則偏身腫爛者。

茅朮 猪苓 白朮 澤瀉 赤芍 赤苓 木通

桂 生姜

清毒飲 金鑑方 痘不當收斂之時。忽一時盡靨者。更見週身痘粒乾燥。口渴發熱。煩躁不甯。

此毒火壅盛故也。

生地 連翹 牛蒡子 黃連 赤芍 銀花 木通

當歸 丹皮 生草

涼血解毒湯 金鑑方 結痂之後。當落不落。乾燥不潤。根色紅豔。渴欲飲冷。煩躁不寧。此熱毒

鬱於血分。

當歸 大生地 白芍 紫草 紅花 連翹 黃連

生草 丹皮 桔梗

黃連解毒湯加味 金鑑方 如痘痂已落。痘癍或紫。或黑。週身壯熱。煩渴不寧者。因灌漿之時。

未能足漿。毒未盡化之故。

黃連 山梔 丹皮 生草 黃芩 黃柏 大生地

銀花 連翹 燈芯

解毒防風湯 金鑑方落痂後。痂內赤腫。或發熱不止。或作癢。此內熱復感外風。

黃芩 大生地 生草 連翹 牛蒡子 銀花 赤芍

薄荷 山梔 丹皮 防風 甘中黃

十全大補湯 局方落痂之後。其痂凹而不起。色白不紅。精神疲倦。飲食減少。

黨參 白朮 茯苓 炙草 肉桂 當歸身 川芎

炒白芍 大生地 黃芪

宗景按。痘瘡俗呼天痘。考之舊籍。多言先天之欲火。父精母血。陰陽鼓鑄而成胎。當兒在胎時。食母穢血而致者。西醫則謂麻疹痧疹天花水痘猩紅熱及發疹傷寒等。均為感染。微生物或原蟲而起之急性傳染病。是中西兩說。絕不相侔。學者果何所適從乎。余以為中西兩說。雖有偏執。如能參合。加以思考。其中實有至理存焉。蓋中說為內因。西說為外因。二因兼併。則發為天花。譬如一家。門垣不修。而後盜賊至。是門垣不修為內因。而盜賊為

外因也。

天花最爲危險。欲免其患。惟施種牛痘耳。吾國家庭衛生知識缺乏。對於兒童之種痘。猶未能普及鄉間。以致一旦天花盛行。死亡接踵。可慨也夫。種痘最適當時期爲春秋二季。但隨時施行亦無妨。種痘前沐浴。清潔身體。初次種痘而無感染者。因痘苗之不良。或其人有一時不感受性而致。可於數星期後。精選痘苗。再行接種。小兒種痘之後。不可使受風寒。亦不必特別服藥。種痘之後。其善感受者。至第五六日即生水泡。其中充滿稀痘透明之液。至第九日則化膿。變爲帶黃白色之膿液。漸漸乾燥。十二三日則結暗褐色之痂。通常於八九日內則剝脫矣。種痘原能免疫。其免疫性以接種後五年爲有效。若至十年。殆即全失。故每隔三年一種爲最妥當。近人繆俊德之痘科學。論天花之辨證及治法頗詳。可供學者參考也。

水痘

原因 醫宗金鑑云。水痘發於脾肺二經。由濕熱而成也。

張氏醫通云……皆由風熱鬱於肌表而發。

症狀 醫宗金鑑云。初起與大痘相似。面赤唇紅。眼光如水。咳嗽噴嚏。唾涕稠黏。身熱二三日而始出。其形尖圓而大。內含清水。易脹易斃。不作膿漿。

張氏醫通云。水痘者。色淡漿稀。故曰水痘。將發之時。亦皆發熱。由紅點而水泡。有紅盤。由水泡膿泡而結疔。但水痘則皮薄色嬌。總不似正痘之根窠圓淨緊束也。且見點起發漿結痂。止於五六日之間。其邪氣之輕淺可知也。

鑑別診斷 中國急性傳染病學云。與本病必須鑑別者。厥惟痘瘡（天然痘）惟本症之全經過中。初時發熱。由紅點而變水泡。頂色白亮。根脚散大有紅盤。漿色淡白。頂無痘眼。皮薄色嬌。不似正痘之根窠圓淨緊束。且自始至終。不過五六日之譜。此其別也。

治法 張氏醫通云。小兒肌肉嫩薄。尤多此證。當與大連翹湯解之。

醫宗金鑑云。初起荆防敗毒散主之。繼以加味導赤散治之。

六科準繩云。……不宜溫燥。但用輕劑解之。麥湯散主之。羌活散消毒飲。麥煎散俱可服。又當服大連翹以解之。

預後 中國急性傳染病學云。本症預後。多數佳良。其有與麻疹痘瘡併發者。水痘結痂後。

其他麻疹及痘疹經過及證候。必輕而順。

禁忌 幼幼集成云。切忌薑椒辣物。并沐浴冷水。犯之則成薑疥水腫。

古今驗方選

大連翹湯醫宗金鑑方治溼毒利小便。

- 連翹 瞿麥 車前 木通 滑石 當歸 赤芍
- 防風 荊芥 柴胡 蟬蛻 黃芩 山梔 甘草

麥湯散證治準繩方治水痘

- 地骨皮 滑石 甘草 甜葶藶 麻黃 大黃 知母
- 羌活 人參 小麥

麥煎散證治準繩方治時行麻疹餘毒。身腫痰嗽。

- 滑石 地骨皮 赤芍藥 石膏 白茯苓 杏仁 知母
- 甘草 葶藶子 人參 麻黃

研爲末。每次服一錢。麥子煎湯調下。如初生牙兒。感冒風冷。鼻塞身熱。噴嚏多啼。每

急性傳染病 水痘

急性傳染病 水痘

一四六

服一字麥子煎湯調下。

消毒飲和劑局方

牛蒡 荆芥 甘草 防風

加味導赤散金鑑方

生地 木通 生甘草 連翹 黃連 滑石 赤苓

麥冬 燈芯

荆防敗毒散證治準繩方

荆芥穗 防風 羌活 獨活 前胡 甘草 柴胡

枳壳 桔梗 赤茯苓 川芎 人參

羌活散證治準繩方治小兒傷風時氣。頭痛發熱。身體煩疼。痰嗽失音。鼻塞聲重者。

人參 羌活 赤茯苓 柴胡 前胡 川芎 獨活

桔梗 枳壳 蒼朮 甘草 生薑 薄荷

宗景按。水痘常患於十歲以下之小兒。無前驅症。與痘瘡異種。其疹先發於面。然後漸及

全身。由疹形而變爲水泡形。中部凹陷。或透明。或渾濁。不數日水泡乾燥。卽結痂皮。剝落後不生癍痕。倘病中攝護不周。易起急性出血性腎炎。甚或全身水腫。發尿毒症。治法參閱痘瘡門可也。

急性傳染病 水痘

新陳代謝病

目錄

頁數

消渴.....一

痛風.....一八

肥胖症.....二九

卷一

賦

詩

目錄

一六

一八

一

目錄

新陳代謝病

消渴

釋名 金匱今釋云。消渴之名。本謂渴而不小便。其渴而小便多者。名渴利。不渴而小便多者。名內消。巢源千金所論是也。其後漸廢渴利內消之名。統名消渴。宋元以後。又分消渴爲上中下三消。以配三焦。此病名之沿革也。

原因 素問奇病論云。肥者令人內熱。甘者令人中滿。故其氣上溢。轉爲消渴。

巢氏病源云。夫消渴者。渴不止。小便多是也。由少服五石諸丸散。積經年歲。石勢結於腎中。使人下焦虛熱。及至年衰。血氣減少。不復能制於石。石勢獨盛。則腎爲之燥。故引水而多小便也。

千金方云。凡積久飲酒。未有不咸消渴。然則大寒凝海。而酒不凍。明其酒性酷熱。物無以加。脯豕鹽鹹。酒客耽嗜。不離其口。三觴之後。制不由己。飲噉無度。咀嚼鮓醬。不擇酸鹹。積年長夜。酣興不解。遂使三焦猛熱。五臟乾燥。木石猶且焦枯。在人何能不渴也。

六科準繩云。消渴者。因飲食服餌之失宜。腸胃乾涸。而氣不得宣平。或精神過違其度。而耗亂之。或因大病陰氣損。而血液衰。虛陽慄悍。而燥熱鬱甚之所成也。

沈氏尊生云。三消之由。上消肺也。由肺家實火。或上焦熱。或心火煨煉肺金。中消脾也。由脾家實火。或伏陽蒸胃。下消腎也。由腎陰虛。或火伏下焦……

症狀 沈氏尊生云。三消燥病也。三消之證。分上中下。上消者。舌赤裂。咽如燒。大渴引飲。日夜無度。中消者。多食易飢。肌肉燥。口乾飲水。大便鞭。小便如泔。下消者。煩躁引飲。耳輪焦。便溺不攝。或便如膠油。

聖濟總錄云。消渴有三種。一曰渴而飲水多。小便數。有脂似麩片而甜者。消渴病也。二者吃食多。不甚渴。小便少。有似油而數者。消中病也。三者雖渴飲水不能多。腿脚瘦小痿弱。小便數。此腎消也。

脈法 內經云。脈實大。病久可治。脈懸小堅。病久不可治。

脈經云。消渴脈。當得緊實而數。反得沉澀而微者死。

又云。心脈滑爲渴。滑者陰氣勝也。心脈微小爲消痺。

又云。消渴脈數大者生。細小浮短者死。

診斷 本病患者之尿中。有時糖不發見。謂之間歇性糖尿。他如營養失宜。腦卒中。痛風。及傳染病等。亦偶有糖尿發見。但此等糖尿。迅即消失。診斷時皆當注意。

治法 沈氏尊生云。有煩渴能食者。宜人參白虎湯。有消渴胸滿心煩。無精神者。宜人參寧神湯。有消渴便乾。陰頭短。舌白燥。口唇裂。眼澹而昏者。宜止渴潤燥湯。有消渴後身腫者。宜紫蘇湯。有消渴面目足膝腫。小便少者。宜瞿麥湯。有消渴咽乾。面赤煩躁者。宜地黃飲。有消渴盛於夜者。宜六味地黃丸。有消渴由心火上炎。腎水不濟。煩渴引飲。氣血日消者。宜降心湯。有心火熾熱。口乾煩渴。小便赤澀者。宜清心蓮子飲。有消渴小便數。舌上赤脈。肌體枯瘦者。宜和血益氣湯。有消渴而上焦煩熱。爲膈消者。宜人參石膏湯。有消渴不能食者。宜麥門冬飲子。有老人虛人大渴者。宜人參麥門冬湯。以上皆上消之屬。有消中飲食多。不甚渴。小便數。肌肉瘦者。宜加減白朮散。有消穀善飢者。宜加減白朮散。有能食而瘦。口乾自汗。便結溺數者。宜清涼飲。有消中而瘦。二便祕者。宜蘭香飲子。有消中由胃熱者。宜藕汁膏。有消中而中焦燥熱。肌肉瘦削。大便鞭。小便數而黃赤者。宜生津甘露飲。有消中後腿漸細。將成腎

消者。宜茯苓丸。以上皆中消之屬。有腎消大渴飲水。下部消瘦。小便如脂液者。宜玄兔丹。有腎水涸燥渴者。宜雙補丸。有腎消大渴便數。腰膝疼者。宜腎瀝丸。有腎消尿濁如膏者。宜人參茯苓散。有腎消口燥煩渴。兩脚枯瘦者。宜腎氣丸。有腎虛消渴。小便無度者。宜鹿茸丸。有腎消莖長而堅。精自出者。此孤陽無陰。卽強中證也。最難治。蓋此亦由耽好女色。或服丹石以恣慾。久則真氣脫而熱氣盛。故飲食如湯沃雪。肌膚削。小便如膏油。陽易興而精易洩也。宜六味地黃丸。石子薺芎湯。黃連猪肚丸。以上皆下消之屬也。

豫後 本病之不甚重者。其經過能持續十年至二十年。而大都屬於年齡較高及營養佳良之患者。至於青年及小兒削瘦之人。豫後較惡。

死候 綱目云。內經曰。肺消者。飲一洩二。死不治。蓋肺藏氣。肺無病。則氣能管攝津液。而津液之精微者。收養筋骨。血脈餘者爲洩。肺病則津液無氣管攝。而精微者亦隨洩下。故飲一洩二。死不治。仲景復用八味丸治之。何也。曰。飲一未至洩二者。病尙淺。猶可治。故仲景腎氣丸治飲水一斗。小便亦一斗之證。若小便過於所飲。則無及矣。綱目云。消渴之餘。傳爲脹滿。發爲癰疽。及強中證。皆不治。

禁忌 內經曰。熱中消中。不可服膏粱芳草石藥。

千金方云。凡積久飲酒。未有不咸消渴。然則大寒凝海。而酒不凍。明其酒性酷熱。物無以加。脯炙鹽鹹。酒客耽嗜。不離其口。三觴之後。制不由己。飲噉無度。咀嚼鮓醬。不擇酸鹹。積年長夜。酣興不解。遂使三焦猛熱。五臟乾燥。木石猶且焦枯。在人何能不渴。治之愈否。屬在病者。若能如方節慎。旬月可瘳。不自愛惜。死不旋踵。方書醫藥。實多有效。其如不慎者何。其所慎有三。一、飲酒。二、房室。三、鹹食及麵。能慎此者。雖不服藥而自可無他。不知此者。縱有金丹。亦不可救。深思慎之……

李東垣云。渴疾大忌半夏。星燥劑。

得效方云。百日以上不可針灸。針灸則瘡中出膿水不止而死。

古今驗方選

人參寧神湯沈氏尊生方治上消

人參 生地 甘草 葛根 茯神 知母 花粉

竹葉 五味子

人參白虎湯沈氏尊生方治熱渴

人參 石膏 知母 粳米 葛根 麥冬 竹葉

花粉

止渴潤燥湯證治準繩方治有渴喜溫飲。舌燥唇烈。眼澀難開。陰縮糞燥。

升麻 杏仁 桃仁 麻仁 歸身 荆芥 知母

黃柏 石膏 熟地 柴胡 甘草

川椒 細辛 紅花

紫蘇湯證治準繩方治消渴後遍身浮腫。心膈不利。

紫蘇 桑皮 赤茯苓 郁李仁 羚羊角 枳榔 肉桂

木香 獨活 枳壳

瞿麥湯證治準繩方治消渴欲成水氣。面目并足膝脛浮腫。小便不利。

瞿麥 澤瀉 滑石 防己 黃芩 大黃 桑螵蛸

地黃飲沈氏尊生方滋補氣血。

熟地 生地 天冬 麥冬 人參 枇杷葉 枳殼

石斛 澤瀉 黃耆 甘草

六味地黃丸 錢乙方 治腎虛消渴。

熟地 山藥 丹皮 澤瀉 山萸 茯苓

降心湯

花粉 人參 遠志 當歸 熟地 茯苓 黃耆

五味子 甘草 棗

清心蓮子飲 局方 治上盛下虛 心火炎上 口苦咽乾 心煩發渴。

蓮子 赤苓 人參 黃耆 甘草 黃芩 麥冬

車前子 地骨皮

人參石膏湯 病機氣宜 保命集方 治膈消 上焦煩渴 不欲多食。

人參 石膏 知母 甘草

和血益氣湯 治口乾 溺數 舌上有赤脈 生津液 除乾燥 長肌肉。

新陳代謝病 消渴

黃蘗 升麻 酒生地 酒黃連 杏仁 桃仁 石膏

知母 羌活 防己 歸梢 生甘草 炙甘草 麻黃根

柴胡 紅花

麥門冬飲子宣明論方治心移熱於肺。傳為膈消。胸滿心煩。精神短少。

麥冬 知母 花粉 人參 五味子 葛根 茯苓

生地 甘草 竹葉

人參麥冬湯沈氏尊生方治三消。

人參 茯苓 甘草 杞子 五味子 麥冬

清涼飲蘇沈良方治消中。能食而瘦。口舌乾。自汗。大便結。小便數。

甘草梢 防風梢 羌活 龍胆草 柴胡 黃耆根 茯苓

生地 酒知母 防己 桃仁 杏仁 當歸 黃柏

石膏

蘭香飲子證治準繩方治消渴。自汗。喜食而瘦。大便結燥。小便頻數。

石膏 知母 生甘草 防風 炙甘草 人參 蘭香葉

連翹 白豆蔻 桔梗 升麻 半夏

蒸餅糊團成餅。曬乾爲末。每二錢。淡薑湯下。

藕汁膏沈氏尊生方滋胃液。

藕汁 生地汁

加牛乳和黃連末天花粉末。佐以薑汁白蜜爲膏。挑取留舌上。徐徐以白湯送下。日三四次。

生津甘露飲證治準繩方治消渴。齒麻。舌強腫痛。食不下。腹滿痛。身黃肢痿。面塵脅痛。善噦善怒。健忘。足冷。腰背疼痛。

石膏 桔梗 人參 甘草 升麻 薑黃 山梔仁

知母 白豆蔻 白芷 連翹 生甘草 華澄茄 黃連

木香 柴胡 藿香 白葵花 麥冬 當歸身 蘭葉

黃蘗 杏仁 全蠍

新陳代謝病 消渴

研爲末。湯浸蒸餅。和勻成劑。捏作餅子。曬乾杵碎。如黃米大。每服二錢。攤在掌內。以舌舐之。隨津嚥下。或白湯少許下亦得。

加減白朮散 沈氏尊生加減方

葛根 人參 白朮 茯苓 木香 知母 黃柏

甘草 五味子

茯苓丸 沈氏尊生方

茯苓 黃連 花粉 熟地 覆盆子 雞肫皮 葶

人參 元參 石斛 蛇床子

玄兔丸和劑局方治三消渴利。常服禁遺精。止白濁。延年。

兔絲子 五味子 茯苓 蓮肉

研爲末。另碾乾山藥末。將所浸酒者糊搜和搗數千杵爲丸。如梧桐子大。每服五十丸。空腹前米飲下。

雙補丸 世醫得效方 治腎虛水涸。燥渴勞倦。

鹿角膠 人參 茯苓 苡仁 熟地 菴蓉 歸身
石斛 黃耆 木瓜 五味 兔絲子 覆盆子 沉香

澤瀉 麝香

腎瀝湯證治準繩方 治消腎。

雞肫皮 人參 黃耆 肉桂 澤瀉 熟地 遠志

茯苓 歸身 龍骨 桑螵蛸 麥冬 川芎 五味子

元參 炙草 磁石

用羊腎煮湯代水煎。日二服。

腎氣丸 金匱方 治男子消渴。小便反多。以飲一斗。小便一斗者。

熟地 丹皮 茯苓 澤瀉 山萸 肉桂 附子

山藥

人參茯苓散 沈氏尊生方

滑石 寒水石 甘草 赤苓 葛根 黃芩 薄荷

新陳代謝病 消渴

大黃 連翹 人參 白朮 澤瀉 桔梗 天花粉

山梔 砂仁

鹿茸丸 沈氏尊生方

麥冬 鹿茸 熟地 黃耆 五味子 雞脆皮 菴蓉

破故紙 牛膝 山萸 人參 地骨皮 茯苓 元參

蜜丸空心米飲下。

石子薺芫湯 沈氏尊生方 治消渴。

薺芫 石膏 人參 茯苓 花粉 磁石 知母

葛根 黃芩 甘草

先以水三盞。煮猪腰一個。黑豆一合。至半去渣。入藥再煎七分。食後服。次服黃連猪

肚丸。

黃連猪肚丸 千金方

雄猪肚全具 黃連 麥冬 瓜蒌根 知母 茯苓

將四味爲末。入肚內。線封口。蒸爛。搗入蜜少許丸。每百丸飲服。

黃芪湯 千金方 治消中。虛勞少氣。小便數。

黃耆 桂心 芍藥 當歸 甘草 生薑 黃芩

乾地黄 麥冬 大棗

猪腎薺芫湯 千金方 治消中。日夜尿八九升者。

猪腎 大豆 薺芫 人參 石膏 茯苓 磁石

知母 葛根 栝蒌根 黃芩 甘草

玉液湯 衷中參西錄方 治消渴。

生山藥 生黃芪 知母 葛根 五味子 天花粉 生雞內金

滋腴湯 衷中參西錄方 治同前證。

生箭芪 大生地 生山藥 淨萸肉 生猪胰子

右五味。將前四味煎湯。送服猪胰子一半。至煎渣時。再送服餘一半。若遇中上二焦。積有實熱。脈象洪實者。可先服白虎加人參湯數劑。將實熱消去強半。再服此湯亦

能奏效。

單方

石膏 主消渴搗末取五錢和粳米煮取汁飲(本草)

滑石 治消渴為末取三錢井水或蜜水調下即益元散也一名神白散(醫鑑)

竹瀝 治消渴不拘時恣飲之妙雷公云久渴心煩宜投竹瀝(本草)

黃柏 主消渴水煎服又作末水丸服之(本草)

黃芪 治消渴凡消渴而欲發瘡或病難疽而後渴宜多取黃者煮湯服之妙(綱目)

瓜萋根 即天花粉也治消渴之聖藥也水煮取汁隨意飲之甚佳(本草)

地骨皮 治消渴水煎服之又取葉作飲噉之(本草)

忍冬草 治消渴水煮取汁四時長服(丹心)

竹葉 止消渴取青葉煮汁飲(本草)

地漿 治熱渴心悶取一盞飲之妙(本草)

麥門冬 治消渴及口乾燥渴去心煮湯飲之(本草)

黃連 治消渴要藥酒浸蒸晒乾為末蜜丸白湯下五七十九(綱目)

葛根 主消渴取五錢水煎服之又取生者搗汁飲亦好(本草)

漬苧汁 主消渴取生苧水漬取汁飲之(本草)

文蛤 即五倍子也最能回津止渴為末沸湯調下二錢最妙(人門)

桑枝茶 療口乾如茶常服為佳(本草)

桑根白皮 主熱渴水煎飲之○黑椹搗濾去滓入石器中入蜜熬膏每取二三匙沸湯點服止渴生津精神(本草)

牡蠣肉 治酒渴和姜醋生食之俗名石花(本草)

鮎魚涎 主三消取涎搜黃連末作丸烏梅湯下五十九丸渴頓減(本草)

生藕 取汁一盞入蜜一合分三服止渴最好(綱目)

烏梅 療口乾止消渴作渴和少蜜常啜(本草)

獼猴桃 止消渴取霜後熟者常啜之又和蜜作正果尤佳(俗方)

麻仁 止消渴麻仁一升搗碎之水三升煮取汁溫涼任服(本草)

菘豆 治消渴煮汁飲之或研取汁服並佳(本草)

糯米 主消渴淘取甘飲之又水研取白汁恣飲之以差為度○糯稻稈斬去穗及根取中心淨器中燒作灰每取一合湯水一碗沃浸良久澄去滓取清頓飲即效(澹寮)

冬瓜 主三消渴搗絞取汁飲之又作羹作齋常食佳(本草)

蚌蛤 止消渴煮食或和薑醋生食並佳(本草)

田螺 治消渴小便數取螺五升水一斗浸經宿取水飲之每日易水又取螺煮汁飲食肉良(本草)

紅柿 止渴取啖之(本草)

梨 止消渴取消梨常啜之最治心熱渴(本草)

五味子 止消渴最良作飲常啜之又作丸久服生津止渴(本草)

粟米泔 酸者止消渴甚良常取飲之泔久留則酸(本草)

青粱米 主熱中消渴煮取汁飲之或煮粥或作飯常食佳(本草)

牛乳 主消渴取生乳渴則飲之又作酪粥常食亦佳(本草)

菘菜 治消渴常食最佳或取汁飲亦可(本草)

雄鷄湯 治三消渴疾退雄雞湯澄清飲之神效(醫鑑)○白雄雞尤佳(本草)

白鵝 主消渴煮取汁飲之(本草)

黃雌雞 主消渴煮熟取汁飲之肉亦可食(本草)

豬肚 止渴利爛爛和姜醋食之(本草)

蓴 主消渴作羹作醬常食佳(本草)

宗景按。尿味本鹹而帶苦。以其成分含有食鹽及尿素故也。糖尿則帶甜味。患斯病者。小遺地上。須臾之間。蠅蟻聚集。學者若欲明其病理真相。須先知生理上糖質新陳代謝之大略。既知新陳代謝之大略。則其病理。可以迎刃而解。五穀蔬果中之主要成分爲炭水化合物。我人體溫及工作精力之原料。所賴以產生者也。此類食物。經過消化後。大概都變爲單式糖質(如葡萄糖、果糖、及化乳糖)由小腸吸收後。經門脈輸入肝臟。再將一部分吸收之糖質。變爲臟粉。(臟粉之分子式。與植物澱粉同。因此常有動物澱粉之稱。)存儲於內。遇食料缺乏時。即漸將臟粉還化爲葡萄糖等之單式糖。由肝靜脈輸入普通循環系統。以供血液之需要。葡萄糖供給工作精力之後。分解爲二養化炭及水。排出體外。有時代謝機能一部分殘毀或破壞。皆足以致血糖太多。或糖由尿出也。西曆一八八

九年。Mering 與 Minkowski 氏發見胰臟有稱爲蘭格爾亨斯島之部分。所分泌之刺激素。能適當抑制肝臟中肝糖之變化。以維持體溫。若摘除動物之胰臟後。尿中即發現糖分。最近美國有人由牛胎兒之胰臟。發見一種名 Insulin 之成分。爲治糖尿病之特效藥。我國鹽山張錫純氏。自製滋腴飲一方。其中引用猪胰子。雖屬古來臟器療法。實暗合科學原理。張君治病。頗有卓識。所著衷中參西錄一書。亦多可取之處。惜天不假年。於去歲歸道山。誠我中醫界之大損失。西醫治本病。無特效之藥。年前申報載有胡適之者。當世之文豪也。因病消渴。求治於北平協和醫院。久而無效。懼而返里。坐以待斃。旋有友人勸服中藥。竟獲全愈。其方以黃芪爲君。爲其能助脾氣上升。還其散精達肺之舊也。千金謂本病宜嚴除房事。爲好色者之當頭棒喝。昔司馬相如。琴心夜度。卓氏奔歸。而相如之渴症屢劇。可知女色之不可不遠避也。夫消渴之溺甜。我國六朝時人。早已發明。試錄外臺第十一卷引近効祠部李郎中之論於左。

其論云。消渴者。原其發動。此則腎虛所致。每發即小便至甜。醫者多不知其疾。所以古方論亦闕而不言。今略陳其要。按洪範稼穡作甘。以物理推之。淋錫醋酒作脯法。須臾即皆

能甜也。足明人食之後。滋味皆甜。流在膀胱。若腰腎氣盛。則上蒸精氣。氣則下入骨髓。其次爲血肉也。其餘別爲小便。故小便色黃。血之餘也。騷氣者。五臟之氣。鹹潤者。則下味也。腰腎既虛冷。則不能蒸於上。穀氣則盡下爲小便者也。故甘味不變。其色清冷。則肌膚枯槁也。猶如乳母。穀氣上洩。皆爲乳汁。消渴疾者。下洩爲小便。此皆精氣不實於內。則便羸瘦也。又肺爲五臟之華蓋。若下有暖氣。蒸即肺潤。若下冷極。即陽氣不能升。故肺乾則熱。周易有否卦。乾上坤下。陽阻陰而不降。陰無陽而不昇。上下不交。故成否也。譬如釜中有水。以火煖之。其釜若以板蓋之。則煖氣上騰。故板能潤也。若無火力。水氣則不上。此板終不可得潤也。火力者。則爲腰腎強盛也。常須煖將息。其水氣即爲食氣。食氣若得煖氣。即潤上而易消下。亦免乾渴也。由上而言。古人對於消渴之病理。早已洞悉。且與近世科學所發明者。亦不謀而合。際此政府提倡中醫之時。凡我同志。若能循此研究。冶新舊于一爐。則中醫之進步。豈僅一日千里而已哉。

痛風

定名 張氏醫通云。痛風一證。靈樞謂之賊風。素問謂之痺。金匱名曰歷節。後世更名白虎。

歷節。多由風寒濕氣。乘虛襲於經絡。氣血凝滯所致。近世邪說盛行。而名之曰箭風。風毒腫臄。乃謂之曰箭袋。禁絕一切湯藥。恣行艾熨鍼挑。此雖靈樞刺布衣之法。而藥熨之方。世絕不聞。使既病之肌肉。復受無辜之痛楚。奈何。懵懂無知。甘受其惑。良可慨夫。

原因 金匱翼云。歷節腫痛。的是溼病。由飲酒當風。或汗出入水所致。經云。溼流關節是也。丹溪云。痛風者。大率因血受熱。已自沸騰。其後或涉冷水。或立濕地。或扇取涼。或臥當風。寒外搏熱。血得風寒。淤濁凝滯。所以作痛。夜則痛甚。行於陰也。

得效方云。蓋因飲酒當風。汗出入水。或體虛膚空。掩護不謹。以致風寒濕之邪。遍歷關節。與血氣搏。而有斯疾也。

症狀 金匱云。諸肢節疼痛。身體魁羸。脚腫如脫。頭眩短氣。温温欲吐。又云。…身體羸瘦。獨足腫大。黃汗出脛冷。假令發熱。便爲歷節也。

巢氏病源云。歷節風之狀。短氣。自汗出。歷節疼痛不可忍。屈伸不得。是也。

得效方云。歷節風之狀。短氣自汗。頭汗欲吐。手指攣曲。身體痲癩。其腫如脫。漸至摧落。其病如掣。不能屈伸。其痛如掣者爲寒多。其腫如脫者爲濕多。肢節間黃汗出者爲風多。遍身走

注。徹骨疼痛。晝靜夜劇。狀如虎咬者。謂之白虎歷節。

脈法 脈浮者屬風。脈細者屬溼。脈滑者屬痰。脈洪大者屬火。脈芤者屬血虛。脈澀者屬瘀血。

治法 金匱云。病歷節。不可屈伸疼痛。烏頭湯主之。

六科準繩云。肢節腫痛。痛屬火。腫屬濕。兼受風寒。而發動於經絡之中。流注於肢節之間。用麻黃去節。赤芍藥各一錢。防風荆芥羌活獨活白芷蒼朮葳靈仙酒片苓枳實桔梗葛根川芎各五分。當歸甘草升麻各二分。下焦加酒黃蘗。腫多加檳榔大腹皮。痛多加沒藥。婦人加紅花。

又云。肥人多是風濕與痰飲。流注經絡而痛。宜南星半夏。瘦人是血虛與熱。四物加防風羌活黃芩。瘦人或性急躁而痛發熱。是血熱。四物加酒炒芩蘗。脈濡滑者。用燥濕蒼朮南星。兼行氣以木香枳殼檳榔。脈澀數爲瘀血。芎歸桃仁泥紅花。加大黃微利之。倦怠無力而痛。用參朮南星半夏之類。

又云。風濕相搏。肢節疼痛。宜大羌活湯。

景岳全書云。有火者。宜從清涼。有寒者。宜從溫熱。若筋脈拘滯。伸縮不利者。此血虛血燥證也。非養血養氣不可。遍身骨節疼痛。肢節如槌。晝靜夜劇。如虎噬之狀。乃痛風之甚者也。必飲酒當風。汗出入水。遂成斯疾。寒則倉公當歸湯。千金大棗湯。防己湯。選用。熱則千金犀角湯。當歸拈痛湯。加薑汁炒黃柏。掣者爲寒。腫者爲濕。汗者爲風。三氣雜至。傷於血脈之中。營衛滯滯不行。故痛。用虎骨。犀角。沉香。青木香。當歸。羌活。桂枝。秦艽。牛膝。骨碎補。桃仁。甘草。水煎入麝香少許。歷節風毒攻注。發作不定。烏藥順氣散。不應。五積散。四肢歷節疼。其人短氣脈沉爲留飲。導痰湯加減。身體腫痛。一味木通。用二兩煎服。身必發出紅丹。汗出至足。頃時卽愈。

丹溪云。痛風者。……治法以辛熱之劑。流散寒濕。開發腠理。其血得行。與氣相和。其病自安。然有數種。治法稍異。痛風而有常處。其痛上赤腫灼熱。或渾身壯熱。此欲成風毒。宜敗毒散。如肢節痛。須用羌活。去風濕亦宜用之。肥人肢節痛。多是風溼痰飲流注。宜導痰湯。瘦人肢節痛。是血枯。宜四物加羌防。老人性急作勞。患兩腿痛。動則痛甚。或血痢用瀉藥。惡血流入經絡隧道。而變痛風。並宜四物加桃仁。陳皮。牛膝。生甘草。煎入生薑。研潛行散。有瘀積者。加

酒熱服。并刺委中出。然非二三十貼不效。壯年人性躁。兼嗜厚味。患痛風攣縮。此挾痰與氣證。導痰湯加牛膝枳壳通草桃仁。煎入生薑。研潛行散熱服。亦須多服乃效。

預後 痛風發作。若不現心臟腎臟等合併症者。其豫後常良。

禁忌 醫學入門云。凡味酸傷筋則緩。味鹹傷骨則痿。令人發熱。變為痛痺麻木等證。慎疾者須戒。魚腥、麵、酒、醬、醋、肉、屬陽。大能助火。亦可量吃。痛風諸痺皆然。

古今驗方選

桂枝芍藥知母湯 金匱方 治諸肢節疼痛。身體魁羸。脚腫如脫。頭眩短氣。温温欲吐。

桂枝 芍藥 甘草 麻黃 生薑 白朮 知母

防風 附子

烏頭湯 金匱方 治病歷節。不可屈伸疼痛。

麻黃 芍藥 黃耆 甘草 川烏 白蜜

當歸拈痛湯 東垣方 治濕熱走注。遍身骨節煩疼。胸滿不利。足脛赤腫重痛。

羌活 甘草 黃芩 茵陳 人參 苦參 升麻

葛根 蒼朮 歸身 白朮 防風 知母 猪苓

澤瀉

導痰湯 濟生方 治溼痰內外壅盛。

半夏 天南星 廣橘紅 枳實 茯苓 甘草 生薑

五積散 局方 治外感寒邪。內傷生冷。頭疼身痛。項背拘急。惡寒腹痛嘔吐。以及寒溼客於經

絡。腰脚痠疼者。

麻黃 桂枝 炮薑 半夏 茯苓 枳殼 桔梗

白芍 當歸 川芎 白芷 生薑 蒼朮 厚朴

陳皮 甘草 葱白

倉公當歸湯 倉公方 治賊風口噤。角弓反張瘳者方。

麻黃 附子 細辛 當歸 防風 獨活

右六味咬咀。以酒五升。水三升。煮取三升。服一升。

千金大棗湯 千金方 治歷節疼痛。

麻黃 附子 甘草 黃耆 大棗 生薑

烏藥順氣散局方治風氣攻注四肢骨節疼痛遍身頑麻。語言蹇滯。口眼喎斜。喉塞痰湧。及癱瘓步履艱難。脚膝痿弱。

麻黃 橘皮 烏藥 殭蠶 川芎 枳殼 甘草

白芷 桔梗 乾薑 生薑 大棗

潛行散 丹溪方 治濕熱足脛腫痛。

黃柏 用薑汁拌炒數次

右爲末。每服錢半。空心醇酒下。

敗毒散 活人方方見白喉門

四物湯 局方見痘瘡門

乳香黑虎丹 十三方 治諸風寒濕。骨節渾身疼痛立效。

草烏 蒼朮 白芷 五靈脂 羌活 當歸 川芎

自然銅 乳香

右爲末。酒糊和丸。梧子大。百草霜爲衣。臨睡。溫酒下五丸。或七丸。忌食熱物。

虎骨散 沈氏尊生方 治白虎歷節走痛。

虎骨 白花蛇肉 天麻 防風 牛膝 全蝎 白僵蠶

當歸 乳香 肉桂 甘草 麝香

右研爲細末。每服二錢。溫酒調下。豆淋酒尤妙。

防己湯 千金方 治歷節痛風。四肢疼痛。

防己 白朮 生薑 烏頭 桂心 茯苓 甘草

人參

溼湯 三因方 治坐臥濕地。或雨露所襲。身重脚弱。歷節疼痛。

蒼朮 白朮 乾薑 陳皮 茯苓 丁香 炙甘草

薑棗

麝香丸 證治準繩方 治白虎歷節。諸風疼痛。游走無定。狀如蟲嚙。晝靜夜劇。及一切手足不測

疼痛。

全蝎 黑豆 地龍 大川烏

右爲細末。入麝香半字。同研勻。糯米飲糊丸。如菉豆大。每服七丸。甚者十九。夜臥令

膈空。溫酒下。微出冷汗。一身便瘥。

犀角湯 千金方 治熱毒流入四肢。歷節腫痛。

犀角 羚羊角 前胡 黃芩 梔子仁 射干 大黃

升麻 豆豉

牛蒡子散 本事方 治風熱歷節痛風。

牛蒡子 羌活 豆豉 生地 黃耆

大羌活湯 正傳方 治風濕相搏。肢節腫痛。不可屈伸。

羌活 升麻 獨活 蒼朮 防己 白朮 威靈仙

當歸 赤茯苓 澤瀉 甘草

赤芍藥散 聖惠方 治歷節風。骨節疼痛。四肢微腫。行立無力。

赤芍藥 桂心 當歸 海桐皮 附子 芎藭 漢防己

草 薺 桃 人 薑

茵芋丸 本事方 治歷節腫滿疼痛。

茵 芋 硃 砂 薏苡仁 牽 牛 郁李仁

右爲細末。煉蜜杵丸。如桐子大。輕粉滾爲衣。每服十丸至十五丸。五更溫水下。到晚未利。可二三服。快利爲度。白粥將息。

二妙散 丹溪方 治濕熱痛風。筋骨疼痛。

黃 柏 蒼 朮

右等分爲末。熱薑湯調下一錢。

活絡丹 局方 治一切痛風。筋脈拘攣疼痛。時或上衝。

川 烏 草 烏 南 星 地 龍 乳 香 沒 藥

右爲末。酒糊和丸。梧子大。空心溫酒下二三十丸。

摩風膏 證治準繩方 治風毒攻注。筋骨疼痛。

葶 麻 子 川 烏 頭 乳 香

右以猪脂研成膏。烘熱塗患處。以手心摩之。覺熱如火效。

麻風散 得效方 治歷節痛無汗。

麻黃 羌活 黃耆 細辛

乳香定痛丸 醫鑑方 治遍身骨節痛。

蒼朮 川烏 當歸 川芎 丁香 乳香 沒藥

右爲末。棗肉和丸。梧子大。溫酒吞下五六十九。

宗景按。痛風一症。西醫謂係體內尿酸積蓄。爲物質代謝之慢性病變。其名稱本出我國。始於金元以後。朱丹溪有痛風論可考也。平人尿中。除含有他種成分外。其餘有機成分中之尿酸。在普通男子每日排出量爲〇、三至〇、六。此種尿酸。乃由自身臟器細胞核中之核素轉化而來。謂之內生尿酸。若多食「Purin 鹽基」或含有核素之食物。（肝臟腎臟胸腺魚卵等）則尿酸增多。謂之外加尿酸。健康之人。無論內生外加。皆經腎臟排泄於尿中。不致浸入血中。若腎臟機能發生障礙。排泄尿酸太少。則停滯血中。沈着於關節及其周圍。遂成尿酸性關節炎。亦即痛風也。然則古人所謂濕流關節者。即

尿酸沈着關節之意。其言不爲無理。但不知新陳代謝之病變耳。飲酒過多。肉食過豐。乃本病之原因。是以酒類及酸味食物。或含有核素多量之食物。皆爲本病患者所禁忌。而古人亦曾諄諄告誡。誰謂中醫不明物理乎。

肥胖

原因 內經云。華食而脂肥。(王註云。華謂鮮美酥酪骨肉之類也。多食鮮美。故人體脂肥。)河間云。血實氣虛則肥。氣實血虛則瘦。所以能耐寒而不耐熱。瘦耐熱而不耐寒者。由寒則傷血。熱則傷氣。損其不足。則陰陽愈偏。故不耐也。損其有餘者。方得平調。故耐之矣。

症狀 內經云。膏人多氣而皮縱緩。故能縱腹垂腴。膏者其肉淖。而粗理者身寒。細理者身熱。膏者多氣。多氣者熱。熱者耐寒。

禁忌 凡足爲脂肪原料之食物。概宜節減。不可多睡。晝寢尤所當戒。

單方

茶 久服去人脂令人瘦
太肥者可服(本草)

冬瓜 太肥欲得瘦輕健則可長食作羹
作菹佳欲肥則勿久食(本草)

赤小豆

能瘦人久服令人黑瘦枯燥肥盛者可服（本草）

桑枝茶

逐濕令人瘦過肥者宜久服之（本草）

宗景按。動物性及植物性食物中。所含之脂肪。有產生溫熱潤澤皮膚之作用。我人身體所賴以營養也。考之西說。脂肪之多寡。男女大小。各有等差。普通約占體重百分之十五。其供給與消費相等。則不至過剩。若有時供給過多。或消費減退。則身體各部。充積脂肪。其量超過百分之十五。即成肥胖症矣。本病患者之身體。異常肥大。頤肉重複。腹部下垂。全身倦怠。元氣缺乏。稍有勞動。即心悸亢進。呼吸迫促。此種體格。西醫名之曰卒中質。以其易起動脈硬化之症。而罹中風也。我國人。不以肥胖為病。而反以為福。是故古醫籍中。鮮有論及。惟內經異法方宜論篇。有所謂華食而脂肥。又藏象篇。有所謂膏人者。當即此症。然亦僅言人之體格。有肥膏肉三等。而不以為病也。觀于經文。華食而脂肥一句。則知古人深明肥之所以成。由於鮮美之食物。供給過多。（王冰註云。華。謂鮮美酥酪骨肉之類。）暗中示人。欲減其肥。首須限制脂肪之食物。西醫每令肥人。改食脫脂牛乳脫脂肉湯。以代肉汁。實行其脂肪節縮之療法。與內經意旨。亦相符合。東坡詩云。一無肉令人瘦。

一良有以也。其他因於脂肪消費減退者。愚意除選服上列單方外。當治以枳殼、檳榔、廣皮、麥芽、香附、木香等寬氣剋削之藥。或瀉下之劑。庶幾獲效。且肥胖之人。偏嗜食肉。所謂過屠門而大嚼。雖不得肉。亦屬快意。殊不知肉能助濕。濕化爲痰。逗留肺胃。礙人氣息。是以化痰之藥。亦不可省。上列所論。不過略舉數法。以供參考耳。此外有來自遺傳性者。非藥物所能治療。至注意健康運動。鍛練體魄。自屬正當辦法。若謂肥人能化瘦。瘦人能化肥。則吾未得其術也。

新陳代謝病 肥胖

呼
吸
器
病

目錄

鼻衄	一
梅毒	一三
咽痛	二二
音瘖	三〇
咳嗽	三八
咳血	六五
哮喘	七九
肺癰	九五
肺痿	一〇三
脇痛	一一六

頁數

呼吸器病

鼻衄

原因 內經云。衄者。陽熱怫鬱。干於陽明而上。熱則血妄行而鼻衄也。

三因方云。衄者。因傷風寒暑濕。流傳經絡。湧泄於清氣道中而致者。皆外所因。積怒傷肝。積憂傷肺。煩思傷脾。失志傷腎。暴喜傷心。皆能動血。隨氣上溢而致者。屬內所因。飲酒過多。啖炙燔辛熱。或墜墮車馬傷損致者。皆非內非外因也。

血證論云。鼻爲肺竅。鼻根上接太陽經脈。鼻孔下挾陽明經脈。內通於肺。以司呼吸。乃清虛之道。與天地相通之門戶。宜通不宜塞。宜息不宜喘。宜出氣。不宜出血者也。今乃衄血何哉。金匱謂熱傷陽絡則衄血。熱傷陰絡則便血。陰絡者。謂軀殼之內。臟腑膜油之脈絡。內近腸胃。故主便血。陽絡者。謂軀殼之外。肌肉皮膚脈絡之血。從陽分循經而上。則干清道。而爲衄也。然則陽絡者。太陽陽明之絡脈也。蓋太陽陽明。統主人身軀殼之外。陽絡之血。傷於太陽者。由背上循經脈。至鼻爲衄。仲景所謂春夏發太陽者是也。傷於陽明者。由胸而上。循經至

鼻。仲景所謂秋冬發陽明者是也。

又云。太陽主開。春夏陽氣本應開發。若一鬱閉。則邪氣壅而爲衄。……或由素有鬱熱。應春夏開發之令而動。或由風瘟暑疫。攻發而動。又有傷寒失汗。邪無出路。因由血分洩而爲衄。此名紅汗。乃邪欲自愈。醫者不可不知。然卽紅汗論之。可知太陽之氣。不得洩於皮毛。則發爲紅汗。卽可知太陽之熱。不得發越於外者。必逼而爲鼻衄也。……又有腎經虛火。浮游上行。干督脈經。而衄血者。……

又云。陽明主闔。秋冬陰氣本應收斂。若有燥火傷其脈絡。熱氣浮越。失其主闔之令。逼血上行。循經脈而出於鼻。……或由酒火。或由六氣之感。總是陽明燥氣。合邪而致衄血。

症狀 血證論云。身熱口渴。胸滿脈實。血紫。此得之溫熱火邪者。血出而表證仍在。脈浮。昔日謂之紅汗。此得之風寒者。面青而脈弦。得之於大怒。責之肝浮氣逆。心煩而內熱。得於慾傷。責之腎虛陽元。若傷酒者。則酒升血沸。面赤多汗。勞力。則傷中損絡。自汗倦怠。以此爲別。

脈法 張氏醫通云。衄血脈浮大數者。爲邪伏於經。宜發汗。大而虛者。爲脾虛不能統攝。宜補氣。小而數者。爲陰虛火乘。宜攝火。弦澹爲有瘀積。宜行滯。凡衄血之脈。數實或堅勁。或急

疾不調皆難治。

治法 戴元禮云。鼻通於腦。血上溢於腦。所以從鼻而出。治宜茅花湯調止衄散服之。有因

虛致衄者。此爲下虛上熱。不宜過用涼劑。宜四物湯加參芪沉香磨服。傷濕而衄。腎著湯加川芎。伏暑而衄。茅花湯調五苓散。上膈極熱而衄。犀角地黃湯加黃芩茅花荊芥。虛者茯苓補心湯。飲酒過多而衄。茅花湯加川芎葛根。病衄愈後。血因舊路。一月或三四衄。又有洗面而衄。日以爲常。四物湯加阿膠蒲黃。仍佐以蘇子降氣湯。使血隨氣下。

血證論云。欲治太陽之衄者。必以治肺爲主。觀傷寒論。治太陽。用麻杏理肺。則知治肺。卽治太陽矣。法宜清瀉肺火。疎利肺氣。肺氣清。則太陽之氣自清。而衄不作矣。風寒外來。皮毛洒淅無汗者。麻黃人參芍藥湯。如肺火壅盛。頭昏痛氣喘。脈滑大數實者。人參瀉肺湯。如荊芥粉葛蒲黃茅根生地童便。久衄血虛。用丹溪止衄散。加茅花黃芩荊芥杏仁。以上數方。鼻塞者。俱加麝香黃連。蓋風寒雜證。鼻塞多是外寒閉之。此證鼻塞者尤多。乃是內火壅之。如用羌活。則鼻愈塞矣。故用黃連麝香。以開火之閉。衄血既止。宜多服止衄散原方。及六味地黃湯以收功。……腎經虛火上行者。宜用止衄散去黃芪。加碎補牛膝續斷粉葛鹿角尖。

童便、元參治之。蓋督脈麗於太陽。故以治太陽者。兼治督脈。亦猶衝脈麗於陽明。而以治陽明者。兼治衝脈也。太陽爲少血之經。督脈乃命元之主。其血均不可損。衄止後。卽宜用地黃湯。加天冬、阿膠、血餘、五味以補之。

又云……蓋陽明本氣原燥。病入此經。無不化而爲燥。治法總以平燥氣爲主。瀉心湯。加生地、花粉、枳殼、白芍、甘草。或用犀角地黃湯。加黃芩、升麻。大解熱毒。鼻衄止後。宜用玉女煎。加蒲黃以溢降之。再用甘露飲。多服以調養之。肆飲梨膠、藕汁、萊菔汁、白蜜等。皆與病宜。

又云。凡衄血久而不止。去血太多。熱隨血滅。氣亦隨血亡矣。此如刀傷。血出不止。則氣亦隨亡。而血盡則死也。急用獨參湯救之。手足冷。氣喘促。再加附子。以引氣歸根。如其人鼻口黑黯。面目茄色。乃血乘肺臟之危候。緩則不救。二味參蘇引治之。此等危證。在所不治。用參蘇引。亦理應如是救濟耳。其效與否。非敢期必。

張氏醫通云。衄者。血從經絡中滲出。而行於清道也。傷寒衄血。責熱在表。有麻黃越婢等法。雜病衄血。責熱在裏。經絡熱甚。陽氣壅重。迫血妄行。而出於鼻。從無發散之理。若因七情喜怒。勞役過傷而致者。無論是何經絡。並宜茅花煎湯。調止衄散。或四物加犀角、丹皮、沉香。六

脈弦細而瀟。按之空虛。色白不澤者。脫血也。此大寒證。理中湯加黃芪。六脈俱大。按之空虛。心動面赤。善驚上熱。乃手少陰心火旺。而上熏於肺脈也。三黃補血湯。實熱衄血。脈實大便祕者。犀角地黃湯加木香大黃。衄血過多。屢服犀角地黃湯不止。此內證寒而外假熱也。千金當歸湯。兼標本而治之。若至夜發。此因多汗。衛氣大虛。不能固其營血也。當歸補血湯。不效加木香。更不效。必是血虛火旺。大劑保元湯。若誤用涼血藥。致瘀熱內結。胸中作痛者。一味木香酒磨。頓服錢許立效。內傷勞役之人。喘嗽面赤。發熱頭痛而衄。此肺經氣虛。失護衛之職。致心包火炎。經脈熱甚。故行清道。當歸補血湯加薄荷荊芥。不應補中益氣倍黃者。慎不可用辛熱之藥。兼有風寒。小建中加葱豉。清道閉塞。流入胃脘。吐出清血。或衄血不盡。瘀積停留。致面目痿黃。大便黑色者。犀角地黃湯。攪撲而衄不止。小烏沉湯調黑神散。伏暑而衄。五苓散加茅花。久衄不止。熱在下焦血分。六味丸加五味子作湯。不效加童便。有先因衄血。久止而變生諸證。或寒熱間作。或喘急無寐。病狀不一。漸成勞瘵。當於虛勞諸證求之。

死候

張氏醫通云。久衄脈虛大。頭額痛甚。鼻流淡黃水者死。

禁忌

傷寒論云。衄家不可汗。汗出必額上陷。脈緊急。直視不能眴。不得眠。

古今驗方選

止衄散 得效方 治久衄發熱。

黃 芪 赤茯苓 白芍藥 當歸 生地 阿膠

爲散。半饑時麥門冬湯調服三錢。日三服。

當歸湯 千金方 治衄血吐血。

當 歸 乾 薑 芍 藥 阿 膠 黃 芩

川芎三黃散 直指方 治實熱衄血。

大 黃 川 芎 黃 連 黃 芩

三黃補血湯 東垣方 治血虛至夜發熱自汗。

生 地 黃 黃 芪 升 麻 柴 胡 丹 皮 當 歸 身 白 芍 藥

川芎麝 熟地黃

保元湯 東垣方 治營衛氣血不足。

黃 耆 人 參 甘 草

當歸補血湯 寶鑑方 治血虛至夜發熱。煩渴引飲。其脈洪大而虛。重按全無者。

黃耆 當歸

補中益氣湯 東垣方 見瘧疾門

麻黃湯 傷寒論方 見感冒門

越婢湯 金匱方

麻黃 甘草 石膏 生薑 大棗

犀角地黄湯 千金方 治血積胸中。吐血衄血。

犀角 生地黃 芍藥 牡丹皮

茅花湯 活人方 治衄

茅花

五苓散 傷寒論方 見霍亂門

腎著湯 三因極一病證方 治傷濕身疼腰冷。

乾薑 茯苓 甘草 白朮

呼吸器病 鼻衄

參蘇飲 張璧方 治吐衄。產後跌打損傷。瘀血干肺。鼻起烟煤。面目茄色。

人參 蘇木

玉女煎 景岳方 治陰虛胃火齒痛。

熟地 石膏 知母 麥冬 牛膝

參附湯 得效方 治陰陽氣血暴脫。上氣喘急。氣短頭暈。手足厥逆。大便自利。

人參 附子

蘇子降氣湯 局方

蘇子 橘紅 當歸 前胡 厚朴 大棗 甘草

生薑 肉桂 半夏

小建中湯 傷寒論方 治傷寒表未解。陽脈瀋。陰脈弦。心中煩悸。腹中急痛。及虛勞裏急。悸衄。腹中痛。失精。四肢酸疼。手足煩熱。咽乾口燥。

桂枝 芍藥 生薑 大棗 膠飴

理中湯 傷寒論方 見霍亂門

黑神散 局方治吐血衄血屢發不止。

熟地黃 當歸 乾薑 肉桂 甘草 蒲黃 白芍

右爲散。每服四錢。用細黑豆半合。微炒香。淋酒半盞。和水半盞。煎至半盞。入童便半杯和服。

小烏沉湯 局方治血氣不調。心中刺痛。

香附 甘草 烏藥 沉香

瀉心湯 金匱方治衄血吐血。

大黃 黃連 黃芩

四物湯 局方見痘瘡門

六味地黃丸 錢乙方見消渴門

獨參湯 景岳方治血脫之證。

人參

人參瀉肺湯 局方治肺經積熱上喘。胸膈脹滿。痰多。大便瀉。

呼吸器病 鼻衄

人參 黃芩 梔子 枳殼 薄荷 桔梗 甘草

連翹 杏仁 桑白皮 大黃

甘露飲局方 治胃熱未宣。齧腫出膿。目赤腫痛。肌煩不食。口瘡咽痛。瘡疹已發未發。及脾胃

受溼。痰熱在裏。濕熱成疽。肢腫胸滿。氣短身熱。二便秘澀。

鮮枇杷葉 熟地黃 枳殼 天門冬 茵陳 麥門冬 生地黃

石斛 炙甘草 黃芩

麻黃人參芍藥湯 東垣方 治虛人外感之證。

麻黃 桂枝 黃耆 人參 炙草 當歸 白芍

麥冬 五味子

茯苓補心湯 千金方 治心氣不足。悲愁圭怒。煩熱面黃。衄血。喉痛舌強。婦人氣血兩虛。崩中

血赤。產後虛損吐血等證。

茯苓 桂枝 甘草 紫石英 人參 麥門冬 大棗

赤小豆

清衄湯 回春方 治衄血。

當歸 赤芍藥 生地黃 香附子 黃芩 梔子 側柏葉

黃連 赤茯苓 桔梗 生甘草 藕節 童便

雞蘇散 正傳方 治衄血不止。乃肺金受相火所制然也。

雞蘇葉 黃耆 生地 阿膠 白茅根 麥門冬 桔梗

蒲黃 貝母 炙甘草 薑

單方治一切血證

百草霜 深村鍋底者佳刮取細末用之凡血見黑則止此藥主之能治諸失血或吹入竅中或為散冷水調服或作丸服皆佳(本草)

井華水 治九竅出血及衄血不止以水卒然噴面勿令病人先知之(本草)

車前草葉及根 止衄吐血取汁服五合(本草)

芎藭 能行血治吐衄便尿一切失血煎服末服並佳(本草)

茜根 治吐衄便尿崩中一切血疾搗為末每二錢水煎冷服(本草)

生地黃 治吐衄便尿一切失血取汁飲半升日三或和薄荷汁或和生薑汁皆效(丹心)

蒲黃 止一切血破血即生用補血即妙用冷水調二三錢服(本草)

當歸 治一切血能和血行血養血芎藭當歸合為芎歸湯為血藥第一(綱目)

白茅根 能止血治吐衄便尿一切血疾水煎服之茅花同功(本草)

呼吸器病 鼻衄

艾葉 治吐衄便血一切失血搗取汁飲乾者煮服(本草)

地榆 止衄吐血偏主結陰便血水煎服之(本草)

大小薊 俱治一切血疾能破血止血生搗取汁飲一小薊或和蜜少許飲(本草)

松烟墨 能止一切失血以生地黃汁濃磨服之或井水磨服之(丹心)

白芨 治衄吐咳唾咯血冷水調末三錢服神妙米飲調亦可(綱目)○白芨至血竅則填補故血止昔有一死囚拷掠遍身吐衄並流血常服白芨末輒止後凌遲僧者開胸見白芨末皆填補肺竅云(醫說)

鬱金 止吐衄血破惡血為末量便薑汁酒相和調服○又治痰血取末和非汁童便服血自消(丹心)

槐花 涼血能止咯唾血及下血炒末熱酒取末二錢調服又治齒衄舌衄為末糝之(丹心)炒煎服亦可

側柏葉 治吐衄便尿一切失血之證止血滋陰為末米飲調服或煎服皆可搗汁服亦佳(入門)

生藕汁 消瘀血能止一切出血搗汁飲之或合地黃汁熱酒童便服並得(本草)

韭汁 止吐衄咯唾血毒消胸膈間瘀血凝滯取汁冷飲三四盞必胸中煩躁不甯後自愈(丹心)

亂髮灰 止一切失血吐衄便尿九竅出血皆治之取末醋湯或井華水調二錢服作丸服亦可(本草)

諸血 補人身血不足面無血色者並生飲之六畜及獐鹿血皆可(本草)○虛吐血飲黑狗血神效(壽域)

蘿蔔汁 治衄吐咳唾痰血取汁入鹽少許服之或和好酒飲之即止蓋氣降則血止(種杏)

宗景按本病為鼻黏膜出血。量多者。往往由口而出。蓋以鼻之後竅與口通也。其原因頗多。若由傷寒症。表閉無汗。體溫鬱積。不得放散。充血之甚。鼻黏膜破裂而成衄。衄亦作衄者。北人謂之紅汗。以此種出血。可以代表發汗。乃熱退病愈之兆。是故傷寒論有衄乃解之條文。然出血少者。表症不解。仍須服發汗之藥。以分其津液。迨汗出之後。則鼻衄自止。萬

不可拘執於衄家不可發汗之戒。妄投寒涼之藥。遏其邪熱也。若由陽明熱熾。或誤服燥藥。以致鼻衄者。宜犀角地黃湯加鮮茅根鮮藕之類。涼血滋陰。清熱祛瘀。其效如響。患血友病之人。因血液中缺乏凝固酵素。最易出血。且流之不已。或致喪命。此亦遺傳病之一種。治法當增加其血液之凝固力。例如阿膠等藥是也。婦人經閉。每值經期。其血逆行。亦有從鼻竅而出者。西醫名曰交代性鼻衄。卽中醫所謂倒經也。治法宜於當用劑中。加懷牛膝四五錢。以此藥能引上部之充血。使之向下行也。又有大戶酒客。血管硬化者。易患鼻衄。大抵不出於濕熱。則當以大黃黃連瀉心湯治之。以苦能燥濕。寒能勝熱也。其他如腎臟炎。猩紅熱。壞血病等。亦有發生此疾。則又當詳審其證。分別治之。愚每見有出血素質者。常發此疾。外用冷濕布覆鼻背。頭向後仰。須臾卽止。或以脫脂棉塞鼻孔內。亦能止血。但此僅可爲外治之法耳。

楊梅結毒

定名 醫宗金鑑云。楊梅瘡一名廣瘡。因其毒出自嶺南。一名時瘡。以時氣乖變。邪氣湊襲之故。一名棉花瘡。因其纏綿不已也。一名翻花楊梅。因窠粒破爛。肉反突於外。如黃蠟色。一

名天泡瘡。因其夾濕而生白皰也。有形如赤豆。嵌於肉內。堅硬如針。名楊梅瘡。有形如風疹作瘡。名楊梅疹。先起紅暈。後發斑點者。名楊梅斑。色紅作癢。其圈大小不一。二三相套。因食穢毒之物。入大腸而發。名楊梅圈。

原因 醫宗金鑑云……總不出氣化精化二因。但氣化傳染者輕。精化慾染者重。氣化者或遇生此瘡之人。鼻聞其氣。或誤食不潔之物。或登圜受梅毒不潔之氣。脾肺受毒。故先從上部見之……精化者。由交媾不潔。精泄時。毒氣乘肝腎之虛而入於裏。此爲慾染。先從下部見之……

又云。此證因生楊梅方熾。誤服水銀升煉悍燥劫毒。希圖速效。瘡痂盡落。一時僥倖而愈。不知遺害久遠。引毒潛藏骨髓門竅之中。其毒積久。因經虛外攻。故名結毒倒發。

症狀 醫宗金鑑云。其始先從筋骨疼痛。隨處結腫。皮色如常。將爛時。色方紫紅。腐臭不堪者。致腦頂塌陷。腮唇鼻梁損壞。穿喉蝕目。手足拘攣等患。終成痼疾。

脈法 醫宗金鑑云。初起結腫。筋骨疼痛時。宜服搜風解毒湯。若偏身破爛臭穢。而兼筋骨疼痛。氣實毒盛者。宜服化毒散。氣衰者。猪胆子湯主之。若結毒腫塊。經年難愈。諸法罔效者。

宜西聖復煎丸主之。若結毒攻於口鼻者。宜五寶散主之。年久鼻爛破壞損者。宜服結毒紫金丹。若入頸項頭痛如破者。內服天麻餅子。鼻吸碧雲散。若鼻不通。宜吹通鼻散甚效。毒延咽喉腐爛臭蝕者。宜服硫黃不二散。兼吹結毒靈藥。兌人中白。若結毒筋骨疼痛。朝輕夜重。喜熱手按操者。係犯寒涼。宜鉛回散主之。結毒臭爛不斂。宜貼解毒紫金膏。兼撒結毒靈藥。壯實者以解毒爲主。虛弱者以兼補爲法。

禁忌 凡患此證須忌猪首公鷄、鯉魚、鷄、鴨、鵝、蛋、肝腸、綠豆、花椒、茶、酒等物。並戒房事。

古今驗方選

搜風解毒湯醫宗金鑑方 治楊梅結毒。初起結腫。筋骨疼痛。

土茯苓 白鮮皮 金銀花 薏苡仁 防風 木通 木瓜

皂角子

化毒散醫宗金鑑方 治楊梅結毒。徧體破爛臭穢。筋骨疼痛。氣實毒盛者。

生大黃 穿山甲 當歸尾 白殭蠶 蜈蚣

猪脰子湯醫宗金鑑方 治楊梅結毒。徧身腐爛出膿。筋骨疼痛。而氣衰者。

猪胆子 黃芪 金銀花 當歸 白芍 白芷 天花粉

貝母 穿山甲 白鮮皮 青風藤 木瓜 皂刺 甘草節

黃栝蒺 防己 鱉虱胡麻 白色土茯苓

西聖復煎丸僧寶林方治楊梅結毒腫塊已破。

乳香 沒藥 孩兒茶 丁香 血竭 阿魏 白花蛇

飛羅麵

共研細煉蜜六兩煎滾。香油四兩。大棗肉二十枚搗膏。共和為丸。如彈子大。每服一

丸。土茯苓二兩。水二盅煎。至水一盅。將藥丸入內再煎。至半盅。澄去滓溫服。

結毒紫金丹外科正宗方治楊梅結毒。年久毒攻鼻。損破腐爛。

龜板 硃砂 石決明

各研極細末。共和勻。爛米飯為丸。麻子大。每服一錢。量病上下。食前後服。筋骨疼痛

酒下。腐爛者土茯苓湯下。

結毒靈藥瘍醫大全方治楊梅結毒。腐爛作臭。或咽喉唇鼻腐壞日甚。

硃砂 硫黃 雄黃 水銀

共研細末。入陽城罐內。泥固。鐵盞梁兜固緊封口。其火候俱按紅升丹之煉法。火畢。次日取出。蓋底靈藥。約有一兩五六錢。治尋常腐爛之症。靈藥五錢。輕粉五錢。同研。細小罐盛收。以紗封之。臨用時。甘草湯洗淨患處。將罐倒懸。紗眼內篩藥。患上。油紙蓋好。男婦咽喉爛者。靈藥一錢。加入中白二分。研細吹之。日用二次。

硫黃不二散 瘍醫大全方 治楊梅結毒。發於咽內。腐爛疼痛。湯水難入者。

硫黃 靛花

共乳細。用涼水調服。

天麻餅子 醫宗金鑑方 治楊梅結毒攻巔。頭痛如裂者。

天麻 薄荷 甘草 白附子 白芷 蒼朮 川芎
川烏 草烏 防風 細辛 甘草 雄黃 全蝎

右爲細末。寒食打糊爲丸。如豌豆大。捻作餅子。每服二三十餅。葱白湯送下。

通鼻散 醫宗金鑑方 治楊梅結毒。填塞鼻中。

葫蘆壳 石鍾乳 胆礬 冰片

共為末。吹入鼻內出黃水。日吹二三次。三二日即通。

鉛回散 醫宗金鑑方 治楊梅結毒。筋骨疼痛。朝輕夜重。喜熱惡涼。

黑鉛 硫黃

各等分。共研細。每服一錢。溫酒調服。至重者。不過三次即效。

碧雲散 證治準繩方 治結毒入於巔頂。以致頭疼眼痛如破者吹之。

鵝兒不食草 川芎 青黛

共研極細末。令患者口噙涼水。以蘆管吹藥於左右鼻孔中。取嚏為效。吹後吐去涼水。若不噙水便要嗆喉。

五寶散 醫宗金鑑方 治楊梅結毒。

硃砂 石鍾乳 珍珠 冰片 琥珀

各研極細末。和一處。再研數百轉。磁罐蜜收。用藥二錢。加飛羅麵八錢。再研和勻。每用土茯苓一觔。水八碗。煎至五碗。濾去滓。作五次。每次加五寶散一分。和勻。量病上

下服。日用十次。如鼻子腐爛。每日土茯苓內加辛夷三錢煎服。引藥上行。忌食海腥。牛羊鵝肉。火酒煎炒等件。并避房事。

解毒紫金膏。瘍醫大全方。治楊梅結毒。腐爛作臭。膿水淋漓。諸藥不效者。

明淨松香 皂 礬

共研極細末。香油調稠。先用葱艾甘草煎湯。洗淨患處。再搽此藥。油紙蓋住。以軟布紫緊。三日一換。

宗景按。本病由于接觸患梅毒之人。或因與不潔之婦人相交。致螺旋菌侵入陰部。小創口而成。其經過分爲三期。染毒之初。兩三星期內。其染處生扁平或結節狀之硬塊。名曰下疳。有時結節壞崩。而成潰瘍。其病菌經淋巴管而使淋巴腺腫大者。謂之橫痃。是爲第一期。迨七八星期後。全身之淋巴腺俱爲腫大。此時皮膚蒼白。毛髮脫落。指甲脆弱。形容枯槁。是爲第二期。再經數月後。各症雖似減退。而病毒已瀰蔓全身。生無數小皮疹。各處潰爛。筋骨疼痛。甚者鼻骨脫落。咽喉穿透。漸次波及氣管。崩壞作潰瘍。發咳嗽。吐膿樣血痰。

本病原屬外科。因自第二期或第三期來者。往往波及喉頭或氣管。故列入呼吸器病篇。

或頭頂生一巨穴。露出朽骨。或耳孔鼻孔流

出惡臭之膿汁。是爲第三期。重者因之喪命。輕者縱得治愈。其流毒不易消滅。或遺傳後嗣。疾病之禍。最可恐怖者。未有逾於此也。世之溺情聲色者。喜作狹斜遊。楚館秦樓。樂而忘返。孰知失足一朝。遺恨千秋。讀吾之書。當亦懸崖勒馬。及早回頭矣。茲錄陳愛棠君治梅毒之秘法於左。

查梅毒一症。由于花柳者半。根于傳染者亦半。此證兇險酷烈。盡人皆知。蓋其毒鬱於經絡。漬于筋骨。侵于肌肉。斷非即時可以盡去。世人往往徒用劫劑。耗其氣血。敗其精神。而餘毒仍鬱于經絡。漬于筋骨。留于肌肉也。積久再發。不可救藥矣。茲有郁君祖傳秘方。神效捷如桴鼓。爰披報端。以廣流傳。法先酌服峻利之藥一二劑。繼服緩劑。緩劑則何。瀉而不瀉之一法也。寓瀉法于不瀉之內。庶使氣血勿耗。精神勿敗。而毒可漸滅。方中用大黃。瀉藥也。九製大黃。則瀉而不瀉。務使經絡筋骨之間。積毒掃除。再用他藥輔佐之。盡善盡美矣。

(一) 內服煎劑

(峻利之劑) 白僵蠶三錢。蟬蛻四個。猪牙皂三錢。皂角子三分。土茯苓一兩。生甘草二錢。生大黃三錢。穿山甲三片。右藥八味。用水三杯。陳酒一杯。煎服。共服兩劑。服後腸鳴。須掘深

坑爲圍。避風而蹲。旁人尤不可在側。此藥服二帖。大勢已緩。再服第二方。（和緩之劑）
九製大黃（用好陳酒蒸九次。烘九次。）三錢。全當歸（酒洗。）二錢。赤芍三錢。防風錢半。
金銀花二錢。花粉三錢。川連四分。犀角四分。木通一錢。豬脂油五錢。服數帖後。接服第三方。
九製大黃一錢。當歸錢半。川連二分。羌活五分。蒺藜三錢。防風八分。生首烏三錢。豬脂油四
錢。（如輕者不服上二方。常用第三方煎服亦驗。）

（二）接服丸方

土茯苓一兩。生苡仁三錢。防風一錢。木瓜錢半。木通一錢。白鮮皮一錢。皂莢子六分。真奎潞
黨三錢。全當歸錢半。忌食鷄、鴨、魚、蝦、鷄蛋、鴨蛋、韭、蔥、竹筍。一切生冷腥羶。否則不效。

（三）外搽方藥

如遇玉莖破爛。先用皮硝、黃柏、苦參、甘草四樣。煎水洗去垢膩。再用西黃二分。琥珀四分。瀝
珠四分。冰片二分。滴乳石一錢。辰砂四分。蘆甘石二錢。飛麵二錢。右藥八樣。煨煉研極細末。
過絹篩。名（加減八寶丹）。搽玉莖破爛處。每天一二次自愈。假如喉中熱氣薰蒸疼痛。用
開水服此藥末一錢。即愈。

又方（如玉莖不爛。不必敷搽末藥。）蘆甘石一兩半。川連七錢。同入砂鍋內。水煮一宿。去川連渣不用。加入冰片六分。檳榔核灰一錢。兒茶末一錢。搽瘡上。或用杏仁去皮尖研爛。和勻末藥敷上亦可。

按社會上治此症者。多用輕粉刮劑。功能迅效。將毒氣升發。從口內吐涎而出。但多餘毒深入骨髓。每成廢人。西醫治此毒門。亦屬治標之策。如依此方次第治之。已能全愈。永無後患。

咽痛

原因 王奎光云。咽喉爲人身飲食門戶。呼吸關隘。方寸之地。受病危險。其證甚繁。大約總歸於火。蓋少陰少陽君相二火。其脈皆絡於咽喉。故往往爲火證之所結聚。君火勢緩。則結而爲痛爲腫。相火勢速。則腫甚不仁而爲痺。……火有虛實。實火因過食煎炒炙燂。蘊結積毒。……虛火或因飲酒太過。或因忿怒。或因色慾。火炎上攻。……

直指云。咽痛者。風邪客於喉間。氣鬱而熱。故爲咽痛。

巢氏病源云。喉咽者。脾胃之候。氣所上下。脾胃有熱。熱氣上衝。則喉咽腫痛。……

症狀 六科準繩云。咽噎痛。嚙唾與食則痛者是也。

王奎光云……實火……其症口渴。二便秘塞。風痰上壅……虛火……咽喉乾燥。必二便如常……

巢氏病源云……若風毒結於喉間。其熱盛則腫塞不通。而水漿不食。便能殺人。藏氣微熱。其氣衝喉。亦能腫痛。但不過重也。

脈法 回春云。咽喉之脈。兩寸洪溢。上盛下虛。脈忌微伏。

治法 戴元禮云。熱壅咽痛。或嗽中帶血者。宜金沸草散。佐以辰砂化痰丸。

又云。咽喉痛。用諸冷藥不效者。宜枳南湯。

又云。若熱壅上焦。咽喉疼痛。而吞咽乾物。不若常時之潤。睡覺口舌全無津液者。如聖湯加人參玄參。或佐以碧雲散雞蘇丸。有上證兼心頭煩躁。辰砂五苓散。

王奎光云……實火……治宜先去風痰。後解熱毒。虛火……治宜補虛瀉火。

丹溪云。咽痛必用荊芥。陰虛火攻上者。必用元參。氣虛人參。加竹瀝。血虛四物。加竹瀝。

六科準繩云。實熱咽痛。三黃丸。或用黃連荊芥薄荷爲末。蜜薑汁調嚙。或山豆根嚙之。及用黃根黃連大黃。水調塗足心與患處。及龍麝聚聖丹。祛毒牛黃丸。咽喉備急丹。

醫學入門云。咽喉乾燥。常如毛刺。吞嚥有礙者。風燥也。荊防敗毒散加薄荷黃芩半夏倍桔梗入生薑煎服。

禁忌 烟酒及煎炒炙燻等食物。

古今驗方選

龍躡聚聖丹 寶鑑方 治心脾客熱。毒氣攻衝。咽喉赤腫疼痛。或成喉痺。或結硬不消。愈而復發。經久不差。或舌本腫脹。滿口生瘡。飲食難嚥。並宜服之。

南硼砂 川芎 生地黃 犀角屑 羚羊角屑 琥珀 元參

桔梗 升麻 鉛白霜 連翹 赤茯苓 馬牙硝 腦子

人參 麝香 硃砂 牛黃

右爲細末。煉蜜爲丸。每兩作十丸。用金箔爲衣。每服一丸。薄荷湯或新汲水化下。或細嚼。或嚙化。津液嚥下。皆可。食後臨臥服。

祛毒牛黃丸 證治準繩方 治大人小兒咽喉腫痛。舌本強硬。滿口生瘡。涎潮喘急。飲食難進。胸

膈不利。

牛黃 人參 琥珀 犀角 桔梗 生地黄 礪砂
 雄黃 元參 升麻 蛤粉 寒水石 硃砂 鉛白霜
 腦子

右爲末。煉蜜丸。如小彈子大。金箔爲衣。磁器內收。每服一丸。濃煎薄荷湯化下。或新汲水化服。亦得。食後日進二三服。噙化亦得。

清咽抑火湯 壽世方 治咽喉腫痛。壯熱可服。

黃連 大黃 玄明粉 黃柏 知母 連翹 梔子
 桔梗 薄荷 甘草 玄參 淡芩 牛蒡子 防風

咽喉備急丹 證治準繩方

青黛 芒硝 白殭蠶 甘草

右爲細末。用臘月內牛膽（有黃者）盛藥其中。陰四十九日。多時爲妙。

滋陰降火湯 壽世方 治虛火上升。喉痛及喉內生瘡。

玄參 當歸 桔梗 甘草 川芎 知母 芍藥

熟地 天花粉 黃柏

右水煎。加竹瀝服。

清涼散 回春方 治一切實火咽喉腫痛。

連翹 薄荷 山梔 黃芩 黃連 桔梗 生地

防風 枳殼 當歸 甘草 白芷

加燈心細茶。水煎服。

玄參解毒湯 正宗方 治咽喉腫痛。

玄參 甘草 山梔 黃芩 桔梗 葛根 生地

荊芥

加竹葉。燈心水煎。

碧雲散 魏氏方 化喉涎

白礬 巴豆

右以白礬爲末。瓦上鎔成。入巴豆在礬內。候礬乾爲度。細研。每服一字。以竹管吹入。

咽中涎出爲效。

柑桔湯 必方用 治風熱咽喉腫痛。或喉痺。神效。

桔梗 甘草 荆芥 防風 黃芩 薄荷

雞蘇丸局方

柴胡 生乾地黃 黃芪 麥門冬 阿膠 蒲黃 甘草

人參 木通 雞蘇

右爲末。將好蜜二斤。先煉一二沸。然後下生乾地黃末。不住手攪令勻。取木通柴胡汁。慢火熬成膏。勿令焦。然後將其餘藥末同和丸。如豌豆大。每服二十九。不拘時嚼破。熱湯送下。

辰砂化痰丸局方 治風痰。安神志。利咽膈。清頭目。

白礬 辰砂 半夏 南星

右爲末。薑汁煮麵糊丸。如梧桐子大。別用硃砂爲衣。每服十丸。食後。薑湯送下。小兒一歲服一丸。搗碎生薑薄荷湯下。

金沸草散局方治肺感風寒。頭目昏痛。鼻塞聲重。咳嗽喘滿。痰涎不利。涕唾稠黏等證。

旋覆花 麻黃 前胡 荆芥穗 甘草 半夏 赤芍藥

加生薑棗水煎服。

辰砂五苓散局方

辰砂 白朮 木豬苓 澤瀉 赤茯苓 肉桂

右爲細末。每服二錢。沸湯不拘時點服。

如聖湯局方

荆芥 苦桔梗 甘草

三黃丸 東垣方治上焦有熱。致目赤頭痛。口舌生瘡。中焦有熱。致心膈煩躁。飲食不美。下焦

有熱。致小便赤澀。大便秘結。或因五臟熱而生癰癤瘡。及五痔肛門腫痛。下膿血。

黃連 黃芩 大黃

右爲末。煉蜜或米飲糊爲丸。如梧子大。每服三十丸。食後熟湯或米飲送下。

荆防敗毒散 證治準繩方

荆芥穗 防風 獨活 羌活 前胡 柴胡 枳殼
桔梗 赤茯苓 川芎 人參 甘草
加薄荷。清水煎服。

枳南湯 闕

宗景按。急慢性喉頭炎。實扶的里。喉腔結核等。皆有咽痛。而以喉結核爲最難治。蓋以其病常續發於肺結核症。津液缺乏。喉間燥痛。甚者聲啞。或至失音。故豫後亦多不良。古方雖有豬膚湯。麥門冬湯等。可供採用。往往無濟於事。然亦有治愈者。大概以脾胃尙健。未至便溏故耳。實扶的里之咽痛。乃因扁桃腺腫脹。初起發熱惡寒時。宜解表清熱。麻杏甘石湯最效。鐵樵先生力持白喉當表之說。亦指此症而言。急性喉頭炎。續發於感冒爲多。宜辛涼解表劑。加入桔梗甘草之屬。若轉屬於慢性。則又當隨症施治也。君火屬於心臟。乃血液循環所產生之溫度。元氣之所附麗也。相火仍對於君火而言。蓋忿慾所動之火也。忿火屬肝。慾火屬腎。以潛藏不動爲宜。諸火上炎。皆能令咽痛。實者宜苦寒瀉火之藥。虛者宜滋陰降火之品。然有一種虛陽浮越之咽痛。薑桂附子能治之。臨證時不可不注。

意。本篇僅撮言其綱要。欲知其詳。則當參閱喉科專書也。

音瘖

釋名 馮魯瞻云。瘖音。謂有言而無聲也。

種類 綱目云。瘖者邪入陰分也。然有二證。一曰舌瘖。乃中風舌不轉運之類是也。一曰喉瘖。乃勞嗽失音之類是也。

原因 內經云。寒氣客於會厭。則會厭不能發。發不能下。故無音也。

赤水玄珠云。足少陰脈挾舌本。足太陰之脈連舌本。手少陰別繫舌本。若此三脈虛。則痰涎乘虛而閉塞其脈道。故舌不能轉運言語也。若此三脈亡血。則舌無血管養而瘖。

症狀 綱目云。……蓋舌瘖。但舌本不能轉運言語。而喉咽音聲則如故也。喉瘖但喉中聲嘶。而舌本能轉運言語也。

治法 內經云。心脈瀦甚爲瘖。

又云。心脈搏堅而長。當病舌卷不能言。

治法 得效云。因痰壅失音。宜玉粉丸芎辛散。咳嗽失音。人參清肺散杏仁煎蛤蚧丸。虛損

憔悴。氣血不足。失聲音久瘖。宜天真丸。服過半月。言語自然有聲。

又云。卒失音。宜荊蘇湯。人參荊芥散。射干湯。

回春云。因謳歌失音。宜響聲破笛丸。

沈氏尊生云。聲啞者。莫不由于肺熱。宜降氣清熱。潤肺生津。涼血益血。宜鬱金生地蒲黃茅根白芨阿膠童便知母。暴瘖者。莫不由於火盛。宜降氣發音聲。宜蘇子貝母桔梗枇杷葉百部竹瀝大冬麥冬梨汁甘草薄荷元參桑皮童便。亦有寒包熱而聲啞者。宜鬱金湯。亦有風毒入肺而失音。或痰迷而舌强者。宜防己蠶蠶木通菖蒲竹瀝山梔南星半夏荊芥陳皮。亦有喉音如故。但舌本不能轉運言語。由於體虛有痰者。宜補虛湯。亦有中風病。而舌強舌卷不能言者。宜大秦芫湯。若天熱加知母。亦有勞嗽失音。但喉聲不清者。宜訶子湯。亦有痰結喉中。語不出者。宜玉粉丸。亦有久嗽失音者。宜蛤蚧丸。亦有暴嗽失音者。宜杏仁桑皮湯。亦有初感風邪。驟用參耆五味而喉啞者。宜細辛半夏生薑。倘邪去仍嗽。肺管開也。宜五味烏梅。一飲即愈。大抵總治喉音啞。久嗽聲啞。須用清滋之品。宜清音湯。

死候 扁鵲云。病人五臟已奪。神明不守。聲嘶者死。

華陀云。病人陰陽俱絕。失音不能言者。三日半死矣。

古今驗方選

荆蘇湯 直指方 治感風寒卒瘕。及失音通用。

荆芥穗

紫蘇葉

木通

橘紅

當歸

辣桂

石菖蒲

玉粉丸

綱目方

治冬月寒痰結塞。語聲不出。

半夏

草烏

肉桂

右爲末。薑汁浸蒸餅和丸。芡實大。每一丸至夜含化。年久者亦效。

蛤蚧丸 丹溪心法方 治肺間積作痛失音。及久嗽失音。

蛤蚧

訶子肉

阿膠珠

生地黃

麥門冬

細辛

甘草

右爲末。蜜丸如棗大。每一丸含化。

芎辛湯

得效方

治熱痰壅盛。失音聲不出。是燥熱所致。用此卽效。

川芎

細辛

防風

桔梗

白芷

羌活

桑白皮

甘草

加生薑薄荷。水煎服。

響聲破笛丸 回春方 治因謳歌失音。

薄荷 連翹 桔梗 甘草 百藥煎 川芎 砂仁

訶子 大黃

右爲末。雞子清和丸。彈子大。每一丸臨臥噙化嚥下。

人參荊芥散 丹溪心法方 治感冒風寒。言語不出。咽乾鼻涕。

人參 荊芥穗 陳皮 桔梗 半夏 細辛 杏仁

通草 麻黃 甘草

加薑。水煎服。

射干湯 得效方 治天行暴寒。熱伏於內。咳嗽不得息。喉癭失音。或乾嗽無唾。喉中如梗。

半夏 杏仁 陳皮 桂心 枳實 射干 當歸

獨活 麻黃 紫菀 甘草

呼吸器病 音瘖

加生薑水煎服。

人參清肺散丹溪心法方治痰嗽咽乾聲不出。

人參 陳皮 貝母 半夏 桔梗 茯苓 桑白皮

知母 枳殼 杏仁 黃連 款冬花 麥門冬 地骨皮

甘草 五味子

加生薑煎服。

杏仁煎直指方治咳嗽失音聲不出。

桑白皮 木通 貝母 紫菀 五味子 石菖蒲 杏仁泥

白蜜 砂糖屑 生薑汁

右先將前六味剉以水五升煎至半升去滓入杏蜜糖薑再煎成稀膏每取一匙含

化嚥下。

鬱金湯沈氏尊生方治寒包熱。

鬱金 生地 知母 阿膠 牛蒡子 杏仁 童便

桔梗 沙參 蟬退

補虛湯沈氏尊生方治舌強。

黃耆 白朮 當歸 陳皮 竹瀝 薑汁

訶子湯河間方治失音不能言語。

訶子 桔梗 甘草 童便

大秦芄湯潔古方治血弱不能養筋致手足痿痺舌強不語。

秦芄 石膏 甘草 川芎 當歸 白芍 羌活

獨活 防風 黃芩 白朮 白芷 茯苓 細辛

熟地 生地

杏仁桑皮湯沈氏尊生方治暴嗽。

杏仁 桑皮 薑汁 白蜜 砂糖 五味子 紫菀

通草 貝母

清音湯沈氏尊生方

呼吸器病 音瘖

訶子肉 阿膠 天冬 知母 黃柏 麥冬 茯苓

歸身 生地 熟地 人參 烏梅 人乳 牛乳

梨汁

煉蜜爲丸。每重一錢。每服一丸。口含化下。

天真丸御藥院方治一切亡血過多。形槁肢羸。津液枯竭。食飲不進。腸胃滑泄。久服生血。養氣。

煖胃。駐顏。

精羊肉 肉蓯蓉 當歸 山藥 天門冬

右爲末。安羊肉內裹縛。用無灰酒四餅。煮令酒盡。再入清水二升。煮候肉糜爛。再用黃耆末。人參末。白朮末。熟糯米飯。焙乾作餅。將藥末和丸。如難丸。用蒸餅五七枚焙乾。入臼中杵千下。丸如梧子大。每服三百丸。溫酒送下。每日二次。

單方

石菖蒲 出音聲煎服或未服並佳(本草)

通草 出聲音可煎服之佳(本草)

橘皮 治卒失聲不出橘皮濃煎取汁頻服(本草)

乾柿 潤聲喉可水漬常服之(本草)

童子尿 主久嗽失音由其能降火故也又曰人尿益聲可溫服之(綱目)

杏仁 可和酪作湯益潤聲氣○欲好聲杏仁一升去皮尖熬酥一兩蜜少許和丸梧子大米飲下十五丸或二十九(本草)

桂心 治感寒失音取細末含之嚙汁○咽喉癢痛失音不語桂心杏仁各一兩為末蜜丸櫻桃大綿裹含化嚙汁(本草)

燕覆子 續五藏斷絕氣使語聲足氣常食之(本草)

苦竹葉 治卒失聲聲不出濃煎飲之(本草)

梨 主中風失音不語生搗取汁每服一合日再(本草)

胡麻油 主瘖瘡能潤肺故也可和竹瀝薑汁童便等服之

雞子 多食令人有聲以水煮兩沸合水飲之(本草)

宗景按說文釋瘖為口不能言似即俗所謂啞也。其症實有舌瘖音瘖之別。舌瘖者大抵由于痰阻舌根。舌咽神經麻痺不能轉運言語。或因舌無津液營養所致。音瘖者乃因聲帶發生變化。遂致聲嘶聲嘎。其源亦各不同。發聲之原理。則由于聲門狹窄。呼出空氣之時。緊張之聲帶。為氣流所衝突。乃顫動而成聲音。譬如管狀之樂器。其管口半為極薄之金屬片所蓋住。用力吹管時。此薄片被吹氣打擊而顫動。其顫動之結果。即發生聲浪。若

急慢性喉頭炎聲門水腫喉軟骨膜炎喉結核等症。聲門或聲帶受其響影。皆足以成聲嘶。惟喉軟骨膜炎。往往因軟骨壞死。喉腔之基礎缺損。終身失音。其原因多由梅毒而起。若續發於肺結核症者。每多不治。以其真陰已枯。虛火獨熾也。寒包熱症之聲啞。咳嗽不爽者。宜麻杏甘石湯加桔梗。栝蒌。象貝。前胡。牛蒡。蟬衣之屬。使寒從表解。熱得宣洩。則聲自復常。若專投寒涼之劑。必愈治而愈啞也。

咳嗽

種類 本病有風嗽、寒嗽、熱嗽、濕嗽、鬱嗽、勞嗽、食積嗽、氣嗽、痰嗽、乾嗽、血嗽、酒嗽、久嗽、火嗽、夜嗽、天行嗽之別。

原因 金匱翼云。經言五藏六府。皆能令欬。蓋有自外而入者。寒風暑濕燥火是也。有自內而發者。七情飢飽勞傷是也。風寒諸氣。先自皮毛而入。皮毛者肺之合。皮毛受邪。內從其所合則欬者。自外而入者也。七情飢飽。內有所傷。則邪上逆。肺爲氣出入之道。故五藏之邪。上觸于肺亦欬。此自內而發者也。然諸氣所感。有不爲嗽者。病邪特甚。徑傷藏府。不留于皮毛。七情所傷。亦有不爲嗽者。病邪尙淺。止留本藏。未卽上攻。所以傷寒以嗽爲輕。而雜病以嗽

爲重也。

沈氏尊生云。風嗽。風乘肺也。寒嗽者。寒邪乘肺而嗽也。

金匱翼云。熱嗽有久暴之異。暴者。時熱傷肺也。……久者風寒不解。久而化火。肺受火邪。氣從火化。有升無降。……

活法機要云。濕嗽者。……此多乘熱入水。或冒雨露。或浴後不解濕衣。致有此患。……

沈氏尊生云。鬱嗽。卽火嗽也。……乃腎水枯涸。邪火獨炎所致。

六科準繩云。勞嗽有因久嗽成勞。有因病勞乃嗽者。……

金匱翼云。食積咳嗽者。穀肉過多。停凝不化。轉爲敗濁。隨呼吸之氣而上溢入肺。肺者清虛之府。不能容物。則有欬而出之耳。

沈氏尊生云。氣嗽。七氣積傷成欬也。

又云痰嗽。……緣濕痰在胃。上于肺也。

醫學入門云。乾咳者肺中無津液也。

沈氏尊生云。血嗽。……或因上焦有熱。……或因打撲損傷。肺氣作欬。

又云。酒嗽。傷酒而成也。蓋酒大熱有毒。或冷熱兼飲。日久漸傷胃脘。其氣結聚不流。致成濕痰作嗽。(按酒嗽古醫籍僅有原因而無症狀)

又云。久嗽。諸般嗽久也。

丹溪心法云。久嗽乃積痰久留肺脘。粘滯如膠。氣不升降。或挾濕與酒而作。

沈氏尊生云。火嗽。火熱嗽也。……蓋以肺腎二經。乃人身之化源。二經有虧。則化源絕。故痰火益盛。而嗽發不止也。

又云。夜嗽。陰虛嗽也。多屬腎氣虧損。火炎水涸。或津液壅而爲痰。故夜間屬陰分。陰氣相感。故嗽也。

又云。天行嗽。感冒時行之氣作咳也。

症狀 醫鑑云。傷風咳者。……憎寒壯熱。自汗惡風。口乾煩躁。鼻流清涕。欲語未竟而咳。

醫學入門云。風乘肺咳。則鼻塞聲重。口乾喉癢。語未竟而咳。

又云。寒傷肺者。咳則胸緊聲啞。

醫鑑云。寒嗽者。憎寒發熱。無汗惡寒。煩躁不渴。遇寒而咳。

金匱翼云。熱嗽有久暴之異。暴者……氣促。口渴。胸膈不利。咽喉腫痛。久者……其候咳唾痰濁。煩熱口渴。或吐膿血。甚者身熱不已。則成肺勞。

子和云。熱乘肺者。急喘而嗽。面赤潮熱。手足寒。孔子每多有之。

活法機要云。熱嗽喉乾痛。鼻出熱氣。其痰嗽而難出。色黃且濃。或帶血縷。或出血腥臭。或堅如蠣肉。不若風寒之嗽。痰清而白……

醫學入門云。濕乘肺者。咳則身重。骨節煩疼。洒淅。

醫鑑云。濕傷嗽者……骨節煩疼。四肢重著。或有汗。小便不利。

沈氏尊生云。鬱嗽……必兼面赤。或肺脹喘急。睡不安。痰少。甚者乾欬而無痰。

六科準繩云。勞嗽……其證寒熱往來。或獨熱無寒。咽乾噎痛。精神疲極。所嗽之痰。或濃或淡。或時有血。腥臭異常。語聲不出者……

沈氏尊生云。食積嗽……必兼胸滿噫酸。發熱。或稠痰壅滯喘滿……總之凡有食積者。必面青黑白不常。面上如蟹爪路。一黃一白者。此又可望色而知也。

又云。氣嗽……上氣喘急。痰涎凝結。或如敗絮。或如梅核。滯塞咽喉。吐不出。咽不下。多因七

情鬱結。或勞傷脾肺。甚而多吐膿血。漸成肺癆。然氣嗽一證。婦人多有之。

又云。痰嗽。嗽動便有痰聲。痰出嗽止也。……胸膈滿。痰涎多。或寒熱交作。面浮如盤。……

醫學綱目云。乾咳嗽者。無痰有聲是也。此證本於氣澀。澀微者。連咳十數聲。方有痰出。澀甚者。雖咳十數聲。亦無痰出。是爲乾咳嗽也。

醫學入門云。痰血咳嗽者。喉間有腥氣。或吐唾瘀血。……

沈氏尊生云。久嗽。……以致氣不升降。或上氣喘急。……

丹溪心法云。火嗽。有聲痰少面赤者是。或煩渴引飲。

沈氏尊生云。夜嗽。……欬聲不絕。至曉方緩。或兼口苦。胸痞。脇痛。多吐涎沫。不進飲食。……

又云。天行嗽。……痰盛寒熱。或鼻塞聲重。……

六科準繩云。時行嗽。發熱惡寒。頭痛鼻塞。氣急。狀如傷冷熱。連咳不已。初得病即伏枕。一兩

日即輕。……

脈法 脈訣云。咳嗽所因。浮風緊寒。數熱細濕。房勞瀆難。右關濡者。飲食傷肺。左關弦短。疲

極肝衰。浮短肺傷。法當欬嗽。五藏之嗽。各視本部。浮緊虛寒。沉數實熱。洪滑多痰。弦瀆少血。

形盛脈細。不足以息。沉小伏匿。皆是死脈。惟有浮大。而嗽者生。外證內脈。參考調停。

正傳云。關上脈微爲欬。脈弦或緊爲寒。脈浮爲風。脈細爲濕。脈數爲熱。脈沉爲留飲。沉數爲實熱。洪滑爲多痰。脈浮軟者生。沉小伏匿者死。

鑑辨診斷 張氏醫通云。外感欬嗽。與陰虛欬嗽。尤宜辨晰。外感欬嗽。則聲盛而濁。先緩後急。日夜無度。痰涎稠粘。而喘急。陰虛勞嗽。則聲怯而稿。先急後緩。或早甚。或暮甚。清痰少氣。而喘乏也。

治法 六科準繩云。感風而嗽者。惡風自汗。或身體發熱。或鼻流清涕。其脈浮。宜桂枝湯加防風杏仁前胡細辛。

沈氏尊生云。風嗽……宜款冬花散金沸草散。

醫鑑云。風寒嗽者。鼻塞聲重惡寒。二陳湯加麻黃桔梗杏仁。

六科準繩云。感寒而嗽者。惡寒發熱無汗。鼻流清涕。其脈緊。宜杏子湯去乾薑五味加紫蘇乾葛。或二陳加葛根紫蘇杏仁桔梗。暴感風寒不惡寒發熱。止是咳嗽鼻塞聲重者。寧嗽化痰湯。

活法機要云。熱嗽……宜金沸草散去麻黃半夏加薄荷枇杷葉五味杏仁桑根白皮貝母茯苓桔梗。入棗子一個同煎。仍以辰砂化痰丸含化。有熱嗽。諸藥不效。竹葉石膏湯去竹葉入粳米。少加知母。多服五味子杏仁枇杷葉。此必審是伏熱在上焦心肺間可用。

沈氏尊生云。熱嗽……宜洗肺散芩半丸黃連化痰丸。須知咳嗽面赤。胸腹脇常熱。惟手足有時冷。其脈洪滑者。必熱痰留滯於內。故嗽而胸滿也。宜半黃丸小陷胸湯。

又云。濕嗽……宜白朮湯白朮丸。

又云。鬱嗽……宜清化丸清金降火湯。

又云。勞嗽……宜人參清肺湯訶黎勒丸人參芎歸湯。

六科準繩云。勞嗽……宜薏苡仁桑根白皮麥門冬白石英人參五味子款冬花紫苑杏仁貝母阿膠百合桔梗秦艽枇杷葉薑棗粳米同煎去渣。調鍾乳粉。亦宜蛤蚧湯或保和湯知母茯苓湯紫苑散寧嗽湯。

醫學入門云。因食積生痰。咳嗽胸滿噫酸。宜二陳湯加厚朴山查子麥芽。

王節齋云……但是食積成痰。痰氣上升。以致咳嗽。只治其痰。消其積。而嗽自止。不必用肺

藥以治嗽也。

沈氏尊生云。氣嗽……宜團參飲蘇子降氣湯星香丸。

又云。痰嗽……宜半瓜丸滴油散澄清丸。

又云。乾嗽……始宜苦桔梗以開之。再用補陰降火之劑。不已。則成勞瘵。在不得志者。多患此。宜乾嗽補肺膏加味二母丸瓊玉膏。

又云。血嗽……痰血沉悶。嗽聲連併。氣不得透。宜桑皮散……多吐黑血。宜當歸飲。

醫學入門云。痰血咳嗽者……四物湯加大黃蘇木爲末。酒調或水煎服。

又云。酒傷肺成痰嗽。以竹瀝煎紫蘇葉入韭汁。就吞瓜萐杏連丸。又宜蜂薑丸。

丹溪心法云。飲酒多咳嗽。青黛瓜萐仁右爲末。薑汁蜜煉和丸。含化。散肺毒。

沈氏尊生云。久嗽……宜蜂薑丸貝母湯加味百花膏。并有數十年不愈者。宜馬兜鈴丸潤肺除嗽散。

又云。火嗽……或由肺家積熱。宜清肺飲。或由傷寒潮熱。痰盛。胸脇痛。宜柴胡枳桔湯。或由火鬱肺脹。氣急息重。宜海青丸。蓋以肺腎二經。乃人身之化源。二經有虧。則化源絕。故痰火

益盛而嗽發不止也。宜滋陰清化丸。

醫學入門云。夜間咳嗽屬陰虛。宜降陰分火。

丹溪心法云。陰分嗽者。外屬陰虛。治之用知母止嗽。勿用生薑。以其辛散故也。

萬病回春云。凡夜嗽久嗽。多屬腎氣虧。火炎水涸。或津液涌而爲痰。須用六味地黃丸。加黃

柏知母。天門冬。貝母。橘紅。以滋化源。滋陰降火湯亦佳。

沈氏尊生云。天行嗽……宜人參飲子一服散。

六科準繩云。時行嗽……用參蘇飲加細辛。

預後 久嗽成爲肺結核之症。其預後往往不良。

死候 張氏醫通云。久病喘嗽。左側不能臥者爲肝傷。若精力未衰可治。右邊不能臥者爲肺損。無問新久。皆不可治。久嗽脈弱者生。實大者死。欬而脫形身熱。脈小堅急。以疾爲逆。不出十五日死。欬脫形。身熱脈疾。不過五日死。欬洩血。形肉脫。脈搏者死。咳嘔腹脹。且飧泄。其脈絕。不及一時而死。欬嗽形羸。脈形堅大者死。沉緊及伏匿者死。

禁忌 忌食鮮鹹油膩生冷等物。

古今驗方選

三拗湯局方治感風寒咳嗽。鼻塞聲重失音。

麻黃 杏仁 甘草 薑

金沸草散 正傳方 治肺感風寒。咳嗽聲重。痰涎黃濁壅盛。

荆芥穗 旋覆花 前胡 麻黃 半夏 赤茯苓 細辛

甘草 生薑 大棗

五拗湯丹溪心法方 治感風寒咳嗽。聲重咽痛。

麻黃 杏仁 甘草 荆芥穗 桔梗

寧嗽化痰湯證治準繩方 治感風寒。欬嗽鼻塞。

桔梗 枳殼 半夏 陳皮 前胡 乾葛 茯苓

紫蘇 麻黃 杏仁 桑皮 甘草 生薑

二陳湯局方見癘疾門

芩半丸沈氏尊生方 治熱嗽。

呼吸器病 咳嗽

黃芩 半夏

薑汁糊丸。每薑湯下五七十丸。

黃連化痰丸沈氏尊生方治熱嗽

黃連 梨汁 藕汁 萊菔汁 生薄荷汁

加砂糖細火熬膏。以匙挑服。

杏子湯易簡方治咳嗽。不問外感風寒。內傷生冷。及虛勞咯血。疾飲停積。皆治療之。

人參 半夏 茯苓 細辛 乾薑 甘草 桂枝

五味子 芍藥 杏仁 生薑

華蓋散醫學入門方治肺感寒邪。咳嗽上氣。鼻塞聲重。

麻黃 赤茯苓 蘇子 陳皮 杏仁 桑白皮 甘草

溫肺湯直指方治肺虛客寒喘咳。嘔吐痰沫。

乾薑 桂枝 阿膠珠 半夏 陳皮 杏仁 甘草

五味子 細辛 薑 棗

薑桂丸 易老方 治寒痰咳嗽。

桂皮 南星 半夏

右爲末。薑汁浸。蒸餅和丸。菉豆大。薑湯下三五丸。

止嗽散 醫學心悟方 治諸般咳嗽。

荆芥 桔梗 紫苑 百部 白前 甘草 橘紅

杏仁飲子 千金方 治暴熱咳嗽。

杏仁 橘紅 柴胡 紫蘇

鎮咳湯 彙言方 治咳嗽聲連發。痰逆不出。

枇杷葉 防風 杏仁 甘草 前胡 萸仁 薄荷

桑白皮 桔梗 升麻

人參清鎮丸 寶鑑方 治屬熱之咳嗽。

人參 柴胡 黃芩 半夏 甘草 麥門冬 青黛

陳皮 五味子

呼吸器病 咳嗽

爲末。麵糊爲丸。

貝母散 醫學入門方 治火嗽久嗽。

杏仁

款冬花

知母

貝母

桑白皮

五味子

甘草

半黃丸 沈氏尊生方 治熱痰嗽。

黃芩

南星

半夏

薑汁打糊丸。薑湯下三五十九。

白朮湯

濟生方 治濕嗽痰多。身體重著。脈濡細。

白朮

半夏

橘紅

白茯苓

五味子

甘草

生薑

白朮丸 易老方 治濕痰咳嗽。身重脈緩。

白朮

南星

半夏

右爲末。薑汁糊丸。薑湯下五七十丸。

半瓜丸 沈氏尊生方 治痰嗽。

半夏

瓜蒌仁

貝母

桔梗

枳壳

知母

薑糊丸

澄清飲沈氏尊生方 治痰嗽。服他藥不效者。

蚌粉 南星 半夏 知母 貝母 白礬

加生薑五片。水煎。澄清服。

星香丸 證治準繩方 治諸氣嗽。生痰。

南星 半夏 陳皮 香附子

右四味。俱不見火。碾爲細末。薑汁煮。麵糊和丸。如梧子大。每服五十丸。食後淡生薑湯送下。

款冬花散 局方 治風嗽。

麻黃 貝母 阿膠 杏仁 甘草 知母 桑白皮

半夏 款冬花 生薑

四物湯 局方

熟地黃 白芍藥 當歸身 川芎 麝

洗肺散 沈氏尊生方 治熱嗽。

呼吸器病 咳嗽

半夏 黃芩 天門冬 麥門冬 五味子 杏仁 甘草

生薑

清化丸沈氏尊生方治鬱嗽。

貝母 杏仁 青黛

共研細末。薑汁砂糖爲丸。如彈子大。每服一丸。口含化下。

訶黎勒丸沈氏尊生方治勞嗽。

訶子皮 海蛤粉 瓜蒌仁 青黛 便香附 杏仁 貝母

共研細末。薑汁和蜜爲丸。如櫻桃大。每服一丸。口含化下。

清金降火湯沈氏尊生方治肺胃痰火。

陳皮 杏仁 赤苓 半夏 桔梗 貝母 前胡

瓜蒌仁 黃芩 石膏 枳殼 甘草 生薑

加味二母丸沈氏尊生方治乾嗽。

知母 貝母同巴豆霜炒黃色 明礬 白芨

右爲末。生薑汁煉蜜爲丸。如彈子大。每服一丸。口內含化。

加味百花膏沈氏尊生方治久嗽。

百部 款冬花 紫苑

每用末三錢。薑三片。梅一個。煎湯下。

乾嗽補肺膏沈氏尊生方治乾嗽。

生地黃 杏仁 生薑 白蜜

共搗如泥。飯上蒸五七度。每於五更。挑三匙咽下。

蜂薑丸沈氏尊生方治酒嗽。

蜂房 香附 白僵蠶 蛤粉 瓜蒌仁 苦杏仁 神麩

研爲細末。薑汁竹瀝加煉蜜和丸。如彈子大。每服一丸。口噙化下。

瓜蒌杏連丸沈氏尊生方治酒嗽。

瓜蒌仁 杏仁 黃連

竹瀝薑汁爲丸。

呼吸器病 咳嗽

桑皮散沈氏尊生方治血嗽。

桑皮 甘草 薄荷 桔梗 川芎 防風 黃芩

前胡 柴胡 蘇葉 赤苓 枳壳 川貝母 薑棗

海青丸沈氏尊生方治火嗽。

海蛤粉 青黛 瓜蒌仁 訶子皮 便香附 半夏

當歸飲沈氏尊生方治血嗽。

川大黃 蘇木 生地 當歸 赤芍

六味地黃丸錢乙方
見消渴門

人參清肺湯局方治肺胃虛寒。欬嗽喘急。坐臥不安。並治久年勞嗽。吐血腥臭。

地骨皮 人參 阿膠 杏仁 桑白皮 知母 烏梅

炙甘草 驚粟殼 棗

團參飲子沈氏尊生方治肺痿癆瘵。

人參 半夏 紫苑 阿膠 百合 天門冬 款冬花

杏仁 桑葉 細辛 甘草 五味子 生薑

蘇子降氣湯沈氏尊生方治氣嗽。

橘紅 半夏 當歸 前胡 厚朴 炙甘草 沉香

薑

滴油散沈氏尊生方治痰嗽。面浮如盤。

蚌殼 青黛

研為細末。每服三錢。和淡薑水。滴入麻油數點調下。

人參芎歸湯沈氏尊生云治嗽血。

當歸 川芎 白芍 赤苓 人參 甘草 陳皮

半夏 阿膠 細辛 五味 薑 棗

保和湯證治準繩方治勞證久嗽。肺燥成痿。服之決效。

知母 貝母 天門冬 麥門冬 款冬花 天花粉 薏苡仁

當歸 百部 粉草 紫蘇 薄荷 杏仁 五味子

呼吸器病 咳嗽

五五

馬兜鈴 桔梗 紫苑 百合 阿膠 飴糖 薑

小陷胸湯傷寒論方治小結胸病正在心下按之則痛脈浮滑者

黃連 半夏 栝蒌實

知母茯苓湯證治準繩方治肺痿喘嗽不已往來寒熱自汗

知母 白朮 茯苓 五味子 人參 半夏 柴胡

甘草 薄荷 川芎 生薑 阿膠 款冬花 桔梗

麥門冬 黃芩

紫苑散證治準繩方治欬中有血虛勞肺痿

人參 紫苑 茯苓 知母 桔梗 阿膠 貝母

五味子 甘草

貝母湯本事方治諸嗽久不瘥

貝母 乾薑 五味子 陳皮 半夏 柴胡 肉桂

黃芩 桑皮 木香 甘草 杏仁 生薑

潤肺除嗽飲沈氏尊生方治久嗽。

款冬花 柴菀 麻黃 陳皮 石膏 生薑 半夏

桔梗 桑皮 枳殼 烏梅肉 罌粟殼 杏仁 薄荷

甘草 五味子 茶葉

辰砂化痰丸 局方治風痰安神志利咽喉清頭目。

辰砂 白礬 天南星 半夏麩

右爲末。薑汁煮麵糊和丸。如桐子大。辰砂爲衣。每服三十丸。食後。生薑湯下。

清肺飲沈氏尊生方治火嗽。

前胡 荆芥 桑皮 枳殼 知母 貝母 薄荷

赤苓 桔梗 蘇葉 阿膠 杏仁 天冬 甘草

薑 梅

柴胡枳桔湯沈氏尊生方治火嗽。

麻黃 杏仁 枳壳 桔梗 柴胡 黃芩 半夏

呼吸器病 咳嗽

知母 石膏 葛根 甘草 生薑

桂枝湯傷寒論方見感冒門

竹葉石膏湯傷寒論方

竹葉 石膏 半夏 麥門冬 人參 甘草 粳米

馬兜鈴丸 潔古方治久嗽。

馬兜鈴 半夏 杏仁 巴豆

右除巴豆杏仁另研外。除研爲細末。皂角膏子爲丸。如梧桐子大。雄黃爲衣。每服十

丸。烏梅二個煎湯。臨臥時送下。以利爲度。

蛤蚧湯證治準繩方治咳嗽吐膿血及肺痿羸瘦涎涕稠粘。

蛤蚧 知母 貝母 鹿角膠 枇杷葉 葛根 桑皮

人參 甘草 杏

滋陰清化丸 沈氏尊生方治火嗽。

生地 熟地 天冬 麥冬 黃柏 白芍 茯苓

山藥 杞子 元參 苡仁 五味子 甘草
共研細末。煉蜜爲丸。如彈子大。每服一丸。空腹時。口含化。

滋陰降火湯沈氏尊生方

白芍藥 當歸 熟地黃 白朮 天門冬 麥門冬 生地黃

陳皮 知母 黃柏 甘草 生薑 大棗

一服散沈氏尊生方治天行嗽

大半夏 杏仁 罌粟殼 烏梅 阿膠 生薑 紫蘇葉

甘草

瓊玉膏 丹溪方 治乾嗽

生地 人參 白茯苓 白蜜

右先以生地黃汁同白蜜熬沸。用絹濾過。將人參茯苓研爲細末。入前汁和勻。以瓷瓶用綿紙十數層。加箬葉封瓶口。入沙鍋內。以長流沒瓶頸。桑柴火煎三晝夜。取出換紙紮口。以蠟封固。懸井中。一日取起。再入舊湯內。煮一日夜。以出水氣。如夏熱天。

吸呼器病 咳嗽

置陰涼處。或藏水中。或埋地中。須於不聞雞犬聲。幽靜處。不令婦人喪服人見。亦勿犯鐵器。每服一二匙。溫酒調服。如不飲酒。熱湯亦可。一日二三次。忌食葱蒜菜菔醋酸等物。

人參飲子丹溪心法方 治天行嗽。痰盛寒熱。

人參 桔梗 五味子 赤苓 半夏 枳壳 甘草

參蘇飲 元戎方 治時行嗽。

陳皮 枳壳 前胡 半夏 乾葛 人參 蘇葉

木香 甘草 桔梗 茯苓

單方

五味子 主咳嗽上氣身熱。○五味收肺氣。乃火熱必用之藥。○東垣。○人參五味子麥門冬治肺虛自汗或少氣而喘。蓋聖藥也。○綱目。久嗽必用五味子。東垣之法。然驟用之。恐閉住其邪。必先發散之。或兼用可也。○丹心。

生薑 主咳嗽上氣。○生與乾並治嗽。○本草。治嗽多用生薑。以其辛能發散也。○正傳。咳嗽喘急。生薑一升半。砂糖五兩同煎。減半常服之。○千金。○久患咳逆。生薑汁半合。蜜一匙煎令熟。令溫分三服。○本草。

瓜蒌實 治痰嗽利胸膈。取實肥大者。割開取子。淨洗槌破。瓜細切焙乾。半夏四十九枚。湯洗十遍。切焙為細末。用洗瓜蒌水并子瓢同熬成膏。研細為丸。梧子大。薑湯下二十九。○本草。○瓜蒌子甘能補肺潤能降氣。宜為治

嗽要藥也
(丹心)

半夏 治痰嗽上氣及形寒飲冷傷肺而咳半
夏製生薑切各半兩煎服即效(易老)

皂莢 主咳嗽上氣唾濁坐不得臥炙爲末蜜
丸梧子大棗湯吞下三九日三(湯液)

橘皮 治咳嗽上氣橘紅四兩甘草炙一兩爲末每三錢白湯點
服日三〇又治吃逆橘皮一兩濃煎乘熱頓服(本草)

鯉魚肉 主咳嗽燒爲灰糯米飲調下一二錢或
取肉作膾以姜醋食之亦佳(本草)

梨 主熱嗽〇卒咳嗽梨一顆刺作五十孔每孔納胡椒一粒麵裹煨熟停冷
去椒食之(本草)〇咳嗽胸痞取雪梨去心納蜜蒸熟停冷食之(入門)

鶯粟殼 斂肺止咳喘然乃收功後藥也不可驟用(醫鑿)殺氣素
壯人久嗽即效粟殼蜜炒爲末每一錢蜜湯調下(得效)

豬肺 治咳嗽喘急肺痿吐血豬肺一個洗去血水若病人每歲用杏仁一個去皮尖將肺以竹簽穿眼每眼入杏仁一
個麻扎重湯煮熟去杏仁只吃肺即效(回春)〇上氣咳嗽身熱口乾豬肪膏一斤切碎煮熟入鹽豉調和

食之
(入門)

獐肉 主上氣咳嗽炙爲末每二錢溫酒和服日二〇
肺痿上氣氣急獐脂一合煖酒和服(本草)

阿膠 治肺虛損極咳嗽唾膿血非阿膠不補〇喘甚須用
阿膠(湯液)〇阿膠炒爲末米飲調服止喘(本草)

宗景按。平人偶有煤灰或塵垢之微粒。衝入氣管時。上皮細胞即分泌一種粘液。將微粒

粘住。藉氣管之顫毛運動。移至喉頭。由咳嗽而吐出口外。若有時吸入灰塵之微粒較多。氣管受其刺激。則咳嗽聯續而來。必欬出刺激物乃止。然則咳嗽者。無非是呼吸肌之收縮。由肺臟起一種迅速之氣流。使喉頭分泌物。及其他刺激物。一齊衝口而出。俾體內無毒物存在之危險。乃生理上自衛之現象也。據此則知傷風咳嗽。因風入肺臟。體工起救濟作用。有驅風外達之兆。當此之時。若咳不爽者。宜用宣肺之藥。助其易咳。風去則咳自止。若用沙參麥冬等藥。粘住風邪。與救濟作用相反。勢必愈咳愈劇。久久不已。肺部受極大之震動。微絲血管破裂。則痰中帶血。同時胸廓內之陰壓。忽變成陽壓。右心房血液之還流。受其妨害。肺內壓力既高。則右心室射出之血液。不易入肺。肺臟無充分之營養。結核菌一旦乘機侵入。必無抵抗之能力。此古人所以有傷風不醒變成癆症之說也。若燥氣襲肺。使肺中津液缺乏。氣管之分泌液減少。燥而作痒。乾咳無痰。或有痰如藕粉塊者。沙參麥冬乃爲的對之藥。蓋以此種咳嗽。不用滋潤之藥。促進氣管之分泌液。則氣管不勝外界燥氣之刺激。必起而抵抗。如久咳不止。病者體力日益消耗。津液亦愈涸也。憚鐵樵先生謂陰虛欬嗽。因肺虛不勝外界冷空氣之壓迫。體内存積之酸素。自燃化熱。以爲抵

抗。裏愈熱。則與空氣冷暖之差愈甚。故同時用欬之方法。以事驅逐。陽虛咳嗽。因腎臟虛寒。氣不攝納而作喘。一方又有抵抗外力侵入之作用。其說亦未有以易之。西醫有所謂百日咳者。中土則謂之疫咳或鷓鴣欬。其病之發生。往往流行於一時。以冬春之交爲最多。西醫內科全書。謂由於細菌傳染而來。專犯小兒。但初生小兒。罹此者甚少。然亦有免疫性質。一度罹患。多不再染。若隨癩疹而至者。則頗危險。其潛伏期不一。大概在三至十四日之間。初起與尋常上部氣道炎症無異。第一星期中。每發低熱。全身狀態。略覺不舒。此爲第一期。亦即黏膜炎期。稽留一二星期。其病狀不過黏膜炎症候。別無他異。此時往往難下確實之診斷。過此以往。則爲痙攣期。有特異痙攣性之欬嗽發作。然後始能斷其爲百日咳。其咳嗽之發作。多突然而至。欬嗽短促。激劇而帶痙攣。聯續而發。不能少息。迨吸入之空氣。盡被欬出。乃於開放不全之聲帶間。通一吸息。噉然有聲。僅此一息。而聯續之勁欬又起。如是者數同。患兒顏色青紅帶腫。頸靜脈怒張。涕泗交流。甚者苦悶若窒息。顏色青紫。故又謂之青嗽。猶未卽止。至惡心嘔吐。而後始得安靜。閱半時或一時間。又發作如前。如是反覆發止。一日或數回。或數十回不等。夜間則尤加劇。發作頻數。嘔吐屢起。

攝取食物。大受障礙。病兒缺乏營養。乃漸次憔悴。八九個月之小兒。下頷切齒已生者。其舌下韌帶。多有灰色小潰瘍。此爲百日咳常有之現象。痙攣期逗留之長短不等。短則二三星期。長則二三個月。大概夏期所發者。痙攣期之逗留。短於冬期。若至輕快期。則病勢稍退。發作之回數。漸漸減少。劇烈之度亦輕減。特異之痙攣性亦稍退。嘔吐亦止。然尙有微咳。留而不去。如是者。復一二星期始得消除。治療上亦僅縮短其經過。當發作劇烈。生命危險之際。乃用極少量之麻醉藥。以鎮靜之耳。依愚之經驗。有因寒包熱症。聯咳數十聲。必欬出痰涎乃止者。鷓鴣涎丸（麻黃。杏仁。石膏。桔梗。天花粉。細辛。射干。甘草。鷓鴣涎作丸湯下）最效。若欲味甘適口。小兒願服者。則西藥之白松糖漿。亦可採用。然亦有效。有無效者。大概寒嗽。較爲適宜。醫中治病必辨寒熱。西醫則不注意及此。此外中醫籍中。有所謂大腸欬。欬而遺糞。小腸欬。欬而失氣。膀胱欬。欬而遺溺。大抵年老氣虛之人。咳嗽時因氣深吸入。腹腔壓力增高。血行障礙。而起不隨意脫糞遺溺失氣等之弛緩現象。此乃逸人氏之說。愚亦不敢掠美。要之咳嗽雖爲習見之症。然其原因繁雜。經云。五臟六腑。皆能令欬。咳嗽之病源。雖不皆由於肺。其動作則皆出於肺。故列入呼吸器篇。若不窮源究本。方藥亂投。鮮有獲效。每見醫者治嗽。無論其爲何種原因。杏仁象貝。十方而九。考杏仁之

主成分爲精酸。有麻醉欬嗽中樞之作用。若遇病人咳嗽頻劇時。以之麻醉鎮欬。減少其苦楚。尙無不可。至於象貝之功。化痰略兼解表。僅可施於熱痰。若以之治寒痰。則必不可也。

咳血

釋名 咳嗽有聲。而痰內有血者是也。或咳出純是血痰。

原因 張氏醫通云……此雖肺體自燥。亦爲火逆。欬傷血膜。而血隨痰出也。

沈氏尊生云……火乘金位。肺絡受傷。故從咳嗽出也。

丹溪心法云……火升痰盛……

統旨云……其因有二。熱壅於肺者。易治。久咳損於肺者……此已成勞也。

血證論云……實咳。由於外感風寒……此外又有內受瘟暑濕熱者。亦能攻發而

爲欬血……虛咳。肺爲嬌藏。無論外感內傷。但一傷其津液。則陰虛火動。肺中被刑。

金失清肅下降之令。其氣上逆。嗽痰咳血……

證狀 張氏醫通云……因欬嗽而見血。或乾咳。或痰中見紅絲血點一兩口。氣急喘促。

血證論云……實咳由於外感者。先見頭痛。惡寒發熱……由於內傷者。身熱口渴。小便不利。胃腹煩滿……

脈法

張氏醫通云……其脈微弱平緩易治。弦數急實……不治。

治法

統旨云。熱壅於肺者易治。不過涼之而已。久咳損於肺者難治。此已成勞也。熱嗽有血。宜金沸草散。加阿膠。痰盛加瓜蒌仁貝母。勞嗽有血。宜補肺湯。加阿膠白芨。嗽血而氣急者。加杏仁。痰中帶血絲者。此是陰虛火動。勞傷肺臟。宜滋陰保肺湯。

張氏醫通云……得此證者。若能靜養。庶有生理。治宜六味丸加門冬五味。清金壯水爲主。略兼阿膠貝母百合。款冬紫苑。潤肺止咳之劑。血止後胃虛少食。氣息不續者。劫勞散去半夏加紫苑茸及瓊玉膏調理之。

又云。咳血久而成勞。或勞而咳血。肌肉消瘦。四肢倦怠。五心煩熱。咽乾頰赤。心冲潮熱。盜汗減食。異功散加阿膠。或四君子加黃芪鼈甲麥冬五味。

又云。陰虛火動而嗽血。或痰中有血星如珠者。生料六味丸加茜根烏賊骨童便。又云。咳血不止。至夜發熱吐痰。或帶血絲者。六味丸加蛤粉童便。臨臥服。

又云。肥盛酒客輩。痰中有血。滾痰丸菟滌之。

沈氏尊生云。先痰嗽而後見紅者。是積痰生熱。宜急降痰火。如橘紅、蘇子、貝母、麥冬、黃連、瓜蒌霜之屬。

又云。先見紅而後痰嗽者。是陰虛火動。痰不下降。宜滋陰降火。如補陰丸加麥冬之類是。

又云。……有肺家熱鬱而咳血者。宜紫苑丸。

又云。有咳血而極甚不止者。宜桑白皮散。

又云。肺破而嗽血不止者。宜海犀膏散。

血證論云。實咳。外感風寒。先見頭痛。惡寒發熱等證。仲景云。欬而喘息有音。甚則吐血者。用麻黃湯。李東垣師其意。用麻黃人參芍藥湯。可見咳嗽吐紅之證。多有因外感者。古法用麻黃。乃劫病之劑。且是氣分之藥。於血分尙少調治。須知咳固氣病。然使不犯血分。又何緣兩失血也哉。故必以兼顧血分爲宜。醫宗金鑑用蘇子降氣湯。予則用小柴胡湯。加紫蘇、荊芥、當歸、白芍、丹皮、杏仁。於氣分血分兩兼治之。最得和

表清理之法。火重秘結者。加酒軍。惡寒無汗者。加麻黃。胸脇腰背刺痛脹滿者。爲有瘀血。再加桃仁紅花。蓋小柴胡。爲通利三焦。治肺調肝。和營衛之良方。加減得宜。左宜右有。凡血家兼有表證者。以此方爲主。極爲妥當。普明子止嗽散亦可用。但藥力薄。不堪治重病。如咳嗽輕。帶血少者。又須用此輕劑以調之。斯爲中病。而不致太過。止血者。再加蒲黃藕節。清火者。再加枯芩寸冬。降痰加尖貝茯苓。降氣加杏仁枳殼。補血加當歸生地。凡上兩方。及加減之法。皆爲新病。欬血而設。其有外感既久。陳寒入肺。久欬喘滿。因而失血者。乃咳嗽氣逆。牽動諸經之火。以剋肺金。肺氣亦能牽動胸背脈絡之血。隨咳而出。是病雖生於寒。而實因寒動火。治法但溫其寒。益動其火。宜清火疎寒。面面俱到。斯不差爽。用千金麥門冬湯。並小柴胡加蘇子冬花。蓋寒中包火者。宜小柴胡加減。以清鬱火。火中伏寒者。宜千金麥門冬湯。以搜陳寒。或用細辛代麻黃。再加黑薑五味。元去調寒要藥。但血證多忌剛燥。更合枯芩寸冬玉竹瓜霜以柔之。用去火中伏寒。庶幾調劑得法。然而寒在肺中。久亦變從火化。旣化爲火。便當專治其火。兼溫其寒。是猶抱薪救火。以上所論。外感風寒。變爲欬血。此證最多。

醫者誤治。往往釀成癆瘵。慎之慎之。此外又有內受瘟暑濕熱者。亦能攻發而爲欬血。其證身熱口渴。小便不利。胸腹煩滿。與外感風寒相似。治宜專清其裏。忌發其表。蓋此病皆襲人口鼻。浸入脈絡。伏留腸胃膜原之間。不似傷寒。從膚表入者。故但用清裏之藥。不可發表。以張病勢。裏清則表自和。欬血自止。人參瀉肺湯治之。若其人素厚味。胃火炎上作欬者。用犀角地黃湯。加麥冬五味杏仁枳殼藕節。又或肝經怒火逆上。侮肺作咳。則用柴前梅連散。加青皮牡蠣蒲黃丹皮生地。又有熱邪激動水氣。水上衝肺。欬逆不得臥。或其人面浮腫者。仲景謂之風水。用越婢湯。血家風火相動。激水氣上升者。毋庸以麻桂發表。平肝風。宜柴胡白芍桑寄生殭蠶青蒿荊芥薄荷之屬。清肺火。宜枯芩知母石膏天麥冬。清肝火。宜胆草黃柏。清心火。宜黃連炒梔。治激動衝上肺中之水。宜葶藶仁防己桔梗杏仁雲苓。合此數品藥。以求方治。其於風火激動水氣衝肺。肺脹咳嗽之證。乃爲合宜。蓋仲景越婢湯。是治外感肺脹之法。吾所論者。乃血證內傷肺脹之法。吾曾治數人。有用瀉白散。合葶藶瀉肺湯而効者。有用二陳湯。和知母石膏荊芥薄荷防己木通而効者。有用小柴胡。加荊芥紫蘇杏

仁防已木通寸冬兜鈴而効者。又丹溪云。此證多係痰挾瘀血。礙氣爲病。若無瘀血。何致氣道如此阻塞。以致咳逆倚息。而不得臥哉。用四物湯。加紅花訶子。青皮竹瀝。薑汁治之。丹溪此論。洵中病情。蓋失血之家。所以有痰。皆血分之火。所結而成。然使無瘀血。則痰氣有消容之地。尙不致喘息欬逆。而不得臥也。血家病此。如徒以肺脹法治之。豈不南轅北轍。丹溪此論。可謂發矇振聵。第用其四物湯加減。於痰瘀兩字。未盡合宜。予謂可用活竅通血湯。加雲苓桔梗杏仁桑皮萹皮尖貝。小柴胡。加歸芍。桃仁丹皮雲苓。此皆血家咳嗽屬實證者。

又云虛咳。肺爲嬌臟。無論外感內傷。但一傷其津液。則陰虛火動。肺中被刑。金失清肅。下降之令。其氣上逆。嗽痰咳血。變爲肺痿重病。吐白沫如米粥。咽痛聲啞。皮毛洒淅。惡寒增熱。皆金損之證。不易治也。此病無論寒久變火。火鬱似寒。總以十藥神書保和湯治之。蓋肺金火甚。則煎熬水液而爲痰。水液傷。則肺葉不能腴潤下垂。其在下之肝腎。氣又薰之。肺葉焦舉。不能制節。故氣逆爲咳。氣愈逆。痰愈滯。所以久咳不止也。此方潤肺滌痰。止血和氣。無論寒久變火。火鬱似寒。痰血痿燥等證。皆統治之。

凡由外傷。變作虛咳勞證者。以此方爲第一。又有肺中陰虛。本臟氣燥。生痰帶血。發爲痿欬。以及失血之後。肺燥成痿。痰凝氣鬱。久咳不止。此乃內傷所致。不必治其餘病。但補其肺。諸病自愈。用清燥救肺湯。甘涼滋潤。以補胃陰。而生肺金。肺金清潤。則火自降。痰自祛。氣自調。欬自止。血枯加生地。火甚加犀角。痰多加貝母。帶血加蒲黃。以上二方。於肺經虛火治法纂詳。失血之人。多是陰虛火旺。照上治法者。十居八九。亦有一二屬肺經虛寒者。內經云。形寒飲冷則傷肺。肺惡寒。多漩唾上氣。仲景用甘草乾薑湯治之。然金匱自言遺溺小便數。所以然者。以上虛不能制下故也。則明見有虛冷遺溺之實據。乃用甘草乾薑以溫之。且其脈必沈弦遲微。痰必清稀泛溢。不似清燥保和二湯所治。故主溫藥。吾謂可用六君子爲主。再加當歸白芍炮薑五味。則於止欬止血皆宜。脾經虛寒。痰動欬嗽者。此方亦宜。若脾經虛火。生痰帶血。則宜逍遙散。加寸冬藕節蒲黃。若肝經虛火。生痰帶血。亦宜逍遙散。加丹皮山梔五味。

死候

張氏醫通云。……弦數急實。氣促聲嘶。咽痛者。不治。(按此指內傷咳血而言)

禁忌

戒烟酒。除房事。

古今驗方選

金沸草散 和劑局方見咽痛門

補肺湯 和劑局方治肺虛咳嗽致皮毛焦枯唾血腥臭喘乏不已

石鐘乳 桑皮 麥門冬 白石英 人參 五味子 肉桂

款冬花 紫苑

研為粗末。每服四錢。清水二盞。加生薑五片。大棗一枚。粳米三十餘粒。煎至一盞。食

後溫服。

滋陰保肺湯 統旨方滋陰保肺

黃柏 生地 知母 天門冬 當歸 芍藥 橘紅

紫苑 桑白皮 大粉草 阿膠 五味子

六味丸 錢乙方見消渴門

劫勞散 和劑局方治癆病咳嗽。或無痰。或有痰。或痰帶血絲。寒熱盜汗。羸倦。食少。心神不安。及

室女經閉。

白芍藥 人參 甘草 綿黃耆 當歸 熟地黃 五味子

半夏 阿膠

瓊玉膏 丹溪心法方見咳嗽門

異功散方見霍亂門

四君子湯 方見霍亂門

滾痰丸 養生主論方 治實熱老痰。結核異證。

青礞石 沉香 百藥煎 川大黃 黃芩

研為細末。水泛丸。如梧桐子大。

補陰丸 丹溪方 治腎火。欬血。

敗龜版 黃柏 知母 側柏葉 枸杞子 五味子 砂仁

杜仲 甘草

共研末。猪脊髓加地黃膏為丸。如梧桐子大。

紫苑丸 沈氏尊生方 治欬血。

呼吸器病 咳血

紫苑 五味子

共研細末。煉蜜爲丸。如芡實大。

桑白皮散沈氏尊生方治欬血。

鮮桑根白皮

研爲末。每服一錢。米飲送下。

海犀膏散沈氏尊生方治欬血。

海犀膏

研爲末。每服三錢。熱湯化下。

麻黃湯見感冒門

麻黃人參芍藥湯東垣方治內蘊虛熱。外感大寒而吐血。

麻黃 白芍 黃芪 歸身 甘草 人參 麥冬

桂枝 五味

蘇子降氣湯局方見鼻衄門

小柴胡湯傷寒論方見瀉溫門

千金麥門冬湯。治大病後。火熱乘肺。

麥門冬 桔梗 桑白皮 半夏 生地 紫苑茸 淡竹茹

麻黃 甘草 五味子 生薑

人參瀉肺湯局方治肺經積熱上喘。胸膈脹滿。痰多。大便瀉。

人參 黃芩 梔子 枳殼 薄荷 甘草 連翹

杏仁 桑白皮 大黃 桔梗

犀角地黃湯小品方治胃熱吐衄。

生地 白芍 丹皮 犀角

柴前梅連散沈氏尊生方治骨蒸熱。

柴胡 前胡 烏梅 黃連 猪膽 猪脊髓 韭白

童便二鐘煎至一鐘服。

越婢湯金匱方治風水惡風。一身悉腫。脈浮不渴。續自汗出。無大熱者。

麻黃 石膏 生薑 甘草 大棗

瀉白散 錢乙方 清肺金。

桑皮 地骨皮 甘草 粳米

右研細末。爲散。

葶藶薏苡瀉肺湯張氏醫通方治肺癰初潰。唾膿血。

葶藶 薏苡仁 貝母 甘草節 陳皮 黃芪 桔梗

忍冬 白芨 生薑

二陳湯局方治胃中寒濕痰濁等證。

陳皮 半夏 茯苓 甘草 生薑 烏梅肉

四物湯局方見痘瘡門

保和湯證治準繩方治虛癆咳嗽。肺燥成痿。嘔吐膿血。

知母 貝母 天門冬 麥門冬 款冬花 天花粉 薏苡仁

杏仁 五味子 馬兜鈴 紫苑 桔梗 百合 阿膠

當歸 百部 甘草 紫蘇 蘇薄荷

清水二鐘。加生薑三片。煎至七分。入飴糖一匙。食後服。

清燥救肺湯醫宗金鑑方 治諸氣膈鬱。諸痿喘嘔。

桑葉 石膏 甘草 胡麻仁 阿膠 麥門冬 杏仁

人參 枇杷葉

甘草乾薑湯傷寒金匱方 治太陽證誤汗。胃中陽虛。吐逆咽乾。煩燥而厥。及肺痿。吐涎沫而不

欬不渴。頭眩。遺尿。小便數。

甘草 乾薑

六君子湯 局方見炸腮門

逍遙散 局方 治肝氣抑鬱。血虛火旺。頭痛目眩。頰赤口苦。倦怠煩渴。寒熱咳嗽。兩脇作痛。臍

部脹痛。小腹重墜。婦人經水不調。脈弦大而虛。

柴胡 白朮 茯苓 當歸 白芍藥 甘草 陳皮

薄荷葉 煨薑

呼吸器病 咳血

宗景按。咳嗽見血者。爲肺臟出血。肺臟之所以出血。則有因于外感內傷之別。外感咳血。大抵由于風熱鬱熱風燥而起。夫風爲陽邪。熱乃火氣。併入肺絡。則血溢絡外。其證乍寒乍熱。咳嗽口乾煩躁者是也。治宜辛涼解表。參以入血之藥。如炒黑荆芥、桑葉、豆卷、炒梔、銀花、連翹、杏仁、象貝、丹皮、茅根、赤芍、茜草根、天花粉之屬。大忌驟用滋陰。黏住風邪。釀成重症。鬱熱咳血者。乃因表有寒邪。閉熱於經。血被熱迫。而溢於絡外也。治法但使表解熱達。則血自止。慎勿見血止血。截其去路。若表解之後。而熱仍不消。咳血仍不止者。始可投以清熱涼血之藥。如桑白皮、杏仁、象貝、藕汁、茅根、側柏葉、鮮竹茹、炒梔、丹皮、枇杷葉、銀花之類。若因風燥蘊肺。致成咳血者。其證必咳嗽氣逆。聲音不揚。口燥咽痛。甚則體熱。楊君志一吐血與肺癆書中。謂宜先用蟬衣、薄荷、桑葉、桑皮、黃芩、兜鈴、瓜蒌皮、連翹、桔梗、側柏葉、山茶花、（桔梗升開。血症本非所宜。但此藥爲開肺要品。肺開風燥自易散也。）之清宣涼血。待其風燥去。而肺陰未復。（以舌絳爲斷）再可投以南北沙參、石斛、玉竹、花粉、生地、二冬、杏仁、川貝、之清養肺陰。循序進治。自無不效。其說頗爲可取。內傷咳血。大概不出於陰虛。葛可久十藥神書中。備有各方。可供參攷。若陰損及陽者。則當陰陽並顧。不可

專投滋陰。戕其脾胃之生氣。柴前梅連散。治傷風不醒。變成癆症。咳吐黃綠之痰。或帶血色者。最爲有效。（並見四家醫案中曹伯仁先生之治驗）其有瘀阻胸悶。咳血氣逆者。金匱之旋覆花湯。旋覆花 青葱管 新絳加入參三七數分。卽得。此皆屢用而驗。然亦在審證而佐使得宜也。

哮喘

釋名 醫宗金鑑云。呼吸氣出急促者。謂之喘急。若更喉中有聲響者。謂之哮喘。

種類 哮喘有水哮、食哮、冷哮、風痰哮、寒包熱哮、鹹冷飲食哮之別。喘有風寒喘、火喘、痰喘、水喘、氣喘、胃虛喘、腎虛喘之別。

原因 醫學入門云。水哮者。因幼時被水停蓄於肺爲痰。……

沈氏尊生云。哮喘大都感於幼穉之時。客犯鹽醋。滲透氣腕。一遇風寒。便窒塞道路。氣息急促。故多發於冬初。

醫學心悟云。哮喘……此表寒束其內熱。致成斯疾。

鹹冷飲食哮者。因傷鹹冷飲食而致哮也。

內經云。諸喘滿。皆屬於熱。

諸集方云。風寒喘。因尋常感冒。風寒內鬱。肺脹逆而爲喘。

東垣云。火喘是皆衝脈之火。行于胸中而作也。

戴復菴云。火炎上喘者。……大概胃中有實火。膈上有稠痰。……

金匱翼云。痰喘者。肺虛如器而不容物。痰熱實之。則氣不得宣。呼吸壅滯則喘也。

又云。水喘因水氣乘肺者。……

醫學入門云。氣喘。七情所傷。……

又云。胃虛喘者。因胃虛極。則氣上逆。……

六科準繩云。胃喘則身熱而煩。經云。胃爲氣逆。又云。犯賊風虛邪者。陽受之。陽受之。則入六

府。入六府則身熱不得臥。上爲喘呼是也。

又云。腎喘則嘔咳。經云。少陰所謂嘔咳上氣喘者。陰氣在下。陽氣在上。諸陽氣浮。無所依從。

故嘔咳上氣喘也。

又云。真元耗損。喘生於腎氣之上奔。

症狀 正傳云。喘促喉中如水雞聲者。謂之哮氣。促而連續不能以息者。謂之喘。

醫學入門云。哮卽痰喘甚而常發者。

金匱翼云。喘因寒邪入肺者。經曰。邪在肺則病。皮膚痛。寒熱。上氣喘咳動肩背。因背受寒邪。

伏于肺中。關竅不通。呼吸不利……

又云。火喘……上焦熱甚。煩渴。多汗。

戴復菴云。痰喘者。凡喘便有痰聲。

內經云。不得臥。臥則喘者。是水氣之客也。

醫學入門云。水喘。水氣漉漉有聲。怔忡者……

又云。氣喘者。驚憂氣。惕惕悶悶。引息鼻張。呼吸急促而無痰聲也。

戴復菴云。胃氣虛者。擡肩擗項。喘而不休。

金匱翼云。喘因腎虛。氣吸不下者。或因氣自小腹下起而上逆者。但經微勞。或飢時卽發……

脈法 六科準繩云。喘逆上氣。脈數有熱。不得臥者難治。上氣面浮腫。肩息。脈浮大者危。上

氣喘息低昂。脈滑手足溫者生。脈澀四肢寒者死。右寸沉實而緊。爲肺感寒邪。亦有六部俱

伏者。宜發散。則熱退而喘定。右寸沉實爲肺實。左寸大爲腎虛。

鑑別診斷 李士材云。喘者。促促氣急。噲噲痰聲。張口擡肩。搖身擷肚。哮者與喘相類。但不似喘開口出氣之多。而有呀呷之音。呷者口開。呀者口閉。俱有聲音。呀呷二音。合成哮字。以氣結喉間。與氣相繫。故呷呀作聲……

治法 六科準繩云。哮喘遇冷則發者。有二證。其一屬中外皆寒。治法乃東垣參蘇溫肺湯。調中益氣加茱萸湯。及紫金丸。劫寒痰者是也。其二寒包熱。治法乃仲景越婢加半夏湯等。發表諸劑。及預於八九月未寒之時。先用大承氣湯下其熱。至冬寒時無熱可包。自不發者是也。

又云。遇厚味即發者。清金丹主之。

張氏醫通云。傷鹹冷飲食而哮者。用白麵二錢。砂糖二錢。飴糖餅化汁。捻作餅子。爐內燉熟。剗出。加輕粉四錢。令患人食盡。吐出病根即愈。年幼體虛者。分三四次服之。

醫學入門云。水哮者……宜金沸草散。小青龍湯。或葶棗散。

又云。風痰哮者。干縉湯。欲斷根者。必先淡滋味。然後服清肺金扶正氣之劑。如定喘湯。黃芩

利膈丸是也。

諸集方云。風寒喘……風宜金沸草散。麻黃散。人參潤肺散。九寶飲。寒宜加味三拗湯。人參定喘湯。小青龍湯。參蘇溫肺湯。九味理中湯。五虎湯。止喘丸。

金匱翼云。喘因寒邪入肺者……宜發散。則身熱退而喘定。小青龍三拗湯之屬。若內兼火熱。外顯煩躁者。宜散而兼清。麻杏甘石之屬。

醫學綱目云。火喘用白虎湯加瓜蒌仁枳殼黃芩煎服神效。又雙玉散亦效。

醫學入門云。火喘以導痰湯加芩連梔子杏仁瓜蒌仁。以清金降火消痰。又云。痰喘必有痰聲。風痰干縉湯或合導痰湯。痰氣蘇子降氣湯四磨湯。

赤水玄珠云。凡喘正發時無痰。將愈時却吐痰者。乃痰于正發之時。閉塞不通。故喘甚。當于其時開其痰路。則喘易安也。宜桔梗湯及枳殼瓜蒌實杏仁蘇葉前胡等。引出其痰。候痰出喘退。却調其虛實。虛者補以參耆歸朮。實者瀉以沉香滾痰丸是也。

金匱云。欬而上氣。此爲肺脹。其人喘。目如脫狀。脈浮大者。越婢加半夏湯主之。又云。肺脹。咳而上氣。煩躁而喘。脈浮者。心下有水。小青龍加石膏湯主之。

醫學入門云。水喘……宜小青龍湯葶藶散。

金匱翼云。喘因水氣乘肺者……古法心下有水氣上乘于肺。喘而不得臥者。以直指神祕湯主之。若腎中水邪干肺者。則以濟生腎氣丸主之。

赤水玄珠云。氣不調而痰鬱喘逆。四磨湯蘇子降氣湯。

醫學入門云。胃虛喘……宜生脈散加杏仁陳皮白朮服。

金匱翼云。喘因腎虛……宜以六味丸補陰之屬。壯水配火。若手足冷面熱者。須以八味安腎之屬。導火歸元。

死候 凡哮喘見胸凸背駝者。此爲肺絡敗。法不治。

直指方云。汗出髮潤。喘爲肺絕。身汗如油。喘爲命絕。直視譫語喘滿者不治。

沈氏尊生云。凡喘。煩躁無脈。身冷神昏者死。髮汗如油。汗出如珠不流。擡肩擗肚。喘而不休。及膈前高起。手足厥冷。脈散及數者皆死。

禁忌 宜避風寒。節厚味。不可過食酸鹹之物。

均氣八仙散 保元方 治哮喘。氣急而不得息。

麻黃 杏仁 片苓 知母 桔梗 貝母 甘草

石膏

黃丸子 簡易方 消痰定喘。及治齁齕。

雄黃 雌黃 山梔仁 菘豆 明礬

右為末。稀糊丸。菘豆大。每服一二丸。薄荷茶清冷下。臨臥服。

生脈散 醫錄方 治熱傷元氣。肢體倦怠。氣短懶言。口乾作渴。汗出不止。脚欹眼黑。津枯液涸

等證。

人參 麥門冬 五味子

麻黃散 得效方 治傷風。喘急痰壅。涕唾稠粘。

麻黃 桂皮 款冬花 訶子皮 甘草 杏仁

右剉。入細茶一錢。水煎服。

參蘇溫肺湯 東垣方 治肺受寒而喘。

呼吸器病 哮喘

人參 肉桂 甘草 木香 五味子 陳皮 製半夏

桑白皮 白朮 白茯苓 紫蘇莖葉 生薑

紫金丸 本事方 治多年肺氣喘急哮喘。夕不得臥。

砒 淡豆鼓

右用豉膏子和砒同杵極勻。如麻子大。每服五丸至十丸。量大小與之。並用臘茶清。極冷吞下。臨臥以愈為度。

清金丹 證治準繩方 治食積痰壅。哮喘欬嗽。遇厚味發者用之。

蘿蔔子 豬牙皂角

右以生薑汁浸蒸餅丸。如小菉豆大。每服三十五丸。嚥下。劫喘。以薑汁煉蜜丸。如梧子大。每服七八十丸。嚥下則止。

止喘丸 類聚方 治冷喘。

葶 撥 胡椒 人參 胡桃肉

右為末。蜜和每兩作三十丸。每丸細嚼溫水下。

五虎湯 醫鑑方 治傷寒喘急。

麻黃 石膏 杏仁 甘草 細茶 生薑 桑白皮

葱白

加味三拗湯 得效方 治寒喘。

麻黃 陳皮 杏仁 五味子 桂皮 甘草 生薑

九味理中湯 得效方

縮砂 乾薑 蘇子 厚朴 桂皮 陳皮 甘草

沉香 木香 薑

人參潤肺散 丹溪心法方 治感風寒。咳嗽喘急。痰壅鼻塞。

麻黃 貝母 杏仁 人參 甘草 桔梗 阿膠

橘紅 紫蘇葉

人參定喘湯 得效方 治肺感寒邪喘急。亦治咳嗽。

罌粟殼 五味子 麻黃 人參 半夏麴 阿膠珠 甘草

呼吸器病 哮喘

桑白皮 薑

干縉湯 纂要方 治痰喘。數服即安。

半夏 皂角 甘草 南星 薑

雙玉散 保命方 治熱喘。痰涌如泉。

寒水石 石膏

右為細末。每取三錢。人參湯調下。

葶棗散 醫學入門方 治水喘。或面浮。

葶蘆子 大棗

神秘湯 直指方 治心下有水氣上乘于肺。喘而不得臥者。

人參 陳皮 桔梗 紫蘇 半夏 桑皮 枳榔

炙甘草 五味子 薑

定喘湯 攝生方 治肺虛感寒。氣逆膈熱。作哮喘者。

白朮 麻黃 款冬花 桑皮 半夏 蘇子 黃芩

杏仁 甘草

蘇子降氣湯 局方見鼻衄門

三拗湯 局方見咳嗽門

四磨湯 濟生方 治七情傷感。上氣喘息。妨悶不食。

人參 枳殼 沉香 天台烏藥

導痰湯 濟生方 治痰多哮喘。

半夏 天南星 枳實 赤茯苓 橘紅 甘草 薑

桔梗湯 局方 除痰下氣。治胸脅脹滿。寒熱嘔噦。心下堅痞。短氣煩悶。痰逆惡心。飲食不下。

桔梗 半夏 陳皮 枳實 生薑

九寶飲 蘇沈良方 治經年喘嗽通用。

麻黃 陳皮 桂枝 紫蘇 桑皮 杏仁 大腹皮

薄荷 甘草 生薑 烏梅

安腎丸 局方 補元陽。益腎氣。

呼吸器病 哮喘

肉桂 川烏頭 桃仁 白蒺藜 巴戟 破故紙 山藥

肉蓯蓉 茯苓 石斛 草薺 白朮

右爲末。煉蜜爲丸。梧子大。每服三十九。鹽湯送下。空心食前。

白虎湯傷寒論方見瘧疾門

麻杏甘石湯傷寒論方見鼠疫門

越婢加半夏湯金匱方治肺脹。欬而上氣。其人喘。目如脫狀。脈浮大者。

麻黃 石膏 生薑 甘草 大棗 半夏

小青龍湯傷寒論方治傷寒表不解。心下水氣。欬而微喘者。

麻黃 芍藥 五味子 乾薑 甘草 細辛 桂

半夏

大承氣湯傷寒論方

芒硝 大黃 枳實 厚朴

沉香滾痰丸養生主論方

大黃 黃芩 青礞石 沉香 百藥煎

右爲末。水丸如梧子大。白湯食後空心服。

金洲草散 活人方見咽喉門

黃芩利膈丸 東垣方 治胸中熱。利膈上痰。

黃芩 白朮 枳壳 陳皮 南星 半夏 黃連

澤瀉 白礬

右研細末。水浸蒸餅爲丸。如梧桐子大。每服三五十丸。食遠熟湯送下。

調中益氣湯 東垣方

黃耆 人參 甘草 陳皮 升麻 柴胡 木香

蒼朮

濟生腎氣丸

熟地黃 茯苓 山藥 山茱萸 丹皮 澤瀉 牛膝

車前 附子 肉桂

呼吸器病 哮喘

右共研細末。煉蜜爲丸。如梧桐子大。每服十五丸。空腹時淡鹽湯送下。一日三次。

六味丸 錢乙方見消渴門

小青龍加石膏湯 金匱方

麻黃 芍藥 桂枝 細辛 甘草 乾薑 五味子

半夏 石膏

定喘奇方 六科準繩方 治稠痰壅盛。體肥實而喘者。

廣橘紅 半夏 杏仁 瓜蒌仁 黃芩 炙甘草 皂角

右爲末。飴餅用淡薑湯打糊爲丸。菉豆大。每食後白湯下一錢。日二次。服三五日。大便下稠痰而愈。

單方

苧麻根 治哮喘取根和砂糖爛煮時時細嚼嚥下永絕病根神效（正傳）

紫蘇子 治肺氣喘急咳嗽蘇子水搗取汁和粳米煮粥食之和杏仁汁尤佳（本草）

雞子 治哮喘取十個略敲損殼不得損膜浸尿缸內經三日臨夜暫煮食之連日服蓋能去風痰故也（丹心）

胡桃 治痰喘能斂肺取胡桃三個去殼不去皮與生姜三片臨臥細嚼以溫湯呷下（得效）

杏仁 主咳嗽上氣喘促及哮喘也杏仁一兩去皮尖童便浸半月每日一換尿取出研取每服一棗子大薄荷葉蜜水少許煎服二劑永差(綱目)○又治老人久喘嗽杏仁胡桃仁等分蜜丸彈子大姜湯嚼下(回春)杏仁散肺氣

風熱然性實有熱因於寒者為宜(丹心)童便浸杏仁取其利肺氣潤劑也(綱目)

馬兜鈴 主咳嗽喘促氣急坐息不得兜鈴二兩去殼只取裏面子童便拌炒甘草炙一兩右為末每一錢水煎溫呷或含末嚼汁亦得(本草)○馬兜鈴去肺熱補肺也(正傳)

桑白皮 治肺氣喘滿咳嗽或吐血桑皮四兩泔浸三宿剉細糯米一兩焙乾右同為末米飲調下一二錢(本草)○桑白皮瀉肺氣然性不純良用之多者當戒蓋以出土者有毒故也(丹心)

葶藶子 主肺氣壅上氣喘促或浮取子炒黃色為末二錢棗湯調下(得效)

宗景按。哮喘之症。當其發也。使人呼吸促迫。氣逆目張。皮膚蒼白。時有冷汗。病之苦楚。不待言矣。考之西說。或謂其原因由于黏痰梗阻氣管支。使氣管支狹窄。或謂氣管支黏膜之神經腫脹。或謂氣管支之所以狹窄。乃由于圍繞於氣管支之環形肌肉纖維。收縮勁直。使氣管支腔。受其逼迫所致。其說頗有不同。觀于麻醉與消痰之劑。可以緩解哮喘。從藥效上執果溯因。其必與氣管支之神經作用有絕大關係。而黏痰梗阻之說。亦不為無

理也。哮喘之與喘。原係兩症。李士材辨之甚詳。愚意哮喘多兼喘。而喘則不必兼哮喘。喘症易治。哮喘則難治。蓋哮喘之成。大抵始於幼穉之時。墮入水中。水畜於肺。或客犯鹽醋。或形寒飲冷。氣管受病。經年不愈。偶遇風寒。卽宿疾復發。成爲習慣。終身不治。然亦有至弱冠前後。忽然自愈者。但甚少耳。本事方之紫金丸。內用砒石治哮喘。西醫書中。亦有此法。且頗稱其效。考此藥屬於變質劑。本經謂可截瘧。其必能劫痰無疑。哮喘既因黏痰梗阻。使氣管支狹窄。則此藥原可假手一用。奈何我國醫者。每以人言可畏。不敢輕試。而病者亦不肯輕服。以致大好良方。置之高閣。不亦惜哉。哮喘中之最難治者。厥爲小兒嗜酒。私竊酒器。任意冷飲。大人見之。高聲疾呼。驚而下咽。酒入氣管。咳嗆哮喘。縱使備嘗各藥。終屬罔效。凡爲人父母者。不可不注意也。治療喘症。亦必先審其原。若因於風寒外束。身熱無汗。肺臟起代償性機能。呼吸促迫者。當發其汗。汗出則喘自平。例如麻黃湯之症是也。素有喘者。偶感風寒。其喘增劇。當於解表方中。加入治喘之藥。例如桂枝加厚朴杏子湯證是也。痰阻氣管。飲畜於胃。往來之氣。不能流暢。咳嗽氣喘。不得臥者。當以小青龍湯爲主。屬於熱者。宜麻杏甘石加入治痰之藥。對證施治。其效如響。陽明府證。腹滿便秘。水氣浮腫。腹滿

洩少。一則由于胃家實積。一則由于尿毒蓄積。皆足以致喘。前者宜用承氣之輩。後者即西醫所謂尿毒性哮喘。宜用麻附細辛或五苓等方。其有腎虛氣喘。氣吸不下。或因氣從少腹下起而上逆者。稍有微勞。或飢時即發。當於六味丸八味丸等方。審擇採用。而西醫則以爲心臟性氣喘。蓋以彼無腎虛之說故耳。其實六味八味。何嘗非強心之劑乎。餘如黑錫丹之治陰火衝逆。眞陽暴脫。氣喘痰鳴者。生脈散之治暑溫汗多。脈象散大。喘喝欲脫者。又當預爲討究。以應倉卒。要之喘症多端。各有來由。除暴脫之喘。難以挽救外。學者若能詳審施治。雖未能十全。亦不失八九矣。

肺癰

原因 巢氏病源云。肺癰者。由風寒傷於肺。其氣結聚所成也。肺主氣。候皮毛。勞傷血氣。腠理則開。而受風寒。其氣虛者。寒乘虛傷肺。寒搏於血。蘊結成癰。熱又加之。積熱不散。血敗爲膿。肺處胸間。初肺傷於寒。則微嗽。

張氏醫通云。肺癰者。蓋由感受風寒。未經發越。停留肺中。蘊發爲熱。或挾濕熱痰涎垢膩。蒸淫肺竅。皆能致此。

症狀 金匱云……其人則欬。口乾喘滿。咽燥不渴。多唾涎沫。時時振寒。熱之所過。血爲之

凝滯。畜結癰膿。吐如米粥。始萌可救。膿成則死。

巢氏病源云。肺癰之狀。其人欬。胸內滿。隱隱痛而戰寒……咽乾。口內辟辟燥。不渴。時時出濁唾腥臭。久久吐膿如粳米粥者難治也。

脈法 金匱云……寸口脈微而數……

巢氏病源云……診其肺部脈緊爲肺癰。

脈經云。右寸脈數實。肺癰也。但色白而脈兼短濇者生。色赤而脈兼浮大者死。

診斷 金匱云……若口中辟辟燥。欬卽胸中隱隱痛。脈反滑數。此爲肺癰。

潘氏醫燈續焰云。試肺癰法。凡人覺胸中隱隱痛。欬嗽有臭痰。吐在水內。沈者是癰膿。浮者是痰。

丹波氏云……以雙箸驗之。其斷爲兩段者是膿。其粘箸不斷者是痰。

張氏醫通云。初起疑似未真。生大豆絞漿飲之。不覺腥氣。便爲真候。

治法 金匱云。欬而胸滿。振寒脈數。咽乾不渴。時出濁唾腥臭。久久吐膿。如米粥者。爲肺癰。

桔梗湯主之。

張氏醫通云。肺癰危證。乘初起時。極力攻之。庶可救療。……如患人平昔善飲嗜噉。痰濕漸瀆於肺。宜皂莢丸。肥盛喘滿多痰。宜葶藶大棗瀉肺湯。

沈氏尊生云。肺癰。肺熱極而成病也。其症痰中腥臭。或帶膿也。總宜清金散。皆緣土虛金弱。不能生水。陰火燦金之敗症。故補脾亦是要着。而其條治之法。如初起。咳嗽氣急。胸中隱痛。吐膿痰。急平之。宜麥冬平肺飲。或咳吐膿痰。胸膈脹滿。喘氣發熱。急清之。宜元參清肺飲。或病重不能臥。急安之。宜寧肺桔梗湯。或已吐膿血。必以去膿補氣爲要。宜排膿散。勿論已成未成。總當清熱滌痰。使無留壅。自然易愈。宜金鯉湯。

預後 得效方云。始萌易治。膿成難治。診其脉。數而實。已成。微而澹。漸愈。面色白。嘔膿而正者。自愈。有膿而嘔食。面色赤。吐膿如糯米粥者。不治。男子以氣爲主。得之十救二三。婦人以血爲主。得之十全七八。歷試屢驗。

死候 張氏醫通云。若喘鳴不休。唇反。咯吐膿血。色如敗醬。滌臭異常。正氣大敗。而不知痛。坐不得臥。飲食難進。爪甲紫而帶灣。手掌如枯樹皮。面艷顴紅。聲啞鼻煽者。不治。

又云。肺癰初起。脈不宜數大。潰後最忌短澹。脈緩滑面白者生。脈弦急面赤者死。
禁忌 凡肺癰愈後。終身戒食鴨蛋、白鯊、紅蘿蔔、石首魚、甲魚。犯之則復發難治。

古今驗方選

葶莖湯 千金方 治欬有微熱。煩滿。胸中甲錯。是為肺癰。

葶 莖 薏苡仁 桃仁 瓜瓣

葶藶大棗瀉肺湯 金匱方 治肺癰喘不得臥。

葶 藶 大棗

桔梗湯 金匱方 治欬而胸滿。振寒脈數。咽乾不渴。時出濁唾腥臭。久久吐膿如米粥者。為肺癰。

桔 梗 甘草

桔梗白散 外臺方 治同上。

桔 梗 貝母 巴豆

右三味。為散。強人飲服半錢匕。羸者減之。病在隔上者。吐膿血。隔下者瀉出。若下多

不止。飲冷水一杯則定。

皂莢丸 金匱方 治肺癰初起。欬逆上氣。時時濁唾。但坐不得臥。

皂莢

右一味。末之。蜜丸。梧子大。以棗膏和湯。服三丸。日三服。夜一服。

清金散 沈氏尊生方 治肺癰。

苡仁 橘葉 黃芩 花粉 貝母 桑皮 桔梗

牛蒡 白蒺藜

麥冬平肺飲 沈氏尊生方 治肺癰初起。

麥冬 人參 赤芍 枳榔 甘草 赤苓 陳皮

桔梗

元參清肺飲 沈氏尊生方 治肺萎吐膿。

元參 柴胡 陳皮 桔梗 茯苓 麥冬 苡仁

人參 甘草 枳榔 地骨皮 加童便一小杯沖服。

呼吸器病 肺癰

寧肺桔梗湯 濟生方 治肺癰心胸氣塞。隱隱作痛。欬嗽痰血。或吐膿血。心神煩悶。自汗盜汗。

咽乾多渴。兩足腫痛。小便赤黃。大便多澀。

桔梗 貝母 當歸 黃耆 枳殼 桑皮 防己

瓜蒌仁 甘草節 五味子 百合 苡仁 葶藶 杏仁

地骨皮 知母

排膿散 證治準繩方 補肺。治肺癰吐膿。

人參 黃耆 白芷 五味子

研為細末。每服一二錢至三錢。食後蜜湯調下。

桔梗湯 正傳方 治肺癰。

桔梗 貝母 當歸 瓜蒌 苡仁 枳殼 桑白皮

防風 黃耆 杏仁 百合 甘草節 生薑

消膿飲 醫學入門方 治肺癰嘔膿。

射干 南星 桔梗 天門冬 薄荷葉 杏仁 半夏

防風 紫蘇葉 知母 貝母 阿膠 川芎 生乾地黃

桑白皮 白芨 白芷 甘草 生薑 烏藥

牡丹皮湯 得效方 治肺癰。胸乳間痛。口吐膿血。氣作腥臭。

牡丹皮 升麻 桔梗 薏苡仁 地榆 赤芍藥 黃芩

甘草

金鯉湯 醫宗金鑑方 治肺癰。咳吐膿血。身熱煩躁。

金色活鯉魚 貝母

先將鯉魚連鱗剖去肚腸。勿經水氣。用貝母細末。摻在魚肚內。綫扎之。用上白童子便半大碗。將魚浸童便內。重湯炖煮。魚眼突出為度。少頃取出。去鱗骨。取淨肉。浸入童便內炖熱。肉與童便作二三次。一日食盡一枚。其功效甚速。

單方

陳年芥齏汁 治肺癰初起。唾臭痰沫。溫服灌吐。最妙。(張氏醫通)

荷葉 治肺癰不問已潰未潰。皆效。濃煎。稍入白蜜。不時服之。(張氏醫通)

猪肺 治同上。去心竹刀剖去垢沫。取接骨木二兩。石器中煮熟。淡食日服。無間五七日。當效。（張氏醫通）

薏苡根 搗汁。頓熱服之。其效最捷。下咽其臭。即解。有蟲者。蟲即死。出。（張氏醫通）

魚腥草 治肺癰。垂危煎湯打雞蛋。食不過數次。即愈。

宗景按。肺癰乃賅括肺壞疽、肺膿瘍、腐敗性枝氣管炎、枝氣管擴張諸病。肺膿瘍因肺炎而起者。以流行性感冒性肺炎爲多。肺壞疽有因食管潰瘍進而入於肺者。亦有因脊柱之流柱膿瘍、肝臟膿瘍產褥熱而起者。氣管枝擴張多因麻疹百日效肋膜炎後。繼發肺炎而成。其膿性之痰。停蓄不去。常於其中起腐敗性分解。終乃成腐敗性氣管枝炎。夫肺炎咳嗽之原因。則由於風寒。是以古人謂肺主皮毛。風寒由皮毛而客於肺。停留肺中。蘊發爲熱。重蒸肺竅。遂成肺癰。雖未能盡知其病之源。要亦舉其大概矣。肺癰之症。肺組織或氣管枝起腐敗變化。故其痰必有惡臭。若炎症蔓延。波及肋膜。欬即胸中隱隱作痛。若氣管枝壁。被炎性細菌之剝蝕。使管壁之血管。擴張充血。遭受破損。則往往欬血。所以口中辟辟燥者。以肺癰之熱毒。上出於口也。治療之方。大抵初起咳嗽胸痛。咯出濁唾腥臭者。宜桔梗湯。桔梗。甘草。熱盛者。宜千金葶藶湯。然葶藶湯之效甚緩。非多服不爲功。桔梗白散。僅可施於病重體力未衰之時。正氣已衰者。慎不可與。氣管枝擴張之症。每因氣管枝

製造膿狀薄液。貯蓄於氣管枝囊中。當其充滿時。病人若起臥倚側。身體之位置一變。則囊中之痰。溢入於氣管中。被其刺戟。卽發咳嗽。而多量之痰。衝口鼻而出。痰盡乃安。名曰滿口咳出。皂莢丸爲最效。葶藶大棗瀉肺湯亦可用。惟皂莢丸主粘痰。瀉肺湯則主稀痰耳。此外如俗傳之單方。用陳年芥齏汁。治肺癰初起。灌吐頗效。至肺部潰爛已化膿者。自難施治。然亦有可救者。證治全生集之犀黃丸。張錫純氏衷中參西錄中。頗稱其效。江陰曹拙巢先生亦有治驗。其方用乳香沒藥末各一兩。麝香錢半。犀牛黃三分。共研細。取黃米飯一兩搗爛。入藥再搗爲丸。萊菔子大曬乾。（忌火烘）每服三錢。熱陳酒送下。凡此皆可以隨症採用也。

肺痿

釋名 肺痿者。因肺臟枯萎而不振也。

原因 金匱云。問曰。熱在上焦者。因欬爲肺痿。肺痿之病。從何得之。師曰。或從汗出。或從嘔吐。或從消渴。小便利數。或從便難。又被快藥下利。重亡津液。故得之。許仁則論云。肺氣嗽者。不限老少。宿多上熱。後因飲食將息傷熱。則常嗽不斷。積年累歲。肺

氣衰。便成氣嗽。此嗽不早療。遂成肺痿。

喻嘉言云。肺痿者。其漸積已非一日。其寒熱不止一端。總由胃中津液不輸於肺。肺失所養。轉枯轉燥。然後成之。於是肺火日熾。肺熱日深。肺中小管日窒。欬聲以漸不揚。胸中脂膜日乾。欬痰艱於上出。行動數武。氣卽喘鳴。衝擊連聲。痰始一應。

李東垣云。夫肺者。五臟之華蓋也。處於胸中。主於氣候。於皮毛。勞傷血氣。腠理虛而乘之。內感於肺也。則汗出惡風。欬嗽短氣。鼻塞項強。胸脇脹滿。久久不瘥。已成肺痿也。

沈氏尊生云。肺痿久嗽。氣虛而熱在上。焦病也。

症狀 外臺蘇遊傳屍論云。其初得。半臥半起。號爲殭碟。氣急欬者。名曰肺痿。

巢氏病源云。其病咳唾而嘔逆涎沫。小便數是也。

沈氏尊生云。其症之發。必寒熱往來。自汗。氣急。煩悶。多唾。成帶紅綠膿血。

許仁則論云。肺氣嗽。經久將成肺痿。其狀不限四時。冷熱晝夜。嗽常不斷。唾白如雪。細沫稠粘。喘息氣上。乍寒乍熱。發作有時。脣口喉舌乾焦。亦有時唾血者。漸覺瘦悴。小便赤。顏色青白。毛聳。此亦成蒸。

陳氏婦人良方劫勞散證治云。勞嗽寒熱盜汗。唾中有紅線。名曰肺痿。

脈法 金匱云……寸口脈數……脈數虛者爲肺痿。

脈經云。左寸脈數虛澀。肺痿也。

張氏醫通云。肺痿六脈沉澀而急。或細數無神。脈口皮膚枯乾。而氣高息羸者死。

治法 金匱云。肺痿吐涎沫而不欬者。其人不渴。必遺尿。小便數。所以然者。以上虛不能制下故也。此爲肺中冷。必眩。多涎唾。甘草乾薑湯溫之。若服湯已。渴者。屬消渴。

沈氏尊生云……大約此症。總以養肺養氣血。清金降火爲主。

喻嘉言云。肺痿大要緩而圖之。生胃津。潤肺燥。下逆氣。開積痰。止濁涎。補真氣。以通肺之小管。散火熱。以復肺之清肅。如半身痿廢。及手足痿軟。治之得法。亦能復起。雖云肺病。近在胸中。呼吸所關。可不置力乎。然肺癰屬有形之血。血結宜驟攻。肺痿屬在無形之氣。氣傷宜徐理。兼潤肺燥。然肺雖燥。而多不渴。勿以其不渴。而用燥熱之藥。此辨證用藥之大法也。

醫學入門云。肺痿之證。寒熱往來。自汗。咳唾。口中涎多。知母茯苓湯主之。火盛者。人參平肺散主之。或爲丸含化。

劉默生云。痿本虛燥。總不離壯水清金。滋補氣血津液。消痰止嗽。宜天冬、麥冬、生地、熟地、知母、人參、葶藶、紫菀爲主。痞結去天冬、生地。加橘紅、蘇子。泄瀉去天冬、生地。知母。加山藥、茯苓。并用固本丸。不時噙化。

張氏醫通云。肺痿欬嗽。痰中有紅絲。盜汗發熱。熱過卽冷。飲食減少者。劫勞散。虛勞肺痿失音。欬唾腥血稀痰。或面上生瘡。人參蛤蚧散。

預後 仁存孫氏方云。詳觀肺癰肺痿二證。實難治。要之。肺癰間有可愈者。亦須肺未穿。故可救。但肺痿罕有安者。蓋其肺枯竭乾燥。何由而得潤。所以難愈。

死候 若欬久肺癰。喉啞聲嘶咳血。及六脈沈澹而急。細數無神。脈口皮膚枯乾。氣口息粗者。均不治。

古今驗方選

甘草乾薑湯 金匱方 治肺痿。吐涎沫而不欬不渴。頭眩遺尿。小便數者。

甘草 乾薑

炙甘草湯 金匱方 治肺痿涎唾多。心中溫溫液液者。

甘草 生薑 人參 地黃 阿膠 大麻仁 大棗

麥門冬 桂心

生薑甘草湯 千金方 治肺痿。欬唾涎沫不止。咽燥而渴。

生薑 人參 甘草 大棗

桂枝去芍藥加皂莢湯 千金方 治肺痿吐涎沫。

桂枝 生薑 甘草 大棗 皂莢

知母茯苓湯 醫學入門方 治肺痿喘嗽寒熱往來自汗。

知母 赤茯苓 黃芩 人參 半夏 五味子 款冬花

桔梗 麥門冬 柴胡 白朮 甘草 川芎 阿膠

薄荷

人參平肺散 李東垣方 治心火刑肺。傳為肺痿。咳嗽喘嘔。痰涎壅盛。寒熱盜汗。

桑白皮 知母 人參 地骨皮 炙甘草 天門冬 赤茯苓

陳皮 青皮 五味子 薑

呼吸器病 肺痿

人參養肺湯丹溪心法方治肺痿證。咳嗽有痰。午後熱。并聲颯者。

柴胡 桑白皮 赤茯苓 五味子 貝母 杏仁 枳實

桔梗 人參 阿膠 甘草 生薑 棗

固本丸張氏醫通方

人參 生地黃 熟地黃 天門冬 麥門冬

蜜丸酒下四錢。

劫勞散良方治勞嗽寒熱盜汗。睡中有紅線。名曰肺痿。

人參 黃耆 甘草 阿膠 五味子 茯苓 半夏

熟地黃 當歸 白芍藥 生薑 棗

人參蛤蚧散衛生寶鑑方治肺痿失音。咳嗽膿血。滿面生瘡。遍身黃腫。

人參 蛤蚧 杏仁 甘草 茯苓 貝母 知母

桑白皮

研爲細末。瓷器內盛。每服三錢。不拘時茶清或蜜湯調下。

保和湯葛可久方治久嗽肺萎成痿。

知母 貝母 天門冬 款冬花 天花粉 杏仁 甘草

薏苡仁 五味子 兜鈴 紫苑 百合 桔梗 阿膠

當歸 地黃 紫蘇 薄荷 百部 飴糖

太平丸葛可久方治久嗽肺痿肺癰。

天門冬 麥門冬 知母 貝母 款冬花 杏仁 當歸

熟地 生地 黃連 阿膠珠 蒲黃 京墨 桔梗

薄荷 白蜜 麝香

右爲細末和勻。用銀石器。先下白蜜煉熟。後下諸藥末攪勻。再上火。入麝香略熬三二沸。丸如彈子大。每日三食後細嚼一九。薄荷煎湯緩緩化下。臨臥時如痰盛。先用飴糖拌消。化丸吞下。却嚙嚼此丸。仰臥使藥流入肺竅。則肺清潤。其嗽退除。服七日病痊。

潤肺膏葛可久方治久嗽肺燥肺痿。

呼吸器病 肺痿

羊 肺 杏 仁 柿 霜 眞 酥 蛤 粉 白 蜜

右先將羊肺洗淨。次將五味入水攪黏。灌入肺中。白水煮熟。如常服食。

紫苑散張氏醫通方治咳唾有血。虛勞肺痿。

紫 苑 麥 門 冬 人 參 桔 梗 茯 苓 阿 膠 貝 母

炙甘草 五味子

麥門冬湯金匱方肘後治肺痿欬唾涎沫不止。咽喉燥而渴。

麥 門 冬 半 夏 人 參 甘 草 粳 米 大 棗

白鳳膏葛可久方治一切久怯極虛。咳嗽吐痰。咯血發熱。

黑 嘴 白 鴨 大 京 棗 參 苓 平 胃 散 陳 煑 酒

右將鴨縛定脚。量患人飲酒多少。隨量以酒。燙溫將鴨頸。割開滴血。入酒攪勻飲之。直入肺經。潤補其肺。却將鴨乾。去其毛。於脇邊開一孔。取去腸雜。拭乾。次將棗子去核。每個中實納參苓平胃丸末。填滿鴨肚中。用麻紮定。以砂瓶一個。置鴨在四圍。用火慢煨。將陳酒煑作三次添入。煑乾爲度。然後食棗子。陰乾隨意用參湯化下。後服

補髓丹。則補髓生精。和血順氣。

補髓丹。葛可久方。治久勞虛憊。髓乾精竭。血枯氣少。

猪脊脊 羊脊脊 團魚 烏雞 四味製淨

去骨存肉。用酒一大碗。於砂瓶內。煑熟搗細。再用後藥。

大山藥 蓮肉 京棗 霜柿 四味修製淨

用井花水一大瓶。於沙盆內。煑熟細搗。與前熟肉一處。用慢火熬之。却下。明膠四兩。

黃蠟三兩。右二味。逐漸下。與前八味和一處。研成膏子。和平胃散末。四君子湯末。并

知母黃柏末各一兩。共一十兩。搜和成劑。如十分堅硬。入白蜜同熬。取起放青石上。

用水搗打如泥。丸如梧桐子大。每服一百丸。不拘時候。棗湯下。

大黃蠱蟲丸。金匱方。治五勞虛極。羸瘦腹滿。不能飲食。食傷。憂傷。飲傷。房室傷。饑傷。勞傷。經

絡榮衛氣傷。內有乾血。肌膚甲錯。兩日黯黑。緩中補虛。

大黃 黃芩 甘草 桃仁 杏仁 芍藥 地乾黃

乾漆 蟲蟲 水蛭 蟬螬 蠱蟲

呼吸器病 肺痿

右十二味末之。煉蜜和丸。小豆大。酒飲服五丸。日三服。

秦艽扶羸湯 楊氏方 治肺痿骨蒸。勞嗽寒熱。聲啞形羸自汗。

秦艽 地骨皮 鼈甲 人參 柴胡 生薑 半夏

紫苑 甘草 當歸 烏梅 大棗

單方

猪肺 治肺痿每日用人參細末一錢入猪肺管內砂鍋中煮爛加葱酒服效(張氏醫通)

宗景按。據日醫丹波氏云。「肺痿非此別一病。即後世所謂勞嗽耳。」又據上列外臺蘇遊許仁則之論。則肺痿者。似即今之所謂肺結核也。肺結核之原因。為一種結核菌侵入。此類細菌。外被脂肪或蠟狀之物質。其抵抗力頗大。然日光曝之即死。是以近世有太陽燈照治之發明也。其侵入人體之門戶。大概可分為小滴傳染。及吸入傳染兩種。小滴傳染者。由與肺結核之人接近談話時。其含有結核菌之唾液。噴散於空中。吸受而成。吸入傳染者。乃因肺結核之人。咯痰於地。乾燥後。混和塵埃。飛散空中。我人偶然吸入。若氣管

枝健全無恙。則藉其黏膜之顫毛運動。得以排去。如氣管枝黏膜能力不全。或侵入之結核菌。爲數滋多。則不能驅除。遂成肺結核矣。其他如攝取含結核菌之食物。或服用本病患者之衣服寢具及飲食器等。亦爲傳染之由來。衛生者不可不注意。倘偶一不慎。被此項細菌侵入。於肺臟組織內先起炎症。上皮細胞繁殖堆積。生成一小硬固結節。結核之病名亦本於此。始如粟粒大而透明。繼則漸大。變爲黃色不透明之硬核。結節中無血管。故結核內部血液無由供給。營養常感缺乏。是以結節易於壞死。成一種黃色乾酪狀物。此名乾酪變性。久則軟化而爲粥狀。與痰唾同排出於外。於是中部成空隙。此名空洞。空洞之大小。或如豌豆。或過於胡桃。空洞內壁。分泌多量濃液。適足以爲結核菌發育增殖之資料。空洞多者。全肺有如蜂房。其病之危險。不堪設想。實令人談虎色變也。本病之初期診斷甚難。茲爲便於學者及病家計。採錄西醫黃勞逸先生驗痰法兩則於後。以資參證。

(一)可於痰中挑取針頭大之膿塊。置於小玻璃片上。更以同等大之玻璃片蓋上壓之。候壓之極平。用攝子撮定玻璃片。緩緩分開。吹乾片時。入火酒燈之火焰中。迅速通過一兩次。然後依照下列手續處置之。

(第一染紅)將該玻璃片放平。緩緩滴石炭酸甫苦興(即紅色)於痰面上。令普及爲度。仍用撮子撮定於火酒燈上烘熱。二分鐘取下。

(第二水洗)徐徐沖水。

(第三染青)如前放平。緩滴硫美企倫青(即青色)於痰面上。令普及爲度。烘熱一分鐘取下。(美企倫青二分沖淡四分之一硫酸水一百分即成。)

(第四水洗)如前洗法。

(第五去水)用吸墨紙吸乾水分。

(第六封閉)敷塗坎拿大樹膠一層。頃刻吹乾蓋住。

如上處置既妥。標本即完全造成矣。乃置顯微鏡下視之。則見結核桿菌顯呈紅色。其餘則現青色。此時即可計其菌之多寡。而定其症之輕重。則瞭然不謬矣。

(二)如檢痰數十百次。仍不見結核桿菌。則可用動物試驗。其法將小動物(如天竺鼠)腹壁一部分之毛剃去。用酒精消毒。而以所欲試驗之痰數立方糝。注射於腹腔內。以 *Todoforn bollodium* 塗於注入處。經三四週後。檢其胸腹各處。以驗結核

之有無。

中醫對於本病之治療。尙有救濟方法。前聞某患肺病甚危。經北平某著名西醫。斷爲必死。嗣一鄉人告以多食獨頭蒜。如言服之。未久卽愈。蓋多食蔥蒜。可以殺滅結核菌。如嫌其臭氣。可和糖煮之。齊魯之人。絕少此病。職是之故。餘如六味地黃丸。何首烏等藥。合宜長餌。乃東人經驗之談也。西醫治療本病尙無特效藥。惟告病者食鷄汁魚肝油等品。以資營養。居住空氣新鮮之所。以事將息。其意無非欲使營養佳良。將息優美。以抵抗結核菌而已。而我國醫聖張仲景則謂本病之原。由於重亡津液。素問上古天真論亦云「今時之人。以酒爲漿。以忘爲常。醉以入房。以欲竭其精。以耗散其真。不知持滿。不時御神。務快其心。逆於生樂。起居無節。故半百而衰也。」凡此皆諄諄告誡後人。須於未病之先。保存津液。若既患之後。如從事於營養將息。護效亦僅矣。晚近以來。社會衛生之宣傳。不爲不努力。而本病仍不得稍殺其勢。細推其故。皆由於世風不古。好色之徒。淫慾過度。竭精耗真。以枯津液。又青年之人。不知守身如玉。自戕其體。以致日就尪羸。橫夭莫救者。可危也夫。

脇痛

種類 本病有氣鬱脇痛。汚血脇痛。痰飲脇痛。食積脇痛。風寒脇痛之別。

原因 內經云。肝病者。兩脇下痛引少腹。令人善怒。

又云。肝熱病者。脇滿痛。

又云。邪在肝。則兩脇下痛。

沈氏尊生云。氣鬱。由大怒氣逆。或謀慮不決。皆令肝火動甚。以致脘脇肋痛。……

金匱翼云。汚血脇痛者。凡跌撲損傷。汚血必歸脇下故也。

沈氏尊生云。痰飲脇痛者。由痰飲流注於厥陰之經。以致脘脇肋痛。……食積脇痛者。由停食脇下所致也。

沈氏尊生云。風寒脇痛。由外感風寒之邪。留著脇下。以致脘脇肋痛。……

症狀 金匱翼云。肝鬱脇痛者。……兩脇骨疼脇筋。拘急。腰脚重滯者是也。

又云。汚血脇痛者。……其症晝輕夜重。或午後發。……其人喘逆。

沈氏尊生云。痰飲。……以致脘脇肋痛。痛則咳嗽氣急。……

醫學入門云。食積脇下。如杠梗起一條作痛。

正傳云。發熱脇痛。似有積塊。必是飲食太飽。勞力所致。…風寒脇痛。其症往來寒熱。心煩喜嘔。

脈法。金匱云。寸口脈弦者。卽脇下拘急而痛。其人嗇嗇惡寒也。

正傳云。脈雙弦者。肝氣有餘。兩脇作痛。

又云。肝脈沉之而急。浮之亦然。若脇下痛。有氣支滿。引小腹而痛。時小便難。若目眩頭痛。腰痛。背痛。得之少時。有所墜墮。

丹溪云。氣鬱。胸脇痛。看其沉瀆。當作鬱治也。

治法。六科準繩云。悲哀傷肝。氣引兩脇疼痛。枳殼煑散。

張氏醫通云。因怒傷肝。肝氣鬱甚。柴胡疎肝散。

正傳云。性急多怒之人。時常腹脇作痛。小柴胡湯加川芎芍藥青皮。吞下龍薈丸甚捷。

醫學入門云。瘀血必歸肝經。夜痛或午後發者。小柴胡湯合四物湯。加桃仁紅花乳香沒藥。大便堅黑者。桃仁承氣湯下之。

丹溪心法云。脇痛有死血。桃仁紅花川芎之類。若跌撲脇痛者。亦爲汚血流歸脇下痛。宜復元活血湯。

又云。痰注脇痛。宜控涎丹以加南星川芎蒼朮二陳湯煎水吞下。

張氏醫通云。欬嗽引脇下痛。爲水飲停蓄。小青龍湯。脇下硬滿引痛。乾嘔短氣。汗出不惡寒。有時頭痛心下痞者。十棗湯。

又云。食積寒痰。流於脇下。痛若錐刺。手不可近。諸藥不效者。神保丸。

六科準繩云。食積痛。凡痛有一條扛起者是也。用保和丸。或吳茱萸炒黃連神麩麥芽山查蓬朮三稜青皮。發寒熱脇痛。覺有積塊。當歸龍薈丸。

沈氏尊生云。風寒……以致脇脇肋痛。宜芎藭湯。小柴胡湯加枳殼桔梗。

古今驗方選

枳殼煑散 本事方 治悲哀煩惱傷肝氣。至兩脇骨疼。筋脈緊。腰脚重滯。兩股筋急。兩脇牽痛。

四肢不能舉。漸至脊脊攣急。此藥大治脇痛。

枳殼 細辛 川芎 桔梗 防風 葛根 甘草

右爲粗末。每服四錢。水一盞半。薑棗同煎至七分。去渣。空心溫服。

芎藭湯 本事方 治脇下痛不可忍者。

川芎 乾葛 桂枝 枳壳 細辛 芍藥 麻黃

人參 防風 甘草 生薑

復元活血湯 發明方 治從高墜下。惡血流於脇下。及疼痛不可忍者。

柴胡 瓜蒌根 當歸 紅花 甘草 大黃 穿山甲

桃仁

當歸龍薈丸 錢乙方

當歸 龍胆草 山梔 黃連 黃柏 黃芩 大黃

蘆薈 青黛 木香 麝香

右爲細末。煉蜜丸。如小豆大。小兒如麻子大。生薑湯下。二三十丸。忌食發熱諸物。兼

服防風通聖散。

保和丸 丹溪方 治食積酒積

呼吸器病 脇痛

山查肉 半夏 橘紅 神麩 麥芽 白茯苓 連翹

萊菔子 黃連

右爲末。滴水爲丸。

小柴胡湯傷寒論方見濕溫門

神保丸 治心胸腹脇脹痛。大便不通。宿食不消。

木香 胡椒 巴豆 蝎尾

右爲末。湯浸蒸餅丸。麻豆大。硃砂爲衣。每服五丸。空心薑湯醋湯沙糖湯任下。

十棗湯傷寒論方治懸飲內痛。脇下有水氣。脈弦數。

芫花 甘遂 大戟

右三味等分。各別搗爲散。以水一升半。先煮大棗肥者十枚。取八合。去滓。內藥末。強

人服一錢匕。羸人服半錢。溫服之。平旦服。若下少病不除者。明日更服。加半錢。得快

下利後。糜粥自養。

桃仁承氣湯傷寒論方下瘀血。

桃仁 桂枝 芒消 大黃 甘草

柴胡疎肝散 統旨方 治怒火傷肝。左脇作痛。血菀於上。

柴胡 橘皮 川芎 芍藥 枳壳 甘草 香附

梔 煨 薑

清水半鍾。煎至八分。食前溫服。吐血加童便半鍾。

四物湯局方見痘瘡門

二陳湯局方見瘡疾門

小青龍湯 傷寒論方見咳嗽門

小龍薈丸 丹溪心法方 治肝火盛脇痛。

當歸 龍胆草 梔子 黃連 川芎 大黃 蘆薈

木香

右爲末。入麝香少許。粥丸。菉豆大。薑湯下五七十丸。

控涎丹 三因方 治脇下痰積作痛。

呼吸器病 脇痛

甘遂 大戟 白芥子

共研細末。麴糊或煉蜜或滴水為丸。如梧桐大。晒乾。每服五七丸至十丸。或十五丸至二十丸。臨臥時生薑湯或熟湯送下。以知為度。忌與甘草之藥同日而服。愈後用六君子湯調補。

單方

枳殼 主兩脅痛煎服末服並佳(本草)

防風 治風脅痛水煎服之(本草)

青皮 凡脇痛用青皮必須醋炒用煎服並佳(醫鑑)○青皮乃肝胆二經之藥人多怒脅下有鬱積固宜用此以解之若二經氣血不足則當先補血少用青皮可也(丹心)

枳實 主脇風痛煎服末服並佳(本草)

旋覆花 治痰飲結聚兩脇脹痛水煎服之(本草)

鱉膈 治瘀血在脅下墜痛焙為末和酒服(本草)

栝蒌 主肝燥脇痛(本草)

宗景按。內經謂肝脈貫膈布脇肋。故脇痛之症。後世無不責之肝病。其實中醫所謂脇痛。乃賅括西籍肋骨神經痛。肋膜炎之類。肋骨神經痛。以女子為多。往往由鬱怒而起。服疏肝鎮痛之藥。每有立竿見影之效。斷其病屬於肝。說尙可通。肋膜炎。則不必皆是肝病。蓋

以肺臟表面。與肋膜內板相貼。故急慢性肺炎。氣管枝炎。肺壞疽。肺膿瘍。肺結核等。肋膜每受其直接蔓延。續發炎症。肋膜外板與胸壁內面相貼。故胸壁之各種炎症。如胸部挫傷。肋骨折折或乳癌等。亦常爲肋膜炎之原因。若由外傷而成者。名之曰外傷性肋膜炎。卽金匱翼所謂跌撲損傷。汚血必歸脇下之症。當用復元活血湯下其瘀血。則痛自止。其有不因外傷。由于氣鬱血瘀者。宜四逆散。柴胡枳殼甘草白芍與旋覆花湯。旋覆花新絳青蔥管合方。加入沈香。鬱金。鈴子等藥。屢試獲效。由于感冒而起者。名之曰感冒性肋膜炎。古人不知氣管肺炎能波及肋膜。故有外感風寒之邪。留著脇下。以致脘脇肋痛之臆說也。肋膜炎因炎症產物之性質。得別乾性及滲出性兩種。其滲出液富於漿液者。謂之漿液性肋膜炎。若滲出液多量時。非但肺受壓迫。其周圍鄰近之臟器。亦遭逼迫。此卽金匱懸飲內痛。脇下有水氣之症。非十棗湯不爲功。西醫雖有穿刺之術。放其漿液。然僅取一時之快。不如十棗湯下水之中。含有健脾之意。治其水飲之源也。他如含膿者。曰化膿性肋膜炎。腐臭者。曰腐敗性肋膜炎。卽肺癰之脇痛者是。無論何種肋膜炎。初起時。凡肋膜充血腫脹。滲出纖維素於肋膜表面。生菲薄僞膜者。皆得謂之乾性肋膜炎。治愈時。其僞膜或被吸收。或

化生結締組織。致肺肋膜與胸肋愈著。往往乾咳無痰。其發炎部必疼痛。多因呼吸咳嗽而加劇。故患者頗為痛苦。漢法醫典中之柴胡枳桔湯。最為有效。柴胡。黃芩。瓜蒌仁。半夏。桔梗。枳實。大棗。

竹節人參。甘草。生薑。曾經屢驗所得。然須隨證增損。不可拘守成方耳。

消
化
器
病

器家

目錄

口糜	一
口瘡	四
口臭	一〇
鵝口瘡	一四
走馬牙疳	一七
口角流涎	二八
噎膈	三〇
反胃	四一
傷食	五三
嘔吐	六六
吐血	七六
吞酸吐酸	九九

呃逆	一〇四
嘈雜	一一三
噫氣	一一八
胃脘痛	一二二
泄瀉	一三〇
腸癰	一四四
便血	一五一
蟲病	一六四
便秘	一七一
下痢	一八二
肝鬱	肝陽 肝氣 肝風	二〇七
黃疸	二一四
水蠱	二二九

消化器病

口糜

釋名 沈氏尊生云。口糜者。口瘡糜爛也。

原因 內經云。少陽之復。大熱將至。火氣內發。上爲口糜。

又云。膀胱移熱於小腸。膈腸不便。上爲口糜。

醫宗金鑑云。此證由陽旺陰虛。膀胱濕水泛溢。脾經濕與熱瘀鬱。久則化爲熱。熱氣薰蒸胃
口……

症狀 醫宗金鑑云。……滿口糜爛。甚於口瘡。色紅作痛。甚則連及咽喉。不能飲食。

脈法 奎光云。……其脈洪大有力。而爲實熱者也。

治法 醫宗金鑑云。初起宜導赤湯。口臭瀉泄。脾虛濕勝者。宜服連理湯。糜爛延及咽喉。日
輕夜重者。宜少陰甘桔湯。便秘者。宜涼膈散。外以薑柏散搽之有效。

奎光云。脾元中氣不足。不能按納下焦陰火。以致口糜。宜服附子理中湯。六君子湯。

陳實功云。口舌生瘡。舌乾黃硬作渴者。宜加減八味丸。又云。因思煩太甚。多醒少睡而致者。宜知柏四物湯加丹皮肉桂。

古今驗方選

導赤湯 錢乙方 治心熱移於小腸。口糜舌瘡。

生地黃 木通 竹葉 甘草梢

連理湯 張氏醫通方 治胃虛挾食。痞滿發熱及暑瀉。

人參 白朮 乾薑 黃連 茯苓 甘草

少陰甘桔湯 外科正宗方 治口糜咽痛。

桔梗 甘草 川芎 黃芩 陳皮 元參 柴胡

羌活 升麻 葱白

柴胡地骨皮湯 河間方 治膀胱移熱小腸。上為口糜。

柴胡 地骨皮

涼膈散 局方 治三焦火盛。口舌生瘡。

大黃 芒硝 梔子 連翹 黃芩 甘草 薄荷
竹葉

移熱湯醫學綱目方治口糜。心胃壅熱。口瘡糜爛。

生地黃 木通 甘草 竹葉 豬苓 澤瀉 茯苓
白朮

知柏四物湯

知母 生地 芍藥 川芎 當歸 黃柏

赴筵散外科正宗方治口糜多膿。

黃連 黃柏 黃芩 北細辛 山梔子 乾薑
共研細末。每用少許吹之。

六君子湯局方見疔腮門

附子理中湯準繩方

附子 人參 白朮 乾薑 甘草

消化器病 口糜

薑柏散醫宗金鑑方治口糜

乾薑 黃柏

研爲末。令勻。乾搽口內。溫水漱口。

單方

釜底墨研細塗之
(本草)

黃葵花燒末研敷
(本草)

鐵鏽末水調敷
(本草)

硫

黃研末水調塗于
足心(本草)

細

辛爲末醋調貼臍
(本草)

口瘡

原因 內經云。歲金不及。炎火乃行。復則寒雨暴至。陰厥乃格。陽反上行。民病口瘡是也。

六科準繩云。……心屬君火。是五藏六府之火主。故諸經之熱。皆應於心。心脈布舌上。若心
火炎上。熏蒸於口。則爲口舌生瘡。脾脈布舌下。若脾熱生痰。熱涎相搏。從相火上炎。亦生口
瘡也。

金匱翼云。口舌生瘡。其候有二。一者心胃有熱。氣衝上焦。熏發口舌。作爲口瘡。一者胃虛食
少。腎水之氣。逆而承之。則爲寒中。脾胃虛衰之火。被迫上炎。作爲口瘡也。

症狀 口舌生瘡。屬於熱者。口臭作渴。發熱飲冷是也。屬於寒者。飲食少思。大便不實。或手足逆冷。肚腹作痛是也。

脈法 萬病回春云。口舌生瘡。脈洪疾速。若見脈虛。中氣不足。

治法 六科準繩云。胃中有熱。脈洪大。宜服涼膈散。甘桔湯加芩三補丸金花丸。漱以黃連升麻湯。敷以綠袍散蜜藥散。

金匱翼云。按聖濟論口瘡。有實有虛。實則清之。虛則溫之。最爲明晰。然二者之外。又有腎虛火動一症。而腎虛之候。又有二端。一者腎藏陰虛。陽無所附。而遊行於上者。宜六味之屬。壯水戀火。一者腎藏內寒。陽氣不安其宅。而飛越于上者。宜七味八味之屬。溫藏斂陽也。雖有元藏陰火上攻口舌之說。乃用巴戟白芷良薑等味。殊未妥協。惟附子蜜炙含咽。差爲可耳。禁忌 千金云。凡患口瘡及齒。禁油、麵、酒、醬、酸酢、鹹膩、乾棗。瘥後。仍須慎之。若不久慎。尋手再發。發卽難瘥。……

古今驗方選

三補丸 六科準繩方

黃芩 黃連 黃柏

研爲細末。滴水丸。每服三十九丸。熟湯送下。

六味丸 錢乙方見消渴門

七味丸 瘍科大全方

卽六味丸加肉桂

八味丸 崔氏方

熟地黃 乾山藥 山萸肉 白茯苓 牡丹皮 澤瀉 肉桂

附子

研爲細末。煉蜜和丸。如梧子大。每服三十九丸。空腹食前。淡鹽湯或溫酒下。

黑參丸 丹溪心法方 治口舌生瘡。連年不愈。

玄參 天門冬 麥門冬

右等分爲末。蜜丸彈子大。每嚙化一丸。

玉芝飲 東垣方 治膈熱。口舌生瘡。咽喉腫痛。

藿香葉 甘草 石膏 梔子

右爲末。每一錢。新水調下。

金花丸 證治準繩方

黃連 黃柏 黃芩 梔子

等分末之。水丸。每服三十九丸。白湯下。便秘加大黃等分。

黃連升麻湯 衛生寶鑑方 治口舌瘡。

黃連 升麻

右爲細末。綿裹含津嚥。

綠袍散 衛生寶鑑方 治口瘡久不瘥者。

黃蘗 炙甘草 青黛

右先取二味爲末。入青黛同研勻乾貼。

蜜蘗丸 東垣方 治口瘡久不愈者。

黃蘗不計多少。蜜炙灰色爲細末。乾糝上。臨臥。忌酒醋漿。犯之則瘡難愈。

兼金散 三因方 治熱毒口舌生瘡。

黃連 細辛

右等分。爲末。先以布巾蘸水。拭淨患處。乃糝藥。吐涎卽愈。

換金散 得效方 治熱毒口瘡。

乾薑 黃連

右等分。爲末。糝瘡上。初若不堪。應手卽愈。

黃白散 萬病回春方 治口瘡。并口中疔瘡如神。

黃柏 孩兒茶 枯白礬

右各等分。爲末。先以冷米湯漱口。乃糝之。

碧雪散 得效方 治口舌生瘡。舌強腮腫喉閉。

蒲黃 青黛 硼砂 焰硝 甘草

右各等分。爲末。以手指糝於中。嚥津下。

龍石散 治口舌生瘡。咽噎腫塞。

寒水石 硃砂 片腦

右爲末。糝患處。日三五次。

單方

白礬 治口瘡熱水半椀入白礬一撮待溫漱口數次
(種杏) 生白礬爲末敷之亦效(丹心)

膽礬 治口瘡取礬火煨爲末敷瘡上吐涎便差(本草)
胆礬一塊百沸湯泡開含漱即差(綱目)

螻蛄 治口瘡以好墨研螻蛄細敷之立效蓋
螻蛄走小腸膀胱其效甚速(綱目)

五倍子 治口瘡爲末糝之便可飲食(本草) 〇口瘡糜痛五倍子一兩蜜炙黃柏滑石各五錢銅綠二錢
麝香二分半爲末糝之極效(正傳) 〇治緊唇五倍子訶子肉等分爲末付貼唇上立效(丹心)

薔薇根 治口舌生瘡爛久不差濃煎汁稍稍含漱溫
含冷吐即效冬取根夏取葉莖用(本草)

白楊樹枝 治口瘡取枝漿水煎
和鹽含漱(本草)

黃柏 治口瘡如神蜜炒爲細末塗之(湯液) 〇黃柏醋漬含之亦愈
(本草) 心脾熱舌頰生瘡蜜炙黃柏與青黛爲末糝之差(本草)

苦竹葉及瀝 治口瘡煎葉湯漱口
取瀝塗之(本草)

蜜 療唇口瘡常
含之(本草)

檳榔 治口吻生瘡自爛者燒灰入
輕粉少許乾糝之(得效)

升麻 治口瘡及口氣疳蠱濃煎
湯入鹽頻頻含漱(本草)

蒲黃 治重舌及舌生瘡微炒糝之即差（本草）○舌腫大滿口真蒲黃頻糝舌上且呷黃連湯瀉心火（正傳）

人乳汁 老人患口瘡不能飲食熱人乳甚良（本草）

羊乳 主小兒口瘡爛取乳常常含嚙又治舌腫吮之差（本草）

西瓜 治口瘡取瓜中漿徐徐飲之冬月則取皮燒灰嚙之（丹心）

黃連 治口舌生瘡以好酒煮黃連取汁呷下立愈（丹心）

宗景按。口瘡乃包括口內炎實質性舌炎等而言。口糜爲口瘡之漸。卽潰爛性口內炎。其病理于西醫籍中亦無可考。我國舊說謂口爲脾之竅。舌爲心之苗。是以脾經濕熱痰鬱。熱氣熏蒸胃口。則病口糜。心經壅熱。則病舌瘡。然其症亦有虛實寒熱之別。非芩連黃柏瀉火之藥。所能概治。試觀古方有以細辛乾薑從治者。有以肉桂附子斂陽者。有以消黃攻下者。有以冬地滋陰者。各宜隨證施治。可以知其概要。若夫陰虛已極。滿口糜爛。服大劑滋陰之藥。仍不減者。此爲難治。又凡小兒大便泄瀉。頗門下陷。兼見口糜者。其危險則同在不可知之數矣。

口臭

原因 巢氏病源云。口臭由五藏六府不調。氣上胸膈。然藏府氣臊腐不同。蘊積胸膈之間。

而生於熱。衝發於口。故令臭也。

直指云。口臭一證。乃熱氣蘊積胸膈之間。挾熱衝發於口也。

症狀 臭如酸胖。若膩不渴。飲食噎滯。此爲寒症。臭如糞穢。口渴引飲。胃納甚旺。此爲熱症。

治法 沈氏尊生云。虛火鬱熱。蘊於胸胃之間。而口臭。宜加減甘露飲。或心勞味厚之人口臭。宜加減瀉白散。或肺爲火爍口臭。宜消風散加減瀉白散。或吐膿血。如肺癰狀而口臭。他方不應。宜升麻黃連丸。

寶漢卿云。病人瘥後。口中臭。腹中絞痛者。皆因熱毒積于脾家。急用蘇子降氣湯服之。

古今驗方選

加減甘露飲 本事方 治胃熱口臭。口瘡。

熟地 生地 天冬 黃芩 枳壳 枇杷葉 茵陳草

金石斛 甘草 犀角

加減瀉白散 醫學發明方

桑皮 桔梗 地骨皮 炙甘草 黃芩 麥冬 五味子

知母

升麻黃連丸 正傳方 治口臭穢惡。人不得近。

酒黃芩 黃連 升麻 薑汁 青皮 生甘草 白檀

右爲末。蒸餅和丸。彈子大。每丸細嚼白湯下。

消風散局方

荆芥 甘草 人參 茯苓 川芎 僵蠶 防風

藿香 羌活 蟬壳 陳皮 厚朴

右研末。每服二三錢。茶清或薄荷湯調下。

蘇子降氣湯局方

紫蘇子 半夏 前胡 厚朴 陳皮 甘草 生薑

當歸 肉桂

地骨皮丸 準繩方 治肺熱口臭。口中如膠。舌乾發渴。小便多。

地骨皮 黃耆 桑白皮 山梔子 馬兜鈴

右爲細末。甘草膏和丸。如芡實大。每服一丸。食後嚙化。

單方

益智 治心氣不足口臭。益智去殼加甘草爲末乾嚙下。或沸湯點服（得效）。

白梅 治口臭常含之。可。以香口（本草）。

細辛 治口臭及蠱齒腫痛。煮取濃汁熱含。冷吐即差（本草）。

香薷 治口臭甚捷。丁香不及焉。煮取汁或飲或漱爲妙（丹心）。

亂髮灰 治口臭不可近。亂髮灰一錢。井花水調下。空（醫鑿）○舌腫亂髮灰水調下（綱目）。

宗景按。平人口中清潔者。雖稍有異臭。其度極微。如有顯著之口臭。則必有其原因在。例如齲齒及口腔梅毒結核癌腫等之潰瘍。或肺壞疽肺膿瘍等。皆足以發生本病。如是者。當治其原因。原因除。則本病亦愈。通常所見者。以胃有濕濁爲多。宜藿香佩蘭等芳香化濁之藥。挾熱者。加入芩連之屬。若胃有實熱者。宜白虎湯加黃連。或承氣湯等。虛熱挾濕。

射干 療老血在心脾間。咳唾言語氣臭。取根煮湯飲之（本草）。

甜瓜 主口臭。甜瓜子作末。蜜丸。櫻桃大。每朝淨漱。含化一丸。○口瘡。嚙瓜中汁（本草）。

茴香 除口臭。臭取苗莖煮作羹飲。及生食並得（本草）。

柚子 治飲酒人口臭。可啖之。又煎湯飲（本草）。

井華水 治口臭。正朝取水含口吐。置廁下。數度即差（本草）。

者。當仿甘露飲之意。而化裁之。素常便秘之人。易患本病。此因腸胃熱毒蘊積。上薰胃口。譬諸溝渠之水。久蓄不通。則生穢濁之氣。是以西醫治口臭。每用通便之劑。其有臭如餿腐。或如酸胖。及胃口吞酸。飲食噯氣等證。此爲陰證。與熱臭不同。凡思慮不遂。及脾弱不能化食者。多患之。法宜調補心脾。不可誤作熱治。又凡食韭蒜而口臭者。宜連翹爲末糊丸。茶吞二三錢即效。

鵝口瘡

釋名 巢氏病源云。小兒初生。口裏白屑起。乃至舌上生瘡。如鵝口裏。世謂之鵝口。

原因 巢氏病源云。此由在胎時受穀氣盛。心脾熱氣。熏發於口故也。

症狀 陳實功云。其症滿口皆生白斑雪片。甚則咽間疊疊腫起。至難乳哺。哺時必多啼叫。
經過 久暫不一。平常約八日至二星期。

治法 醫宗金鑑云。……治法以清熱瀉脾散主之。外用髮蘸水拭口。搽以保命散。日敷二三次。自退自安。倘治之稍遲。必口舌糜爛。吮乳不得。則難痊矣。
簡要云。用牙硝細研。於舌上糝之。日三五度。

祕錄云。用桑白皮汁和胡粉敷之。

又云。用雞脬脰黃皮燒末。水和服。

六科準繩云。治用髮纏指頭。蘸井花水揩拭之。睡時黃丹煨出火氣。糝於舌上。如用前法。其舌上白屑不脫。可煮栗莢汁令濃。以綿纏指頭拭之。若春夏無栗莢。可煮栗木皮。如用井花水法。

豫候 無合併症。豫後概良。

死候 若喉響似鋸。眼直視。面青黑不乳者。不治。

古今驗方選

清熱瀉脾散

山 梔 石 膏 黃 連 生 地 黃 芩 赤 苓 燈 心

保命散 張渙方 治鵝口

白 礬 硃 砂 馬 牙 硝

右研末。以白鵝糞水攪取汁。塗舌與口角上。

青液散 錦囊方 治鵝口瘡及舌瘡。舌菌。重舌。

青 黛 朴 硝 龍 腦

右研細末。鵝翎挑少許掃上。

四寶丹 瘍醫大全方 治鵝口。

雄 黃 硼 砂 甘 草 冰 片

右爲末。蜜水調塗或乾糝。

驅腐丹 奎光祕方 治鵝口口糜。

五倍子 硼 砂

共研細末。每用少許。吹入患處。不可過多。

宗景按。鵝口瘡之病名。始自中醫。而西醫亦沿用之也。所以名爲寄生性口內炎者。蓋以本病由於鵝口瘡菌之菌絲及芽胞。藉空氣之媒介。或寄生於哺乳器等。竄入口中。乘口內不潔或乾燥及發炎時增育而成也。是以本病大抵發於哺乳之嬰兒爲多。若無合併之症。醫治得法。不難全愈。依愚之經驗。惟見於肺癆之末期者。則死期不出數日。因此種

鵝口瘡。係由虛火上熏而成。全屬內因。斯時也。其人虛熱獨熾。陰津涸竭。大有易子而食。析骸而炊之況。不死何待。與哺乳兒之鵝口瘡。不可同日而語。西醫籍中。僅云肺癆重症。傷寒糖尿病等病人。往往續發鵝口瘡。論其外因。而不及內因。頗爲可疑耳。

走馬牙疳

釋名 東垣云。走馬牙疳者。熱毒上攻。虛臟所受。腎藏主骨。齒爲骨餘。上奔而潰。勢如走馬。故名之。

原因 曾世榮云。凡得此候。多因氣虛受寒。及有宿滯留而不去。積溫成熱。虛熱之氣上蒸。或食甘酸鹹膩之物。而脾雖喜甘。積滯日久。蘊熱上薰於口所致。

醫宗金鑑云。此證多由癖疾積火。疹痘餘毒上攻。最爲迅速。總由積火熱毒而成。

症狀 曾世榮云。……致齒焦黑爛。間出清血。血聚成膿。膿臭成蟲。侵蝕口齒。甚至頤頰穿破。乳食不便。面色光浮。氣喘熱作。……

醫宗金鑑云。……牙根作爛。隨變黑腐。臭穢難聞。

診斷 瘍醫大全云。凡看走馬疳。無分老幼。但上面左邊門牙。爲牙中之主。此牙一落。則餘

齒盡落。此牙不落。餘齒雖落。俱還可治。

治法 醫宗金鑑云。若癰積毒火攻牙者。初宜服蘆薈消疳飲。脾胃虛者。兼服人參茯苓粥。若疹痘餘毒所中者。宜服清疳解毒湯。外勢輕者。俱用溺白散擦之。若堅硬青紫。漸腐穿腮。齒搖者。宜用蘆薈擦之。牙縫黑腐不盡。及腐爛深坑。藥不能到。宜用勒馬聽徽絲塞之。再用手法去其黑腐肉。見紅肉流鮮血者吉。若取時頑肉難脫。堅硬腐爛漸開。以致穿腮破唇。宜貼青蓮膏。

曾世榮云。……治之之法。先去積熱。用當歸散合三稜散水薑棗煎服。次投蘆薈丸玉露散。及以溫鹽水灌漱。或軟雞翎蘸鹽水拂洗。略拭乾。仍以燒鹽散內金散蜜陀僧散敷之。若經久不愈者。傳於唇之上下。乃成崩沙證。或穴發滿腮。齒落骨露。飲食減少。氣促痰鳴。必致危矣。

錦囊云。……治法宜內服清解。先去積熱。外用溫鹽水洗。吹以去涎拔熱之藥。切不可純以寒涼歛遏。以致鬱熱。無從發洩。厥潰更深矣。

預後 本病之死。大多數由於經日失治。或如錦囊所云。純以寒涼之藥。歛遏其熱。無從發

洩。以致潰爛莫救者。亦屬不少。其死亡數。據西醫統計。約四分之三云。

死候 陳實功云。凡穢氣冲人。死。下蝕咽喉。上蝕鼻梁者死。齒落無血者死。涎向內流者死。大肉已脫者死。口臭涎穢者死。黑腐不脫者死。用藥不效者死。身熱不退者死。穿腮透脣者死。鼻梁黑黯者死。飲食不進者死。

禁忌 心法云。走馬疳。惟癰積攻牙成疳者。愈後易發。皆由積火時時上攻也。惟在調理飲食得宜爲要。如山藥。栗子。鵝蟹。甜辣等物。俱當禁忌。若稍有疎忽。必致復發。

古今驗方選

人中白散 外科正宗方 治小兒走馬牙疳口疳。以及牙齦腐爛臭黑者。並搽痔瘡膿耳。男婦腿
上傷。手廉瘡神效。

人中白 兒茶 黃柏 白硼砂 蘇薄荷 眞青黛 川連

共研極細。先用陳松蘿茶洗淨。日吹五七次。吹後涎從外流爲吉。毒涎入裏爲凶。痔瘡用麻油調搽。膿耳吹耳內。傷手瘡乾糝。

蘆薈消疳飲 醫宗金鑑方 治鑽牙疳。

消 化 器 病 走馬牙疳

二〇

蘆 薈 胡黃連 石 膏 羚羊角 梔 子 大 黃 牛蒡子

銀柴胡 桔 梗 元 參 薄荷葉 甘 草

瀉白散醫宗金鑑方 治走馬疳之屬於疹痘餘毒者。

瀉 垢 白霜梅 枯白礬

右研細末。先用葦根松蘿茶煎成濃汁。乘熱以雞翎蘸洗患處。去淨腐肉。見鮮血。再敷此藥。日敷三次。若爛至咽喉。以蘆筒吹之。

人參茯苓粥醫宗金鑑方 治脾胃虛弱。

人 參 茯 苓

共研末。同粳米一茶盅。熬成粥。先以鹽湯將口漱淨。後再食粥。

清疳解毒湯醫宗金鑑方 治走馬疳之屬於疹痘餘毒者。

人中黃 川黃連 柴 胡 知 母 連 翹 牛蒡子 犀 角

黑 參 荆 芥 防 風 淡竹葉 石 膏 燈 心

勒馬聽徽絲醫宗金鑑方 治走馬牙疳。

白砒 麝香 青綿 青黛

用香油拌勻。用時先以清米泔水漱。次用鑷尖將絲挑少許於牙縫內。日三易之。

青蓮膏醫宗金鑑方治走馬牙疳。

青黛 乳香 輕粉 麝香 白砒

右爲細末。用香油調稠。薄攤紙上。用鎚鎚實。陰乾收之。每於臥時。以水漱淨口。拭乾。隨疳證大小剪膏藥貼之。至曉揭去。再以泔水將口漱淨吐之。至晚再貼。

內金散六科準繩方治牙根肉臭爛黑色。有蟲作痛。

雞內金 白芷 銅青 麝香

右前三味。剉晒或焙爲末。仍以麝香乳鉢內同杵勻。每用一字或半錢。乾擦患處。先用溫鹽水灌漱。後敷藥。

蜜陀僧散六科準繩方治走馬疳。齒焦黑爛。

蜜陀僧 輕粉 麝香

右件爲細末。同輕粉麝香乳鉢內杵勻。每用半錢擦患處。

消化器病 走馬牙疳

曾氏燒鹽散 治走馬疳。牙根肉潰爛黑臭。

橡斗子

右每用大者兩個。入鹽滿殼蓋作一合。或五六個。至十數個。安在火內。和鹽燒透。取出地上。以瓦盃蓋定存性。候冷入麝香少許。乳鉢內極細杵勻。每以半錢塗搽患處。常收用小瓦合盛貯。勿使紙裏。蓋能作潤。

龍骨散 錢乙方 治疳口瘡走馬疳。

砒霜 蟾酥 粉霜 龍骨 定粉 龍腦

右先研砒粉極細。次入龍骨再研。次入定粉等同研。每用少許敷之。

煎方 周鶴仙專治牙疳。雖穿腮破唇神效。

蘆薈 銀柴胡 玄參 川黃連 升麻 胡黃連 石膏

羚羊角 桔梗 黑山梔 蘇薄荷 甘草 牛蒡子 淡竹葉

煎六分食前服。

煉毒丹 劉氏祕方治走馬牙疳屢驗。

熟石膏 白砒

同研末和勻。用麵包好。火煨烟盡爲度。又乳極細。每次用一錢。以滾水冲。用筷子急攪澄清。候温取上面清水漱之。先微痛。再換第二次漱之。卽生皮全愈。

清香散何氏濟生方治牙疳。

紅稔子 兒茶 海巴 乳香 沒藥 象皮 珍珠
輕粉

各等分。研極細吹之。立刻生肌。

何氏濟生方 治牙疳。

白礬砂 青黛 蒲黃 黃柏 人中白 冰片 馬屁勃
兒茶 白僵蠶 甘草節 麝香

合研如塵。凡走馬牙疳齒落喉爛。臭不可近者。漱淨吹數次卽愈。

走馬牙疳洗藥 章壽祥

黑山梔 連翹 金銀花 黃芩 白芷梢 黃柏 玄參

消化器病 走馬牙疳

生石膏 胡黃連 桑白皮 桔梗 射干 銀柴胡 當歸尾

牡丹皮 茜草 赤芍 燈心

煎湯頻洗

玉露散 錢乙方

寒水石 石膏 生甘草

三稜散六科準繩方 治諸般停滯。疳積發熱。瀉痢酸醜。水穀不化。常服利脾胃。進飲食。長肌肉。

益神氣。

三稜 香附 青皮 人參 益智仁 陳皮 枳壳

神麩 生穀芽 半夏 蓬莪茂 大黃 紫蘇 生薑

倉米

蘆薈丸 曾氏方

南木香 丁香 訶子 肉豆蔻 使君子肉 棗子肉 蘆薈

右除使君子肉。薄切於乳鉢內極細杵。仍將前南木香等四味。濕麩裏煨。至香熟取

出地上。候冷去麪剉焙。同棗肉蘆薈爲細末。再入乳鉢同使君子肉杵勻。煉蜜丸。作麻仁大。每服三十九至五十五丸。溫米湯下。須是空心服之。小兒米湯化服。

當歸散 證治準繩方 調氣血。和表裏。利胸腹。理百病。治溫熱停積。自痢煩躁。

川當歸 赤芍藥 甘草 大黃 川芎 麻黃

劉氏家傳李琬麝香散 治小兒走馬急疳。口臭牙齒損爛。及攻蝕唇鼻頰。累治未效

者。可用此方。

麝香 黃柏 青黛 雄黃

右件杵研極細。如有患者。先以綿纏筋。擦却齒上蝕損死肌。以軟帛拭去惡血。量瘡大小乾糝。日夜五次用之。或血盛併多不定者。加定粉半兩同研。用如前法。

治走馬牙疳方 瘍醫大全方

地 虱卽小草鞋蟲 人中白 研細搽之

治走馬牙疳方 簡便方

北棗一枚去核將鴨嘴膽礬入內。紙包煨赤。出火毒。研敷出涎。

消化器病 走馬牙疳

治初起走馬牙疳方 瘍科大全方

人中白 兒茶 青黛 薄荷葉 黃柏 冰片

各研細和勻。先用溫湯漱淨。吹藥疳上。日用六七次。吹之涎從外流爲吉。涎毒內收爲凶。

治走馬牙疳方 家祕方

鯉魚牙齒。陰陽瓦煨存性。研細末。每一錢加冰片一錢。乳細搓之。神效。

治走馬牙疳速效神方 瘍醫大全方

水銀 紅舊氈 燒灰 五倍子

共乳細。用真麻油調藥一二茶匙。作兩次搓。宜少少用。不可多用。搽在牙齦患處。有涎卽張口流出。不可嚥入肚內。能去腐生肌。立刻止痛。兩三日卽收功。外用冬青葉煎湯漱口。

治走馬牙疳方

藤黃研末。外糝腐爛之處。

古方馬乳飲醫宗金鑑方治青腿牙疳。

用青白馬乳。早晚隨擠隨服甚效。如無青白馬。雜色馬亦可。若馬乳自他處取來。可將碗置於開水盆中溫之。

敷牙疳散藥方衷中參西錄方

煨甘石

鏡面硃砂

牛黃

珍珠

共研細。日敷三次。

宗景按。本病之原因。大多數由於痘疹餘毒上攻所致。西醫謂患此症者。大抵難免於死。以其經過中易起敗血症及肺壞疽之故。是以治愈者極少。蓋因彼無內科特效之藥也。據愚之經驗。金鑑蘆薈消疳飲。確有奇效。但須加入升麻。以升發陽明之熱毒。使寒涼之藥。不致抑遏其熱。而柴胡一味。尤不可缺。俗醫不知古人立方之旨。妄將柴胡減去。升麻又不敢用。於是本病患者。惟有坐以待斃耳。愚於前年間。曾兩遇此症。其一。爲溫州電政局業務長邱泉生君之令郎。年約八九歲。痘後口發臭氣。初亦不以爲意。及牙齒動搖。始送入醫院。經某西人斷爲水癌。投藥無效。歸而延愚往診。則已齒牙盡落。唇口紫黑。腐爛穿頰。臭氣難聞矣。如此險症。知成不救。乃謹謝不敏。辭診金而返。次日果斃。其他則爲溫

州營業稅局某辦事員之子。其症亦續發於麻疹之後。愚用金鑑蘆薈消疳飲。加入金汁一杯。升麻數分。另囑速購馬乳代茶。服後頗效。半月之間。計共用石膏二斤。羚羊角六錢。始獲全愈。其熱毒之盛。可想見也。

口角流涎

原因 此證由脾冷或脾熱所致。

內經云。人之涎下者。何氣致然。曰。飲食者。皆入於胃。胃中有熱則蟲動。蟲動則胃緩。胃緩則廉泉開。故涎下。

症狀 口角流涎不止。浸濕紅赤。

治法 醫學入門云。時常吐清水冷涎。自下涌上者。脾熱所致。二陳湯加白朮白芍藥。升麻。土炒芩連。梔子。神麴。麥芽。乾生薑或丸。或煎服。

醫學綱目云。口角流涎不止。口眼喎斜。以通天愈風湯煎水。吞下清心導痰丸五十粒而愈。由脾冷所致者。用白朮。青皮。炮薑。各五分。半夏。木香。丁香。各一錢。共研細末。米湯爲丸。如粟米大。一歲小兒服十九。大人每服三四錢。服完自愈。由脾熱所致者。用白朮。滑石。各五分。扁

豆茯苓石斛各三錢。黃連二分。葛根一分五厘。甘草一分。共爲末。燈心湯調下。小兒每服一錢。大人每服三四錢。

古今驗方選

通天愈風湯 醫學綱目方

桔梗 白朮 人參 南星 貝母 威靈仙 連翹
防風 荆芥穗 甘草 瓜蒌仁 荆瀝 薑汁
清心導痰丸 醫學綱目方

天南星 半夏 生薑汁 白附子 天花粉 黃連 鬱金
白僵蠶 天麻 羌活 川烏
右爲末。薑汁糊丸。梧子大。每服五十九。通天愈風湯送下。

二陳湯 局方見瘡疾門

宗景按。涎乃唾腺之分泌物。是故唾腺亦名涎腺。涎腺計有三對。曰耳下腺。曰顎下腺。曰舌下腺。其末端各有球囊如葡萄狀。耳下腺爲最大。在外耳之直下。別有管開口於上顎。

消化器病 口角流涎

白齒之近傍。以輸送唾液。顎下腺在下顎之內前部。舌下腺在口底黏膜之下。其輸送管皆開口於舌尖下部之兩側。此解剖學上論涎腺之大概也。本病之原因。約分三種。由於口內發炎。使唾腺神經起反射興奮。以致涎液分泌亢盛者。謂之反射性流涎症。驚恐則滿口生水。大笑則流涎數尺。思食令人垂涎。望梅可以解渴。凡此皆因唾液之分泌中樞神經興奮故也。若末梢神經受刺戟之結果。亦能流涎。例如因鼓室病。又稱中耳腔病而鼓室神經有障礙時是也。此外如小兒生齒時之流涎。乃屬於生理之現象。若成人時代而患病者。則頗不雅觀。亟須醫治。友人某君。與人談話。每至興趣橫生時。必流涎如注。賈誼新書有垂涎相告之文。若移之以贈某君。可謂形容畢肖矣。內經謂胃中有熱則蟲動。蟲動則胃緩。胃緩則廉泉穴名開。故涎下。推其意旨。蓋指腸有寄生蟲。往往有流涎一證。非謂凡流涎者。皆因腸有寄生蟲。與西說亦恰暗合。至于廉泉開故涎下兩句。即指舌下腺分泌旺盛而言也。

噎膈

釋名 金匱翼云。膈。隔也。飲食入咽。不得輒下。噎塞膈中。如有阻隔之者。故名曰膈噎。

原因 內經云。氣爲上膈者。食飲入而還出。蟲爲下膈者。食晬時乃出。

又云。三陽結。謂之膈。汪訥庵註云。三陽。小腸膀胱也。小腸熱結。則血脈燥。膀胱熱結則津液枯。故膈塞而不便。

又云。飲食不下。膈塞不通。邪在胃脘。

巢氏病源云。夫陰陽不利。則三焦隔絕。三焦隔絕。則津液不利。故令氣塞不調理也。是以成噎。此由憂恚所致。憂恚則氣結。氣結則不宜流使噎。噎者。塞不通也。

金匱翼云。噎膈之病。有虛有實。實者或痰或血。附着胃脘。與氣相搏。翳膜外裹。或復吐出。膈氣暫寬。旋復如初。虛者津枯不澤。氣少不充。胃脘乾癯。食澀不下。

李士材云。……大抵氣血虧損。復因憂思悲恚。則脾胃受傷。血液漸耗。鬱氣生痰。痰則塞而不通。氣則上而不下。如礙道路。飲食難進。噎塞所由成也。

沈氏尊生云。噎塞原於脾家氣血兩虛。而多半由血液枯乾。蓋人臟腑之津液流行。灌溉百脈。皆賴脾胃運行。稍不運行。卽津液壅滯。而陰血不榮。故患噎塞。推其原。或起憂鬱。至氣結

胸中而生痰。痰久成塊。膠於上焦。道路窄狹。飲可下。食難入。……此皆病之所由來也。
症狀 紅爐點雪云。……其隔在上。近咽之下。水飲可入。食物難入。間或可入。必屈曲而下。

名曰噎。其膈在下。平胃爲近。食雖可入。難盡入胃。良久復出。名曰膈。

脈法

張氏醫通云。脈緊而芤。緊則爲寒。芤則爲虛。虛寒相搏。脈爲陰結而遲。其人則噎。然

多有至死脈不變者。以胃痰飲濕熱膠固。脈常和軟。然細察之。必兼弦象也。

李士材云。脈大有力。嘔吐酸水。當作熱治。脈小體力。嘔吐清水。當作寒醫。

治法

紅爐點雪云。當噎初萌。未至于膈之時。可以潤血湯和膈潤燥。仍令常飲新溫牛乳

細呷。每頓盡一盃。或間飲甘蔗汁。及製燒梨子與食。藥中少加驢尿。防有或生蟲。切不可令病者見。其心胸痞悶。水物妨礙。而便進香竄熱毒。疾雖暫輕。殊不知血液被燥。愈使胃津竭。疾更深也。

薛立齋云。若脾胃氣虛而胸膈不利者。六君子加丁沉二香。壯脾土以生元氣。若用辛熱之劑。而嘔吐噎膈者。異功散加當歸川斛。益土以抑陰火。胃火內隔而飲食不入者。四君子加酒炒芩連。清火養胃。若脾胃虛寒。飲食不入。或食入反出者。六君子加木香炮薑。溫中補脾。如過服潤劑養血。有傷於中州者。治法亦無越此。若內有實積。指迷七氣湯。汚血在胃者。局方七氣湯加桃仁與乾漆同炒。去漆用之。若誤服耗氣之藥。血無所生。噎膈而大便燥結者。

四君子加當歸芍藥。補脾生血。若火逆衝上。食不得入者。四君子加山梔川連。清火養血。若痰飲阻滯而食不得入者。六君子加木香山梔。補脾化痰。

李士材云。血槁者。地黃麥冬煎膏。入藕汁人乳。童便蘆根汁。桃仁泥。和勻細細呷之。因火逆而噎。梨汁藕汁等分。熬膏蜜收。不時噙熱嚥之。有痰加竹瀝。因七氣致病。而中挾冷熱食積。胃氣不和而噎膈者。諸七氣湯選用。食物下咽。屈曲自膈而下。梗塞作微痛。此汚血在胃口也。用四物。加韭汁。薑汁。竹瀝。童便。驢尿。牛羊乳。蜂蜜煎膏潤利之。後以代抵當丸下之。若火盛作嘈痛者。忌薑汁。胃虛欲嘔吐者。忌韭汁。犯之必轉劇。有冷積滯者。用理中加川烏頭蜀椒。川連。巴豆。霜皂角末。蜜丸。涼水送下十五丸。暫服五七服。後以四君子。加黃耆。橘紅。砂仁。調理。如大便秘結。不時進開關利膈丸。二三十丸。以微導之。

六科準繩云。噎病喉中如有肉塊。食不下。用昆布二兩。洗去鹽水。小麥二合。水三大盞。煎候小麥爛熟。去滓。每服不拘時一小盞。仍揀取昆布不住含三兩片。嚥津極效。

死候 薛立齋云。年高無血。不治。噎而白沫大出。糞如羊矢。不治。胸腹嘈痛如刀割者。死期迫矣。

古今驗方選

潤血湯 紅爐點雪方

歸尾 川芎 麻仁 桃仁 紅花 赤芍 黃芩

生地 陳皮

如大便結實甚。加酒蒸大黃 元明粉少許

開關利膈丸 治腸胃壅滯。噎塞不通。大便燥結。

木香 枳榔 人參 當歸 藿香 甘草 枳實

大黃 厚朴

滴水為丸。梧子大。每服三五十丸。食後米飲下。

七氣湯 局方治七情鬱結於中。心腹絞痛。服寬膈破氣藥轉劇者。投此即效。

人參 甘草 肉桂 半夏 生薑

七氣湯 指迷方 治七情相干。陰陽不得升降。氣道壅滯。攻衝作痛。

青皮 陳皮 香附 桔梗 蓬朮 藿香 大棗

辣桂 甘草 益智仁 生薑 半夏

七氣湯 三因方 治七氣致病。嘔逆痞悶。腹脇脹痛。

人參 甘草 肉桂 半夏 生薑 蘇葉 厚朴

白芍 茯苓 橘皮 大棗

代抵當丸 證治準繩方 行瘀血

大黃 芒硝 桃仁 當歸尾 生地黃 穿山甲 桂

右爲極細末。煉蜜丸。如桐子大。畜血在上焦。丸如芥子大。臨臥去枕仰臥。以津咽之。令停留喉下。搜逐膈上。中焦食遠。下焦空心。俱桐子大。以百沸水煎湯下。

四君子湯 局方見霍亂門

異功散 局方見霍亂門

六君子湯 局方見疝腮門

竹皮散 良方 治噎聲不出。

竹皮 細辛 通草 人參 五味子 茯苓 麻黃

消化器病 噎膈

桂心 生薑 甘草

當歸養血湯 回春方 治老人痰結血枯成膈噎。

當歸 白芍 熟地黃 白茯苓 黃連 貝母 瓜蒌仁

枳實 陳皮 厚朴 香附子 川芎 蘇子 沉香

生薑 大棗

五膈丸 千金方 治飲食不得下。手足冷。上氣喘息。

麥門冬 甘草 蜀椒 遠志肉 桂心 細辛 乾薑

附子 人參

右為細末。煉白蜜丸。彈子大。先食含一丸。細細嚥之。喉中胸中當熱。藥丸稍盡。再含

一丸。日三夜二服。七日愈。

滋血潤腸湯 統旨方 治血枯及死血在膈。飲食不下。大便燥結。

當歸 芍藥 生地黃 紅花 桃仁 大黃 枳壳

昆布丸 良方 治五噎。咽喉妨塞。食飲不下。

昆布 麥門冬 天門冬 訶黎勒 木通 川大黃 川朴硝
 郁李仁 桂心 百合 羚羊角 杏仁 蘇子 射干
 柴胡 陳皮 榔

右爲細末。煉蜜和搗三百杵。丸如梧子大。每服三十九丸。不拘時熱酒送下。夜飯後用
 綿裹彈子大。一丸嚙化。

香砂寬中湯 統旨方 治氣滯。胸痞噎塞。或胃寒作痛。

木香 白朮 陳皮 香附 白豆蔻 縮砂仁 青皮

枳榔 半夏 茯苓 厚朴 甘草 生薑

補氣運脾湯 統旨方 治中氣不運。噎塞。

人參 白朮 橘紅 茯苓 炙黃耆 炙甘草 半夏

砂仁

七聖湯 彙補方 治噎膈。

半夏 黃連 白蔻 人參 茯苓 竹茹 薑

消化器病 噎膈

五膈丸 濟生方 治五膈。胸痞悶。脇肋脹痛。痰逆惡心。不進飲食。

枳壳 木香 青皮 大腹子 白朮 半夏 南星

丁香 乾薑 草菓 甘草 麥芽

瓜蒌實丸 正傳方 治噎膈。胸膈痞痛徹背。喘急妨悶。

瓜蒌實 枳壳 半夏 桔梗

右爲末。薑汁米糊和丸。梧子大。每五七十九丸。薑湯吞下。

參赭培氣湯 衷中參西錄方 治膈食。

潞黨參 天門冬 生赭石 清半夏 知母 淡菴蓉 當歸身

柿霜餅

神奇散 醫鑑方 治噎膈反胃。血虛有火。三陽枯竭。

當歸 生地黃 陳皮 縮砂 半夏 白芍 川芎

白茯苓 白朮 香附子 枳實 藿香 烏梅肉 赤茯苓

檳榔 木通 猪苓 黃芩 黃柏 知母 赤芍

天門冬 麥門冬 甘草

五噎丸 千金方 治胸中久寒。嘔逆妨食。結氣不消。

乾薑 蜀椒 吳茱萸 桂心 細辛 人參 白朮

橘皮 茯苓 附子

右爲細末。煉白蜜丸。梧子大。酒服十五丸。日三服。漸加至二十九。

四物湯局方見痘瘡門

理中湯傷寒論方見霍亂門

膈氣暫開關方 串雅

荔枝 一個 將蜒蚰一條。放在荔枝肉內。加冰片 三四厘 糝在蜒蚰上。即將荔枝肉裹好。

仍放在壳內紮緊。令病人口含在口內。有冷涎滲出。可徐徐嚥下。俟一時許。蜒蚰已化。無水滲出。令病人連壳吐出。只服一次。可以立進飲食。但不可令病人知之。恐其嫌穢不肯下嚥也。

單方

消化器病 噎膈

雞穀袋 治噎取袋不以多少不可失包內一物用泥固濟火煨存性每袋一個入薑炒香附末半兩神麴糊和九梧子大薑湯吞下空心(綱目)

杵頭糠 主噎食不下咽喉塞取細糠蜜丸彈子大含化嚥之○又細糠一兩白粥清調服(入門) 炊乾飯 治膈噎久不納穀取隔年炊乾飯以急流順水煮爛取汁時飲之待能食以藥調治(正傳)

馬剝兒 一名馬飽兒即王瓜也治噎膈反胃燒存性為末每一錢和棗肉平胃散二錢溫酒服食則可下然後隨證調理

宗景按。噎膈。據準繩之說。即今之食管瘵。攣狹窄。擴張或癌腫等症。初起時。食物嚥下。易致反流。西法雖用消息子。擴張其食管。灌入流動性之食物。或用滋養灌腸。是亦姑息之計。非根本上療法。故病者往往因營養缺乏。多至餓死也。我國古醫籍。雖無癌腫等名稱。然治膈類多行瘀之法。與西說恰亦暗合。夫治病辨別虛實。乃我國醫之特長。是以本病之由于食管枯燥。食澀不下。屬於虛者。當用大半夏湯。麥門冬湯之類。而衷中參西錄之參赭培氣湯。亦有奇效。若因瘀血結於食道。屬於實者。則代抵當丸。桃核承氣湯等。皆可採用。其有介於二者之間。虛實參半者。則莫如韭汁牛乳飲。此不過言其大略耳。其他因痰因氣而成者。當於上列諸方審擇之。要之本病初萌時。可以下即下之。若病勢造於峯極。則已焦頭爛額。難望救治矣。尤有言者。風勞臑膈。為病家四大症。風與臑症。倘醫治得

法。容有脫險希望。若勞隔兩症。則殊難幸免。蓋此等病情。非旦夕可死。亦非旦夕可愈。往往有延至一二載。服藥雖獲效驗。然一犯禁忌（例如飲食房事等）仍復重發。遂成不救。醫者固當富有學識。而病家亦當信任。若築室道謀。未有不速其死者。昔魏尚爲雲中守。漢文帝拊髀歎息。不得頗牧爲將。毋亦以其弗能信任也歟。

反胃

原因 巢氏病源云。榮衛俱虛。其血氣不足。停水積飲在胃脘。則藏冷。藏冷則脾不磨。磨則宿穀不化。其氣逆而成胃反也。

聖惠方論云。夫反胃者。爲食物嘔吐。胃不受食。言胃口翻也。則有因飲酒過傷所致。則有因憂悒快奮怒。腸結胃翻所致。則有宿滯癩癖。積聚冷痰。久不全除。致成茲疾。……

張氏醫通云。反胃係真火式微。胃寒脾弱。不能消穀。……雖曰脾胃虛寒。然致病之由。必有積滯於內。

症狀 巢氏病源云。……則朝食暮吐。暮食朝吐。心下牢大如杯。往往寒熱。甚者食已卽吐。張氏醫通云。……朝食暮吐。暮食朝吐。或一兩時而吐。或積至一日一夜。腹中脹悶不可忍。

而復吐。

脈法 張氏醫通云。胃反脈數無力爲血虛。脈緩無力爲氣虛。數而有力爲有熱。數而滑疾爲有痰。緊而滑者。寒飲上逆。小弱而濇。血虛胃反。寸緊尺濇。其人胸滿。不能食而吐。吐止者爲下之。故不能食。設言未止者。此爲胃反。故脈微濇。

經過 慢性

治法 金匱云。胃反嘔吐者。大半夏湯主之。

又云。食已卽吐者。大黃甘草湯主之。

又云。胃反。吐而渴欲飲水者。茯苓澤瀉湯主之。

張氏醫通云。若吐出原物。酸臭不化。此飲食入胃。旣抵胃之下脘。復返而出也。宜理中湯爲主。甚則加丁附川連。若脈數而邪熱不殺穀。乃火性上炎。多升少降。應與異功散加沈香川連歸芍生地。食物之後。冷涎不已。隨卽反出。或心腹覺疼。藿香安胃散。或六君子加丁香藿香。咽喉阻塞。胸膈滿悶。暫用香砂枳朴。以開其結滯。然破氣藥過多。中氣因而不運。異功散加香砂。使氣旺自能運化。氣滯痞塞實痛。平胃散加藿香砂仁。胃虛中氣不運而噎塞者。四

君子加黃耆橘紅砂仁。虛人反胃多渴。七味白朮散。反胃食入一日半日。吐共如故。乃胃氣虛弱而有痰。不能消化。隨氣逆上也。二陳加丁香藿香雞內金。虛加白朮炮薑。大便燥結。久閉不通。似屬血熱。不可頓攻。止可清熱潤燥。小製湯丸。漸次加之。關扃自透。開關利膈丸。然服通利之劑過多。血液耗竭。轉加閉結者。宜用人參固本丸料煎膏。時時服之。胃反上氣。食卽吐出。屬熱者。千金用蘆根茅根等分煎服。不應。加竹茹生薑。反胃倦怠無力垂死者。以人參一二兩濃煎。加薑汁頓服。屬寒者。加桂附少許。下焦虛寒。不能生土。食久反出。用附子一枚。切去尖上一片。鏤成一孔。入丁香四十九粒。仍將切下者掩上紮定。搗取生薑自然汁。煮熟焙乾爲末。每用一匙置舌上。徐徐以津唾送下。若煩渴則頻與糜粥。忌油膩生冷。此孫兆秘傳累效。虛甚者。加人參一兩駕馭之。鬱悒失意人。或孤寡。初起自當舒鬱。逍遙散。久之必兼補養。歸脾湯。命門火衰。不能生土。食久反出。其脈沉遲。八味丸加丁沈。間進黑錫丹。精衰不能蒸騰於上。咽喉閉塞。水穀艱進。強食卽吐者。六味丸加肉桂五味。不應。加沈香砂仁。有陽虛不能統運。嘔逆便秘。用人參大黃附子。攻之卽通。然真氣竭者。終不可救。瘀血在膈。阻滯氣道而成者。代抵當丸作芥子大。服二錢。去枕仰臥。細細嚥之。但飲熱湯及椒薑。輒呃者。

即瘀血也。反胃而胸中嘈雜不寧。或作或止。其人懊懣。面上有白點者。作蟲積治之。

六科準繩云。治反胃用新汲水一大碗。留半碗。將半碗水內細細澆香油。鋪滿水面上。然後將益元散一貼。輕輕鋪滿香油面上。須臾自然沉水底。此即陰陽升降之道也。用匙攪勻服。却將所留水半碗盪藥碗漱口。令淨吐既止。却進末子涼膈散。通其大小便。未效。再進一貼。益元及涼膈即效也。此方極驗。

死候 張氏醫通云。凡反胃而致大吐白沫如雞子清者。是肺胃俱虛。矢如羊糞。則大腸血槁。即大補氣血。終亦必亡而已。

禁忌 張氏醫通云。反胃初愈。切不可與粥飲。每日與獨參湯。少加炒陳米。不時煎服。旬日後方可小試稀糜。往往即食飯者。多致復病而危。

古今驗方選

大半夏湯 金匱方 治胃反嘔吐者。

半夏 人參 白蜜

大黃甘草湯 金匱方 治食已即吐者。

大黃 甘草

茯苓澤瀉湯 金匱方 治胃反吐而渴欲飲水者。

茯苓 澤瀉 甘草 桂枝 白朮 生薑

藿香安胃散 治脾胃虛弱。飲食不進。嘔吐不腐。

藿香 橘紅 丁香 人參 生薑

開關利膈丸 衛生寶鑑方 治腸胃壅滯。噎膈不通。大便燥結。

木香 枳榔 人參 當歸 藿香 甘草 枳實

大黃 厚朴

滴水為丸。梧子大。每服三五丸。食後米飲下。

固本丸 張氏醫通方 治老人津血俱虧。欬逆便秘。

天門冬 麥門冬 人參 生地黃 熟地黃

蜜丸。酒下四錢。熬膏尤宜。食少便滑禁用。

歸脾湯 濟生方

消化器病 反胃

黃耆 人參 甘草 白朮 茯苓 酸棗仁 遠志肉

當歸 桂圓肉 木香 生薑 紅棗

二陳湯 局方見瘧疾門

平胃散 局方見瘧疾門

崔氏八味丸 治腎藏真陽不足。火不歸源。

熟地黃 山萸肉 乾山藥 牡丹皮 白茯苓 白澤瀉 附子

肉桂

右八味爲末。煉白蜜丸。梧子大。每服五七十丸。空心淡鹽湯臨臥時温酒下。以美饌壓之。

六味丸 錢乙方 治腎水真陰不足。

八味丸去桂附。

理中湯 傷寒論方見霍亂門

四君子湯 局方見霍亂門 治胃氣虛弱。飲食不思。倦怠少食。

六君子湯 局方見疝臈門 治胃虛少食。痰嗽嘔泄。

異功散 局方見霍亂門

七味白朮散 六科準繩方 治胃虛。津氣不行而渴。

白朮 茯苓 人參 甘草 木香 藿香 葛根

黑錫丹 局方 升降陰陽。墜痰定喘。治真元虧憊。上盛下虛。心火炎盛。腎水枯竭。三焦不利。嘔

吐冷痰。

沉香 附子 胡蘆巴 陽起石 補骨脂 舶上茴香 肉豆蔻

金鈴子 木香 肉桂 黑錫 硫黃

右用黑錫入鐵銚內鎔化。入硫黃如常法製成砂子。地上出火毒。研令極細。餘藥並

細末和勻。自朝至暮。研至黑光色為度。酒麪糊丸。如梧子大。陰乾。藏鉛罐內。每服四

五十丸。空心鹽湯或棗湯薑湯任下。婦人艾湯下。急證可投百丸。

逍遙散 局方 治肝氣抑鬱之症。

柴胡 白朮 茯苓 甘草 當歸 白芍 陳皮

薄荷葉 煨薑

代抵當丸 證治準繩方 行瘀血

大黃 芒硝 桃仁 當歸尾 桂 生地黃 穿山甲

右爲極細末。煉蜜丸。如桐子大。畜血在上焦。丸如芥子大。臨臥去枕仰臥。以津咽之。令停留喉下。搜逐膈上。中焦食遠。下的空心。俱桐子大。以百沸水煎湯下之。

益元散 河間方

滑石 甘草 辰砂

涼膈散 和劑局方見濕溫門

麥門冬散 聖惠方 治反胃嘔吐食煩熱。

麥門冬 半夏 人參 陳皮 茯苓 甘草 枇杷葉

薑 棗

翻胃湯 葉氏方 治胃反嘔吐。胸膈不利。食即經宿。吐出酸臭。

茯苓 厚朴 陳皮 白朮 人參 吳茱萸

安中調氣丸醫鑑方治反胃及痰氣。

白朮 香附子 陳皮 半夏 白茯苓 枳實 神麩

黃連 白芍 蘇子 蘿蔔子 川芎 當歸 白豆蔻

甘草 木香

右爲末。以竹瀝薑汁打神麩爲糊和丸。菉豆大。白湯下一百丸。

安胃湯 回春方 治反胃。

白朮 白茯苓 山藥 當歸 陳皮 半夏 藿香

黃連 蓮肉 人參 縮砂 甘草 生薑 大棗

烏梅

韭汁牛乳飲丹溪心法方治反胃。

韭菜汁 牛乳

右用生薑汁半兩。和勻溫服效。

五汁安中飲張任候方治反胃。

韭汁 薑汁 梨汁 藕汁 牛乳

單方

黃丹 治反胃黃丹一兩白礬二兩同入罐內火煨放冷爲末蒸餅和丸梧子大溫酒下五丸至七丸(綱目)

滑石 治反胃積飲滑石末生薑自然汁澄清白脚和丸時時服之(丹心)○暴吐逆滑石末溫水服二錢炒(本草)

人參 治反胃垂死者人參米三錢薑汁五合粟米一合煮粥空心食之(入門)又人參剉二兩水煎服日再(本草)

鯽魚 治反胃取大鯽魚去腸留膽入綠礬滿腹以大炙焦爲末每一錢米飲下日三(綱目)○諸魚灰並主哽噎(本草)

蚌蛤粉 治反胃吐食取爛粉米飲下一二錢○蜆爛殼馬刀爛殼田螺爛殼並主反胃燒灰和飲服(本草)

橘皮 治反胃嘔吐橘皮用日照西方壁土皮同炒香取皮爲末每一錢淡薑湯煎服(直指)

罌子粟 治反胃食不下和竹瀝煮作粥食之大佳(本草)

蝟 主反胃吐逆取肉淹五味炙食皮燒灰和酒服亦可煮汁飲(本草)

蓴 和鯽魚作羹食之主反胃食不下止嘔(本草)

驢尿 主反胃吐不止朝夕垂絕取熱尿服二合再服便定七日永差稍有不可多服(本草)

老牛口中涎 主反胃噎膈取少許和水服之終身不膈噎○
口中齡(丑之切)草絞取汁服止噎(本草)

牛乳 治反胃噎膈要藥韭汁二盞牛乳一盞竹瀝半盞薑便一盞生薑半兩取汁右和勻服(醫鑿)○一人病反胃大便燥此精血耗竭也先以甘蔗汁煮六君子湯(方見痰門)加附子大黃服飲且令飲牛乳勿食諸物半月

大便潤而愈(丹心)

田螺 治反胃大田螺多取新水養之待吐出泥澄去清水以灰鋪篩上用皮紙覆灰上傾此泥於紙上待半乾作丸梧子大每三十九蒼香湯吞下立愈名曰螺泥丸其螺放於水中殺食無效(綱目)

赤石脂 治痰飲吐水成反胃石脂水飛每一錢空心以水酒任下加至二三錢無則以好赤土代之(本草) **獼猴桃** 治熱壅反胃取汁和薑汁服之○藤汁至滑

猫胎衣 治反胃取猫生子胎衣陰乾燒爲末酒調服甚效猫生子急取之稍遲則猫食之矣(種杏)

蝎虎 治噎食反胃取活蝎虎一個入燒酒內浸七日火上温之去蝎虎飲酒即愈○又雄鷄餓一日却取蝎虎切爛與鷄吃取其糞焙乾爲末每一錢燒酒調下(回春)

狗膽 治反胃吐黃沫辰砂一兩大黃二兩爲末狗膽浸二日乾再爲末麵糊和丸梧子大空心鹽湯下三十九(種杏)

螃蛤 治反胃噎膈取螃蛤洗淨入水中高四指以香油小酒鍾入水中二指捻白麵撒水上涎即出次日去蛤留水晒乾涎爲末每服五分淡燒酒下即效(醫鑑)

狗寶

治胃中寒痰不能納食者爲末每服五七分至一錢陳酒服之（張氏醫通）

虎肚

治噎膈反胃酥炙爲末每服二錢獨參湯送下（張氏醫通）

鵝血

治反胃之症瘀血停於胃口者此物性涼利五臟之血能涌吐胃中瘀結開血結吐逆此以血引血同氣相求之義也（醫鈔類編）

宗景按。反胃。金匱稱爲胃反。蓋狀其遇食卽吐。有如翻轉耳。平人食物入口。咀嚼後。成爲漿丸。吞入食道。輸進賁門。而達胃中。經胃之化學及機械之消化。變成食糜。然後通過幽門。送入十二指腸。樞機暢達。井井有條。若賁門部發生痙攣狹窄或癌腫等症。則漿丸難進胃口。勢必吐出。是以古人有食已卽吐之說。推之若幽門部發生此等症。則消化障礙。半固體之食物。停在胃中。亦不得通過。是以古人有朝食暮吐之說。根據食物入口與吐出。時間上距離之久暫。而測其病變之所在。其理猶可曉。至謂食已卽吐是胃熱。朝食暮吐是胃寒。則必不可信矣。陸師淵雷謂食久而吐。吐出之食物。仍不消化者。斯爲胃寒。然徵之經驗。胃熱亦有完穀不化者。要之須參合脈證。始無疑義。本病患者。苦不得食。惟代以牛乳等流動性之物。以增加營養。方其劇時。雖糜粥性之食餌。亦須禁忌。是以營養方面。頗感不足。體力日益衰弱。如癌在賁門。馴至餓死。或因食物反流。起嚔下性肺炎。每發

昏睡。或發一種中毒狀態而死。初起之時。乘其體力未衰。若用桃核承氣。或代抵當丸。下其胃口之結瘀。（古人謂反胃之症。每有瘀血結於胃口。此乃由病之形能上推測而得。其實即西醫所謂胃癌之類也。）當必有效。及病久虛羸。則體不任攻。雖有良方。亦無法挽救矣。大半夏之方意。乃降逆之中。含有滋補之意。治本病之由於腸胃虛弱津液枯燥而兼有痰者。恰甚合宜。若以之治胃癌。則風馬牛不相及也。

傷食

原因 內經云。飲食自倍。腸胃乃傷。

巢氏病源云。宿食不消。由藏氣虛弱。寒氣在於脾胃之間。故使穀不化也。宿穀未消。新穀又入。脾氣既弱。故不能磨之。則經宿而不消也。

萬病回春云。傷食因多滄飲食。不能運化。……

症狀 戴元禮云。傷食之證。胸膈痞塞。吐逆嘔酸。噫敗卵臭。畏食。頭痛發熱惡寒。病似傷寒。但身不痛耳。

萬病回春云。傷食……停於胸腹。飽悶。惡食不食。噯氣作酸。下泄臭屁。或腹痛吐瀉。重則發熱頭痛。

脈法 東垣云。右手寸口脈大於人迎一倍。爲內傷飲食。

金匱云。脈緊如轉索無常者。有宿食也。

萬病回春云。左手關脈平和。右手關脈緊盛。此傷食也。

治法 羅太無云。大抵內傷之理。傷之微者。但減食一二日。所傷之物。自得消化。此良法也。若傷之稍重者。以藥內消之。傷之太重者。以藥除下之。

金匱翼云。傷食者……當分上中下三焦而治。在上吐之。在中消之。在下奪之。

張氏醫通云。傷食之證。胸膈痞悶。吐逆噯酸。噫敗卵臭。畏食頭疼。發熱惡寒。病似傷寒。但氣口脈大於人迎。身不痛耳。宜豁痰運脾。二陳加枳朮藪山查香附之類。挾氣脈沈。加木香青皮。停食感冒。芎蘇散加消導一二味。食滯中宮。胸膈痞悶。噯氣發熱頭痛。有類外感。藿香正氣散。若七八日不大便。口乾煩躁。臍上硬痛。枳實導滯丸。因憂氣食溼麩結於中脘。發熱腹皮底微痛。心下痞滿。不思飲食。食之不化。常常痞氣。木香化滯湯。食積痞滿。消瘦發熱。保和丸。虛加白朮二兩。名大安丸。調理之。食滯心下。初起不可驟用苦寒。必兼辛散。二陳平胃消導之。及枳實白朮青皮陳皮山查麩藪之類。以食得寒則凝。得熱則腐也。日久成積發熱。

者。加薑汁炒川連連翹之屬清利之。若已成糟粕。日久生熱。燥結不行。方可用承氣輩攻下之。如冷物停滯作吐。二陳加炮薑白豆蔻蒼朮厚朴神麴藿香之類。甚則廣茂巴豆之屬。若冷食停蓄。心腹暴痛作脹。當用紅丸子備急丸溫下之。痰飲結聚。穀不得入。冷痰宿食在上脘者。用白散湧吐之。痰食已消。中焦未和。不思飲食。或吐或瀉。倦怠面黃。按之心下輒。脾胃受傷也。六君子加木香砂仁。燥渴。用七味白朮散。老人虛人。易於傷食。或膨脹痞悶。或腹滿作瀉。當消補兼施。宜九味資生丸。常常服之。若口淡思食。而見食不甘。食過則厭。兼惡心胸膈不快。胃虛挾痰飲也。六君子加枳實香砂。若不思飲食。食不化。食後反飽。脾虛不能健運也。枳實理中丸。病後飲食不調。中脘隱隱作痛。有時得食則已。有時得食轉加。此胃中火燎作痛。得食以壓其勢。故痛少安。若飲食稍過。氣不能運轉其食。故痛轉加。連理湯加沉香。金匱云。宿食在上脘。當吐之。宜瓜蒂散。

又云。下利不欲食。有宿食也。當下之。宜大承湯。

又云。脈數而滑者。實也。此有宿食。下之愈。宜大承氣湯。

沈氏尊生云。傷食之證。必胸膈痞塞。噫氣如敗卵。總治宜保和丸平胃散胃苓湯爲主。且傷

食者。必惡心吞酸。宜加橘皮半夏山梔黃連。傷食者。必多吐瀉。宜焦朮神麩陳皮薑棗。傷食者。必惡飲食。宜陳皮山藥扁豆蓮子茯苓白芍山查砂仁穀芽麥芽草果草薏仁。傷食者。必不能消化。宜以穀芽麥芽肉豆蔻爲主。傷食者。必頭疼發熱。宜石斛柴胡白朮炙甘草麥芽陳皮白芍。凡此皆其證之所兼及者也。至於所傷之物。既種種不同。宜各用主治之藥。詳載於後。所傷之候。又有乍傷宿食之各異。乍傷宜平胃散。宿食宜大安丸。所傷之因。又有兼寒。宜理中湯加丁香薏仁。兼痰。宜二陳湯加白朮神麩。兼氣。宜調氣平胃散之各殊。皆當審所傷之輕重。元氣之虛弱。臟腑之強弱。時候之寒煖。或當消導。或當補益。或當以消導爲主。而兼補益。或當以補益爲主。而兼消導。且於消導補益之中。或當兼疎散。或當兼滲洩。或當兼下利。各隨宜以治之。慎勿專任攻伐。致戕天和。有太過之弊。斯稱王道。

戴元禮云。食過多而傷。停留中脘。聞食氣則嘔。二陳湯加砂仁。未愈。更加丁香。或治中湯加砂仁。丁香。大嘔不止者。大便去之。枳實半夏湯。加砂仁白薏仁。嚙感應丸。初因食一物。過傷得病。後再食之。舊病復作。一味紅丸子常服。傷食腹痛脹滿。大便不通。遂成食積。小七香丸一貼。用水一盞。薑三片。煎八分。去薑。吞感應丸。

古今驗方選

保和丸 丹溪方 治食積酒積。

山查肉 半夏 橘紅 神麩 麥芽 白茯苓 連翹

萊菔子 黃連

右爲末。滴水爲丸。加白朮。名大安丸。

紅丸子 局方 壯脾食。消宿食。去膨脹。

京三稜 蓬莪朮 青皮 陳皮 乾薑 胡椒

右爲末。用醋麵糊丸。如梧桐子大。紅礬爲衣。每服三十丸。食後薑湯送下。小兒臨臥

時加減與服。

枳實導滯丸 東垣方 治傷濕熱之物。不得旋化。而作痞滿悶亂不安。

枳實 黃芩 茯苓 白朮 黃連 澤瀉 神麩

大黃

右爲末。湯浸蒸餅爲丸。食遠。白湯下五十丸。

木香化滯湯證治準繩方治氣痞結。腹微痛。不思飲食。

半夏 甘草 草豆蔻 柴胡 木香 橘皮 枳實

當歸尾 紅花 生薑

檳榔丸證治準繩方消宿食。破滯氣。

檳榔 木香 人參 陳皮 甘草

右爲末。蒸餅丸。每服二三十丸。食前白湯下。

半夏枳朮丸證治準繩方治因冷食內傷。

半夏 枳實 白朮

右爲末。荷葉燒飯爲丸。桐子大。每服五十丸。白湯下。

七味白朮散錢乙方治胃虛津氣不行而渴。

白朮 人參 白茯苓 木香 藿香 甘草 乾葛

六君子湯局方治胃虛少食。痰嗽嘔泄。

平胃散局方治胃宿食不化。藜蘆人宜之。

九味資生丸張氏醫通方治老人食難克運。

人參 白朮 茯苓 甘草 橘紅 黃連 山查肉

神麴 白豆蔻

研為細末。煉蜜和丸。熟湯送下。

藿香正氣散局方 治水土不服。感冒時氣夾食。
見泄瀉門

芎蘇散證治準繩方 治感冒偏於血分。及妊娠傷寒。

紫蘇 川芎 半夏 茯苓 橘皮 葛根 柴胡

枳殼 桔梗 甘草 生薑 大棗

二陳湯局方 治脾胃痰濕。
見瘧疾門

枳實理中湯即傷寒論枳實理中丸 治胃虛挾食。及結胸本虛。不能受攻者。

乾薑 人參 白朮 甘草 枳實 茯苓

連理湯張氏醫通方 治胃虛挾食。痞滿發熱。

人參 白朮 乾薑 甘草 黃連 茯苓

消化器病 傷食

備急丸 金匱方 治心腹卒痛如錐刺。宿食冷積脹滿。

大黃 乾薑 巴豆

右藥各須精新。先搗乾薑大黃爲末。研巴豆肉中。合治一千杵。用爲散。蜜和丸亦佳。密器中貯之。莫令洩。

白散 傷寒論方 治寒實結胸。

桔梗 貝母 巴豆

右三味爲散。更於白中杵之。以白飲和服。強人半錢匕。羸人減之。病在膈上必吐。在膈下必利。不利。進熱粥一杯。利過不止。進冷粥一杯。

枳實半夏湯 局方 和胃。

枳實 半夏 麥芽 生薑

小七氣丸 局方 溫中快膈。化積和氣。治中酒嘔逆。氣膈食噎。茶酒食積。小兒疳氣。

甘草 益智仁 香附子 丁香皮 甘草 蓬朮 縮砂

右爲末。蒸餅爲丸。菉豆大。每服二十九。溫酒薑湯熟水任下。

理中湯 傷寒論方
見門霍亂

瓜蒂散 傷寒論方治宿食在上脘用此吐之

瓜 蒂 赤小豆

右爲細末。以豉七合。煮汁和散。一匕服。一法溫漿水調服一錢匕。取吐爲度。

感應丸 局方治中氣虛冷不能運化飲食積滯胸脇滿痛臍腹絞痛霍亂吐瀉大便頻數久痢赤白米穀不化中酒嘔吐痰逆惡心喜睡頭旋四肢倦怠不思飲食

南木香 肉豆蔻 丁香 乾薑 巴豆 杏仁 百草霜

右前四味爲末。外入百草霜研。七味同和勻。用黃蠟六兩溶化成汁。以重絹濾去滓。更以酒一升於銀石器內。煮蠟數沸。傾出候酒冷。其蠟自浮於上。取蠟。春夏修合。用清油一兩。銚內熬令香熟。次下酒。煮蠟四兩。同化成汁。就銚乘熱。拌和前項藥末。秋冬修合。用清油一兩五錢。同煎。和前藥末。分作小錠。油紙裏放。旋丸如梧桐子大。每服三十丸。空腹時。薑湯送下。

大承氣湯 傷寒論方

消化器病 傷食

大黃 芒消 枳實 厚朴

治中湯證治準繩方治霍亂吐瀉。食滯泄瀉。

乾薑 人參 甘草 白朮 橘紅 青皮

調氣平胃散證治準繩方治傷食兼氣。

木香 檀香 藿香 砂仁 薤仁 烏藥 厚朴

蒼朮 陳皮 甘草 生薑

胃苓湯證治準繩方治脾胃受濕。飲食停積。霍亂嘔吐。浮腫泄瀉。四肢痛痛。小便短少。溼瘡水

蠱。

蒼朮 厚朴 陳皮 白朮 茯苓 澤瀉 豬苓

甘草 肉桂

單方

茶消宿食溫暖飲之雀舌茶亦可(俗方)

厚朴 消化水穀取逆水蘆根并厚朴煎服即效。雷公云益食加觴須煎蘆朴者也(本草)

山查子 治食積能消。反蒸熟取肉晒乾煎服。或取肉爲末神麴糊和丸服。名曰寬中丸。(本草)又治食肉多成積。山查肉一兩水煮先飲湯後吃查肉。(種杏)

模棗 消食解酒毒。止吞酸去酒痰。黃水可進。酒去痰常嚼下。妙木瓜同。(本草)

青皮 治酒食飽滿。青皮四兩鹽一兩和水拌炒爲末。取一錢半入茶末半錢和勻沸湯點服。(本草)

烏梅 治食麵不消。膨脹取肉作丸。白湯下三十九。(類聚)

桑枝茶 消食下氣。以銅刀細剉。砂器炒黃色水煎服。(本草)

蟹 治胃氣消食。取中黃和五味生食。(本草)

大麥蘖 即麥芽也。氣虛人宜服。可以代戊己。腐熟水穀末服煎服皆可。(本草)

蘿蔔 消食制麵毒。又解大小二麥毒。生嚼嚙之佳。昔有西僧來見食麵者曰大熱何以食此。又見食蘿蔔者曰賴有此耳。自此食麵必啖蘿蔔。(本草)

以下錄驗方新編飲食積滯門

雞蛋積滯 飲好醋卽消。或飲豆豉水亦消。

食整煮雞蛋積滯 腹中若有雞子鳴者。多食大蒜。卽可吐出。

食鹽蛋積滯 肉豆蔻一個。煨去油煎服。連服數個。自消。

食瓜果腹脹作痛 肉桂研末。飯和爲丸。菘豆大。每服五分。開水下。

食西瓜並諸瓜過傷 瓜皮煎湯解之。諸瓜皆同。

食菱角腹脹 荔枝殼煎水服。即消。

食豆不消 生蘿蔔汁飲之。即消。

食麵不消 生薑汁沖好酒熱服。自化。○又方 生蘿蔔取汁。炖熱服神效。凡食用醋。斷不作脹。

糯米積滯 神麩炒爲末。加木香末。鹽開水下。數日口中聞酒香。其積即散。

飯食凝滯腹痛 飯搓成團。加鹽少許。燒枯。煎水飲之。即消。

宗景按。傷食即急性胃腸炎。古謂之宿食。金匱巢源諸書可徵也。平人食物入口。經咀嚼後。變成粉末狀之小片。同時與唾液及黏液混合而成漿丸。由咽吞入食道。若值胃中空虛。賁門（胃之上口）之縮口開時。即可達胃。否則須經食道平滑肌部之蠕動波。展開賁門之括約肌。然後輸入胃中。胃之收縮亦有蠕動波。消化愈久。則蠕動波愈強。胃中食物漸被壓至幽門部。（胃之下口）幽門部肌肉收縮。能研磨食物。有機械消化之作用。故時間亦略爲延長。此種運動。可以使食物漸與胃液混和。而成酸性之養糜。一方藉食糜之酸質。刺激幽門之括約肌。一方藉幽門部收縮之壓力。使括約肌寬息。食糜得入十

二指腸。(小腸之首段)小腸亦自能擺動。使食物與各種消化液(胰液腸液胆汁)混合而成乳糜。吸收其精華。所餘之渣滓。以及不能消化之物。大都貯在橫結腸。被大腸之蠕動。驅至直腸。俟相當時期。肛門之括約肌寬息。糞即由此而出。自食物入口。迄於成糞。其間約須二十四至三十六小時。此生理上食物消化之大略情形也。若有時飲食不節。胃粘膜受刺激。或胃機能衰弱。機械消化之作用減退。或胃液之鹽酸缺乏。不能起化學之消化。皆足以病傷食。宿食在胃。醱酵腐敗。產生毒素。自家中毒。於是有頭痛胸悶等證。瓦斯氣上昇。則噫氣如敗卵。不消化之蛋白質。在大腸中醱酵。則矢氣奇臭。其有大便泄瀉者。因攝取脂肪過多。不及消化。或小腸之吸收機能減退也。嘔吐頻頻者。因胃起救濟作用。欲驅逐食物。從口而出也。每見醫者。一聞傷食。便專事消積。查麩麥芽。惟恐不多。彼因食過量者。固偶可獲效。然施諸胃機能衰弱之症。吾恐其愈消愈弱。食仍不化矣。若試於參朮補藥隊中。稍加以消食之品。則立可見功。前有某甲醫見乙醫之方。人參與麥芽並用。而疑消補兼施。效等於零。古書所無。來問於愚。愚曰。此乃古方健脾丸之遺意。君殆忘之歟。某甲恍然大悟。章太炎先生謂學習中醫。宜多識湯方。確有見地也。又憶愚幼

時曾目擊鄰居童子。年約八九齡。端午日。恣食熟鷄子十餘枚。永邑風俗。端午日。例食鷄子。胸脘痞悶。目瞪口呆。上不得吐。下不得瀉。一醫投以至寶丹。次日卽斃。今思此症。初起當用瓜蒂散。或鹽湯探吐。其後胸腹脹滿。閉塞不通之時。如投以走馬湯。備急丸之屬。瀉其宿食。或可治愈。此亦傷食致斃之一案也。一人食牛肉過飽。而腹脹氣痞。予囑用乾稻草煎湯。服之始解。其方蓋出自驗方新編。飲食積滯門。惟方意尙未得理解。他日研究有得。當再公諸世。要之飲食有節。乃養生之道。年老之人。尤不可不慎。孔子云。君子食無求飽。斯言弗可改也已。

嘔吐

釋名 日人山田氏云。嘔吐二字。因自然使然之分而判。自然者謂之嘔。使然者謂之吐。此古之義也。所謂吐者。有爲而自口內唾棄之之名。如詩大雅柔則茹之。剛則吐之。左傳僖公五年。明德以薦馨香。神其吐之乎。禮記玉藻。父命呼。唯而不諾。食在口則吐之。史記魯世家。周公一飯三吐哺類。可見也。所謂嘔者。有物從腹內翻出之名。如左傳哀公二年。簡子伏弋。嘔血。鼓音不衰。漢書嚴助傳。夏月暑時。歐泄霍亂之疾類。可見也。說文曰。歐或作嘔。廣韻曰。嘔與歐同。故嘔之

與吐。猶下之與自下之異。嘔而病證。而吐則非病證也。後世醫家。不學無術。妄謂物出無聲。謂之吐。聲物並出謂之嘔。金鑑雖然。業既有物而翻出。豈有不爲聲者乎。或謂嘔者有聲無物。吐者吐出食物也。張介賓景岳全書果如此說。則嘔與乾嘔。奚以辨之。要之。皆不熟讀古書之故已。古義若斯。然至於仲景氏論中。則既概而混用焉。如腹滿而吐。嘔吐而不利。是也。由此觀之。嘔吐之字。失古義也久矣。雖然。唯謂汗吐下。而不謂汗嘔下。古義猶存耳。

原因 內經云。諸嘔吐逆衝上。皆屬於火。

巢氏病源云。嘔吐者。皆由脾胃虛弱。受於風邪所爲也。若風邪在胃則嘔。鬲間有停飲。胃內有久寒。則嘔而吐。

直指方云。嘔吐出于胃氣之不利。人所共知也。然有胃寒。有胃熱。有痰水。有宿食。有膿血。有氣攻。又有所謂風邪干胃。凡是數者。可不究其所自來哉。

症狀 巢氏病源云。嘔吐者……其狀長大息。心裏澹澹然。或煩滿而大便難。或溇泄。並其候。

直指方云。寒而嘔吐。則喜熱惡寒。四肢淒清。……熱而嘔吐。則喜冷惡熱。煩躁中乾。……痰

水症者。吐沫怔忡。先渴後嘔。……宿食症者。胸腹脹滿。醋悶吞酸。……腥氣燥氣。薰炙惡心。此膿血之聚。……七情內鬱。關格不平。此氣攻之症。經所謂諸鬱干胃則嘔吐是也。

六科準繩云。氣攻嘔吐。胸滿膈脹。關格不通。不食常飽。食則常氣逆而吐。

脈法 金匱云。問曰。病人脈數。數爲熱。當消穀引食。而反吐者何也。師曰。以發其汗。令陽微。膈氣虛。脈乃數。數爲客熱。不能消穀。胃中虛冷故也。

脈經云。寸口脈數。其人卽吐。寸口脈細而數。數則爲熱。細則爲寒。數爲嘔吐。

又云。陽脈緊。陰脈數。其人食已而吐。

又云。寸緊尺濇。其人胸滿不能食而吐。

又云。脈緊而濇。其病難治。

回春云。嘔吐無他。寸緊滑數。微數血虛。單浮胃薄。芤則有瘀。最忌濇弱。

診斷 金匱云。先嘔卻渴者。此爲欲解。先渴却嘔者。爲水停心下。此屬飲家。嘔家本渴。今反不渴者。以心下有支飲故也。此屬飲家。

治法 金匱云。嘔而胸滿者。茱萸湯主之。

又云。嘔而腸鳴。心下痞者。半夏瀉心湯主之。

又云。諸嘔吐。穀不得下者。小半夏湯主之。

又云。嘔吐而病在膈上。後思水者解。急與之。思水者。猪苓散主之。

又云。嘔而發熱者。小柴胡湯主之。

又云。嘔而脈弱。小便復利。身有微熱。見厥者。難治。四逆湯主之。

傷寒論云。傷寒胸中有熱。胃中有邪氣。腹中痛。欲嘔吐者。黃連湯主之。

張氏醫通云。治嘔吐。以二陳湯爲主。如氣滯者。加白豆蔻砂仁。熱吐加黃連。冷涎吐。加丁香。氣升嘔。加沉香。氣不和。加木香。入薑汁少許。

又云。逆氣心中煩悶。氣滿嘔吐。千金半夏湯。卽金匱小半夏湯加桂心。少氣加甘草。夫半夏生薑之辛。但治上焦氣壅表實。若胃虛者。惟宜益胃。推揚穀氣而已。忌用辛瀉。故服小半夏湯不愈。服大半夏湯立愈。

又云。久寒胸膈逆滿不能食。吳茱萸湯加桂心。半夏甘草小麥酒煎服。

又云。寒吐者。喜熱惡寒。肢冷脈細而滑。用理中湯加枳實。或二陳加丁香炮薑。並須微溫與。

服。熱吐者。喜冷惡熱。煩渴小便赤澹。脈洪而數。二陳加梔連竹茹。枇杷葉葛根。薑汁蘆根汁。怒中飲食嘔吐。胸滿膈脹。關格不通。二陳加青皮木香。未效。丁沉香。砂仁厚朴神麴。更不效。有瘀血也。當從畜血例治。中脘素有痰積。遇寒即發。俗名冷涎泛。宜丁沉豆蔻。砂仁乾薑。陳皮半夏。生薑白芥子。嘔痰而致厥者。乃寒痰逆悶。謂之痰厥。薑附湯加朮半細辛。痰滿胸喉。粥藥到口即吐。先用生薑湯下黑錫丹。以鎮墜之。候藥可進。則以二陳加枳朮砂仁。厚朴薑汁。虛加人參。有一等肝火逆證。亦嘔而不食。但所嘔者。或酸水。或苦水。或青藍水。惟大小便不秘。亦能作心痛。此是火鬱木鬱之候。木鬱達之。火鬱發之。須用黃連濃煎細細呷之。再服逍遙散。脾胃本虛。機關不利。不能運化。而水到咽管。輒便嘔出者。六君子加砂仁炮薑。使中央之樞軸轉。機關利。自不嘔矣。

六科準繩云。陰虛邪氣逆上。窒塞嘔噦。不足之病。此地道不通也。當用生地黃當歸桃仁紅花之類。和血涼血潤血。兼用甘草以補其氣。微加大黃芒消以通其閉。大便利。邪氣去。則氣逆嘔吐自愈矣。

醫鑑云。嘔家聖藥是生薑。千金之說信矣。然氣逆作嘔。生薑散之。痰水作嘔。半夏逐之。生薑

於寒證最佳。若遇熱證。不可無烏梅也。

死候 入門云。凡嘔吐大痛。吐出之物。如青菜汁者死。

禁忌 嘔家有癰膿。不可治嘔。膿盡自愈。

古今驗方選

茱萸湯 金匱方 治嘔而胸滿。

吳茱萸 人參 生薑 大棗

半夏瀉心湯 金匱方 治嘔而腸鳴。心下痞。

半夏 黃芩 乾薑 人參 黃連 大棗 甘草

猪苓散 金匱方 治嘔吐而病在膈上。後思水者。

猪苓 茯苓 白朮

四逆湯 金匱方見霍亂門 治嘔而脈弱。小便復利。身有微熱。見厥者。

小柴胡湯 金匱方見溼溫門 治嘔而發熱。

竹茹湯 本事方 治胃熱嘔吐。

消化器病 嘔吐

乾葛 炙甘草 半夏 竹茹

丁香温中湯 易簡方 治嘔逆惡心

丁香 橘紅 半夏 生薑 甘草 人參 白朮

乾薑

代赭石散 集驗良方 治一切嘔吐不止。

旋覆花 代赭石

旋覆花湯 濟生方 治中脘伏痰。吐逆眩暈。

旋覆花 半夏 人參 橘紅 乾薑 枳櫛 甘草

白朮

二陳湯局方見瘧疾門 治痰飲嘔惡。頭眩心悸。

藿香正氣散局方見霍亂門 治風邪入胃嘔吐。

清胃丸 治嘔吐脈弦頭痛。

柴胡 黃芩 甘草 人參 半夏 青黛

右細末。每薑汁浸蒸餅丸桐子大。每五十丸薑湯下。

丁香安胃湯 正傳方 治嘔吐噦。胃寒所致。

黃耆 吳茱萸 草豆蔻 人參 蒼朮 甘草 丁香

柴胡 升麻 當歸 陳皮 黃柏

茯苓半夏湯 回春方 治痰飲停胃。嘔吐不止。

半夏 赤茯苓 陳皮 蒼朮 厚朴 藿香 縮砂

乾薑 甘草

右剉作一貼。入薑三梅一水煎服。

半夏湯 千金方 治逆氣心中煩悶。氣滿嘔吐。

半夏 生薑 茯苓 桂心

逍遙散 局方見咳血門

六君子湯 局方見疝腮門

乾薑附子湯 傷寒論方一名薑附湯

消化器病 嘔吐

附子 乾薑

黑錫丹局方見反胃門

大半夏湯 金匱方見反胃門

理中湯 傷寒論方見霍亂門

黃連湯 傷寒論方治傷寒胸中有熱胃中有邪氣腹中痛欲嘔吐者

黃連 甘草 乾薑 桂枝 人參 半夏 大棗

小半夏湯 金匱方治諸嘔吐穀不得下

半夏 生薑

小半夏加茯苓湯 金匱方治卒嘔吐心下痞膈間有水眩悸者

半夏 生薑 茯苓

單方

生薑 凡嘔吐皆因氣逆故用生薑之辛以散之○反胃嘔吐生薑汁煮粟米粥食之○乾嘔服薑汁一升即瘥(本草)

竹茹 主嘔噦取青竹茹一升水煎頓服○嘔噦用竹茹者澀胃解煩也(入門)

半夏 凡嘔噦用半夏者散結氣也。○反胃嘔吐半夏一兩製生薑二兩剉分二貼水煎服（本草）。○嘔家用半夏以去其水水去則嘔自止（金匱）。

蘆根 治乾嘔噦及五噎煩悶蘆根五兩水煎頓服一升不過三升即瘥（本草）。

黑鈆 吐蟲而嘔者黑鈆炒成灰檳榔等分爲末空心米飲調下（丹心）。

木瓜 止嘔逆羹汁飲之佳生薑同煎服尤炒○煨槿去惡心乾嘔煎服之（本草）。

葡萄根 止嘔噦濃煎取汁細細飲之佳（本草）。

宗景按。嘔吐是一種反射動作。其主宰乃屬於延髓之中樞神經。其意義大抵欲使毒物或腐物從口而出。不致傷及生命。蓋亦人體之自然療能也。惟其嘔吐乃自然療能。故凡風邪干胃。膈間停飲。以及胃有宿食膿血等證。胃黏膜受其刺激皆能致嘔。準是以談。則嘔之不當止也明矣。是又不然。夫病毒在胃。由嘔而出。自然療能。已達其目的。則嘔自止。仲聖所謂。嘔家有癰膿者。不可治嘔。膿盡自愈。若嘔者自嘔。留者自留。自然療能。不能達其目的。於是嘔逆頻頻。遂成一往不返之局。病人反受其害。當此之時。則有賴乎藥力。去病毒以止嘔。試觀仲聖用生薑半夏。直接以治水毒。間接則止嘔是也。古人不知反射動作。但觀察病人之胃氣上逆。推測不病人之胃氣必下降。故謂嘔吐由於胃氣不和。然徵之實驗。凡嘔吐之症。於當用方中。參以順降胃氣之藥。往往獲效。雖昧于理。亦頗得法。若

無病變。不因胃粘膜受刺激而嘔吐者。西醫則謂之神經性嘔吐。其原因大概從腦及脊髓或其他臟器等病而起。中醫之肝鬱作嘔。當亦是神經性之一種。其病泰半由憂愁鬱怒而得。憂愁鬱怒足以刺激神經。嘔吐中樞。每多受其影響也。曾治一婦人。因出閣後。有天壤王郎之憾。心志抑鬱。積久成疾。胃痛乾嘔。食慾不振。愚診其脈弦數。知此症乃金匱肝病傳脾之象。本內經木鬱達之之旨。遂於逍遙散中倍用柴胡加抑青丸一錢。（抑青丸方出沈堯封女科。用黃連一味爲末。水利爲丸。）連服數劑而愈。張氏醫通所引肝火逆證。嘔而不食者。亦卽此症之類也。

吐血

原因 千金方云。傷胃吐血者。因飲食大飽之後。胃中冷不能消化。便煩悶。強嘔吐。使所食之物。與氣共上衝蹙。因傷裂胃。

又云。畜熱吐血者。熱畜血中。因而妄行。

又云。亦有氣虛挾寒。陰陽不相爲守。榮氣虛散。血亦錯行。所謂陽虛陰必走是耳。

金匱翼云。傷胃吐血者。酒食過飽。胃間不安。或強吐之。氣脈賁亂。損傷心胃。血隨嘔出也。

症狀 千金方云。傷胃吐血者……其證吐血色鮮。正赤。腹亦絞痛。自汗出。

金匱翼云。畜熱吐血者。其症口鼻皆出。勢如湧泉。膈上熱。胸中滿痛……精神不倦。或血是紫黑塊者。

又云。陽虛失血者……外症必有虛冷之狀。其血色必黯黑而不鮮。

脈法 巢氏病源云……其脈細沉者生。喘嗽上氣脈數浮大者死。

千金方云……其脈緊而數者。爲難治。

脈訣舉要云……大凡失血。脈貴沈細。設見浮大。後必難治。

金匱云。寸口脈弦而大。弦則爲減。大則爲芤。減則爲寒。芤則爲虛。寒虛相擊。此名曰革。婦人則半產漏下。男子則亡血。

治法 唐容川云。仲景治血以治衝爲要。衝脈麗於陽明。治陽明卽治衝也。陽明之氣。下行爲順。今乃逆吐。失其下行之令。急調其胃。使氣順吐止。則血不致奔脫矣。此時血之原委。不暇究治。惟以止血爲一要法。血止之後。其離經而未吐出者。是爲瘀血。既與好血不相合。反與好血不相能。或壅而成熱。或變而爲癆。或結癥。或刺痛。日久變證。未可預料。必亟爲消除。

以免後來諸患。故以消瘀爲第二法。止吐消瘀之後。又恐血再潮動。則須用藥安之。故以甯血爲第三法。邪之所湊。其正必虛。去血既多。陰無有不虛者矣。陰者陽之守。陰虛則陽無所附。久且陽隨而亡。故以補虛爲收功之法。四者乃通治血證之大綱。而綱領之中。又有條目。今并詳於下方云。

一、止血其法獨取陽明。陽明之氣下行爲順。所以逆上者。以其氣實故也。吐血雖屬虛證。然係血虛非氣虛。且初吐時。邪氣最盛。正雖虛而邪則實。試思人身之血。本自潛藏。今乃大反其常。有翻天覆地之象。非實邪與之戰鬪。血從何而吐出哉。故不去其邪。愈傷其正。虛者益虛。實者愈實矣。况血入胃中。則胃家實。雖不似傷寒證。以胃有燥屎。爲胃家實。然其血積在胃。亦實象也。故必亟奪其實。釜底抽薪。然後能降氣止逆。仲景瀉心湯主之。血多者。加童便。茅根。喘滿者。加杏仁厚朴。血虛者。加生地當歸。氣隨血脫不歸根者。加人參當歸五味附片。有寒熱者。加柴胡生薑。或加乾姜艾葉。以反佐之。隨證加減。而總不失其瀉心之本意。則深得聖師之旨。而功效亦大。蓋氣之原在腎。水虛則氣熱。火之原在心。血虛則火盛。火熱相搏。則氣實。氣實則逼血妄行。此時補腎水以平氣。迂關之談也。補心血以配火。不及之治也。故

惟有瀉火一法。除暴安良。去其邪以存其正。方名瀉心。實則瀉胃。胃氣下泄。則心火有所消導。而胃中之熱氣亦不上壅。斯氣順而血不逆矣。且大黃一味。而推陳致新。以損陽和陰。非徒下胃中之氣也。卽外而經脈肌膚軀殼。凡屬氣逆於血分之中。致血有不和處。大黃之性亦無不達。蓋其藥氣最盛。故能克而制之。使氣之逆者不敢不順。旣速下降之勢。又無遺留之邪。今人多不敢用。惜哉。然亦有病之輕者。割鷄焉用牛刀。葛可久十灰散。亦可得效。義取紅見黑卽止之意。其妙全在大黃降氣卽以降血。吐血之證。屬實證者中居六七。以上二方投之立效。然亦屬虛證屬寒者。在吐血家。十中一二。爲之醫者不可不知也。虛證去血太多。其證喘促昏潰。神氣不續。六脈細微。虛浮散數。此如刀傷出血。血盡而氣亦盡。危脫之證也。獨參湯救護其氣。便氣不脫。則血不奔矣。寒證者。陽不攝陰。陰血因而走溢。其證必見手足清冷。便澀遺溺。脈細微遲澀。面色慘白。脣口淡和。或內寒外熱。必實見有虛寒假熱之真情。甘草乾姜湯主之。以陽和運陰血。虛熱退而陰血自守矣。然血係陰汁。剛燥之劑。乃其所忌。然亦有陽不攝陰者。亦當用薑附也。上寒下熱。芩連薑附同用亦有焉。以上數法。用之得宜。無不立愈。其有被庸醫治壞。而血不止者。延日已久。證多雜見。但用已上諸方。未能盡止血。

之法。審係瘀血不行。而血不止者。血府逐瘀湯主之。火重者。加黃芩黃連。痰多者。加雲苓瓜霜。欬逆。加杏仁五味寸冬。盜汗身熱。加青蒿冬桑葉黃柏牡蠣。喘者。加杏仁蘇子。身痛。胸腹滿。大便閉。爲瘀結。加大黃。如欲求詳。參看痰瘀癆熱等門。乃盡其治。又有審病之因。而分別以止其血者。治法尤不厭詳。因於酒及煎炒厚味之物者。其證脈數滑。口乾燥。胸中煩熱。大小便不利。宜用白虎湯。加茵陳炒梔大黃藕節治之。因於外感者。先見頭痛惡寒發熱。脈浮而緊者。爲寒犯血分。外束閉而內逆壅。是以吐血。麻黃人參芍藥湯治之。若脈浮而數者。爲傷風。風爲陽邪。宜小柴胡湯。加荊芥防風當歸白芍丹皮蒲黃知母石膏杏仁治之。若因瘟疫。外證頗似傷寒。而內有伏熱攻發。口舌胎白。惡熱羞明。小便短赤。大便濁垢。心中躁煩。脈見滑數。宜升降散。加杏仁丹皮花粉生地前仁石膏杏仁甘草治之。犀角地黃湯亦治之。若因於暑。則發熱心煩。暑者。濕熱二氣合化之名也。以清熱利濕爲主。升降清化湯。加防己木通前仁治之。病輕者去大黃。因於怒氣逆上。血沸而吐者。宜丹梔逍遙散。加青皮牡蠣蒲黃胆草治之。氣火太甚者。則用當歸蘆薈丸。以平其橫決。因於勞倦困苦飢飽不勻。以及憂思抑鬱。心神怔忡。食少氣短。吐血虛煩者。宜用歸脾湯主之。中土虛寒者加煨薑。虛熱者加柴

胡山梔。因於跌打損傷。以及用力努掙。而得失血之證者。法宜補氣以續其絕。消瘀以治其傷。四物湯加黃芪人參續斷桃仁紅花陳酒童便治之。因於色慾過度。陰虛火旺。其證夜則發熱。盜汗夢交。耳鳴不寐。六脈細數。芫草。宜地黃湯加蒲黃藕節阿膠五味治之。止血之法。此其大略。如欲變化而盡善。非參透全書。不能絲絲入彀。總而論之。血之爲物。熱則行。冷則凝。見黑則止。遇寒亦止。故有用熱藥止血者。以行血爲止血。薑艾等是也。有用涼水止血者。或用急流水。或用井華水。取冷則凝之義。芩連諸藥。亦卽冷止之義。有用百草霜京墨十灰散等。以止血者。取見黑則止之義。黑爲水之色。水治火故止也。此第取水火之色。猶能相剋而奏功。則能知水火之性。以消息用藥。何血證難治之有。又有用鹹以止血者。童便馬通揚塵水之類。此內經鹹走血之義。童便尤能自還神化。服制火邪以滋腎水。大有功用。故世醫云。服童便者。百無不生。不服童便者。百無不死。本人小便。清晨每服一碗。名回龍湯。各種隨筆。贊回龍湯之妙者。甚夥。病家皆所當服也。顧止血之法雖多。而總當先於降氣。故沉香降香蘇子杏仁旋覆枳殼半夏尖貝厚樸香附之類。皆須隨宜取用。而大黃一味。既是氣藥。卽是血藥。止血而不留瘀。尤爲妙藥。識得諸法。其於止血之用。思過半矣。夫所謂止血者。非徒

止其溢入胃中之血。使不吐出而已也。蓋大吐之時。經脈之血。輻輳而至。其溢入胃中者。聽其吐可也。下可也。卽停留胃中。亦與糟粕無異。固無大害也。獨動於經脈之中。而尙未溢出者。若令溢出。則不可復返矣。惟急止之。使猶可復還經脈。仍循故道。復返而爲冲和之血。所謂止血者。卽謂之未曾溢出。則存得一分血。便保得一分命。非徒止已入胃中之死血已耳。今醫動言止血。先要化瘀。不知血初吐時。尙未停蓄。何處有瘀。若先逐瘀。必將經脈中已動之血。盡被消逐。則血愈枯而病愈甚。安能免於虛損乎。惟第用止血。庶血復其道。不至奔脫爾。故以止血爲第一法。

二、消瘀血。既止後。其經脈中已動之血。有不能復還故道者。上則着於背脊胸膈之間。下則着於脇肋少腹之間。着而不和。必見疼痛之證。或流注四肢。則爲腫痛。或滯於肌腠。則生寒熱。凡有所瘀。莫不壅塞氣道。沮滯生機。久則變爲骨蒸乾血癆瘵。不可不急去之也。且經隧之中。既有瘀血踞住。則新血不能安行無恙。終必妄行而吐溢矣。故以去瘀爲治血要法。用花蕊石散。令瘀血化水而下。且不動五臟真氣。爲去瘀妙藥。如無花蕊石。用三七鬱金桃仁牛膝醋炒大黃。亦有迅掃之功。顧舊血不去。則新血斷然不生。而新血不生。則舊血亦不能

自去也。譬諸君子之道不長。則小人之道亦不消。須知瘀血之去。乃新血日生。瘀血無處可留。迫之不得不去。故或化而走小便。或傳而入大腸。花蕊石。化血從小便去。醋黃散。下血從大便去。但能去瘀血。而不能生新血。不知克敵者存乎將。祛邪者賴乎正。不補血而去瘀。瘀又安能盡去哉。治法宜用聖愈湯以補血。加桃仁丹皮紅花枳殼香附雲苓甘草。補瀉兼行。瘀既去而正不傷。治瘀之法。大旨如是。然亦有宜用溫藥者。內經曰。血者。喜陰而惡寒。寒則澀而不流。溫則消而去之。且有熱伏陰分。涼藥不效。而宜用從治之法。以引陽出陰者。方用仲景柏葉湯。爲寒凝血滯之正治。亦瘀血伏於陰分之從治法也。然三藥純溫。設遇火烈之證。非其所宜。或略加柔藥調之。則合四物湯用。又有合瀉心湯用者。則直以此反佐之也。以上通論治瘀之法。而瘀血着留在身。上下內外。又各有部分不同。分別部居。直探巢穴。治法尤百不失一。審係血瘀上焦。則見胸背肩膊疼痛麻木逆滿等證。宜用血府逐瘀湯。或人參瀉肺湯。加三七鬱金荊芥。使上焦之瘀。一並廓清。血瘀中焦。則腹中脹滿。腰脇着痛。帶脈繞臍一周。下連血室。女子以繫胎。男子以束體。乃血之管領也。凡血證。未有帶脈不病者。今瘀血滯於其分。則宜去之以安帶脈。帶脈在中焦脾之部分。卽從脾治之。觀仲景腎着湯。可知

治脾卽是治帶。帶有瘀血。宜用甲己化土湯。加桃仁當歸薑黃主之。腰痛甚者。加鹿角尖。脇腹痛甚者。加蒲黃靈脂。血瘀下焦。腰以下痛。小腹季脇等處脹滿。是血瘀肝之部分。或積胞中。血海爲痛。宜歸芎失笑散主之。大便閉結者。均加大黃。仲景逐瘀大劑。則用抵當湯。桃仁承氣湯數方。皆苦寒大破下。爲治瘀能手。亦有當用溫藥下之者。生化湯及牛夕散主之。本女科治產後惡露。及胞衣不下之方。余謂男女雖異。其血則同。同時下焦瘀血。故借用某方。往往有驗。且下焦原係陰分。上焦之瘀。多屬陽熱。每以溫藥爲忌。下焦之瘀。多屬陰凝。故產婦喜溫而忌寒。以其血在下焦也。知此。則知以溫藥治下焦瘀血。尤爲合宜。然亦須審係寒凝。乃用溫藥。若血室熱。則仍是桃仁承氣之證。又有瘀血流注。四肢疼痛腫脹者。宜化去瘀血。消利腫脹。小調經湯。加知母雲苓桑皮牛膝治之。又有瘀血客於肌腠。阻滯營衛。發寒發熱。似瘧非瘧。骨蒸盜汗。欬逆交作。用小柴胡湯。加當歸桃仁丹皮白芍主之。寒甚者。再加芥穗細辛。熱甚者。再加花粉粉葛青蒿知母。欬有痰火。加瓜霜杏仁寸冬五味雲苓知母。水飲上冲。加葶藶子。益小柴胡湯。原是從巾上疎達肝氣之藥。使肝氣不鬱。則暢行肌腠。而營衛調和。今加去瘀之品。則偏瘀去瘀。凡瘀血阻滯營衛者。用之立驗。總而論之。血瘀於臟腑之

間者。久則變爲乾血。化爲癆蟲。血瘀於軀殼之間者。或病偏枯。或化癰膿。血瘀於肌腠之間者。則變骨蒸。毛髮焦折。肢體瘦削。一切不治之證。總由不善去瘀之故。凡治血者。必先以去瘀爲要。

三、甯血。吐既止。瘀既消。或數日間。或數十日間。其血復潮動而吐者。乃血不安其經常故也。必用甯血之法。使血得安。乃愈。其法於止吐消瘀中。已寓厥治。然前藥多猛峻以取效。乃削平寇盜之術。尙非撫綏之政。故特將甯血旨意。重加發明。以盡其用。有外感風寒。以致吐血。止後營衛未和。必有身痛寒熱等證。香蘇引。加柴胡黃芩當歸白芍丹皮阿膠治之。有胃經遺熱。氣燥血傷。而血不得安者。其證口渴噦氣。惡聞人聲。多躁怒。聞木音則驚。臥寐煩而不安。犀角地黃湯主之。重則合白虎湯。大清大涼。以清胃熱。輕則止用甘露飲。以生胃津。而血自愈。有因肺經燥氣。氣不清利。失其津潤之制節。而見喘逆欬嗽等證。以致其血牽動。清燥救肺湯主之。火甚。加犀角。血虛。加生地。痰多加尖貝。潤燥甯血。爲肺痿等證之良方。葛可久十藥神書。專醫虛損失血。用保利湯亦佳。潤肺利氣。平燥解鬱。前方清純。此方活動。隨宜取用。血自安靜而不動矣。有因肝經風火。鼓動煽熾。而血不能靜者。則見口苦咽乾。目眩耳鳴。

脇痛逆氣。躁怒決裂。骨蒸妄夢。以逍遙散平劑和之。審係肝經風氣鼓動。而血不甯者。再加桑寄生。僵蠶。玉竹。棗仁。牡蠣。青蒿。此從仲景白頭翁湯得來。仲景治產後血痢。取白頭翁。平木息風。蓋肝爲藏血之臟。風氣散而不藏。則必平之使安。而後血乃得安也。又或肝火偏勝。橫決而不可遏。致令血不能藏者。則宜加阿膠。山梔。胆草。黃連。前仁。牛膝。青皮。牡蠣。當歸。蘆薈丸。尤破瀉肝火之重劑。但不如逍遙散加減之穩。又有衝氣上逆。其證頸赤。頭暈。火逆上氣。咽喉不利。乳下動脈。辟辟彈指。頸上動脈。現出皮膚。衝脈原不上頭項。咽乾者。以衝爲血海。屬肝。因肝脈而達於咽也。頸脈動。面赤色者。以衝脈麗於陽明。衝氣逆。則陽明之氣。隨逆故也。內經謂衝爲氣街。又謂衝爲血海。氣逆血升。此血證之一大關鍵也。故仲景治血以治衝爲要。麥門冬湯主之。陳脩園謂去粳米。加白蜜。尤能滋補其陰。予謂治衝脈。獨取陽明。仲景旣引其端。後人亦卽當擴而充之。審其衝陽太旺者。知母。枳殼。白芍。煨石膏。均可加入。以清折之。梔子。黃芩。木通。前仁。牛膝。利陽明之水者。尤可加入。以分消之。此衝脈之氣。上合陽明之治法也。然衝爲氣街。氣根於腎。血海卽丹田。腎氣之所藏也。若衝脈挾腎中虛陽。上逆喘急者。宜用四磨湯。調納逆氣。是仲景桂苓甘草五味湯意。但仲景用桂枝。化膀胱之寒。

水。謂氣從少腹。上衝咽喉。面熱如醉。或熱流於二股。或小便難而昏冒。忽上忽下。如電光之閃灼無定。乃陰盛格陽。而陽氣飛越。故以辛溫化之。今係失血。陰氣既傷。再用桂枝。豈不犯陽盛則斃之戒。故用沉香代桂。以納浮陽。而卽用人參以滋陰。沉香直走下焦。烏藥治膀胱腎間之氣。衝爲血海。居膀胱腎間之地。治陽明者。治其末。治膀胱腎間者。是治其本也。若腎中陰氣大虛。而衝陽不能安宅。則用四磨湯。加熱地棗皮山藥五味枸杞子。滋陰配陽以安之。若其人素有水飲。格陽於上。因而動血者。仲景桂苓甘草五味湯。又爲對證。第其方與血證本不相關。可加當歸白芍丹皮阿膠。或用蘇子降氣湯。利痰降氣。以靖衝逆。或用小柴胡湯。加龍骨牡蠣。以導衝逆。桂苓蘇子湯。是治痰飲以治衝之法。小柴胡。又是清火以治衝之法。本方治熱入血室。血室者。肝之所司也。衝脈起於血室。故又屬肝。治肝卽是治衝。血室在男子爲丹田。在女子爲子宮。其根繫於右腎。腎中眞陽寄於胞中。爲生氣之根。乃陰中之陽。肝木得之。發育條達。是爲相火。其火如不歸根。卽爲雷龍之火。龍骨牡蠣。乃陽物而能蟄藏。取其同氣。以潛伏陽氣。此尤治衝脈。更進一層之法。合小柴胡。大有清斂相火之功。若腎經陰虛。陽無所附。雷龍之火上騰者。用二加龍骨湯。加阿膠麥冬五味。以引歸其宅亦妙。腎氣

丸。麥味地黃湯。皆可酌用。二方。一以溫藥化氣。一以陰藥滋降。腎居之脈之下。又爲衝脈之根。安腎氣。卽是安衝氣。衝氣安而血海甯。自不至於上潮矣。總而論之。血之所以不安者。皆由氣之不安故也。甯氣卽是甯血。以上所論各氣。治法亦云詳備。在臨證者。細審處之。四。補血。邪之所湊。其正必虛。不獨補法是顧虛。卽止血消瘀。亦恐其久而致虛。故亟攻之。使邪速去。以免其致虛耳。但彼時雖恐其虛。而猶未大虛。故以去邪爲急。若延日已久。未有不虛怯者。卽血旣循經。一如平人。而前次所吐之血。已屬有去無回。其經脈臟腑。又係血所走洩之路。非用封補滋養之法。烏能完全。補法不一。先以補肺胃爲要。肺爲華蓋。外主皮毛。內主制節。肺虛則津液枯竭。喘嗽痿燥。諸證作焉。因其制節不得下行。故氣上而血亦上。未有吐血而不傷肺氣者也。故初吐必治肺。已止。尤先要補肺。用辛字潤肺膏。滋補肺中陰液。肺旣津潤。則其葉下垂。氣澤因之得以下降。利膀胱。傳大腸。諸竅通調。五臟受益。如肺葉枯焦。不能覆下。則翹舉而氣亦上逆。不得臥息。外應皮毛不榮。下則二便不調。足痿腸燥。百病俱生。惟此膏潤津。爲痿燥良劑。近人黃坤載。所立地魄湯。補土生金。補金生水。於補肺之法。頗得。平時代茶可用。生脈散。黃芪糯米湯。加阿膠麥冬。尤能充補肺臟。凡此皆滋補肺陰。爲失

血必有之證治也。而陳脩園謂血雖陰類。運以陽和。心肺之陽一宣。如日月一出。燭火無光。諸般邪熱俱除。血自不擾。而循經矣。故又有溫補肺陽之法。用保元湯。甘溫除大熱。使肺陽布護。陰翳自消。設有痰飲欬嗽者。加五味杏仁。或用六君湯。加炮薑五味。內經云。形寒飲冷則傷肺。上二方。爲形寒者立。補肺之法。凡陽虛生外寒及濁陰干上焦者。用以扶肺之陽。洵屬良劑。然失血之人。多是陰虛。若執甘溫除大熱之說。妄投此等藥料。鮮不致誤。故年來從脩園法者。能醫雜證。而不能醫虛勞。以其偏於補陽故也。第以理論之。原有氣不攝血之義。故什伯之中。亦有一二宜補陽者。因並列其方。使人參觀。以盡其變。心爲君火。主生血。血虛火旺。虛煩不眠。怔忡健忘。癱遺秘結。神氣不安。用天王補心丹。啓腎之水。上交心火。火不上炎。則心得所養。心經水火不相濟者。以此補水甯心。若不關水虛。但由本臟之血虛火旺者。則但用養血清心之藥而已。硃砂安神丸。瀉心火。補心血。並安心神。凡怔忡昏煩不寐之證。皆可治之。若心陽不收。汗出驚悸。以及心火不下交於腎。而爲夢遺溺赤等證者。隨用上二方。加龍骨牡蠣棗仁蓮心浮麥等。以斂戢之。此爲心經血虛火旺之大法。其有心經火虛。不能生血。瘦削悸怯。六脈細弱。宜用人參養榮湯。補脾胃以補心。內經云。中焦受氣取汁。變而

化赤。是爲血。是湯補心化血。以奉周身。名養榮者。專主以陽生陰。和暢榮血。凡氣血兩虛。變見諸證皆可服也。然女人血崩。及產後亡血過多。均以溫補爲主。因其血下瀉。屬於脫證。故也。至於吐血。乃血脈奮興。上干陽分。是爲逆證。宜溫補者最少。然亦有陽不統陰。暴脫大吐。陰亡而陽亦隨亡者。溫補又爲要法。甚矣醫者辨證不可不詳。而用藥不可執一也。故近日從丹溪者。專用苦寒。從脩園者。專用溫藥。皆是一弊。脾主統血。運行上下。充周四體。且是後天。五臟皆受氣於脾。故凡補劑。無不以脾爲主。思慮傷脾。不能攝血。健忘怔忡。驚悸盜汗。嗜臥少食。大便不調等證。歸脾湯統治之。脾虛發熱。加丹皮炒梔。兼肺氣燥者。加麥冬五味。脹滿而水穀不健運者。加陳皮煨薑。或加阿膠以滋血。或加柴胡貝母以解鬱。或加魚膠以固血。獨於熟地不可加入。以礙其統攝運行之用。蓋此乃以陽生陰。以氣統血之總方。不似四物六味。以陰益陰也。且脾與肝腎。滋陰之法。亦各不同。若脾陰虛。脈數身熱。咽痛聲啞。慎柔五書。用養真湯。煎去頭煎。止服二三煎。取無味之功。以補脾。爲得滋養脾陰之秘法。楊西山專主甲己化土湯。亦頗簡當。而人參花粉。尤滋生津液之要藥。世但知砂半薑蔻。爲扶脾進食之要藥。不知脾陽不足。不能薰化水穀者。砂半薑蔻。自係妄藥。若脾陰不足。津液不能融

化水穀者。則人參花粉。又爲要藥。試觀回食病。水穀不下。由於胃津乾枯。則知津液。尤其是融化水穀之本。近日西洋醫法書。傳中國與內經之旨。多有牴牾。實則內經多言其神化。西洋多滯於形迹。以內經之旨通觀之。神化可以該形迹。然西人逐迹細求。未嘗無一二通於神化者也。內經之旨。謂脾主消磨水穀。肝胆之氣。寄於胃中。以疎泄水穀。西醫則云。穀入於胃。有甜肉汁。來往以化之。又苦胆汁。注於小腸以化之。與胃津合併。化其穀食。內經所言。化穀以氣。西醫所言。化穀以汁。有此氣。自有此汁。今人謂內經。不知經文舉精以該粗。竟至得用而遺體。反不若西醫逐迹以求。尙知穀食之化。在於汁液也。但西醫有此論。而用藥不經。不足爲訓。吾於滋胃汁。每用甘露飲。清燥養榮湯。葉氏養胃湯。滋脾汁。用人參固本湯。炙甘草湯。去桂枝加白芍。滋胆汁。用小柴胡湯。去半夏加花粉。生津化穀。以折衷中西之醫法。而爲補養脾陰要義。知此。庶可補李東垣脾胃論之所不足。若果脾陽不旺。不能磨化水穀者。則用六君子。加香砂以燥之。如欲專意填補。則仲景小建中湯尤勝。補陽致陰。爲虛癆聖方。今卽不能恪遵。但得其意。則於歸脾六君補中益氣諸方。可以變化神奇。用收廣效。歸脾湯。從建中湯重濁處用意。補中湯。從建中湯清輕處用意。第此方。桂枝陽燥。於血證有宜不宜。用

者審之。如命門真火不能生土。吐利厥冷。陰火上衝。頭面赤色。惡心逆滿。用正元丹溫補少火。而又無壯火食氣之虞。是能得小建中之遺意者也。葛可久白鳳膏。化平胃散之燥。變爲柔和。又用酒送。取五穀之精。合諸藥以養脾胃。治飲食不進。發熱勞倦。和血順氣。功效最大。肝爲藏血之臟。血所以運行周身者。賴衝任帶三脈以管領之。而血海胞中。又血所轉輸歸宿之所。肝則司主血海。衝任帶三脈。又肝所屬。故補血者。總以補肝爲要。李時珍謂肝無補法。蓋恐木盛侮土。故爲此論。不知木之所以剋土者。肝血虛則火擾胃中。肝氣虛則水泛脾經。其侮土也如是。非眞肝經之氣血有餘也。且世上虛癆。多是肝虛。此理自東坦脾胃論後。少有知者。肝血虛則虛煩不眠。骨蒸夢遺。宜四物湯加棗仁知母。雲苓柴胡阿膠牡蠣甘草。斂戢肝魂。滋養肝血。清熱除煩。爲肝經陰虛滋補之法。又有肝經氣虛。臟寒魂怯。精神耗散。桂甘龍牡湯。以斂助肝陽。陽虛遺精驚悸等證。宜之。獨與失血未盡合宜。以其純用氣分藥故也。仁熟散。用血分藥較多。溫潤養肝血。功與炙甘草湯相近。若肝之血不暢和。亦可用滑氏補肝散。以酸味補肝體。以辛味補肝用。炒獨活一味。借風藥以張其氣。若去獨活。加桑寄生。則又有甯息風氣之妙。方意實從逍遙散套出。但此方氣味厚。俱純於補肝。逍遙散氣味

較薄。故純於和肝。凡肝有鬱火。胸脇刺痛。頭眩心悸。頰赤口苦。寒熱盜汗。少食嗜臥。無不治之。又有肝經血脈大損。虛悸脈代者。法宜大生其血。宜仲景炙甘草湯。大補中焦。受氣取汁。並借桂枝入心。化赤爲血。使歸于肝。以充百脈。爲補血第一方。世醫補血。而不得血之化源。雖用歸地千石無益。果參透此旨。則歸脾湯之用。遠志棗仁。是入心理血之源也。逍遙散之用丹梔。是入心清血之源也。從此一隅三反。自有許多妙用。腎爲水臟。上濟君火。則水火既濟。上交肺金。則水天一氣。水升火降。不相射而相濟。安有不戢自焚之患。設水陰之氣虛。而火熱之氣亢。喘欬蒸灼。痰血癆瘵。均作矣。凡人後天之病。久則及於先天。寇深矣。若之何。凡治虛者。不可以不早也。地黃湯主之。補腎之陰。而兼退熱利水。退熱則陰益生。利水則陰益暢。蓋膀胱化氣。有形之水氣下洩。則無形之水陰。如露上騰而四布矣。以濟君火。則加枸杞元參。以輸肺金。則加生脈散。水甚者再加黃柏知母。如小便清和。無痰氣者。只須專意滋腎。左歸飲多服爲佳。回龍湯滋陰降火。同氣相求。視無情草木尤勝。如陰虛火旺。足痿筋焦。骨蒸頭暈。用丹溪大補陰丸。滋陰潛陽。以苦寒培生氣。較地黃湯更優。以上補腎陰法。又有宜補腎陽者。腎爲水臟。而內含陽氣。是爲命火。此火上泛。則爲雷龍之火。下斂則爲元陽之氣。

引雷龍之火以歸根。則無上熱下寒。頭暈腰痛。腫喘癰閉之證。用腎氣化。從陰化陽。補火濟水以治之。再加牛膝車前。或黃柏知母。更能利水折火。如不須化水。但須補陽者。則用黃氏天魂湯。是從仲景附子湯套出。雖不及附子湯力量之厚。較附子湯藥尤純和。血家忌剛燥。間有宜補元陽者。亦以此等爲佳。夫腎中之陽。達於肝。則木溫而血和。達於脾。則土敦而穀化。筋骨强健。手足不清冷。衛氣固。不惡寒。皆腎陽足故也。然腎水賴陽以化。而腎陽又賴水封之。此理不可偏廢。補腎者所宜細求。以上所論補法。輕重進退。各有法度。非如張景岳輩多集補藥而已也。總而論之。血證屬虛癆門。固宜滋補。第恐瘀邪未清。驟用補法。則實以留邪爲患。而正氣反不受益。歷見乾血癆瘵等證。皆係醫人橫用滋補。以致舊血不去。新血不生。不知舊血。客於經絡臟腑之間。如木之有蛀。不急去之。非木死。其蛀不止也。故仲景治乾血。用大黃蠱蟲丸。夫既成虛癆之證。而內有乾血。猶須峻藥去之。則其虛未成者。更不可留邪爲患。故實證斷不可用補虛之方。而虛證則不廢實證諸方。恐其留邪爲患也。或虛中實證。則攻補兼用。或十補一攻。在醫者之善治焉。

死候 金匱云。夫吐血。欬逆上氣。其脈數而有熱。不得臥者死。

禁忌 須避房事。並忌食葱蒜煎炒等物。

古今驗方選

瀉心湯 金匱方 主心氣不足吐血衄血。

大黃 黃連 黃芩

拔萃雲岐子脈訣。加犀角生地黃名犀角地黃湯。治血積胸中。熱甚。

十灰散 葛可久方 治嘔吐欬嗽血。

大薊 小薊 柏葉 荷葉 茅根 大黃 梔子

棕櫚皮 牡丹皮 茜根

右各等分。燒存性。出火毒。研爲極細末。用生藕汁及生蘿蔔汁。磨松墨半碗。調服五錢卽止。

獨參湯 治虛證去血太多。其症喘促昏潰。神氣不續。六脈細微。虛浮散數。

人參

右一味。濃煎細咽熟睡。

消化器病 吐血

犀角地黄湯 千金方見白喉門 治熱傷血分吐血衄血。

甘草乾薑湯 傷寒論方 治陽虛失血。

甘草 乾姜

右二味。水三升。煮取一升五合。去滓。分溫再服。

白虎湯 傷寒論方 借治血證。脈洪大發熱口渴者。尤有捷效。

石膏 知母 甘草 粳米

先煮石膏數十沸。再投藥米。米熟湯成。溫服。

麻黃人參芍藥湯 治外束閉而逆壅吐血者。

麻黃 白芍 黃耆 當歸 甘草 人參 麥冬

桂枝 五味子

理中湯 見霍亂門三因云。理中湯能止傷胃吐血。以其最理中脘。分利陰陽。安定血脈也。

黑神散 和劑局方

黑豆 乾熟地 當歸 肉桂 乾薑 甘草 芍藥

蒲黃

右爲細末。每服二錢。酒半盞。童子小便半盞。不拘時煎服。

簡易黑神散 治傷酒食。醉飽過度。胃絡內傷。及低頭掬損吐血。致多口鼻俱出。

百草霜不拘多少。村居者佳。

右研細。每服二錢。糯米湯下。喜涼水者。新汲水調服。

柏葉湯 金匱方 主吐血不止。

柏葉 乾薑 艾

右三味。以水五升。取馬通汁一升合煮。取一升。分溫再服。

人參飲子 奇效方 治脾胃虛弱。氣促氣弱。精神短少。衄血吐血。

人參 歸身 黃耆 芍藥 甘草 五味子 麥門冬

單方見咳血門

宗景按。血由咳嗽而出者。謂之咳血。不須咳嗽。一咯卽出者。謂之咯血。從脅腹上逆。冲嘔而出。漉漉有聲者。謂之嘔血。統而言之。則概名吐血。(西醫名胃出血爲吐血。)吐血之

症。以肺傷爲多。但亦有由于胃出血者。大血管破裂則吐多。小血管破裂則吐少。其所以破裂之故。約言之。或因血管周圍之組織發生潰瘍壞疽。侵蝕血管之壁。如肺壞疽肺結核胃潰瘍等症之吐血是也。或因血液之壓力亢進。衝破血管之壁。如熱畜血中沸騰妄行之症是也。其有血壓並不亢進而出血者。此因管壁失其健全。抵抗力薄弱。雖輕度之血壓。亦易破裂。唐氏容川論血證之治法。以止血爲第一步。深知血之爲物。以奉生身。莫貴于此。正如一粥一飯。來處不易。且血去太多。血壓必非常沈降。血液之運行停止。則易陷於死亡。(若流失全身三分之一至二分之一者。大概死亡。)以消瘀爲第二步。蓋以血既離於血管。即凝結成塊。留着體內。久則蒸蘊腐敗。發爲癰膿。或停於破裂之瘡口。混入管內。沈着管壁。成爲血栓。而起循環障礙及營養障礙。新血不生。漸成癆瘵。其害不堪設想。血止瘀消。乃施其第三步之安血。第四步之補血。以善其後。實爲治療血證之四大綱要也。陽明之氣以下行爲順。仲聖本內經吐血衄血責重陽明不降之旨。立瀉心湯一方。以降胃氣之逆。治胃出血之屬於實熱者。恰甚適當。正不必拘拘於心氣不定之吐血症也。(金匱作心內不足。千金心虛實門作心氣不定爲是。)拔萃方於瀉心湯中加入

犀角生地黃。非第能去瘀生新。且有涼血和血之功。以之治熱畜血中沸騰妄行之症。必獲奇效。又凡亡血後。脈應弱而反洪大者。則非佳脫。以血壓仍亢進。其血管之損傷部。雖暫時閉塞。而不久即復出血。是不可不預防之也。

吞酸吐酸

原因 丹溪心法云。濕熱在胃口上。飲食入胃。被濕熱鬱遏。其食不得傳化。故作酸也。如穀肉在器。久則易爲酸也。

赤水玄珠云。內經曰。諸嘔吐酸。皆屬於熱。又曰。少陽之勝。嘔酸。夫酸者。肝木之味也。內火勝。制金不能平木。木自甚。故爲酸也。如飲食熱則易于酸矣。是以肝熱則口酸。或言爲寒者。但謂傷生冷硬物而喜噫醋吞酸……

症狀 回春云。吞酸者。酸水刺心也。吐酸者。吐出酸水也。

丹溪心法云。吐酸是吐出酸水如醋……

脈法 脈弦滑爲痰滯於內。浮緊爲寒束於外。沈遲爲中寒。洪數爲火盛。若脈兩關俱弦者。此木來凌土。尤宜亟治。

經過 慢性

治法 醫學入門云。宿食留飲。酸蜇心痛。牙齒亦酸。宜麴朮丸。專吐清水者。朮芩湯。痰火停食。一日半日腐化酸水吐出黃臭。或醋心不安。宜四味菜連丸。九味菜連丸。清痰丸。朝食甘美至哺時心煩刺酸吐出。此血虛火盛。宜四物湯加陳皮黃連黃芩桃仁紅花麻仁甘草。吞酸大便閉者。透膈湯。大便利者參黃丸。

沈氏尊生云。吞酸者。……宜二陳湯左金丸。或有食已吞酸。則因於胃氣虛冷。宜吳萸炮薑等分爲末。湯服一錢或八分。吐酸者。……宜平胃散加木香砂仁查肉神麴。

張氏醫通云。吐酸……若胃中濕熱鬱而成積。則濕中生熱。從木化而爲吐酸。久而不化。肝木日肆。胃土日衰。當平肝扶胃逍遙散左金丸。若宿食滯於中脘。平胃散加白豆蔻藿香砂仁神麴。

預後 良

禁忌 正傳云。吞酸宜節厚味。必蔬食自養。則病易安。

古今驗方選

麴朮丸 正傳方 治中脘有宿食留飲。酸蜚心痛。牙齒亦酸。或吐清水。噫宿腐氣。

神麴 蒼朮 陳皮 縮砂

右爲末。薑汁作神麴糊和丸。梧子大。薑湯下七八十丸。

朮苓湯 入門方 治專吐清水。

蒼朮 滑石 赤茯苓 白朮 陳皮

四味菜連丸 入門方 治痰火挾瘀吞酸。

半夏 陳皮 黃連 吳茱萸 桃仁

右爲末。神麴糊丸。菘豆大。薑湯下百丸。

左金丸 丹溪方 治肝經鬱熱。吐酸綠青黃水。

川黃連 吳茱萸

右爲細末。米飲糊丸。梧子大。每服四五十丸。熱湯送下。

參黃丸 丹溪方 治吞酸自利。

六一散 吳茱萸

消化器病 吞酸吐酸

右爲末。飯丸。梧子大。每服五六十九丸。白湯下。

九味茱萸連丸 入門方 治鬱積吞酸。

蒼朮 黃連 黃芩 吳茱萸 陳皮 枯梗 茯苓

半夏

右爲末。神麴糊丸。菉豆大。時時津嚥下。二三十丸。

清痰丸 入門方 治吞酸嘈雜。

蒼朮 香附 瓜蒌仁 半夏 黃連 黃芩

右爲末。麴糊和丸。梧子大。茶清下。五七十丸。

逍遙散 局方見咳血門

透膈湯 入門方 治中脘氣滯。噫氣吞酸。嘔逆痰涎。

木香 白豆蔻 枳殼 厚朴 半夏

青皮 陳皮 甘草 大黃 芒硝

入薑棗。水煎服。

平胃散局方見瘧疾門

蒼連湯 回春方 治吐酸。

蒼朮 黃連 陳皮 半夏 茯苓 神麩 吳茱萸

砂仁 甘草

右薑水煎。

茱連丸 纂要方 治吞酸。

黃連 黃芩 吳茱萸 陳皮 蒼朮

右爲末。神麩糊丸。菉豆大。

清鬱二陳湯 回春方 治酸刺心及吞酸嘈雜。

陳皮 半夏 茯苓 香附 黃連 梔子 蒼朮

川芎 神麩 芍藥 甘草

右薑水煎。

四物湯局方見痘瘡門

消化器病 吞酸吐酸

二陳湯局方見瘡疾門

宗景按。本病爲胃酸過多。由於胃潰瘍神經衰弱歇斯的里神經性消化不良而起。憂鬱過度。往往爲其誘因。是以見於婦人者爲多。據 Richardson 氏女子所以多淚之研究。謂其交感神經最發達。易受刺激。故善於憂愁鬱怒。悲痛流淚也。然則憂愁鬱怒者。乃交感神經受刺激之故。交感神經受刺激。其消化每多不良。胃酸過多則嘔吐酸水。胆汁缺乏則大便閉塞。酸水上逆。自家中毒。則有劇烈之頭痛。如是者。中醫謂之肝病。病人首在怡養和悅以調劑之。藥物治療。乃在其次。近年以來。社會之生活程度日高。男子受環境上之壓迫。失其所願。望憂鬱而成本病者。亦屬不少。醫者尤善爲體察之也。

呃逆

定名 六科準繩云。呃逆卽內經所謂噦也。或曰。成無己許學士固以噦爲呃逆。然東垣海藏又以噦爲乾嘔。陳無擇又以噦名欬逆。諸論不同。今予獨取成許二家之說。何也。曰。噦義具在內經。顧諸家不察耳。按靈樞雜病篇末云。噦以草刺鼻嚏。嚏而已。無息而疾迎引之。立已。大驚之。亦可已。詳此經文三法。正乃治呃逆之法。按呃逆用紙撚刺鼻便嚏。嚏則呃逆立

止。或閉口鼻氣使之無息。亦立已。或作竈盜賊大驚駭之亦已。此予所以取成許二家之論。噦爲呃逆。爲得經旨也。若以噦爲乾嘔。設使乾嘔之人。或使之噯。或使之無息。或使大驚。其乾嘔能立止已乎。噦非乾嘔也明矣。若以噦名欬逆。按內經生氣通天論曰。秋傷於濕。上逆而欬。陰陽應象論曰。秋傷於濕。冬生欬嗽。以此論之。則欬逆爲欬嗽無疑。以春夏冬三時比例自見。孫真人千金論曰。欬逆者。嗽也。本自明白。後人不知何以欬逆誤作呃逆。失之遠矣。

原因 內經云。穀入於胃。胃氣上注於肺。今有故寒氣與新穀氣。俱還入於胃。新故相亂。真邪相攻。氣并相逆。復出於胃而爲噦。

巢氏病源云。脾胃俱虛。受於風邪。故令新穀入胃。不能傳化。故穀之氣。與新穀相干。胃氣則逆。胃氣逆則脾脹。氣逆因遇冷折之則噦也。

劉宗厚云。呃逆有虛有實。有火有痰。有水氣。不可專作寒論。蓋傷寒發汗吐下後。與瀉利日久。及大病後。婦人產後有此證。皆屬脾胃大虛。若因痰水停積心下。或因暴怒氣逆痰厥。或傷寒熱病失下。則皆屬熱也。

症狀 醫學入門云。呃逆當分有餘不足。不足者……其證胃弱面青。肢冷便軟。有餘者……

…其證面紅體熱便閉。

三因方云。凡吐利後多作噦。…或八九聲相連。收氣不回。至於驚人者。

又云。噦而心下堅痞。眩悸者。膈間有痰水所爲。

沈氏尊生云。熱呃。…必口乾舌燥。面赤便秘。氣呃。…丹田之氣逆而上行。故呃。…胃

寒。手足冷。嘔吐。無熱證。…爲胃寒之候。

脈法 醫鑑云。呃逆之脈。宜浮緩。若弦促代急微結。難治。散大者必死。

巢氏病源云。右手關上脈沈而虛者。善噦也。

六科準繩云。心脈小甚爲噦。肺脈散大者不治。

鑑別診斷 張氏醫通云。呃逆在辨寒熱。寒熱不辨。用藥立斃。凡聲之有力而連續者。雖有

手足厥逆。大便必堅。定屬火熱。…若胃中無實火。何以激搏其聲。逆上而衝乎。其聲低怯。

而不能上達於咽喉。或時鄭聲。雖無厥逆。定屬虛寒。

治法 金匱云。噦而腹滿。視其前後。知何部不利。利之即愈。

又云。乾嘔噦。若手足厥者。橘皮湯主之。

又云。噦逆者。橘皮竹茹湯主之。

劉宗厚云……大抵治法。虛則補之。虛中須分寒熱。如因汗吐下後。誤服寒涼過多。當溫補之。如脾胃陰虛火逆上衝。當平補之。挾熱者。當涼補之。若實者。如傷寒失下。地道不通。因而呃逆。當寒下之。如痰飲停畜。或暴怒氣逆痰厥。此等必形氣俱實。別無惡候。隨其邪之所在。涌之洩之。清之利之。胃虛本挾相火。直衝清道而上者。異功散加肉桂。甚則加黃蘗附子送六味丸。吐利後。胃氣虛寒者。理中湯加附子丁香柿蒂。吐利後。胃虛熱者。橘皮竹茹湯。呃逆嘔吐多者。屬胃虛有痰。半夏茯苓生薑。兼食結痰積。則膈間飽悶。枳朮半夏生薑。平人飲熱湯。及食椒薑卽呃者。此胃中有寒痰死血也。死血。用韭汁童便下。越鞠丸。虛人用理中湯加蓬朮桃仁。痰加茯苓半夏。蓋呃逆皆是寒熱錯亂。二氣相搏使然。故治亦多用寒熱相兼之劑。如丁香柿蒂並投之類。試觀平人冷呃。令其思想則止。思則脾火氣乘。而胃氣和矣。

又云。呃逆雖多有屬火者。然病後久虛發呃。皆屬于寒。宜半夏一兩。生薑一兩。水煎熱服。或用丁香數十粒。柿蒂十枚。滾水泡服。或理中湯加枳殼茯苓半夏。不應。加柿蒂丁香。若胃中寒甚。呃逆不已。或復嘔吐。丁香煑散。或附子粳米湯加炒川椒丁香。暴怒呃逆。神昏吐涎。此

肝氣逆上。防有血積膈間。若按之痛者。藕汁麻油吐。少頃。卽探吐之。不痛者。陳皮二兩。煎湯探吐之。產後呃逆。最爲惡候。急灸期門左穴。艾炷小豆大。宜服四逆。加人參湯。羌活附子散。或桂心五錢。薑汁三合。和水煎服。

醫學入門云。胃氣不足。不能接續而噦作者。宜補中益氣湯。加竹茹生薑炮附子煎服。氣從臍下逆上。夜分轉甚者。四物湯加黃柏知母陳皮竹茹生薑。飲食填塞胸中。或食太甚。噎而不下。發爲呃逆。宜二陳湯加枳殼縮砂紫蘇葉。或三香散。痰閉於上。火動於下。無別證。忽然發噦。從胸中起者。宜二陳湯加芩連桔梗梔子薑汁炒煎服。或人參蘆煎湯。服而吐之。則愈。丹溪云。有明明內實。失下而發呃。宜大承氣湯下之。有渴而飲水太過。成水結胸而發者。呃。宜小陷胸湯。

又云。大凡食呃便秘者。大承氣湯下之。便軟者。瀉心湯主之。

死候。醫學綱目云。噦聲頻密相連者爲實。可治。若半時噦一聲者爲虛。難治。多死。死在旦夕。

橘皮湯 金匱方 治乾嘔。噦。手足厥者。

橘皮 生薑

橘皮竹茹湯 金匱方 治噦逆者。

橘皮 竹茹 大棗 生薑 甘草 人參

安胃飲 景岳方 治熱呃逆。

陳皮 山查 麥芽 木通 澤瀉 黃芩 石斛

丁香柿蒂湯 嚴氏方 治寒呃逆。

丁香 柿蒂 人參 生薑

三香散 醫學入門方 治胃冷呃逆。

沈香 白豆蔻 紫蘇葉

右爲末。每一錢。以柿蒂湯調下。

人參橘皮竹茹湯 傷寒大白方 治胃虛呃逆。

橘皮 竹茹 生薑 甘草 人參 厚朴 半夏

消化器病 呃逆

藿香

丁香煑散 治胃反嘔逆。呃噦泄瀉。

丁香 建蓮肉 生薑 黃秫米

水一碗半。煑熟去薑。啜粥。

越麴丸 丹溪方 治氣血痰火濕食六鬱。

香附 蒼朮 川芎 山梔 神麴

滴水為丸。菉豆大。每服百丸。白湯下。陰虛多火禁用。

四物湯 局方見痘瘡門

羌活附子散 寶鑑方 治胃冷呃逆。

附子 乾薑 羌活 茴香 木香

四逆湯 傷寒論方見霍亂門

四逆加入參湯 傷寒論方見霍亂門

異功散 局方見霍亂門

二陳湯 局方見瘧疾門

理中湯 傷寒論方見霍亂門

附子粳米湯 金匱方

附子 半夏 炙草 大棗 粳米

補中益氣湯 東垣方見瘧疾門

六味丸 錢乙方見消渴門

丁香散 良方治心煩呃逆。

丁香 白豆蔻 伏龍肝

右爲末。煎桃仁吳茱萸湯。每服一錢。調下。

大承氣湯 傷寒論方見哮喘門

小陷胸湯 傷寒論方治小結胸病。正在心下。按之則痛。脈浮滑者。

黃連 半夏 括萋實

生薑瀉心湯 傷寒論方治傷寒解後。心下痞鞭。乾噫食臭。脇下有水氣。腹中雷鳴下利者。

生薑 黃連 黃芩 半夏 乾薑 人參 甘草
 大棗

單方

刀豆子

傷寒呃逆聲聞數家者用刀豆子數粒瓦上煨存性爲末白湯調下二錢立止(何惟丹先生呃逆治驗方)病後呃逆刀豆連殼燒服(本草)

宗景按。噦卽呃逆。準繩之說是也。其症由於橫膈膜起間代性之痙攣。若平人偶因冷空氣陡入肺內。顫動聲帶而發。不足爲病。誠如靈樞雜病篇所謂以草刺鼻嚏。嚏而已。無息而疾迎引之。立已。大驚之亦可已也。其有因慢性腎臟炎。或尿中毒而起者。則當恢復其腎臟排泄之機能。使尿毒得其出路。又有因腸狹窄胃癌及消化困難而起者。如現腹滿實證。當用下劑。卽仲聖所謂噦而腹滿。視其前後。知何部不利。利之卽愈也。是故致噦之原因頗多。原因不明。若專恃丁香柿蒂。揚湯止沸。何能獲效。張石頑謂呃逆在辨寒熱。寒熱不辨。用藥立斃。亦我醫界之當頭棒喝。此外如瀕死之時。其呼吸出多入少。其噦半時一聲者。原係最後之聲變。雖虛扁亦難爲力也。

嘈雜

原因 生生子云。內經曰。胃爲水穀之海。無物不受。若夫濕麵魚腥水果生冷。以及烹飪粘滑難化等物。恣食無節。脾氣受傷。失其健運之常。清痰稠飲。由此而生。嘈雜由此而作也。

六科準繩云。嘈雜由肺受火傷。不能平木。木挾相火乘肺。則脾冲和之氣索矣。穀之精微不行。濁液攢聚爲痰爲飲。……肝木搖動中土。擾擾不寧。而爲嘈雜。

症狀 生生子云。夫嘈雜之爲症。似飢不飢。似痛不痛。而有懊惱不自寧之態是也。

六科準繩云。嘈雜……如飢狀。每求食以自救。苟得少食。則嘈雜亦少止。止而復作……

脈法 赤水玄珠云。右寸脈緊而滑。兩寸弦滑。胸中有留飲。寸脈橫者。膈上有橫積也。右關弦急甚者。爲木乘土位。欲作胃反。難治。

治法 丹溪心法云。嘈雜是痰因火動。治法宜以南星半夏橘紅之類。以消其痰。芩連知母石膏梔子之類。以降其火。蒼朮白朮芍藥之類。以健脾行濕。又食鬱者。梔子薑汁炒黃連山查之類。又有濕熱鬱滯不喜食者。宜三補丸加蒼朮倍香附。

六科準繩云。治法必當補伐土木。治痰飲若不以補土爲君。務攻其邪。久而虛。必變爲反

胃爲瀉爲痞滿爲眩暈等病矣。

又云。脈洪大者火多。二陳湯加薑汁炒山梔黃連。脈滑大者痰多。二陳湯加南星栝萸黃芩黃連梔子。肥人嘈雜。二陳湯少加撫芎蒼朮白朮炒梔子。脈弦細身倦怠者。六君子湯加撫芎蒼朮白朮薑汁炒梔子。有用消尅藥過多。飢不能食。精神漸減。四君子加白芍陳皮薑汁炒黃連。心懸懸如飢。飲食之時。勿與以食。只服三聖丸佳。心下嘈雜者。導飲丸最妙。

沈氏尊生云。嘈雜者。……有火動其痰者。必痰多脈滑而數。當先治痰。次治火。宜二陳湯加黃芩黃連。有食鬱作熱者。必脈數實而大。當先治火。次消導。宜生地黃芩木通神麩山查麥芽。有濕痰盛者。必脈沉而滑。當去濕消痰。宜白朮丸。有氣鬱胸膈者。必脈沉而澀。當開鬱理氣。宜氣鬱湯。又有嘈雜至於醋心吐水者。宜檳榔橘皮湯。有嘈雜醋心。上攻直至咽喉者。宜吳茱萸湯。有嘈雜由心陽熱。而心中煩頭汗洩者。宜茯神淮小麥硃砂柏子仁。有婦人時患嘈雜。皆血液汗淚變而爲痰。或言是血嘈。多以豬血炒食自愈。蓋以血導血歸原之意也。卽或虬蟲作嘈雜。皆得血腥亦飽伏也。又有肝陰虛。經水十日半月一至。夜分多嘈雜者。宜生地阿膠天冬茯神白芍丹皮。皆當詳察。

萬病回春云。五更心嘈者。思慮傷心。血虛也。宜養血四物湯當歸補血湯。

古今驗方選

三聖丸科六準繩方治嘈雜神效。

白朮 橘紅 黃連

右爲細末。神麵糊丸。如菉豆大。每服七八十九丸。食遠津唾下。或薑湯下。

養血四物湯 醫鑑方 治血虛嘈雜。

熟地黃 白芍藥 當歸身 川芎 半夏 香附 貝母

赤茯苓 黃連 梔子 甘草 生薑

二陳湯局方見瘧疾門

當歸補血湯 回春方 治心中血少而嘈。

當歸 芍藥 生地黃 熟地黃 人參 白朮 茯苓

陳皮 麥門冬 山梔仁 甘草 辰砂 烏梅 炒米

大棗

加味小陷胸湯 大還方 治火動其痰嘈雜。

括 蕪 半 夏 黃 連 枳 實 梔 子

和中湯 醫統方 治虛火嘈雜。

人 參 白 朮 茯 苓 甘 草 半 夏 陳 皮 黃 連

大 棗 粳 米

白朮丸 潔古方 治溼痰。

白 朮 南 星 半 夏

研爲細末。湯浸蒸餅和丸。如梧桐子大。每服五七十丸。食後。生薑湯送下。

氣鬱湯 證治準繩方 治氣鬱。

香 附 蒼 朮 橘 紅 半 夏 茯 苓 貝 母 川 芎

山 梔 甘 草 紫 蘇 木 香 檳 榔

加生薑五片。清水煎服。

導飲丸 丹溪方 治水飲。

吳茱萸 白茯苓 黃連 蒼朮 獨活

右爲細末。神麴糊丸服。

枳櫚橘皮湯沈氏尊生方治嘈雜。

橘皮 枳櫚

四君子湯局方見霍亂門

六君子湯局方見疝腮門

吳茱萸湯沈氏尊生方治嘈雜。

淡吳萸

三補丸證科準繩方

黃芩 黃連 黃柏

蒸餅糊丸服。

宗景按。嘈雜。本衆聲齊作。喧鬧之意。病名嘈雜者。蓋謂其發作時。飢餓欲食。擾擾不寧也。通常所見。以有痰及及吐酸爲多。丹溪之法最效。其辨證。若食已卽飢。或食不飽者。火也。

似飢非飢。不喜食者。痰也。酸水浸心。食少無味者。此脾氣虛寒。水穀不化也。吐酸之嘈雜。由於胃粘膜爲酸性物所刺戟而起。痰火之嘈雜。其理則頗難索解。

噫氣

原因 內經云。足太陰之脈病。是動則病腹脹善噫。

又云。寒氣客於胃。厥逆從上下散。復出於胃。故爲噫。

又云。太陰病。所謂上走心爲噫者。陰盛而上走於陽明。陽明絡屬心。故上走而爲噫也。

沈氏尊生云。噯氣一證。總由胃弱不利。三焦失職。經云。寒氣客胃者。必先有火鬱於胃中。又爲客寒所遏。清無所歸。而不得升。濁無所納。而不得降。又或挾痰。或挾食。或挾氣。故隨胸中之氣而上逆也。而致噯之原。更有由脾肺鬱者。有由胃陽虛者。皆當詳察。

症狀 本事方云。心下蓄積痞悶。或作痛。多噫敗卵氣。

脈經云。寒在上焦。胸中必滿而噫。

醫學入門云。噫氣。轉出食氣也。

又云。氣實噫也。食罷噫轉腐氣。甚則物亦噫。……氣虛噫者。濁氣填胸也。不因食常噫者。虛

也。

脈法 大抵寸口脈弱者。陽氣不足。兼緩者。胃氣有餘。兼緊者。寒之現象。跌陽脈微者。胃氣薄弱。澀者。脾氣亦傷。胃微脾傷。穀食不行。食已自噫。

治法 傷寒論云。傷寒發汗。若吐若下。解後。心下痞鞭。噫氣不除者。旋復代赭湯主之。

丹溪云。胃中有實火。膈上有稠痰。故成噫氣。用二陳湯加香附、梔子仁、黃連、蘇子、前胡、青黛、瓜蒌、或丸或湯服之。

正傳云。痰在中焦。作噫氣吞酸。胃脘當心而痛。或嘔清水惡心。二陳湯加蒼朮、白朮、神麴、麥芽、川芎、縮砂、草豆蔻、枳實、豬苓、澤瀉、黃連、吳茱萸、梔子、木香、檳榔之類。或煎服或丸服。

沈氏尊生云。脾肺鬱宜杏仁、桔梗、鬱金、厚朴、半夏麴。胃陽虛宜生白朮、茯苓、益智仁、厚朴、半夏麴。

醫學入門云。氣盛實噫。……宜二陳湯加蒼朮、神麴、麥芽、薑炒黃連。氣虛噫者。……六君子湯加沉香爲君。厚朴、蘇子爲臣。吳萸爲使煎服。

古今驗方選

旋復代赭湯傷寒論方治傷寒發汗。若吐若下。解後。心下痞鞭。噫氣不除者。

旋復花 人參 生薑 代赭石 甘草 半夏 大棗

枳殼散 本事方 治心下蓄積痞悶。或作痛。多噫敗卵氣。

枳殼 白朮 香附 枳榔

右爲細末。每服二錢。米飲調下。日三服。不拘時候。

星半湯 醫鑑方 治噫氣。

石膏 半夏 南星 香附子 梔子 薑

勻氣丸 醫學入門方 治氣虛濁升多噫。

益智仁 大腹子 白檀香 草豆蔻 橘皮 沉香 人參

右爲末。飯丸梧子大。淡薑湯下七八十丸。

祛痰火丸 醫學入門方 治胃有痰火噫氣。

南星 半夏 香附 石膏 山梔

右爲末薑汁浸。蒸餅爲丸服。或薑煎服。

二陳湯局方見瘧疾門

六君子湯局方見炸腮門

破鬱丹 回春方 治婦人噯氣胸緊連十餘聲不盡噯出氣心頭略寬不噯即緊

香附 梔子仁 黃連 枳實 板榔 莪朮 青皮

瓜蒌仁 蘇子

右爲末。水丸如梧子大。每服三十九。滾水送下。

宗景按。噯氣。今稱噯氣。說文云。飽食息也。莊子齊物論云。大塊噯氣。其名爲風。然則噯氣者。乃氣壅而忽通之義也。神經性之噯氣。多由憂鬱而起。回春所謂婦人噯氣胸緊。連十餘聲不盡。噯出氣。心頭略寬。不噯即緊。是也。凡此等症。宜解鬱調氣。使氣壅得通。則胸膈自能暢爽矣。但飲食過飽之人。胃運動加烈。瓦斯氣上衝。亦能成爲噯氣。且有時胃中混有乳酸、醋酸、牛酪酸等。則呈酸性之噯氣。至若攝取辛辣性食物及萊菔之後。其噯氣則帶香味。此不足爲病也。噯氣之因於脾胃消化不良者。如胃擴張、胃弛緩等症。往往有之。故內經云。足太陰之脈病。是動則病腹脹善噯。又宜視病情而施治也。

胃脘痛

原因 六科準繩云。胃脘痛有不一之因。蓋胃之真濕土也。位居中焦。稟冲和之氣。多氣多血。是水穀之海。爲三陽之總司。五藏六府十二經脈。皆受氣於此。是以足之六經。自下而上。凡壯則氣行而已。胃脘弱則著而成病。其冲和之氣。變至偏寒偏熱。因之水穀不消。停留水飲食積。真氣相搏爲痛。……

金匱翼云。……憂思忿怒之氣。素蓄於中。發則上冲旁擊。時復下注。若三焦無所阻滯。任其游行。則不能作痛。雖痛亦微。若有濕痰死血。阻滯其氣。而不得條達。兩相搏擊。則痛甚矣。沈氏尊生云。胃痛。邪干胃脘病也。胃稟冲和之氣。多氣多血。壯者邪不能干。虛者著而爲病。偏寒偏熱。水停食積。皆與真氣相搏而痛。……

症狀 六科準繩云。……故胃病者。或滿或脹。或食不下。或嘔吐。或吞酸。或大便難。或瀉利。面色浮而黃者。皆是胃之本病也。其有六淫五邪相乘於胃者。大率與心痛之形狀相類。但其間必與胃本病參雜而之也。

脈法 脈訣云。沉弦細動。皆是痛症。心痛在寸。腹痛在關。下部在尺。脈象顯然。

治法 沈氏尊生云……胃病有因外吸涼風。內食冷物。卒然痛者。宜二陳湯加草薳仁乾薑吳萸。有因寒者。宜草果厚朴良薑菖蒲。寒且甚者。宜華澄茄一粒。納去核棗中。水草紙包煨存性。或酒或米湯下。日一枚。七日愈。有因火者。宜清中湯。有因瘀血者。宜桃仁承氣湯。有因氣壅者。宜沈香降氣湯。有因酒者。宜乾薑薳仁砂仁。有因痰者。宜星半安中湯。如甚加白螺獅殼煨過一錢。有因痰火者。宜白礬硃砂醋糊丸。薑湯下。有因諸蟲者。宜剪紅丸。有因食而按之滿痛者。宜大柴胡湯。有因虛寒者。宜理中湯……然胃痛必有虛實。總以按之者止者爲虛。宜參朮散。按之痛反甚者爲實。宜梔萸丸。此其大較也。至于痛甚者。脈必伏。是又不可不知。其用藥之法。凡痛必須溫散。切不可補氣。以氣旺不通。則痛反甚之。顧安可忽視乎哉。

得效方云。飲食過多。以致積滯成胃脘痛。先用吐法。次用香蘇散。入生薑葱白烏梅煎服。六科準繩云。病人舊有酒積。食積痰積在胃脘。一遇觸犯。便作疼痛。挾風寒參蘇飲加薑葱。挾怒氣二陳湯加青皮香附薑汁炒黃連。挾飲食二陳湯加炒山梔麴蘖草果山查。挾火熱者。二陳湯加枳實厚朴薑汁炒黃連。山梔。加減越鞠丸。川芎蒼朮香附神麴貝母炒梔子砂

仁草果。參酌脈症施治。

又云。服寒藥多。致脾胃虛弱。胃脘痛。宜溫胃湯。寒濕所客。身體沈重。胃脘痛。面色痿黃。宜朮桂湯。胃虛感冷而痛。理中湯。內傷發熱不食。胃口作痛。補中益氣湯加草薢。熱痛加梔子。肥人心脾胃脘當心痛。或痞氣不食。用草薢炒三稜白朮白薢仁桂枝甘草遠志義朮丁香陳皮木香藿香炊餅丸。梧桐子大。薑湯下三五十丸。胃脘停濕者。大溫中丸。脾胃不和而痛。大安丸。

豫後 良

古今驗方選

清中湯 統旨方 治胃中大熱作痛。

黃連 山梔 陳皮 茯苓 半夏 草薢 甘草

如生薑煎。

梔萸丸 沈氏尊生方 治因食氣實。

梔子 吳茱萸 香附

右爲細末。蒸餅爲丸。如梧子大。每服二三十丸。生薑生地黃煎湯送下。

大柴胡湯傷寒論方

柴胡 黃芩 芍藥 半夏 生薑 枳實 大棗
大黃

剪紅丸沈氏尊生方治因蟲熱痛。

雄黃 木香 檳榔 三稜 莪朮 貫仲 乾漆
陳皮 大黃

星半安中湯統旨方治痰積作痛。

南星 半夏 滑石 香附 枳殼 青皮 橘紅
木香 蒼朮 砂仁 山梔 茯苓 甘草

加薑煎。

溫胃湯東垣方治服寒藥多致脾胃虛弱胃脘痛。

白豆蔻 益智 砂仁 厚朴 甘草 乾薑 薑黃

消化器病 胃脘痛

消化器病 胃脘痛

黃耆 陳皮 人參 澤瀉 甘草 芍藥 陳皮

朮桂湯 東垣方 治寒濕所客。身體沉重。胃脘痛。面色痿黃。

麻黃 桂枝 杏仁 草薢仁 半夏 澤瀉 炒麩

蒼朮 陳皮 白茯苓 豬苓 黃耆 炙甘草

白螺殼丸 丹溪方 治痰積胃脘作痛。

白螺殼 滑石 蒼朮 山梔子 紅麩 香附 南星

枳殼 青皮 木香 半夏 砂仁 桃仁

右為末。用生薑汁。浸蒸餅為丸。菘豆大。每服五十丸。

大安丸 丹溪方見傷食門

大溫中丸 丹溪方 治脾虛。濕熱內阻。氣化不行。腹膨肢腫。黃胖水膨。飲食弱少。

香附 甘草 針砂 苦參 厚朴 芍藥 陳皮

山查 蒼朮 青皮 白朮 茯苓

右為細末。醋糊丸如桐子大。面黑筋骨露。氣實者。米飲下五六十丸。面肥白與氣虛

羸弱者。白朮湯下三四十丸。忌一切生冷油膩雞鵝羊鴨生硬併糍粽難化之物。
沉香降氣湯局方治一切留飲氣滯。胸脅痞悶。喘促短氣。噫醋吞酸。婦人經水不調。少腹刺
痛。

沈香 香附 烏藥 砂仁 甘草

加鹽煎。

參朮散沈氏尊生方治虛寒腹痛。

人參 白朮 炮薑 白荳蔻 縮砂仁 丁香 陳皮

甘草 生薑

參蘇飲 易簡方見感冒門

良附丸 驗方治氣滯胸膈。膈輒處一點疼痛。或經年不愈。或母子相傳者。

高良薑 香附 乾薑 沈香 青皮 當歸 木香

共研細末。水泛丸。如梧桐子大。每服三錢。米湯送下。

越鞠丸 丹溪方 解諸鬱。

消化器病 胃脘痛

香附 蒼朮 川芎 山梔 神麩

右爲末。滴水丸。如菜豆大。每一百丸。白湯下。

香蘇散 局方治四時感冒。及婦人妊娠傷寒。惡寒頭痛。

香附 紫蘇莖葉 陳皮 甘草

研爲末。每服五錢。加生薑三片。大棗一枚。清水煎服。

理中湯 傷寒論方見霍亂門

補中益氣湯 東垣方見瘧疾門

二陳湯 局方見瘧疾門

桃仁承氣湯 傷寒論方見脇痛門

宗景按。本病之原因。頗爲繁雜。由於胃體自身之變化者。如胃潰瘍、胃癌、胃酸過多、幽門痙攣、胃炎等。胃受間接之影響者。如隣近臟器病。男女生殖器病。神經中樞病等。皆足以致痛。胃潰瘍之痛。如潰瘍之在胃小灣部或在幽門部。於飯後半時至一時出現。其致痛之由。或因胃酸分泌亢進。刺激潰瘍。或因食物之直接磨擦瘡面（潰瘍）及胃動時潰

瘍邊緣之被牽扯。若能證明大便潛出血者。斯無疑矣。胃炎及胃痛則發持續性之微痛。胃酸過多症。往往因飲食而痛減。幽門痙攣之痛。發於食後三時至五時。因嘔吐而痛止。他如胃受間接之影響者。又當細辨也。憂思忿怒。交感神經受刺激。起反射作用。消化阻滯。胃痛嘔逆。舊說謂之肝木尅脾土。即今之神經性胃痛也。神經性胃病。發作時。病人苦楚異常。以手按其胃部。則略覺輕快。痛極時。面白肢冷。神昏汗出。狀殊可慘。若得噯氣嘔吐。則痛立止。與平人無異。或數日一發。或數月一發。愚每以栝蒌薤白半夏湯。合吳茱萸湯。（去人參大棗）加川連。香椽皮。玫瑰花。金鈴子。白芍。茯苓等藥。治之獲奇效。然亦有視病症之所在。不必拘泥成方者。如門人許國華之嫂。患胃痛數載。初起甚微。因服平肝涼血之藥而增劇。延愚診時。脈象沈弦。嘔吐便溏。胃痛如刺。喜以物用力壓之。投以烏梅肉桂白芍乾薑附子蜀椒吳萸半夏黃連茯苓廣皮等。（烏梅丸不專治虻痛之症）嘔痛即除。便亦略堅。連診數日。方意雖略有出入。其痛仍復發作。因改用烏頭赤石脂丸。吳茱萸湯。大建中湯。（去膠飴）複方圖治。始獲安全。其間或以吳茱萸湯。加草果。厚朴。畢澄茄。萆撥。或以附子理中加椒梅。醫治月餘。其痛遂不再發。大便亦如常矣。烏頭赤石脂

丸。本治心痛徹背。背痛徹心之方。今以之治虛寒胃痛而便溏者。試而獲效。可知古人所謂心痛。秦半指胃痛而言也。

泄瀉

種類 泄瀉之種類頗多。約而言之。分爲六種。曰飧泄。曰寒瀉。曰熱瀉。曰濕瀉。曰腎泄。曰食瀉。

原因 內經云。春傷於風。夏生飧泄。

又云。清氣在下則生飧泄。

又云。腸中寒則腸鳴飧泄。

金匱翼云。飧泄。完穀不化也。脾胃氣衰。不能熟腐水穀。而食物完出。經所謂脾病者。虛則腹滿腸鳴。飧泄。食不化是也。又清氣在下。則生飧泄者。謂陽氣虛則下陷也。又風氣入脾。亦令飧泄。夫風者木氣也。而行于土中。風性善行。傳化疾速。則熟腐不及。經所謂久風入中。爲腸風飧泄者是也。又脾所生病。爲胸滿嘔逆飧泄若。亦木氣制土之所致也。又虛邪舍於腸胃。多寒則腸鳴飧泄。食不化者。土性喜溫而惡寒。多寒則變化無權也。故飧泄之病。約有三端。

一曰虛。二曰風。三曰冷。而皆以虛爲本也。亦曰虛泄。

時病論云。寒瀉者。因寒致瀉也。致病之原。由寒氣內襲於脾。脾胃受寒。則陽虛。虛則不司運用。清陽之氣。不主上升。反下陷而爲便瀉。

金匱翼云。熱瀉者。夏月熱氣。乍乘太陰。與濕相合。一時傾瀉如水之注。亦名暴泄。內經所謂暴注下迫。皆屬於熱是也。

又云。濕瀉一名濡泄。由脾胃有濕。則水穀不化。清濁不分。久雨潮溢。或運氣濕吐。司令之時。多有此疾。內經所謂濕勝則濡泄。左傳所謂雨淫腹疾是也。又水寒之氣。入客腸間。亦令人濡瀉。

經云。太陽之勝。寒客下焦。傳爲濡泄是也。

又云。腎泄者。五更溏泄也。腎雖水藏。而中有元陽。爲脾土之母。又腎者主蟄。封藏之本。而開竅於二陰。腎陽既虛。既不能溫養于脾。又不能禁固于下。故遇子後陽生之時。其氣不振。陰寒反勝。則陽鳴奔響作脹。瀉去一二行乃安。積月不愈。或至累年。

六科準繩云。食瀉因飲食過多。脾胃之氣。不足以運化而瀉。

症狀 時病論云。飧泄者……腸鳴腹痛。完穀不化。

又云。寒瀉者……所下澄澈清冷。儼如鴨糞。腹中絛痛。小便清白。

戴復菴云。熱瀉。糞色赤黃。彈響作疼。糞門焦痛。糞出穀道猶如湯熱。煩渴。小便不利。

時病論云。濕瀉者……瀉水而不腹痛。胸前痞滿。口不作渴。小便黃赤。或腹微痛。大便稀溏。

戴復菴云。腎瀉……令人水瀉不止。其瀉每在五更。天將明時。必洞泄二三次。以腎旺于亥

子五更之時。故特甚也。

直指方云。腎泄者。腹痛無定處。似痢。骨弱色鰲。脚下時冷……

醫學入門云。食瀉者。瀉而腹痛甚。瀉後痛減。臭如抱懷雞子。酸氣作噫。

脈法 內經云。飧泄脈小者。手足寒難已。飧泄脈小。手足溫易已。

戴復菴云。寒瀉……脈沉遲。

六科準繩云。寒瀉脈沈細或弦遲。

又云。濕瀉脈濡細……

金匱翼云。熱瀉者……脈洪數或虛……

直指方云。腎瀉者……尺脈虛弱者。是也。

時病論云。食瀉者。卽胃瀉也。其脈氣口緊盛。或右關沉滑。

鑑別診斷

丹溪云。泄瀉之症。水穀或化或不化。並無努責。惟覺困倦。若滯下則不然。或膿

或血。或膿血相雜。或腸垢。或無糟粕。或糟粕相雜。有痛不痛之異。然皆無裏急後重。逼迫惱人。赤白交下爲異。

治法

戴復菴云。飧泄者。史記名迴風。水穀不化。濕兼風也。風邪干胃。木來賊土。清氣在下。

升陽除濕湯。

金匱翼云。經曰。飧泄取三陰。三陰者。太陰也。宜補中益氣湯去當歸加白芍。

東垣云。清氣在下者。乃人之脾胃氣衰。不能升發陽氣。故用升麻柴胡。助甘辛之味。以引元氣之升。不令下陷爲飧泄也。

六科準繩云。寒瀉……身冷口不渴。小便清白。或腹中綿綿作疼。宜理中湯。附子溫中湯。漿水散。

戴復菴云。寒瀉腹脹泄注。食卽嘔吐。理中湯加肉桂訶子升麻。食久窘迫。大便色白。腸鳴切

痛。身冷不渴。溲清。或綿綿腹痛。附子理中湯加肉果。

六科準繩云。熱瀉。口乾燥。身多動。音聲響亮。暴注下迫。益元散加苓連燈心淡竹葉之屬。泄而身熱。小便不利。口渴者。益元五苓。若火多。四苓加木通黃芩。泄而困倦不便者。宜參朮滑石苓通。泄而脈滑堅者。實熱。宜大承氣湯。

醫學入門云。濕瀉如水傾下。腫鳴身重。腹不疼。外濕者。胃苓湯除濕湯。或朮附湯加茯苓。內濕者。白朮芍藥湯。白朮茯苓湯。二白丸。

戴復菴云。腎瀉。……惟八味丸以補其陰。則腎中之水火既濟。而開闔之權得宜。况命門之火旺。則能生土。而脾亦強矣。有用六味丸加沉香砂仁。以山藥末打糊。代蜜爲丸。以攝火歸源而愈者。有用六味丸加遠志益智。兼調脾腎而愈者。有用六味丸七分。雜二神丸三分。服之而愈者。有用五味子煎送四神丸者。有用二神丸加五味子山茱萸肉桂茴香。陳米飲爲丸服者。

六科準繩云。食瀉。……其人必噫氣如敗卵臭。宜治中湯加砂仁半錢。麴蘖枳朮丸。或七香丸。紅丸子雜服。食積而瀉。不可遽用治中兜住。宜先用消導推蕩之藥。或因食一物過傷而

瀉。後復食之即瀉者。以脾爲所傷。未復而然。宜大健脾湯。寒者可也仍燒所傷之物存性。爲末。三五錢重調服。

醫學入門云。食瀉。……須先消尅所傷之物。傷冷食者。平胃散。加香附砂仁草菓山查麥芽。傷熱物者。二黃丸加神麩。

豫後 除重症傳染性外。豫後良好。少則數日。多至二星期可愈。惟小兒老人及衰弱者。每易虛脫。臨症時須注意。

死候 內經云。脈細。皮寒。氣少。泄利前後。飲食不入。是謂五虛。死。

禁忌 忌食生冷油膩等物。

古今驗方選

胃風湯 易簡方 治風冷虛氣入客腸胃。水穀不化。泄瀉注下。腹脇虛滿。腸鳴疴痛。

人參 茯苓 川芎 官桂 當歸 白芍 白朮

粟米

防風芍藥湯 東垣方 治飧泄脈弦。身熱腹痛而渴。

防風 芍藥 黃芩

升陽除濕湯 東垣方 治胃氣不升。清氣在下。飧泄不已。

蒼朮 柴胡 升麻 羌活 防風 澤瀉 豬苓

神麩 麥芽 陳皮 甘草

附子溫中湯 寶鑑方 治寒瀉腹痛。或水穀不化。

附子 乾薑 人參 白朮 白茯苓 白芍 炙甘草

厚朴 豆蔻 陳皮

紅丸子局方 治壯脾胃。消宿食。去膨脹。

京三稜 蓬莪朮 青皮 陳皮 乾薑 胡椒

右爲末。用醋麵糊丸。如梧桐子大。紅礬爲衣。每服三十九丸。食後薑湯送下。小兒臨時

加減與服。

治中湯證治準繩方 治食滯泄瀉。

人參 白朮 甘草 炮薑 陳皮 青皮

麴藥枳朮丸證治準繩方治傷食心胸滿悶。

神 麴 麥 蘖 枳 實 白 朮 半 夏 陳 皮

右爲末。薄荷葉裏。燒飯爲丸。如桐子大。每服五十丸。食遠熟湯送下。

補中益氣湯 東垣方見瘡疾門

芎藭丸 本事方 治風濕泄瀉。

芎 藭 神 麴 白 朮 附 子

右爲細末。麴糊丸。如梧子大。每服三五十丸。米飲送下。

胃苓湯證治準繩方治脾濕太過。泄瀉不止。

蒼 朮 厚 朴 陳 皮 白 朮 茯 苓 澤 瀉 豬 苓

甘 草 肉 桂

白朮芍藥湯證治準繩方治脾經受濕。水泄注下。體重困倦。不欲飲食。水穀不化等證。

白 朮 芍 藥 甘 草

二神丸 本事方 治腎藏陽虛。五更泄瀉。

消 化 器 病 泄 瀉

補骨脂 肉豆蔻

爲細末。蒸餅丸。梧子大。每服二錢。米湯溫酒任下。

四神丸 證治準繩方 治脾腎虛寒。五更泄瀉。不思飲食。或久痢虛痛。腰痠肢冷。

肉豆蔻 五味子 補骨脂 吳茱萸

研爲末。用生薑切八兩。紅棗一百枚。清水煮爛。去皮核。與藥末搗和丸。如梧桐子大。每服五七十丸。食前空腹時米飲熟湯或鹽湯送下。

崔氏八味丸 治腎藏真陽不足。火不歸源。

熟地黃 山萸肉 乾山藥 牡丹皮 白茯苓 白澤瀉 附子

肉桂

右八味爲末。煉白蜜丸。梧子大。每服五七十丸。空心淡鹽湯臨臥時溫酒下。以美饌壓之。

六味丸 錢乙方見消渴門

除濕湯 百一方 治寒濕所傷。身體重著。腰脚酸疼。大便溇泄。小便或澀或利。

半夏 厚朴 蒼朮 藿香葉 陳皮 白茯苓 甘草

白朮茯苓湯醫學入門方 治食瀉濕熱。

白朮 茯苓

二白丸醫學入門方 治奉養太過。飲食傷脾。常泄或痢。

白朮 山查 神麴 白芍 半夏 黃芩

右爲末。荷葉包。飯煨熟。搗丸。梧子大。空心白湯下。

二黃丸 治傷熱食痞。兀兀欲吐。煩悶不安。

黃芩 黃連 升麻 柴胡 甘草 枳實

右爲末。蒸餅丸。菉豆大。每服五七十九。白湯或薑湯下。

朮附湯（即近效朮附湯） 治寒溼泄瀉。

白朮 附子 甘草 生薑 大棗

漿水散潔古方 治太陰少陰中暑。泄瀉身冷。多汗脈弱。

消化器病 泄瀉

半夏 良薑 乾薑 肉桂 甘草 附子

附子理中湯證治準繩方

乾薑 白朮 人參 甘草 附子

益元散 河間方

滑石 甘草 辰砂

大承氣湯傷寒論方

平胃散 局方見瘧疾門

四苓散 瘟疫論方

茯苓 豬苓 白朮 澤瀉

大健脾湯 百一方 治脾胃虛寒。不進飲食。

華澄茄 乾薑 白豆蔻 丁香 白茯苓 甘草 肉豆蔻

半夏 縮砂 青皮 檀香 厚朴 茴香 神麩

橘紅 白朮 川烏 草薹仁 附子

理中湯傷寒論方見霍亂門

七香丸局方温中快膈。化積和氣。治中酒嘔逆。氣膈食噎。茶酒食積。小兒疳氣。

甘松 益智仁 香附子 丁香皮 甘草 蓬朮 縮砂

右爲末。蒸餅爲丸。菽豆大。每服二十九。温酒薑湯熟水任下。

益脾餅 衷中參西錄方 治脾胃濕寒。飲食減少。長作泄瀉。完穀不化。

白朮 乾薑 雞內金 熟棗肉

右藥四味。白朮雞內金皆用生者。每味各自軋細焙熟。再將乾薑軋細。共和棗肉。同搗如泥。作小餅。木炭火上炙乾。空心時當點心細嚼咽之。

加味四神丸 衷中參西錄方 治黎明腹疼泄瀉。

補骨脂 吳茱萸 五味子 肉豆蔻 花椒 生硫黃 大棗

生薑

先煮薑十餘沸。入棗同煮至爛熟。去薑。餘藥爲細末。棗肉爲丸。桐子大。

縮砂丸 神巧萬全方 治冷氣水瀉。日夜二十三行。腹痛。四肢不和。

消化器病 泄瀉

縮砂 黃連 附子 吳茱萸 木香 乾薑

右爲末。用醋軟飯和丸。梧桐子大。每服三十九丸。以粥飲下。

單方

硫黃 治冷瀉暴瀉所下如水硫黃滑石等
分爲末溫水調下三錢立止(得效)

肉豆蔻 主泄瀉如暴水泄不止取三個麵裏煨爲末作一服米飲
調下神效若冷痢腹痛不能食取末一錢米飲下(綱目)

好黃土 治泄痢赤白腹痛下血好黃土水煮
三五沸去滓煖一二升(本草)

五倍子 治腸虛泄瀉取爲末以白
湯調二錢服立止(本草)

蒼朮 治傷溼泄瀉或合茯苓或合芍藥每五錢水煎
服之若傷風泄瀉合防風水煎服之(湯液) 糯米 止泄瀉半生半炒煮
粥食甚效(醫鑑)

車前草 治熱泄取莖葉搗取汁一盞
入蜜一合溫分二服(本草)

白朮 治一切泄瀉煎服末服丸服並佳或合白
芍藥白茯苓同煎服止泄尤佳(湯液)

訶子皮 主泄瀉及赤白諸痢訶子三個兩枚炮一枚生用同爲末溫
水和服○氣痢久痢煨取皮爲末二錢和米飲頓服(本草)

車前子 治一切泄瀉炒爲末空心取二錢米
飲調下最妙或水煎服亦良(得效)

白芍藥 治泄瀉痢疾煎服末服丸服並佳酸
收甘緩下痢必用之藥也(湯液)

神麴 止泄痢熬爲末粟米飲調下二錢日三(本草)暑時暴泄神麴炒蒼
朮製等分爲末麵糊和丸梧子大米飲下三十九丸名麴朮丸(綱目)

木香 治諸泄瀉痢疾皆佳煎服末服並良或合黃連爲丸治赤白諸痢甚佳(本草)

縮砂 治冷泄及休息痢取末一錢空心米飲調下(丹心)

猪肝 主冷泄溼泄滑泄取肝薄切搗塗煨訶子皮末微火炙盡末五錢空心細嚼米飲送下(本草)○暴泄溼泄猪肝漿水煮熟食之(得效)○氣虛下痢瘦乏猪肝一具切片入醋一升煮乾空心食甚妙(入門)

宗景按。本病乃賅括急性腸加答兒。加答兒。即流出之義也。凡自鼻腔腸間子宮等流出黏液之症。皆附此名。見丁仲祜醫書。及慢性腸

加答兒等症。其原因頗多。大概急性者。由於飲食不節。包括不潔之義或感受寒冷。或因其他腸

病續發所致。慢性者。多由急性轉來。然亦有初起。卽爲慢性。其大多數以心臟病及肝臟

病爲原因。本病之通常症狀。爲雷鳴腹痛。下利日三四次。或數十次。週身倦怠。口渴。小便

少。或同時併發嘔吐惡心嘈雜等症。所瀉之糞便。視水分多寡而異。或如水狀。或如粥狀。

且混有黏液及泡沫。腐臭異常。呈灰白色者。蓋以次數既多。膽汁不及着色也。若下利不

止。體液被耗。則時覺口乾。四肢厥冷。脈搏頻數。眼窩凹沒。現虛脫之象。夏秋之間。醫者每

易誤認爲歐洲霍亂或亞細亞霍亂。其實中醫主對症用藥。有是證則用是藥。雖治霍亂

之方。移治泄瀉。亦屬無妨。但須辨其寒熱虛實耳。夫寒熱虛實。乃治病之本。亦我中醫辨

證之特長也。且人之稟賦。各有不同。疾病之成。各有其因。未可以執一施治。是故暑瀉治

以滌暑。痰瀉治以化痰。濕瀉治以滲濕。食瀉治以消食。餘如寒者溫之。熱者清之。虛者補

之實者攻之。此即內經通用之意。西醫亦知腸內如有有害物質。當於下利之初。先投下劑。後用止瀉劑。用之適當。效如桴鼓。曾治一婦人水瀉之危症。用白朮促進其小腸之吸收。用車前子利其小便而實大便。服後覆杯而臥。次日即告全愈。其方即串雅中之分水丹也。然則西醫長於學理。中醫長於治療。若各能捨短採長。共謀改進。則我國醫學。必冠於全球矣。

腸癰

原因 巢氏病源云。腸癰者。由寒溫不適。喜怒無度。使邪氣與榮衛相干。在於腸內。遇熱加之。血氣蘊積。結聚成癰。熱積不散。血肉腐壞。化而爲膿。

症狀 巢氏病源云。其病之狀。小腹重而微強。抑之即痛。小便數似淋。時時汗出。復惡寒。其身皮膚甲錯。腹皮急。如腫狀。診其脈洪數者。已有膿也。其脈遲緊者。未有膿也。甚者腹脹大。轉側聞水聲。或繞臍生瘡。穿而膿出。或膿自臍中出。或大便出膿血。惟宜急治之。

脈法 仲景云。趺陽脈滑而數。知當下膿也。

脈經云。腸癰之脈滑而數。滑則爲實。數則爲熱。滑則爲榮。數則爲衛。衛數下降。榮滑上升。榮衛相干。血爲敗濁。

脈訣云。腸癰難知。脈滑可推。數而下熱。腸癰何疑。遲緊未膿。下以平之。洪數膿成。不下爲宜。診斷。金匱云。腸癰之爲病。其身甲錯。腹皮急。按之濡。如腫狀。腹無積聚。身無熱。脈數。此爲腸內有癰膿。

又云。腸癰者。少腹腫痞。按之卽痛如淋。小便自調。時時發熱。自汗出。復惡寒。……

附辨膿法。巢氏病源云。凡癰經久不得可消者。若按之都牢韌者。未有膿也。按之半韌半軟者。有膿也。又以手掩腫上。不熱者爲無膿。若熱甚者爲有膿。

集驗云。脈緊而數爲膿未成。緊去但數爲膿已成。以手按上。熱者爲有膿。不熱者爲無膿。按之牢硬。未有膿也。按之半軟。已有膿也。大軟方是膿成也。大按之痛者。膿深也。按之不甚痛者。未成膿也。按之卽復者。爲有膿也。不復者。無膿也。小按便痛。薄皮剝起者。膿淺也。按之四痛。皮色不變。不高阜者。膿深也。

陳實功云。輕按熱甚便痛者。有膿且淺且稠。重按微熱方痛者。有膿且深且稀。按之陷而不起者。膿未成。按之軟而復起者。膿已成。按之都硬不痛者。無膿。非是膿。卽瘀血也。按之都軟不痛者。有膿。非是膿。卽水濕也。

治法 金匱云……腸內有癰膿者。薏苡附子敗醬散主之。

又云……膿未成。可下之。當有血……膿已成。不可下也。大黃牡丹湯主之。

醫學入門云。腹皮急。按之濡。身無熱。乃陰冷所成。宜牡丹散。或內托十宣散。加茯苓。甚者敗醬散。小腹痛。按之痛。身有熱。乃結熱所成。宜大黃牡丹湯。或桃仁承氣湯。黑黃散。

瘍科選粹云。腸癰小腹堅腫。按之則痛。肉色如鼓。或亦微腫。小便如淋。汗出憎寒。其脈遲緊。膿未成者。急服大黃湯神效。其腹中痛。煩躁不安。或腹脹不食。小便澹者。薏苡仁湯。瘀血腸癰。小腹硬痛者。四物延胡湯。小腹痛。脈滑數。或裏急後重。時時下血者。排膿散。

預後 本病往往併發腹膜炎。腸穿孔。自家中毒等危症。尤宜注意。慢性症經過極緩。豫後亦不良。惟原因爲宿便者。大抵良好。

死候 千金方云。凡腸癰。其狀兩耳輪文理甲錯。初患腹中苦痛。或繞臍有瘡。如粟皮。熱便膿血出。似赤白下。不治。必死。

張氏醫通云。若膿從臍中出者。爲盤腸癰。多不治。

薏苡附子敗醬散 金匱方

薏苡仁 附子 敗醬

大黃牡丹湯 金匱方見鼠疫門

大黃 牡丹 桃仁 瓜子 芒消

三仁湯 醫學入門方 治腸癰。腸中疝痛。縱非癰。疑似間便可服。

薏苡仁 冬瓜仁 桃仁 牡丹皮

牡丹散 醫學入門方 治腸癰冷證。腹軟而痛。時下膿血。

牡丹皮 人參 天麻 白茯苓 黃耆 薏苡仁 桃仁

白芷 當歸 川芎 官桂 甘草 木香

建中湯去飴加陳皮木香 漢法醫典加減方 治腸癰攣痛甚。

芍藥 桂枝 甘草 大棗 生薑 陳皮 木香

甲字湯 漢法醫典方 治腸癰既化膿之後。

茯苓 桃仁 芍藥 牡丹 桂枝 甘草 生薑

消化器病 腸癰

大黃 薏苡仁

大黃湯六科準繩方治腸癰。少腹堅硬。腫熱如掌。按之則痛。膚色或赤或白。小便稠數。汗出惡寒。其脈遲緊。未成膿者。

大黃 朴硝 丹皮 白芥子 桃仁

內托十宣散證治準繩方

人參 黃耆 當歸 厚朴 桔梗 肉桂 白芷

甘草

右各等分爲末。每三錢。溫酒調服。不飲酒。木香湯調下。

黃黑散丹溪心法方

大黃 破故紙 牛蒡子 黑牽牛

右和勻。蜜水調。空心服。以利爲度。

排膿散金匱方治內癰。膿從便出。

枳實 芍藥 桔梗

四物延胡湯

當歸 延胡索 川芎 白芍 生地 桃仁 紅花

牛膝

桃仁承氣湯 傷寒論方
見脇痛門

薏苡仁湯 證治準繩方

薏苡仁 瓜蒌仁 丹皮 桃仁

排膿散 證治準繩方 治腸癰小腹脹痛。或裏急後重。或時時下血。

黃耆 當歸 金銀花 白芷 穿山甲 防風 瓜蒌仁

連翹 甘草

單方

黃芪 治癰疽久敗瘡排膿止痛濃煎服之
內托陰證瘡瘍必用之藥也(東垣)

忍冬藤 治一切癰疽腫毒花莖與
葉生搗煖酒調服(直指)

甜瓜子 主腹內結聚破潰膿血最為腸胃腹
內癰要藥為末酒下二三錢(本草)

赤小豆 消熱毒癰腫作末鷄子清調塗之
即差亦治一切腫毒作痛(本草)

消化器病 腸癰

生地黃

治一切癰疽。地黃搗爲泥。攤布上。糝木香末於中。再攤地黃泥貼腫上。三度差（本草）。

宗景按。學者欲知腸癰之病理及正確之診斷。當先明大小腸之位置。小腸居於胃之次位。其間可分爲三段。十二指腸爲小腸之最上段。空腸居十二指腸之次位。迴腸居空腸之次位。爲小腸之下段。大腸上接迴腸。亦可分爲三段。盲腸居大腸之上段。與迴腸下端相連續。有蚯蚓狀之細小附屬物曰蟲樣垂。或稱蚓突。或稱闌尾。結腸居盲腸之次位。直腸居結腸之次位。爲大腸之末端。其下極名曰肛門。今所當注意者。卽爲盲腸及蚓突。其形皆如袋。故糞石及誤吞之果核魚骨毛髮等物。皆易竄入。若積滯於內。不能排出。往往發生炎症。持續過久。則內腔蓄積濃汁。易致穿孔。引起廣泛性腹膜炎。遂成不救。如是者。西醫名之曰盲腸炎。或蚓突炎。其實卽中醫所謂腸癰也。症候頗爲複雜。分爲單純性。及化膿性兩種。初起時。右腸骨窩部發生疼痛。與熱。且多突然而來者。痛時非常難堪。如遇咳嗽行走則更甚。常屈其右足。以自緩其痛。故俗名縮脚腸癰。同時舌苔濃厚。食慾不振。嘔吐便秘。口渴不眠。全身發寒。寒極則熱。達於三十九度至四十度。其診斷之最要者。爲馬克李內氏所發明之壓痛點。自臍至右腹角高骨。引一直線。此線與右直腹肌邊線相交之點。按

之作劇痛者。即是也。治療之法。西醫認蟲樣垂爲無用之物。可於早期施行手術割去。此外別無內科特效之藥。而中醫則不用手術。逮其炎症未劇。膿未成時。急以大黃牡丹皮湯。下其有害之物。膿已成者。以薏苡附子敗醬散加減治之。屢獲奇效。且可免割治之痛苦。吾儕平日須飲食審慎。患病時尤當及早醫治。毋使因循自誤。養癰貽患也。

便血

原 內經云。陰絡傷則血內溢。血內溢則後血。

醫學入門云。便血……皆因七情六淫。飲食不節。起居不時。或坐臥濕地。或醉飽行房。或生冷停寒。或酒麵積熱。以致榮血失道。滲入大腸。而爲便血。

張氏醫通云。血之在身。有陰有陽。陽者順氣而行。循流脈中。調和五藏。洒陳六府。如是者謂之營血也。陰者居於絡脈。專守藏府。滋養神氣。濡潤筋骨。若是藏感內外之邪傷。則循經之陽血。至其傷處。爲邪氣所阻。漏泄經外。或居絡之陰血。因著留之邪。攤裂而出。則皆滲入腸胃而泄矣。世俗每見下血。率以腸風名之。不知風乃六淫之一耳。或有風從腸胃經絡而入者。或外淫風木之邪。內乘於腸胃者。則可謂之腸風。若其他不因風邪。而腸胃受火熱二

淫。與寒熱燥濕。怫鬱其氣。及飲食不節。用力過度。傷其陰絡之血者。亦謂之腸風可乎。金匱翼云。結陰便血者。以風冷之邪。結于陰分而然。蓋邪在五藏。留而不去。是之謂結陰。邪內結不得行。則病歸血分。故爲便血。經曰。結陰者。便血一升。再結二升。三結三升。正此之謂也。

滑伯仁云。所謂腸風臟毒者。腸風則足陽明積熱。久而爲風。風以動之也。臟毒則足太陰積熱。久而生濕。從而下流也。風則陽受之。濕則陰受之。

沈氏尊生云。臟毒專由大腸血熱。或平素善食辛燥煎燻之物而成病也。

症狀 血證論云。臟毒者。肛門腫硬。疼痛流血。與痔漏相似。……腸風者。肛門不腫痛。而但下血耳。臟毒下血多濁。腸風下血多清。

六科準繩云。下血腹中不痛。謂之濕毒。下血血色不鮮。或紫黑。或如豆下。下血腹中痛。謂之熱毒。下血血色鮮。

張氏醫通云。腸風所下之血。清而色鮮。四射如濺。

脈法 巢氏病源云。令人面無血色。時寒時熱。脈浮弱。按之絕者。下血。

治法 金匱云。下血。先便後血。此遠血也。黃土湯主之。

又云。下血。先血後便。此近血也。赤小豆當歸散主之。

張氏醫通云。血濁而色黯者爲藏毒。蘊積毒氣。久而始見也。宜小烏沉湯。下黑神散。脈實便秘勢盛者。藏連丸。腸風挾濕毒者。下如豆汁兼紫黑瘀血。此醇酒厚味所釀之溼。由足陽明隨經入胃。淫溢而下也。脈細有寒者。升陽除濕防風湯。脈數有熱者。去二朮加黃連當歸甘草。腸風下血。以劉寄奴半兩。芽茶一兩。墨灰三錢爲散。分三服。烏梅湯送下。其血立止。後宜多服歸脾湯調理。腸風下血。其血另作一派濺出。遠射四散如篩。腸中作痛。乃陽明氣衝熱毒所作也。人參敗毒散。不應。用升陽除濕和血湯。下血久而不已。面色痿黃。下元虛憊者。四君子加黃耆歸芍。下斷紅丸。虛甚十全大補湯。去茯苓加防風。潔古云。下血防風爲上使。黃連爲中使。地榆爲下使。

易老云。大便後下血。腹中不痛者。謂之濕毒下血。黃連湯主之。腹中痛者。謂之熱毒下血。芍藥黃連主之。

丹溪心法云。腸風獨在胃與大腸出。治用黃芩、秦艽、槐角、青黛、升麻。

又云。便血過多者。四物湯加蝟皮。

又云。有熱者。四物湯加山梔、升麻、秦艽、阿膠。

沈氏尊生云。有實熱積於內而便血者。宜當歸承氣湯。有結陰下血。而腹痛不已者。宜地榆甘草湯。有由脾濕便血者。宜蒼朮地榆湯。有大便瀉血。三代相傳者。宜砂仁末。米湯熱服二錢。以愈爲度。有臟毒下血者。宜大蒜丸。旱蓮草散。乾柿散。

血證論云。臟毒者。肛門腫硬。疼痛流血。與痔漏相似。仲景用赤豆當歸散主之。取赤豆芽以疎鬱。取當歸以利血。赤豆性能利濕。發芽赤色。則入血分。以爲排解之用。當歸潤滑養血。以滋大腸。則不秘結。仲景略示其端。以爲治臟毒者。必須利濕熱。和血脈也。非謂此二藥外。別無治臟毒之法。吾卽此藥引而伸之。若大腫大痛。大便不通者。宜解毒湯。取防風枳殼等疎理其氣。卽赤豆芽義也。取大黃赤芍等滑利其血。卽仲景用當歸之義也。若大便不結。腫痛不甚者。不須重劑。用四物湯。加地榆荆芥槐角丹皮黃芩土茯苓地膚子苡仁檳榔治之。四物湯。卽仲景用當歸養血之義。所加諸藥。卽仲景用赤豆芽。以疎利濕熱。而解血鬱也。仲景但用養血疎鬱。今恐濕熱難解。故兼用清藥。欲止血者。兼服十灰散。亦可。若臟毒久不愈者。

必治肝胃。血者肝所司。腸者胃之關。胃若不輸濕熱於腸。從何而結爲臟毒哉。肝之血分如無風火。則亦不迫結肛門矣。治胃宜清胃散。加銀花土茯苓防己黃柏苡仁車前子。升清降濁。使陽明之濕熱不再下注。則臟毒自愈。治肝者宜龍胆瀉肝湯。逍遙散。

又云。凡治腸風下血。總以清火養血爲主。火清血甯而風熄矣。

又云。凡腸風臟毒。下血過多。陰分虧損。久不愈者。腎經必虛。宜滋陰臟連丸。啓腎陰以達大腸。最妙。六味丸加菴蓉槐角皆宜。

戴復庵云。色鮮紅爲熱。色瘀淡爲寒。寒血因腸胃受冷。營行失度而下。四物加炮薑炙甘草。熱血因熱毒之氣蘊於腸胃。或飲酒過度。及啖炙燻所致。四物加茜根槐花酒黃連炒黑山梔之類。因冷飲中寒。或雜食生冷。血爲寒凝而下。必腹痛色晦淡。宜附子理中倍炮薑加酒連。陰結便血者。厥陰肝血內結。不得陽氣統運。滲入腸間而下。補中益氣倍黃耆加炮薑。內傷瘀血。胸脇小腹急痛。桃仁承氣湯。代抵當湯。隨痛之高下選用。大黃俱宜童便浸透。更用非汁製。虛人可略加桂附二三。若瘀滯色晦不鮮者。久當用溫血藥。始得奏效。

預後 若因腸結核腸癌腫等而便血。其豫後多不良。便血過多。足以立斃。

死候 內經云。腹脹便血。脈大時絕者。死。

禁忌 忌食煎炒等物。

黃土湯 金匱方 治下血。先便後血。此遠血也。

甘草 乾地黄 白朮 附子 阿膠 黃芩 竈中黃土

赤小豆當歸散 金匱方 治下血。先血後便。此近血也。

當歸 赤小豆

升陽除濕和血湯 東垣方 治腸風下血如濺者。

生地黄 熟地黄 當歸身 炙甘草 白芍 黃耆 升麻

蒼朮 秦艽 肉桂 陳皮 丹皮

斷紅丸 張氏醫地方 治下血久不止。虛寒色淡晦者。

側柏葉 川續斷 鹿茸

前三味爲細末。醋煮阿膠爲丸。每服四五十丸。烏梅湯人參湯米飲湯任下。

藏連丸 證治準繩方 治大便下血正赤。日久不止。若血色晦淡者禁用。

宣黃連

右用嫩豬臟二尺。泡去油膩。入黃連末。線紮兩頭。同韭菜蒸爛。搗作餅。焙乾爲末。米糊爲丸。如梧桐子大。每服四五十丸。食前米湯。或烏梅湯下。

蒼朮地榆湯 潔古方 治脾經受濕下血。

蒼朮 地榆

地榆甘草湯 沈氏尊生方 治便血。

地榆 甘草 砂仁

當歸承氣湯 沈氏尊生方 治便血。

當歸 厚朴 枳實 大黃 芒硝

旱蓮草散 沈氏尊生方 治便血。

旱蓮草瓦上焙研末。每服二錢。米湯下。

乾柿散 沈氏尊生方 治便血。

乾柿燒存性。湯服二錢。愈。

大蒜丸六科準繩方治便血。

煨大蒜 淡 豉

同搗丸梧子大。香菜湯送二十九。日二服安乃止。永絕根。大無所忌。

結陰丹 寶鑑方 治腸風下血。臟毒下血。諸大便血疾。

枳 壳 威靈仙 黃 耆 陳 皮 椿根白皮 何首烏 荆芥穗

右爲末。酒糊丸。如桐子大。每服五七十九。陳米飲入醋少許煎過。放溫送下。

平胃地榆湯 寶鑑方 治結陰便血。

蒼 朮 升 麻 附 子 地 榆 葛 根 厚 朴 白 朮

陳 皮 赤 茯苓 乾 薑 當 歸 神 麩 白 芍 藥 益 智 仁

人 參 炙 草 生 薑 大 棗

小烏沉湯局方治血氣不調。心腹刺痛。

香 附 炙甘草 烏 藥 沉 香

黑神散局方治瘀血諸疾。

肉桂 乾薑 熟地黃 甘草 當歸 蒲黃 白芍

右爲散。每服四錢。用細黑豆半合。微炒香。淋酒半盞和水半盞。煎至半盞。入童便半

杯和服。

人參敗毒散 局方見感冒門

升陽除濕防風湯 東垣方 治風濕飧泄及腸風滯下便血。

防風 蒼朮 白朮 茯苓 白芍 生薑

歸脾湯 濟生方

當歸身 人參 白茯苓 黃耆 白朮 生薑 龍眼肉

酸棗仁 木香 甘草 遠志 紅棗

附子理中湯 證治準繩方 見泄瀉門

補中益氣湯 東垣方見瘡疾門

黃連湯 易老方 治大便秘下血腹不痛。

黃連 當歸 甘草

消化器病 便血

芍藥黃連湯 易老方 治大便秘下血腹痛。

白芍藥 黃連 當歸 甘草 大黃 桂心

解毒湯 血證論方

大黃 黃連 黃芩 黃柏 梔子 赤芍 枳壳

連翹 防風 甘草

四物湯 局方見痘瘡門

四君子湯 局方見霍亂門

十全大補湯 局方見疝門

桃仁承氣湯 傷寒論方
見脇痛門

逍遙散 局方見咳血門

清胃散 東垣方 治脾胃溼熱之便血。

生地 當歸 丹皮 黃連 升麻 甘草

龍膽瀉肝湯 局方

木通 澤瀉 柴胡 車前子 生地黃 甘草 當歸

炒山梔 龍胆草 黃芩

臟連丸血證論方治腸風臟毒下血。

黃連 雲苓 山藥 山萸 瀉 丹皮 熟地

入猪大臟腸內同糯米蒸熟去米搗腸與藥為丸淡鹽湯下。

十灰散張氏醫通方見吐血門

六味丸錢乙方見消渴門

代抵當湯證治準繩方

大黃 芒消 桃仁 當歸尾 生地黃 桂 穿山甲

黃連散證治準繩方治腸風下血疼痛不止。

黃連 貫衆 雞冠花 烏梅肉 大黃 甘草

右為細末每服二錢不拘時米湯調下。

腸風黑散證治準繩方治臟毒下血。

消化器病 便血

荆芥 枳壳 亂髮 槐花 槐角 蝟皮 甘草

右同入磁瓶內。泥固臍。燒存三分性。出火氣。同枳壳炙木饅頭爲末。每服二錢。食前温酒調服。水煎亦可。

槐角散證治準繩方 治脾胃不調。脹滿下血。

槐角 枳壳 當歸 蒼朮 陳皮 厚朴 烏梅

甘草

榆砂湯醫學入門方 治結陰便血。

地榆 縮砂 生甘草 炙甘草

清榮槐花飲 回春方 治腸風藏毒。

當歸 白芍藥 生地黃 槐花 槐角 黃連 蒼朮

荆芥 枳壳 條芩 川芎 升麻 防風 生甘草

單方

車前草 治藏毒下血。車前草連根一握。生薑一小塊。新水研碎。取汁候血欲下時。腰間必覺重便服一盞。血即止。甚者不過再服。(丹心)

土砂 治大便下血土砂一兩火煨米醋淬盡醋一升搗羅如麵每服一錢白湯下之（斗門方）

香白芷 治大便下血爲末每服二錢米飲下神效（選奇方）

苦參子

去皮揀成實者五粒以龍眼肉包之開水吞下治便血奇效（衷中參西錄）

砂仁

一味研末每日服二錢米湯熱服治便血由於先天遺傳者（驗方）

宗景按。先便後血。此爲遠血。先血後便。此爲近血。凡讀金匱者。莫不知之。愚以爲臨症之時。若據此數語。而辨赤小豆當歸散與黃土湯之證。貿然施治。非但無效。且未有不敗事也。然則奈何。曰是當於藥效上以測病。考赤小豆排癰腫膿血。當歸主諸惡瘡瘍。則知此方乃治腸潰瘍腸腫瘍痔核等之下膿血者。竈中黃土爲鎮靜止血劑。附子爲強心劑。地黃去瘀生新而續絕傷。阿膠能增加血液之凝固力。黃芩平腸部充血。白朮促腸管吸收。（千金有乾薑取其制止腸蠕動。）若腸部之多量出血。而面白肢冷。脈搏細弱者。黃土湯確有奇功。昧者不知方意。而獨於遠血近血。紛紛爭辨。何能愈病。近世惟淵雷夫子能言之。見金匱今釋中餘人亦無所聞也。且便血之症。不必皆出自腸。亦有因鼻腔咽肺食管及胃出血之際。血液流入腸內而致者。又有因乳兒吮損傷之乳房而致者。此又不可不知也。他如傷寒腸結核等症。亦有便血者。患腸結核之人。糞便中混有血液。預後往往不良。

傷寒第三週時。腸中出血。用藥得當。尙可挽救。若糞便中帶血如星點者。此爲腸穿孔。例在不治。至若腸痔之便血。槐角丸最爲有效。其方爲槐角、枳殼、當歸、地榆、防風、黃芩、黃柏、秦艽、生地、苦參等藥。出自沈氏尊生書中。曾經屢驗而知。便血之名。本自不誤。而後世之人。又臆測臟有熱毒。腸受風邪。而復立臟毒腸風等名。於是名愈多而學者愈辨不清矣。

蟲病

原因 內經云。飲食者。皆入於胃。胃中有熱則蟲動。蟲動則胃緩。胃緩則涎出。

幼幼集成云。夫蟲痛者。虻蟲也。蓋由小兒脾胃虛弱。多食甘肥生冷。留而爲積。積化爲蟲。巢氏病源云。虻蟲者。……或因藏府虛弱而動。或因食甘肥而動。

症狀 巢氏病源云。虻蟲者。……動則腹中痛。發作腫聚。行來上下。痛有休止。亦攻心痛。口喜吐涎及清水。

曾世榮云。虻蟲動痛。口吐清水涎沫。或吐出蟲。痛不堪忍。

日人山田氏云。蟲痛啼哭。俛仰坐臥不安。自按心腹。時時大叫。面色青黃。脣色兼白。目無精光。口吐涎沫也。

醫學入門云。凡蟲證眼眶鼻下青黑。面色萎黃。臉上有幾條血絲。如蟹爪分明。

又云。面上白斑。唇紅能食。心嘈顏色不常。臉上有蟹爪路者。便有蟲也。

脈法 金匱云。問曰。病腹痛有蟲。其脈何以別之。師曰。腹中痛。其脈當沈若弦。反洪大。故有
虬蟲。

治法 金匱云。虬蟲之爲病。令人吐涎。心痛發作有時。毒藥不止。甘草粉蜜湯主之。

又云。虬厥者。烏梅丸主之。

醫宗金鑑云。蟲痛者……切不可妄用攻下。當以安蟲爲主。其痛卽除。新痛者。錢氏安蟲散
治之。久痛不愈者。加減理中湯治之。

曾世榮云。虬蟲動痛……先以理中湯加烏梅水煎服。使胃煖不逆。次蘆薈丸。使君子丸。化
蟲飲主之。有兒大者。面皛白而間黃色。肉食倍進。肌體消瘦。腹中時復作痛。此有血鼈虬蟲。
雜乎其間。以二聖丸下之。又有受極寒極熱。亦令蟲動。或微痛或不痛。遽然吐出。法當安蟲
爲上。若以治蟲。反傷胃氣。固不可也。因寒而痛者。用理中湯加烏梅水煎服。因熱而動者。用
咬咀五苓散亦加烏梅。水薑煎投。

幼幼集成云。小兒蟲痛。凡脾胃怯弱者。多有此證。其攻蟲取積之法。却又未可常用。及取蟲之後。速宜調補脾胃。或集成肥兒丸。或烏梅丸。或六君子湯。多服之。以杜蟲之復生。

禁忌 醫學入門云。凡蟲病忌用甘草。蓋蟲聞甘則起。聞酸則止。（一作靜）聞苦則定。聞

辣則頭伏而下。按古方治蟲病。亦有用甘草者。如金匱之甘草粉蜜湯是也。尤在涇註云。誘使蟲食。甘味既盡。毒性旋發。而蟲患乃除。此醫藥之變詐也。此解甚巧。

古今驗方選

烏梅丸 金匱方 治虻厥吐虻久痢。

烏梅 細辛 乾薑 黃連 當歸 附子 川椒

桂枝 人參 黃蘗

右十味。異搗篩。合治之。以苦酒漬烏梅一宿。去核。蒸之五升米下。飯熟。搗成泥。和藥令相得。內臼中。與蜜杵二千下。丸如梧子大。先食飲服十九丸。日三服。稍加至二十九丸。

禁生冷滑臭等物。

甘草粉蜜湯 金匱方

甘草 粉 蜜

化蟲飲證治準繩方 消化蟲毒在腹作痛。

枳榔 酸石榴皮 紅丹 雷丸 貫衆 枳壳 使君子肉
甘草 大黃

右爲細末。用清油煎雞子一枚如春餅樣。候冷抄藥末一錢於上攤勻。空心捲而食之。兒小者。用糯米粉水煮糊丸粟壳大。每服十五丸至三十丸。以淡豬肉汁空心下。雞肉汁亦好。

錢氏安蟲散 治小兒蟲痛

胡粉 鶴蝨 川棟子 白礬

使君子丸證治準繩方 治腹內諸蟲作痛。口吐清水。

使君子 枳榔 酸石榴根皮 大黃

右除枳榔剉晒。不過火。餘三味再焙。同枳榔爲末。沙糖水煮。麵糊丸。麻仁大。每服三十丸至五十丸。淡豬肉汁空心下。或雞肉汁亦好。

化蟲丸 局方 治諸蟲積。肚腹常熱。嘔吐清涎。脣色紅白。

鶴 蝨 栝 榔 枯 礬 胡 粉 苦 楝 根 皮 蕪 荑 使 君 子

研為末。水煮米糊和丸。如梧桐子大。一歲兒每服五丸。大人七八十丸。溫酸漿水入生麻油三四點。打勻送下。清米湯亦可。痛時用蜀椒湯調化下。其蟲細小者皆化為水。大者自下。

蕪荑散 得效方 治蛔咬心痛。

蕪 荑 雷 丸 乾 漆

二聖丸 六科準繩方 治腹內諸蟲。及消穀逐水下氣去風。

栝 榔 巴 豆

右栝榔剉曬為末。巴豆碎切。在乳鉢內極細杵。仍入栝榔末。同再杵勻。麪糊丸。菘豆大。每服七十七丸至九十九丸。用溫茶清五更初空心止投一藥。見蟲下盡。進以稀粥自安。

集成肥兒丸 治小兒脾胃虛弱。飲食不消。肌膚瘦削。多服能令兒肥。

蓮 肉 西 砂 仁 漂 白 朮 官 揀 桂 京 杏 仁 東 白 芍 廣 陳 皮

法半夏 白雲苓 眞雅連 苡仁米 六神麩 炙甘草

共研爲細末。煉蜜爲丸。如彈子大。每日早午晚各服一丸。米飲湯化下。

理中湯傷寒論方見霍亂門

蘆薈丸 證治準繩方治小兒蛔疳。

蘆薈 安息香 胡黃連 枳壳 蕪荑 定粉 史君子

麝香

右末。積豬胆糊丸。如菘豆大。五七丸。米飲吞下。

六君子湯 局方見疝門

加減理中湯 醫宗金鑑方

人參 乾薑 白朮 川椒 烏梅

五苓散 傷寒論方見霍亂門

單方

雷丸 殺三蟲及蛔蟲寸白蟲水浸去皮切焙爲末每一錢月初五更調米飲服之(本草)

胡粉 殺三蟲療尸蟲尤良○治寸白蟲取胡粉炒一錢空心和臛中服大效(本草)

消化器病 蟲病

燕蕒 去三蟲逐寸白蟲能殺諸蟲取二兩和麵炒黃色為末米飲調二錢服(本草)

篇蓄 殺三蟲及蛔蟲止蟲痛煮取濃汁空心服一升蟲即下(本草)

狼牙 殺腹內一切痛○殺寸白蟲取為末蜜丸麻子大空心米飲下一二錢(本草)

貫衆 殺三蟲及寸白蟲空心煎服或未服之良(本草)

使君子 殺蟲治小兒蛔蟲尤良取七個火煨去皮空心熟水嚼下蟲盡出(回春)

鶴虱 殺五藏蟲殺蟲藥此為最要又主蛔蟻蟲○蛔厥心痛取為末蜜丸梧子大空心蜜湯下四五十九

槐木耳 治蛔蟲心痛取槐上木耳燒存性為末和水服若不止飲熱水一升蟲即下(本草)

檳榔 殺三蟲伏尸及寸白諸蟲赤色味苦者殺蟲炮為末每二錢空心以葱蜜湯下即效(本草)

苦楝根 殺諸蟲及蛔蟲寸白蟲○治五種蟲取根白皮為末米飲下二錢(本草)○蛔厥心痛取白皮細切濃煎汁一盞徐徐飲之或以汁煮米作粥服之○下寸白蟲及諸蟲服白皮細切一兩入黑豆二十粒水煎臨熟入

砂糖二錢調服
蟲即下(入門)

榧實 去三蟲又治寸白蟲去殼常食七枚久則其蟲自下盡一斤乃除根(回春)

川椒 殺療蟲及諸蟲煎服丸服皆佳(本草)治療紅椒二分苦棟根一分作末丸服尸蟲盡從大便泄出煎服亦良(正傳)

宗景按蛔蟲為人體最大之寄生蟲。長約五寸至八寸。狀類蚯蚓。皮紅色。呈圓柱形。分雌雄。雌者較為長大。其卵常潛伏於不潔之水或野菜中。人誤飲食。卵入小腸而被吸收。經循環系而入於肺泡。上出氣管。自喉入咽。復至小腸。乃漸發育成蟲。若蕃殖過多。聚集成

羣充塞腸管。令人吐糞。若入輸胆管。則發生黃疸。有時在胃。從口竅嘔出。或從鼻竅竄出。其遊走之處。殊無定也。最可畏者。卽爲上樓喉中。礙入氣息。或入枝氣管。令發肺壞疽。凡此皆足以致命。但亦罕見耳。大概蟲痛一症。孩童爲多。小而言之。夜啼不眠。大而言之。障礙發育。變症百出。其辨別卽在面黃與陣痛之間。餘如口角流涎。鼻孔奇痒。亦爲本病之徵。愚每用異功散去。參加金鈴子、白芍、烏梅肉、白雷丸、陳鶴虱。使君子肉、開口花椒等。健脾化濕。酸苦殺蟲之劑。頗效。（此方並見丁甘仁先生醫案中）市上之鷓鴣菜。亦屢試屢驗。若因藏寒虻（虻正字 蚶俗字）上入膈。以致嘔出者。則莫如仲景之烏梅丸也。

便秘

釋名 便秘者。大便秘結難出也。

種類 潔古云。藏府之祕。不可一概論治。有虛祕。有實祕。有風祕。有冷祕。有氣祕。有熱祕。

原因 內經云。腎主五液。津液盛。則大便如常。房慾過度。精血耗竭。多致祕結。或饑飽勞役。損傷胃氣。或辛熱厚味。漸漬助火。伏於血中。耗散真陰。津液虧少。致令大便結燥。高年血不充。每患是疾。

金匱翼云。虛秘者有二。一以陰虛。一以陽虛也。凡下焦陽虛。則陽氣不行。陽氣不行。則不能傳送。而陰凝於下。下焦陰虛。則精血枯燥。精血枯燥。則津液不到。而腸藏乾槁。……實秘者。胃實而秘。東垣所謂胃氣實者秘物。胃氣虛者。秘氣是也。風秘者。風勝則乾也。由風搏肺藏。傳於大腸。津液燥澀。傳化則難。或其人素有風病者。亦多有秘。或腸胃積熱。久而風從內生。亦能成秘也。冷秘者。寒冷之氣。橫於腸胃。陰凝固結。陽氣不行。津液不通。而氣閉塞。……熱秘者。熱搏津液。腸胃燥結。傷寒熱邪傳裏。及腸胃素有積熱者。多有此疾。氣秘者。氣內滯而物不行也。

症狀 金匱翼云。熱秘者。……其症。面赤身熱。腹中脹悶。時欲喜冷。或口生瘡。氣悶者。……其人多噫。心腹痞悶。脇肋脹。

沈氏尊生云。有由冷秘者。面色白而黑。……小便清白。時欲得熱。實秘者。善飲食。小便赤。大腸實者。腹滿尿鞭。胃虛者。不能飲食。小便清利。血虛者。面無精光。大便雖軟。努責不出。

脈法 醫鑑云。大便秘結。脾脈沉數。下連於尺。爲陽結。二尺脈虛。或沉細而遲。爲陰結。右尺脈浮。爲風結。

張氏醫通云。陽結脈沉數。或促。陰結脈遲伏。或結。老入虛人便秘。脈多沉伏而結促不勻。若見雀啄者不治。

萬病回春云。燥結之脈。沉伏勿疑。熱結沉數。虛結沉遲。若見風燥。右尺浮肥。

金匱翼云。實秘者……其脈沉實。冷秘者……其脈遲澀者是也。

經過 一時性者。數日即愈。慢性者。若不除其原用。終身無便暢之時。例如吸鴉片之人是也。

診斷 須審其原因。或係虛秘。或係實秘。或係風秘。或係冷秘。或係氣秘。或係熱秘。然後隨症施治。此外如痔核及子宮變位等。皆足爲本病原因。不可不注意也。

治法 金匱翼云。治陽虛者。但益其火。則陰凝自化。治陰虛者。但壯其水。則涇渭自通。

又云。氣秘者……此不可用藥通之。雖或暫通而其秘益甚矣。或迫之使通。因而下血者。惟當順氣。順順則便自通矣。

丹溪心法云。秘結之證。有虛有實。實則宜蕩滌腸胃。開結軟堅。如大黃芒硝枳實厚朴承氣之類是也。虛則宜滋養陰血。潤燥散結。如當歸地黃桃仁條芩潤燥湯之類是也。

東垣云……陽結者散之。陰結者溫之。如血燥而不能大便者。以桃仁酒製大黃通之。風結燥而大便不通者。以麻子仁加大黃利之。如氣澀而大便不通者。以郁李仁枳實皂角仁潤之。如陰寒之病。爲寒結閉。而大便不通者。以局方中半硫丸。或加煎附子乾薑湯冰冷與之。其病雖陰寒之證。當服陽藥補之。若大便不通者。亦當十服中與一服藥。微通其大便。不令結閉。乃治之大法。

沈氏尊生云……有由熱秘者……宜四順清涼飲。參用木香檳榔丸。重者承氣湯。有由冷秘者……宜藿香正氣散加官桂。有由風秘者。風搏肺藏。而肺與大腸表裏。因傳大腸。宜潤腸丸。小續命湯去附子倍芍藥加竹瀝。有由氣秘者。宜蘇子降氣湯加枳殼……有由本有風病。而大便秘者。宜皂角丸……至老人便秘。亦各有故。不可概施方劑。如由腸胃積熱。至二便燥澀。宜疏風順氣丸。如專由風秘。宜小皂角丸。如由虛而兼風秘。宜二仁丸。如由虛而兼氣秘者。宜橘杏丸。如由虛而兼血秘者。宜蘇麻粥三仁粥。皆當分別。然總之。老人氣血虛。津液往往不足。切不可輕用硝黃。恐重竭其津液。致便秘結更甚也。倘或陰寒。脈却實又微。覺躁。宜於溫煖藥中略加苦寒。以去熱躁。躁止即勿加。如陰躁刻欲就冷。兩尺脈虛。或沉細。

而遲。不得用寒藥。宜理中湯極冷服。如或不效。則用外導二法。宜蜜煎加鹽皂角各五分。冷秘宜醬瓜薑。熱秘宜猪胆汁。

預後 若未呈腸管潰瘍腹膜炎腸閉塞等症。其預後則良。

古今驗方選

益血潤腸丸證治準繩方治津液亡。大便秘。老人虛人皆可服。并祛風養血。

熟地 杏仁 麻仁 橘紅 荆芥 蘇子 當歸
肉蓯蓉

末之。以前三味膏。同杵千餘下。加煉蜜爲丸。如桐子大。每服五十六丸。空心白湯下。
黃耆湯證治準繩方治老人虛秘。

綿黃耆 陳皮

右爲末。每服三錢。用大麻仁一合研爛。以水投取漿水一盞。濾去滓。於銀石器內煎。候有乳起。卽入白蜜一大匙。再煎令沸。調藥末。空心食前服。閉甚者。不過兩服愈。

皂角丸 得效方 治大腸有風。大便秘結。

皂角 枳壳

右爲末。煉蜜丸。梧子大。每服七十丸。空心米飲下。或加麻仁杏仁防風陳皮亦得。

半硫丸局方治老人痰結。大便秘澀。

半夏 硫黃

右等分。薑汁浸。蒸餅和丸。梧子大。溫酒或薑湯下五七十丸。

木香檳榔丸御藥院方治熱秘。

木香 檳榔 枳壳 杏仁 青皮 皂角 郁李仁

半夏麩

六磨湯證治準繩方治氣滯腹急。大便秘澀。

沉香 木香 檳榔 烏藥 枳壳 大黃

右六味。熱湯磨服。

四磨湯得效方治氣滯大便秘澀。

枳榔 沉香 木香 烏藥

右四味等分。各磨濃水。共取盞中七分。煎三五沸。微溫服。空心。神功丸 活人方 治三焦氣壅。心腹痞悶。六腑風熱。大便不通。津液內枯。

大黃 人參 訶子皮 麻子仁

右爲末。煉蜜丸。梧子大。每服二十九。溫水下。日三服。以通爲度。

四順清涼飲 證治準繩方

大黃 甘草 當歸 赤芍藥 薄荷葉

小續命湯 千金方 治風秘。

麻黃 人參 黃芩 赤芍 川芎 甘草 杏仁

官桂 防己 防風 附子 薑

二仁丸 得效方 治風秘。

杏仁 麻仁 枳殼 訶子肉

橘杏丸 得效方 治氣秘。

橘皮 杏仁 等分蜜丸

消化器病 便秘

小皂角丸 得效方 治腸中有風。大便秘澀。

皂角 枳壳 等分蜜丸。

疏風順氣丸 沈氏尊生方 治腸胃熱。大便秘結。久服精神康健。尤宜老人。

大黃 車前子 郁李仁 枳榔 麻仁 兔絲子 牛膝

山藥 萸肉 枳壳 防風 獨活

共研細末。煉蜜爲丸。如梧子大。每服二錢。熟湯送下。

蘇麻粥 證治準繩方

蘇子 麻仁

各等分。研爛。清水濾取汁。煮粥食。

三仁粥 俗方

桃仁 海松子仁 郁李仁

搗爛取汁。和米作粥服。

通幽湯 東垣方 治大便難。幽門不通上衝。吸門不開噎塞。不便燥秘。或不得下。治在幽門。

炙甘草 紅花 生地黃 熟地黃 升麻 桃仁泥 當歸身

蘇子降氣湯局方治氣秘。

蘇子 半夏 厚朴 前胡 陳皮 甘草 當歸

沉香 生薑 虛加肉桂

潤腸丸 東垣方 治潤燥。利血。疎風。脾胃伏火痰結。大便乾燥。或風熱血結。大便秘澀。不思飲

食

羌活 當歸尾 大黃 桃仁 麻仁

先將桃仁麻仁。另研如泥。餘研細末。煉蜜或豬胆汁和丸。如梧子大。每服三五十丸。食前空腹時熟湯送下。一方加皂角仁秦芫防風。

麻仁丸 傷寒論方治脾約。

麻仁 杏仁 厚朴 枳實 芍藥 大黃

研為細末。煉蜜和丸。如梧桐子大。每服十丸（一作二十丸一作五十丸）每日三次。漸加以大便通利為度。

消化器病 便秘

導便法

諸大便不通老人虛人不可用藥者用蜜熬入皂角末少許捻作錠子納肛門即通（丹心）○蜜煎導法取蜜七合微火煎如飴捻作錠如棗核樣納穀道中用手按住欲大便時去之（仲景）○治大便不通取

大猪胆一個瀉汁和醋少許灌入穀道中須臾大便自通（仲景）○蜜兌法治大便不通蜜三合入猪胆汁兩枚煎如飴候凝捻作小指頭大沉冷水中取入肛門立通一方入皂角末和勻作錠尤好入薄荷末亦佳（得效）

熏方治大便不通皂角用碗燒置桶中熏下部自通（得效）○蜜導法火煉蜜稠厚黃色傾入冷水中急捻如指大隨用皂角末麝香共為衣將油塗抹大腸內納入穀道大便即通（回春）○猪胆汁導法猪胆一個傾去

汁少許入醋在內用竹管相接套入穀道中以手指擦之令胆汁直射入內少時即通（回春）○香油導法用竹管蘸葱汁深入大腸內以香油一半溫水一半同入猪尿脬內燃入竹筒將病人倒放脚向上半時立通（回

春）○大便不通多日百方不效令人口含香油以小竹筒一個套入肛門吹油入肛內病者自覺其油如蚯蚓漸漸上行片時下黑糞而安（正傳）○俗方以清醬香油相和灌肛內即通或以生桔梗浸油醬插入肛內亦

通○蜜導非皂角則不通（入門）

宗景按。內經云胃、大腸、小腸、三焦、膀胱。此五者。天氣之所生也。其氣象天。故寫而不藏。此

受五藏濁氣。名曰傳化之府。此不能久留。輸寫者也。魄門即肛門也。大腸通肺。肺藏魄。故曰魄門。亦為五

藏使。水穀不得久藏。又云六府者傳化物而不藏。故實而不能滿也。是故平人大便。每日

當暢行一次。以順傳化作用。且出入有序。亦即推陳致新之生理上作用也。若有糞塊久

滯於直腸之內。非第痔靜脈被其壓迫。易致鬱血成痔。且因此而發腦神經症狀或發熱

者亦復不少。欲謀健康之幸福者。可不注重乎。本病分爲一時性與慢性兩種。一時性者。大抵爲他種病之症候。慢性者。以上等社會及缺少運動之人居多。痔核腫瘍。攝護腺肥大。子宮及卵巢腫瘍。子宮變位。皆是其原因。故婦人患之較多于男子。中醫治此病。必先審其原。學說雖有不同。然治療之成績。實超過西醫之上。非專用灌腸法者可同日而語。今再申言之。肺與大腸相表裏。肺氣足。則大便得以下降。間有年老之人。肺氣不足。大便秘時無力努責。糞塊難出。當用黃芪陳皮等藥。以助其氣。加入火麻仁白蜜之屬。以潤其腸。雙管齊下。藥到病除。卽上文黃芪湯之法也。新產婦人。審係血虛腸燥。當用四物湯。參以肉蓯蓉松子仁火麻仁等藥。乃補血潤腸之法也。其有寒冷之氣。橫於腸胃。陰凝固結。陽氣不行。津液不通者。當用半硫丸治之。乃見睨曰消之意也。餘如麻仁丸治實悶。皂角丸治風悶。增液湯治津枯便閉。蜜煎導治直腸糞滯。（西藥之甘油錠。亦可暫時採用。若久用則成習慣。更衣時。非此不可。友人鄭某。每月須購兩打備用。正坐此弊。）皆可隨證選用。學者能一隅三反。則旁通無遺矣。乙亥夏。前仙居縣長王勛閣之第三令媛。產後兩旬。便秘不通。身熱惡風。脈搏每分鐘九十餘至。數臨圍。必大汗淋漓。渾身毛聳。而苦不得便。醫者疑爲傷暑症。投以藿香青蒿扁衣荷葉之屬。服後非但

身熱依然。而大便愈覺秘結。改延西醫。則謂當用灌腸法。灌後雖暫得大便。而翌日復秘如故。乃延愚往診。細心考慮。知此病非屬外感。蓋以無故發汗。更傷血耳。遂曉之曰。所以身熱脈數者。血虛之故也。大汗淋漓者。欲大便時努責太過而來也。渾身毛聳淅淅惡風者。以汗多肌腠疎懈。與外界之空氣相接觸也。憑脈辨證。當作氣血兩虛治。與外感病。風馬牛不相及。嘗有平素氣質虛弱之妊婦。於臨產時。無力送胎出門。服大劑參芪四物。而呱呱墮地。今此症由於氣血兩虛。不能輸送糞便。亦當倣難產治法。病雖不同。而其理則貫通。遂擬方用黨參黃芪以補氣。氣足易於送糞外出。用歸身生熟地。何首烏以補血。血足則易於滑糞。更參白蜜、火麻仁、松子仁、肉蓯蓉等味。以爲潤腸之佐。勛翁亦略知醫。初以天時炎熱。服此補劑。似有踟躕不決之意。嗣因前次曾治愈伊親戚之痼疾。決從愚議。分劑服下。旦起大便甚暢。身熱惡風亦已盡除。再依原方出入。調理數日。而病若失。嗣後不復服藥。而大便暢行如常矣。嗚呼。治病之難。在於辨證。失之毫厘。謬以千里。彼鹵莽從事。未審病源。便處湯藥。其可司命乎哉。

下痢

種類 本病可分爲風痢、寒痢、濕痢、熱痢、噤口痢、水穀痢、休息痢、五色痢等。

原因 內經云。飲食不節。起居不時。陰受之。陰受之。則入五臟。則臍滿閉塞。下爲飧泄。久爲腸澼。

又云……所謂濕勝則濡泄是也。……寒勝則下利清穀。……熱甚則下利腸垢。

王損菴云。痢不外濕熱二字。所受不外陽明經。陽明爲多氣多血之府。濕陰邪也。濕勝於熱。則傷陽明氣分。爲白痢。熱陽邪也。熱勝於濕。則傷陽明血分。而爲赤痢。濕熱俱盛。則爲赤白俱見。

張景岳云。痢症是夏月畏熱含涼。過傷生冷。至大火西流。新涼得氣。則伏陰內動。應時爲下痢。

醫學實在易云。痢疾。伏邪之爲病也。夏月受非常之小寒。或貪涼而多食瓜果。胃性喜寒。初不覺其病。久則鬱而爲熱。從小腸以傳大腸。大腸喜熱。又不覺其病。至於秋後。或因燥氣。或感涼氣。或因飲食失節。引動伏邪。以致暴瀉。旋而裏急後重。膿血赤白。小腹疼痛。甚者爲噤口不食之危證。

時病論云。風痢……由春令之伏氣。至夏而發。

又云寒痢發於夏秋之交。受寒較受暑爲多。因炎熱貪涼。過食生冷。冷則凝滯。脾陽不能運化。清氣不升。脾氣下陷……

又云熱痢多起於夏秋之交。熱鬱濕蒸。人感其氣。內干脾胃。脾不健運。胃不消導。熱挾淫食。醞釀中州。而成滯下……

又云噤口痢……緣由脾家溼熱。壅塞胃口。或誤服利藥。犯其胃氣。或止瀉太早。留邪於中。脾胃虛寒。濕邪干犯。或氣機閉。寒熱邪阻隔。或穢積在下。惡氣熏蒸。或肝木所勝。乘其脾胃。或宿食不消。水飲停蓄。皆能使噤口也……

又云水穀痢……因脾胃虛寒。虛則不能健運。寒則不能消化……亦有風木尅土。土虛不運者……有因勞役過度。脾陽困頓者……有因下焦無火。不能熟腐者……

又云休息痢……多因止瀉太早。積熱未盡。或不能節飲食。戒嗜好。亦有過服寒涼。肝脾內傷。元氣下陷。及腎虛不固……

又云五色痢……因止瀉太早。或滯熱下之未盡。蘊於腸胃。傷臟氣也。

六科準繩云。痢疾不納食。或湯藥入口。隨即吐出者。俗名噤口。有因邪留胃氣伏而不宣。脾氣澀而不布。故嘔逆而食不得入者。有陽氣不足。胃中宿食因之未消。則噫而食卒不下者。有肝乘脾胃發嘔。飲食不入。縱入亦反出者。有水飲所停。氣急而嘔。穀不得入者。有火氣炎熾內格。嘔逆而食不得入者。有胃氣虛冷。食入反出者。有胃中邪熱。不欲食者。有脾胃虛弱。不欲食者。有穢積在下。惡氣熏蒸而嘔逆。食不得入者。

六科準繩云。休息痢多因兜住太早。積不盡除。或因痢愈而不善調理。以致時止時作。

症狀 臨證醫典云。患者大腸直腸皆腫。……腹部搗痛。而裏急後重。其所下或白或紅或紅白並下。

時病論云。風痢先泄後痢。……腹微痛而後重。似腸風而下清腥。……

又云寒痢。……腹痛後重。痢下白色。稀而清腥。

又云熱痢。……其證裏急後重。煩渴引飲。喜冷畏熱。小便熱赤。痢下赤色。或如魚腦。稠粘而穢。……

又云濕痢有寒熱之分。寒濕痢。腹絛痛而後墜。胸痞悶而不渴。不思穀食。小便清白。或微黃。

痢下色白。或如豆汁。……熱濕痢。裏急後重。思飲不多。思食乏味。小便熱澀。痢下赤色。或淡紅焦黃。……

又云。噤口痢者。下痢不食。或嘔不能食。……

又云。水穀痢。糟粕膿血雜下。腹中微痛。登圓頻頻。飲食少餐。四肢困倦。……

又云。五色痢。五色膿血相雜而下。……

又云。下痢屢發屢止。久而不愈。面色痿黃。……休息痢也。

脈法 時病論云。寒痢。……脈遲。

又云。風痢脈多沈小而弦。

又云。熱痢。……脈滑數而有力。

又云。濕痢。……脈緩近遲。

又云。噤口痢。……右部浮濡沉細緩怠無力。胃虛也。洪大急滑火熱也。渾渾浮大。或浮弦。濁

氣上壅也。沉而滑。或右濇滯。宿食停積也。遲細者。胃寒也。弦急者。木勝也。……

又云。水穀痢。……脈細緩無力。或關部兼弦。

又云。休息痢。……脈形濡滑。

診斷 痢疾論云。痢必裏急後重。雜症便血。無裏急後重。痢必發於夏秋。似痢非痢四時皆有之。此大概也。

又云。治痢第一緊要處在先辦定虛實寒熱。……大約形氣強壯者實。形體薄弱者虛。年壯新病多實。年衰久病多虛。即病痢者多實。病後病痢者多虛。顏色蒼赤多實。顏色青白多虛。素縱口腹多實。素食清淡多虛。脹滿硬痛爲實。空痞軟痛爲虛。煩躁不寧多實。安靜懶語多虛。鮮紅濃厚爲熱。淺紅清淡爲寒。脈息滑數爲熱。脈息沉遲爲寒。

治法 入門云。風痢。惡風、鼻塞、身重、色青。或純下清水。宜蒼朮防風湯。

又云。寒痢白如鴨澹。腸鳴痛墜不甚。宜理中湯。加訶子、肉豆蔻。日久者黃連補腸湯。

又云。熱痢。黃芩芍藥湯最炒。

又云。偏熱純赤見暑證。輕者。黃芩芍藥湯。重者。導滯湯。日久者黃連阿膠湯。

又云。休息痢。經年不差。以致氣血虛而斂。入物湯加陳皮、阿膠、黃連、黃芩、各少許。脾胃虛者。補中益氣湯。參苓白朮散。

丹溪心法云。濕痢腹脹身重。下如黑豆汁。或赤黑渾濁。此危證也。宜當歸和血散。加味除濕

湯。戊己丸。

又云。噤口痢。胃口熱甚故也。宜參連湯。

赤水玄珠云。下痢赤白。腹滿脹痛。裏急。上渴引飲。小水赤濇。此積滯也。宜泄其中熱。用清腸丸。導氣丸。

載原禮云。凡痢初發。不問赤白。裏急後重。頻欲登圜。及去而所下無多。起而間有鮮血者。以屬熱痢。宜藿香正氣散。加黑豆三十粒。……

證治要決云。噤口痢……當以溫中進食爲先。宜治中湯。加木香。縮砂。

又云。休息痢……宜四君子湯。加陳皮。木香。

時病論云。風痢。體素寒者。治宜培中瀉木法。加木香。蒼朮。體素熱者。治宜本法。去吳萸。炮姜。加芩。連。煨葛。胸悶溺赤者。夾濕也。宜佐赤苓。澤瀉。吞酸噯腐者。夾食也。宜佐山查。厚朴。

又云。寒痢……治宜煖培卑監法。佐以查炭。木香。……

又云。熱痢……治宜清痢蕩積。益以查肉。檳榔。體弱者。生軍宜刪。……

又云。濕痢……治宜通利州都法。去蒼朮。加木香。黃連。……

又云。噤口痢……治用調中開噤法。隨證加減……

又云。水穀痢……因脾胃虛寒……當用煖培卑監法。亦有風木尅土……宜本法加白芍、防風。有因勞役過度……加黃耆、荷葉。有因下焦無火……加故紙、吳萸。有痢後中虛……加陳皮、查肉。

又云。休息痢……治用調中暢氣法……倘腹中隱痛。加吳萸、薑炭……赤痢纏綿。佐秦皮、白芍……肛門腫墜。加升麻、桔梗……虛滑不禁。入石脂、龍骨……

又云。五色痢……須知益火消陰。實脾堤水。兼分理其氣……

死候 內經云。腎脈小搏沉爲腸澼下血。血溫身熱者死。

又云。其脈小沉澇。爲腸澼。其身熱者死。熱見七日死。

又云。腎移熱於脾。傳爲虛腸澼。死不可治。

仲景云。下痢手足厥冷。無脈者。灸之不溫。若脈不還。反微喘者死。

又云。下利後。脈絕。手足厥冷。晡時而還。手足溫者。生。脈不還者。死。

又云。下痢舌黃燥而不渴。胸中實。下不止者。死。

時病論云。厥逆冷汗者。死。變成腫脹者。死。發斑躁擾者。死。呃逆不能止者。死。身熱不能除者。死。噤口不食。藥不能開者。死。驟然能食。爲除中者。死。

禁忌 周慎齋曰。下利六七日。經盡當有結糞。若至十三日再經。經糞不出者。胃氣告匱也。慎不可攻。攻之則死。

李東垣云。大便秘塞。或裏急後重。數至圜而不能便。或少有白膿。或少有血。慎勿利之。利之反鬱結不通。

千金方云。凡痢病通忌生冷、酢、滑、猪、羊、鷄、魚、油、乳、酪、酥、乾、脯、醬、粉、鹹。所食諸食。皆大熟爛爲佳。亦不得傷飽。此將息之大經也。若將息失所。聖醫不能救。

繆仲淳云。痢疾不能食者。攻之則死。

古今驗方選

蒼朮防風湯 潔古方 治風痢。

蒼朮 防風 麻黃

研爲粗末。每服一兩。加生薑七片煎服。

理中湯傷寒論方治中焦脾胃虛寒。不能運化。嘔吐泄瀉。不飲不食。胸痺胸痞。腹痛疾多。傷寒直中。太陰自利。不渴。寒霍亂吐瀉。四肢逆冷。自汗脈虛。便血血痢。

黃連補腸湯沈氏尊生方治大腸虛冷。痢下青白。

黃連 赤茯苓 川芎 石榴皮 地榆 伏龍肝

右剉八錢。作一貼空心水煎服。

黃芩芍藥湯傷寒論方治太陽少陽合病自利。

黃芩 芍藥 大棗

導滯湯 聖惠方 治痢之偏熱純赤者。

當歸 大黃 麝香

研為細末。每服三錢。不拘時溫酒調下。

黃連阿膠湯傷寒論方治少陰病。心煩不得臥。

黃連 黃芩 芍藥 阿膠 雞子黃

參苓白朮散 局方 治久瀉及大病後。痢後調理消渴尤宜。

人參 乾山藥 蓮肉 白扁豆 白朮 桔梗 砂仁

白茯苓 炒苡仁 炙甘草

右爲細末。每服二錢。米湯調下。或加薑棗煎服。或棗肉和丸藥。如桐子大。每服七十丸。空心米湯送下。或蜜丸如彈子大。湯化下。

當歸和血散證治準繩方治濕利。

當歸 乳香 沒藥 白芍

研爲細末。每服一錢。清水煎服。

除濕湯肘後方治濕痢。

半夏麴 厚朴 蒼朮 藿香 陳皮 生白朮 瓜蒌根

麥門冬

清水煎溫服。

戊己丸局方治脾胃受濕。下痢赤白。腹痛。米穀不化。

川連 吳茱萸 白芍

研爲末。米糞麵糊和丸。如梧桐子大。每服三十丸。空腹時。米飲或砂仁湯送下。

藿香正氣散局方見霍亂門

治中湯證治準繩方治霍亂吐瀉食滯泄瀉。

人參 白朮 甘草 乾薑 橘紅 青皮

四君子湯局方見霍亂門

導氣湯證治準繩方調氣益氣治下痢膿血裏急後重。

木香 枳榔 黃連 大黃 黃芩 枳殼 白芍

當歸

平胃散局方見瘧疾門

地榆散蘇沈良方治中暑昏迷不相人事及血痢。

地榆 赤芍 黃連 青皮

研爲末。每服三錢。漿水調下。若血痢清水煎服。

地榆丸證治準繩方治瀉痢或血痢。

消化器病 下痢

地榆 當歸 阿膠 黃連 訶子肉 木香 烏梅

研爲細末。煉蜜爲丸。如梧桐子大。每服二三十丸。空心時陳米飲送下。

固腸丸 丹溪方 治濕氣下痢。

檇皮 滑石

研爲細末。米粥和丸。

溫六丸 證治準繩方 治因寒吐瀉。

滑石 甘草 乾薑

共研細末。米飯爲丸。如梧桐子大。

水煮木香膏 衛生寶鑑方 治脾胃受濕。臟腑滑泄。腹痛腸鳴。裏急後重。或下膿血。不思飲食。

木香 丁香 當歸 白芍 訶子皮 藿香 黃連

青皮 厚朴 甘草 陳皮 御米殼 乳香 肉豆蔻

縮砂 乾薑 枳實

研爲細末。煉蜜和丸。如彈子大。每服一丸。清水一盞。加大棗一枚。煎服。

駐車丸 千金方 治陰虛發熱。下痢膿血。及休息痢。

阿膠 黃連 當歸 乾薑

研為末。搗篩醋煮阿膠膏為丸。如梧桐子大。每服三四十丸。食前米飲送下。

黃連阿膠丸 局方 治冷熱不調。下痢赤白。裏急後重。臍腹疼痛。口燥煩渴。小便不利。

黃連 阿膠 茯苓

連苓研為細末。水熬阿膠成膏。和丸。如梧桐子大。每服三十九丸。空腹時溫米飲送下。

養臟湯 局方 治泄痢膿血。有如魚腦。後重脫肛。臍腹疔痛。

人參 白朮 肉桂 訶子肉 木香 肉豆蔻 嬰粟殼

清水煎服。

芍藥湯 證治準繩方 治痢膿血。及後重窘痛。

白芍 當歸 黃連 黃芩 檳榔 木香 甘草

咬咀。每服五錢。清水二杯。煎至一杯。溫服。

大黃湯 潔古方 治瀉痢。久不愈。膿血稠粘。裏急後重。日夜無度。

消化器病 下痢

大黃

好酒二大盞。浸半日許。煎至一盞半。去滓分作二服。

解毒湯

證治準繩方
見疫痢門

治協熱下痢。

芍藥藥皮丸

證治準繩方
見疫痢門

治惡痢後重窘迫下膿血。

芍藥

黃藥

當歸

黃連

研爲末。滴水泛丸。如小豆大。每服二三十丸。熟湯送下。

赤石脂丸

入門方

治下痢膿血腹痛。

研爲細末。煉蜜和丸如梧桐子大。每服三十丸。米飲送下。

倉廩湯

補遺方
見疫痢門

治各種痢疾。發熱心煩。頭痛。食即嘔吐。

開噤湯唐容川方治噤口痢。

人參

梔子

黃連

射干

麥門冬

石膏

生地黃

白芍

當歸

杏仁

黃芩

黃藥

枳殼

甘草

煎服

訶黎勒丸 濟生方 治大腸虛冷。泄瀉不止。腹脅引痛。飲食不化。

訶黎勒 附子 肉豆蔻 廣木香 吳茱萸 生龍骨 白茯苓

葶 撥

共研細末。生薑汁煮麵為丸。如梧桐子大。每服七十九。空腹時米飲送下。

烏梅丸 傷寒論方 見胃脘痛門 治虵厥吐虵久痢。

香連丸 局方 治下痢赤白。白多於赤者。

木香 黃連

共研細末。陳米飯。或煉蜜。或醋煮米糊為丸。如綠豆大。每服一二十九。至五十九。米飲或砂仁湯送下。調六一散亦可。

大斷下丸 世醫得效方 治久痢滑數。消瘦困弱。

附子 肉豆蔻 牡蠣 細辛 乾薑 高良薑 龍骨

赤石脂 酸石榴皮 白礬 訶子

研為細末。水煮米糊為丸。如梧桐子大。每服三十九。米湯送下。

訶子皮散 東垣方 治久痢。

訶子皮 御米殼 陳皮 乾薑

清水煎服。或研爲末。熱湯調下。

感應丸 局方 治中氣虛冷。不能運化。飲食積滯。胸脅滿痛。臍腹絞痛。霍亂吐瀉。大便頻數。久

痢赤白。米穀不化。

木香 肉豆蔻 丁香 乾薑 巴豆 杏仁 百草霜

以前四味。研爲末外。入百草霜。研與七味同和勻。用黃臘六兩。溶化成汁。以重絹濾去滓。更以酒一升。於銀石器內煮臘數沸。傾出。候酒冷。其蠟自浮於上。取臘春夏修合。用清油一兩。銚內熬令香熟。次下酒煮臘四兩。同化成汁。就銚內乘熱拌和前項藥末。秋冬修合。用清油一兩五錢。同煎和前藥末。分作小錠。油紙裹放。旋丸如梧桐子大。每服三十丸。空腹時薑湯送下。

蘇合香丸 局方 治赤白暴痢。

蘇合香油 丁香 安息香 青木香 檀香 沉香 華撥

香附子 訶黎勒 犀角屑 硃砂 薰陸香 龍腦 麝香

研爲末。入另藥和勻。用安息香膏并煉白蜜和丸。如芡實大。每服一丸。藿香湯送下。

木香散 本事方 治隔年痢血痢。

木香 罌粟殼 甘草

研爲細末。每服一錢。加麝香少許。陳米飲調下。

糯米皮散 沈氏尊生方 治血痢。

糯米皮 人參

研爲末。每服二錢。空腹時溫酒。或米湯調下。

茜根丸 證治準繩方 治毒痢。

茜根 升麻 犀角 地榆 當歸 黃連 枳殼

白芍

共研細末。醋煮麵糊爲丸。如梧桐子大。每服七十丸。空腹時米飲送下。

十寶湯 證治準繩方 治冷痢下如魚腦者。

消化器病 下痢

黃耆 熟地黃 白茯苓 人參 當歸 白朮 半夏

白芍 五味子 官桂 甘草

研爲粗末。每服二錢。清水一鍾。加生薑三片。烏梅一個。煎至七分。溫服。

地榆芍藥湯保命集方治泄痢膿血脫肛。

地榆 芍藥 卷柏 蒼朮

咬咀。每服二錢。清水煎服。

白朮黃芩湯證治準繩方痢後調和腸部。

白朮 黃芩 甘草

清水煎服。

白頭翁湯傷寒論方治厥陰熱利下重者。
見疫痢門

蒼朮地榆湯潔古方治脾經受濕下血痢。

蒼朮 地榆

生地黃湯證治準繩方治熱痢不止。

生地黃汁 地榆 甘草

咬咀。如麻豆大。清水煎服。

鬱金散 證治準繩方 治一切熱毒痢。下血不止。

鬱金 槐花 甘草

研為細末。每服一二錢。食前用豆豉湯調下。

人參敗毒散 局方見疫痢門

青六丸 丹溪方 治血痢。

六一散 紅麴

共研細末。以酒糊丸。

桃花湯 傷寒論方 治少陰下利便膿血。

赤石脂 乾薑 粳米

清水七升。煮米令熟。去滓。納石脂末方寸匕。溫服七合。

培中瀉木法 時病論 治伏氣飧泄洞泄及風痢。

消化器病 下痢

白朮 白芍 廣皮 防風 白茯苓 甘草 炮薑炭 吳萸

加新荷葉一錢煎服。

煖培卑監法 時病論 治脾土虛寒泄瀉。及冷痢、水穀痢。

西潞黨 白茯苓 於潛朮 甘草 炮薑炭 茅蒼朮 益智仁

葛根

加粳米一撮煎服。

清痢蕩積法 時病論 治熱痢夾食。脈滑數。煩渴溺赤。

廣木香 黃連 吳萸炒 生薑 枳殼 黃芩 白芍

甘草 葛根

加鮮荷葉三錢煎服。

通利州都法 時病論 治火瀉溼瀉。濕熱痢疾。

白茯苓 澤瀉 蒼朮 車前子 通草 滑石 苦桔梗

調中開噤法 時病論 治下痢不食。或嘔不能食。即噤口痢證。

西潞黨 黃連 製半夏 廣藿香 石蓮肉

加陳廩米一撮煎服。

調中暢氣法 時病論 治中虛氣滯。休息痢疾。并治脾虧泄瀉。

潞黨參 於朮 黃耆 炙甘草 廣皮 腹皮 廣木香

加鮮荷葉三錢為引。

單方

黃連 治赤白痢腹痛或下膿血黃連三錢酒煮服或為末雞子白和丸服並佳黃連治痢蓋以苦燥之義若熱痢血痢則佳冷痢則不可用(本草)

乾薑 主冷泄冷痢煎服末服並佳若血痢則燒存性為末每一錢米飲調下(本草)

馬蘭子 治水痢煎黃為末同白麵等分米飲下二錢(本草)

黃芩 主腸澼赤白痢腹痛身熱與芍藥同煎服丸服末服並佳(湯液)

地榆 治痢性沈寒入下焦赤白痢及膿血痢水煎空心服三合如水瀉及白痢不可用(本草)

樗根白皮

主赤白痢及久痢腸滑不禁取皮一握陳米一合葱白三莖甘草三寸豉二合水煎空心頓服血痢尤神效為末作丸名固腸丸(本草)

槿花

主赤白痢作末和米飲服或和麵作煎餅食之(本草)

蜜

治痢為最蜜與薑汁各一合溫水和頓服(本草)

蠟

主下痢膿血黃蠟不拘多少用銀篋挑於香油燈上燒熏落水碗內如此七次為丸蘿蔔子大每三十九白痢甘草湯下赤痢烏梅湯下(綱目)

橡實

澀腸止泄瀉作細末和米飲常服(本草)

蓮子肉

止痢又治噤口痢去皮留心為末米飲下二錢(百一方)

鼈

治痢後脫肛○一人患痢月餘精粕不實晝夜五六次又脫肛取鼈一個治如食法用生薑米糯作羹入砂糖一小塊不用鹽醬熟煮吃一二碗三日而愈蓋鼈乃介蟲屬金而補肺與大腸故有效焉(正傳)

鮒魚膾

主久赤白痢腸澀和醋醬蒜薑食之(本草)○血痢及噤口痢魚肚釀白礬燒灰為末米飲調下或入白礬蒸熟和鹽醋吃即效(待效)

百草霜

治暴瀉痢取細末二錢米飲調下(本草)久痢不止百草霜末粥丸白湯吞下(綱目)

大黃

通利大小便又治熱痢下膿血欲通大便水煎服熱痢酒煎服之(綱目)

赤小豆

止泄痢作粥食之○赤白痢作粥和蠟一兩兩服差(本草)

艾葉

主赤白痢及膿血痢醋煎空心服之(本草)

露蜂房

療赤白痢亦治大小便不通取房蒂為末溫酒調一錢服之即效一名紫金砂(類聚)

糞蛆

治噤口痢甚效取蛆焙為末清米飲調下一錢(正傳)

烏梅 澀腸止痢○血痢白梅肉一個合臘茶加醋湯沃服之一啜而差○赤痢及久痢烏梅水煎和蜜服○休息痢合建茶乾末為丸服之大驗(本草)

酸石榴殼 止赤白痢燒赤為末米飲下二錢亦治暴瀉不止○冷熱不調或下赤白青黃者石榴五枚合殼杵絞取汁每取一合數服即斷或取殼為末飯丸服亦得(本草)

罌粟殼 主一切痢若日久腹中無痛常澀腸則去瓢蒂醋炒為末米飲調一錢服(直指)此物治痢如神但用早則性緊澀多令人嘔逆或成噤口痢(綱目)久痢虛滑一日百行取殼薑汁浸一宿炒乾為末每二錢米飲調

下即效名百中散(入門)

雞腸草 主小兒赤白痢取汁一合和蜜服之良(本草)

薺菜 主赤白痢取根葉燒灰為末和米飲服極效(本草)

葱白 治大小腸不通取白搗爛和醋封小腹上即效赤白痢葱白一握細切和米煮粥食之(本草)

韭菜 治諸痢如赤痢韭汁和酒溫服一盞如水穀痢作羹粥或燂炒任食之白痢則煮食之(本草)

薤白 止久痢冷瀉常煮食之○赤白痢取白和米作粥食之(本草)

白蘿蔔 治久痢取汁一鍾蜜一鍾煎勻溫服立止(回春)

馬齒莧 利大小便和米糲五味作羹食之○赤白痢搗取汁三合和雞子白一枚和勻溫服再服即愈或取莧煮熟入鹽薑薑醋拌勻食之○小兒血痢取汁一合和蜜一匙取之(本草)

黃雌雞 治赤白久痢取一隻治如食法作羹常食之○腸滑下痢取一隻治如食法火炙鹽醋刷之又炙令燥空腹食之名炙雞散(本草)

雞子 治久赤白痢醋煮熟空心食之或取一個打破用蠟一錢榕化拌勻炒食之又取黃和胡粉燒成末酒服一錢(本草)

烏骨雞 治小兒噤口痢取一隻治如食法煮取清汁頻與服之痢止胃開(省翁)

家鴨 止痢治如食法煮爛飲汁食肉或作羹食之(本草)

雉 主久痢腸滑不下食治如食法著橘椒葱鹽醬調和作餛飩食之(本草)

牛肝 治痢醋煮食之(本草)

牛角腮 主赤白痢及冷痢瀉血燒存性為末溫酒或米飲調下二錢或蜜和作丸服之(本草)

黃雄狗頭骨 主久痢瘳痢休息痢取腦骨炙黃為末米飲調二錢服或蜜和丸服之(本草)

狗肝 治下痢臍腹痛狗肝一具細切米一升和煮粥著葱椒鹽醬吃之(本草)

宗景按我國醫籍無原蟲細菌之說其論下痢也亦無傳染性非傳染性之分類醫者治痢不問其為腸胃自身變化或細菌侵入所致但知依據當前之症狀施其對症之方藥病者得方服藥而瘳於是益見中醫之所可貴者在於治療也凡痢疾當用攻下者妄投補瀉之劑重則禍不旋踵輕則貽休息痢之患經年不瘳肌肉消瘦醫以為久痢必虛疊進補劑客邪膠固愈補愈壞若試於參朮隊中加入消黃之屬補中寓瀉病日見減如是

者。目覩不鮮。此爲初學所不可不知也。又西醫有所謂腸結核者。中醫名爲腸癆其原因爲患肺

結核之人。嚥下結核痰。或無病之人。誤食結核性之牛乳及結核性之動物肉。其證狀爲

腹中雷鳴疝痛。頑固下痢。當其劇時。則有潮熱盜汗。腹部陷沒。可觸知腫大之腸間膜腺。

如是之後。日益羸瘦。體力衰弱。以至於死。一人患此症。經西醫診治數月後。乞治於愚。初

投以半夏瀉心湯頗效。繼則不效。歷更數醫。先後所用之方。如葛根芩連湯、白頭翁湯、四

逆散、連理湯、烏梅丸等。終成不救。考此症中西醫籍。尙無效方。誠有待于研究者。

肝鬱 肝陽 肝氣 肝風

原因 肝之性急善怒。能達則順。不能達則鬱。鬱則火動而諸病生。肝風爲肝邪上逆。有風動之象。肝陽乃肝風之輕者也。鬱而不舒爲肝氣。升於頭目爲肝陽。肝氣大抵由於血液不足。致經絡虛氣臃脹。婦女及勞心過度者多患之。

症狀 發於上則爲頭眩耳鳴目赤。發於中則爲胸滿脅痛吞酸。發於下則爲少腹疝疼。洩瀉不利。發於外則爲寒熱往來。似瘧非瘧。凡此諸證。皆爲肝鬱之象。

肝風肝陽。其證皆頭部昏眩或痛。耳目不清。甚則心煩作嘔。心跳心蕩。但肝陽乃肝風之輕

者。有上升之象也。

胸膈痛悶而迫胃嘔吐。或腹中攻擾而迫腸泄瀉。此爲肝氣之證也。

治法 素問云……肝苦急。急食甘以緩之。

又云。肝欲散。急食辛以散之。用辛補之。酸寫之。

金匱云……夫治未病者。見肝之病。知肝傳脾。當先實脾。四季脾王不受邪。卽勿補之。中工不曉相傳。見肝之病。不解實脾。惟治肝也。夫肝之病。補用酸。助用焦苦。益用甘味之藥。調之。……

肝鬱宜用逍遙散之屬。肝陽肝風。宜用桑葉、滁菊、鈎藤尖、蒺藜、石決明、羚羊角、瓦楞、珍珠母、金箔、銀箔、代赭石之屬。肝氣宜用左金丸、金鈴子、鬱金、佛手、青皮、橘葉、白芍、旋覆之屬。或用烏藥汁七匙。枳殼汁五匙。白芍藥汁二十匙。木香汁五匙。另以竈心土一錢。砂仁三分。(炒)煎湯沖諸汁服。但不可多用。以益傷其陰也。

死候 靈樞云。足厥陰氣絕。則筋絕。厥陰者。肝脈也。肝者。筋之合也。筋者。聚於陰器。而絡於舌本也。故脈不榮。則筋急。筋急則引舌與卵。故唇青舌卷卵縮。則筋先死。庚日篤。辛日死。

又云。厥陰終者。中熱噤乾。善尿。心煩。甚則舌卷卵上縮而終矣。
脈經云。肝絕八日死。何以知之。面青但欲伏眠。目視而不見人。出汗如水不止。
禁忌 內經云。肝病禁當風。

古今驗方選

逍遙散 局方 治肝氣抑鬱。血虛火旺。頭痛目眩。二脇作痛。臍部脹痛等證。

半夏厚朴湯 金匱方 治婦人咽中如有炙轆。

半夏 厚朴 生薑 茯苓 乾蘇葉

越鞠丸 丹溪方 治一切溼、痰、食、火、氣、血、諸鬱。牙疼、口瘡、胸悶、腕痛、腹脹、吞酸、腿痠、黃疸等證。

左金丸 丹溪方 見吐酸門

半夏散 聖惠方 治七氣。臟腑虛冷。心胸氣逆。勞乏納呆。

半夏 人參 白朮 附子 沉香 桂心 厚朴

陳皮

加薑煎。

消化器病 肝鬱 肝陽 肝氣 肝風

分心氣飲局方治一切氣不和。或境環拂逆。使鬱抑之氣於胸膈為患。

半夏 陳皮 青皮 甘草 木通 赤芍 赤苓

肉桂 桑白皮 大腹皮 羌活 紫蘇

四七湯局方治七情氣結成痰涎結核。

即半夏厚朴湯(方出金匱)

理氣平肝散 統旨方 治七情所傷。氣滯肝厥諸症。

烏藥 香附 木香 甘草 柴胡 川芎 青皮

枳殼 芍藥

加薑煎。

解肝煎 景岳方 治暴怒傷肝。氣逆脹滿氣滯等證。

半夏 厚朴 雲苓 蘇葉 陳皮 芍藥 砂仁

加生薑煎。

黃鶴丹 韓氏醫通方 治一切肝鬱氣滯。

香附子 黃連

龍薈丸 沈氏尊生方 治肝火。

龍膽草 蘆薈 當歸 梔子 廣木香 黃連 黃芩

麝香

研末。蜜丸。

金鈴子散 保命集方 治熱厥心痛。

金鈴子 玄胡索

抑青丸 張氏醫通方 治肝火脅下急痛。

川連(六兩) 吳茱萸(一兩)

研末爲丸(即抑肝散之藥爲丸)

六鬱湯 正傳方 治氣、濕、熱、痰、血、食、六鬱。

陳皮 半夏 蒼朮 川芎 赤苓 梔子 香附

甘草 砂仁

消化器病 肝鬱 肝陽 肝氣 肝風

消化器病 肝鬱 肝陽 肝氣 肝風

加薑煎。

加味四七湯 直指方 治心氣鬱滯。豁痰散驚。

茯苓 半夏 厚朴 紫蘇 遠志 甘草 石菖蒲

加薑棗煎。

一貫煎 魏玉璜方 治肝腎陰虛。氣滯不運。脇肋攻痛。胸腹臃脹。脈反細弱。或虛弦。舌無津液。喉

噓乾燥者。

沙參 麥冬 生地 歸身 杞子 川棟子

口苦燥者。加酒炒川連。

單方

龍膽草 益肝膽氣(本草)○煎 服治肝藏濕熱(湯液)

黃連 鎮肝去熱毒末服 煎服皆可(本草)

決明子 除肝家熱助肝氣又治肝熱毒為 末服又取嫩莖葉作菜食(本草)

空青 益肝氣法木故色青而入肝細 末水飛點服或入藥服(本草)

細辛 益肝膽煎服末 服皆可(本草)

車前子 養肝為末服或炒煎服又 取嫩葉作羹茹佳(本草)

薺子 卽薺子也主肝壅明目爲未服又取嫩根和米煮粥服能引血歸肝(入門)

青葙子 鎮肝主肝藏熱毒爲未服之(本草)

山茱萸 温肝未服煮服均佳(本草)

蒼耳子 主肝家熱明目煮服未服並佳(本草)

苦參 養肝膽氣煮服之(本草)

木瓜 入肝故益筋與血煮服之(本草)

葱白 除肝邪氣煮湯飲或取汁飲(本草)

李 肝病宜食之(本草)

覆盆子 補肝明目爲未服生食之亦可(本草)

酸棗仁 益肝氣未服煮服皆佳(本草)

沙參 養肝氣煮服或作茹常食之(本草)

芍藥 補肝緩中損其肝者緩其中卽此也未服煮服皆可(湯液)

青皮 疎肝氣肝氣不達用青皮以疎之末服煮服皆佳(丹心)

小麥 養肝氣煮飲服之(本草)

韭 能充肝氣作菹常食佳(本草)

宗景按。肝臟爲人體最大之腺體。有調節血液循環之能力。其體陰靜而有守。故善於謀慮。其用陽動而有爲。故善于沸怒。內經稱爲將軍之官。不亦宜乎。且肝性喜條達。偶有拂

消化器病 肝鬱 肝陽 肝氣 肝風

鬱則百病叢生。譬如植木然。其土宜舒。其培宜平。順木之天。枝葉必能碩茂。若抑遏其性。不得暢達。未有不害其生長者。推之養生之道。亦何莫不然。是以內經又以恬愉快樂為肝德。憂愁鬱怒為肝病。徵諸事實。信不誣也。至肝鬱之症。以婦人為多。鬱則氣滯不舒。為噯為嘔。為胸腹滿悶。其則為脹為痛。所謂肝氣者是。多怒傷肝。引動肝陽。則有吞酸頭痛等症。肝病血燥。神經失於滋養。則成類中（即今之腦）瘈瘲痙厥眩暈等證。古人謂之肝風。其實即今之神經系疾患也。肝臟為消化之器官。故列入消化器病篇。治肝病之法。大概可分為四。曰疏肝。曰柔肝。曰補肝。曰平肝。肝鬱肝氣則宜疏。肝陽則宜平。肝虛則宜補。肝風多因於血燥。當於養血柔肝藥中。參以平肝即西醫所謂鎮靜神經之品。庶本病治法。思過半矣。

黃疸

種類 疸病有五。一曰黃疸。二曰酒疸。三曰穀疸。四曰黃汗。五曰女勞疸。

原因 內經云。濕熱相交。民病瘴。

巢氏病源云。黃疸之病。此由酒食過度。府藏不和。水穀相并。積於脾胃。復為風濕所搏。瘀結不散。熱氣鬱蒸。

海藏云。凡病當汗而不汗則生黃。當利小便而不利亦生黃。蓋脾主肌肉四肢。寒濕與內熱相合故也。

金匱翼云。黃疸……此爲脾胃積熱。而復受風濕。痰結不散。濕熱蒸鬱。或傷寒無汗。痰熱在裏所致。

醫學入門云。凡時行感冒。及伏暑未解。宿食未消。皆能發黃。

巢氏病源云。夫虛勞之人。若飲酒多。進穀少者。則胃內生熱。因大醉當風入水。則身目發黃。金匱翼云。酒疸……由大醉當風入水所致。蓋酒溼之毒。爲風水所遏。不得宣發。則蒸鬱爲黃也。

赤水玄珠云。穀疸……此脾胃有熱。因大飢過食。有傷胃氣所致也。

巢氏病源云。黃汗之爲病……此由脾胃有熱。汗出而入水中浴。若水入汗孔中。得成黃汗也。

赤水玄珠者。黃汗者……此由脾胃有熱。汗出爲風所閉。熱結于中。其汗黃也。又云。女勞疸。大勞淫慾。大熱交接。衽席未幾。遽就浴室所致也。

症狀 內經云。身痛而色微黃。齒垢黃。爪甲上黃。黃瘡也。

又云。目黃。溺黃赤。安臥者。曰黃疸。

直指方云。已食如飢。但欲安臥。小便如黃藥汁者。曰黃疸。

金匱云。心中懊懣而熱。不能食。時欲吐。名曰酒疸。

又云。夫病酒黃疸。必小便不利。其候心中熱。足下熱。是其證也。

赤水玄珠云。酒疸。身日俱黃。心中懊懣。足脛滿。小便黃。面發赤斑。

金匱云。穀疸之爲病。寒熱不食。食卽頭眩。心胸不安。久久發黃。

赤水玄珠云。穀疸。食畢卽頭眩。心中怫鬱不安。遍身發黃。

金匱云。身腫而冷。狀如周痺。胸中空。不能食。反聚痛。暮躁不得眠。此爲黃汗。

又云。黃汗之爲病。身體腫。發熱汗出而渴。狀如風水。汗沾衣。色正黃如藥汁。

又云。額上黑。微汗出。手足中熱。薄暮卽發。膀胱急。小便自利。名曰女勞疸。

赤水玄珠云。女勞疸……以致發熱惡寒。小腹滿急。身目俱黃也。

脈法 脈訣云。五疸實熱。脈必洪數。其或微澀。證屬虛弱。

直指方云。疸脈緩大者順。弦急而堅者逆。

經過 慢性。

治法 金匱云。諸病黃家。但利其小便……。

又云。黃疸病。茵陳五苓散主之。

又云。黃疸腹滿。小便不利而赤。自汗出。此爲表和裏實。當下之。宜大黃消石湯。

醫學入門云。治黃疸與濕病相似。輕則滲利。重則大下。黃自退矣。

丹溪心法云。黃疸因食積者。其下食積。其餘但利小便爲先。小便利白。其黃自退。

金匱云。酒疸。心中熱。欲吐者。吐之愈。

又云。酒黃疸。心中懊懣。或熱痛。梔子大黃湯主之。

六科準繩云。酒疸發黃。心胸堅滿。不進飲食。小便黃赤。其脈弦澹。當歸白朮散。

又云。酒疸。後變成腹脹。漸至面足。或腫及徧身。宜藿香脾飲加木香麥蘖。

金匱云。穀疸。宜茵陳蒿湯主之。

東醫寶鑑云。穀疸。宜茵陳梔子湯、牛黃散、紫金丹、穀疸丸、小溫中丸、大溫中丸、針砂丸。

金匱云。黃汗之病。兩脛自冷。……若身重。汗出已。輒輕者。久久必身暈。暈即胸中痛。又從腰以上必汗出。下無汗。腰髀弛痛。如有物在皮中狀。劇者不能食。身疼重。煩躁。小便不利。此爲黃汗。桂枝加黃耆湯主之。

張氏醫通云。黃汗者……宜耆芍桂酒湯。晝熱加防風。夜熱加當歸。食少加白朮茯苓。

金匱云。女勞疸。宜消石礬石散主之。

張氏醫通云。女勞疸。若神思困倦。頭目昏重。脾氣不運。大便不實者。四君子湯下消石礬石散。

預後 良

死候 脈經云。凡黃家。候其寸口脈。近掌無脈。口鼻冷黑色。並不可治。

東醫寶鑑云。形體如烟熏。直視搖頭爲心絕。環口鰲黑。柔汗發黃爲脾絕。皆不治。

醫學入門云。黃疸以十八日爲期。十日以外。入腹喘滿。煩渴面黑者。死。

古今驗方選

茵陳五苓散 金匱方 治黃疸。

茵陳蒿末 五苓散

大黃消石湯 金匱方

大黃 黃蘗 消石 梔子

桂枝加黃耆湯 金匱方 治黃汗。

桂枝 芍藥 甘草 生薑 大棗 黃耆

黃耆芍藥桂枝苦酒湯 金匱方 治黃汗。

黃耆 芍藥 桂枝

右三味。以苦酒一升。水七升。相和。煮取三升。溫服一升。當心煩。服至七日乃解。若心煩不止者。以苦酒阻故也。

茵陳蒿湯 金匱方 治穀疸。

茵陳蒿 梔子 大黃

消石礬石散 金匱方 治女勞疸。

消石 礬石

消化器病 黃疸

右二味爲散。以大麥粥汁和服。方寸匕。日三服。病隨大小便去。小便正黃。大便正黑。是候也。

牛黃散子 醫鑑方 治穀疸。酒疸。及水氣蠱脹。

黑丑 大黃 枳榔 甘草

右細末。每服三錢。五更時面東南。井華水調服。疾隨下卽愈。忌生冷。

梔子蘘皮湯 傷寒論方 治傷寒身黃發熱。

肥梔子 甘草 黃蘗

麻黃連軛赤小豆湯 傷寒論方 治傷寒瘀熱在裏。身必發黃。

麻黃 連軛 杏仁 赤小豆 大棗 生薑 生梓白皮

甘草

茵陳梔子湯 醫學綱目方 治穀疸。

茵陳 大黃 梔子 枳實

四君子湯 局方

人參 白朮 茯苓 甘草

茵陳丸 治黃疸。遍身面目悉黃。小便如梔子汁。

茵陳蒿 黃芩 大黃 枳實

右四味。搗篩蜜丸。空腹以米飲服。如梧子大二十九丸。日二服。漸加至二十五丸。微利為度。

刪繁苦參丸 外臺治勞疸。穀疸。

苦參 龍胆草 梔子

右為散。若病甚。取豬胆和為丸。如梧子大。一服五丸。日三四服。

茯苓滲濕湯 寶鑑方 治黃疸。寒熱嘔吐。渴欲飲水。身體面目俱黃。小便不利。全不食。不得臥。

茵陳 白茯苓 木豬苓 澤瀉 白朮 陳皮 蒼朮

黃連 山梔 秦艽 防己 葛根

一清飲子 治黃疸發熱。

茯苓 川芎 桑白皮 甘草 柴胡 生薑 大棗

消化器病 黃疸

黃連散 實鑑方 治黃疸壅熱。二便秘澀。

大黃 黃芩 黃連 甘草

右爲極細末。溫水調下二錢。日三服。先用瓜蒂散嗜鼻取下黃水。却服此藥。

嗜鼻瓜蒂散 實鑑方 治黃疸渾身如金色。

瓜蒂 母丁香 黍米 赤小豆

右爲細末。每夜臨臥時。先含水一口。却於兩鼻孔嗜上半字便睡。至明日取下黃水。便服黃連散。病輕者五日效。重者半月效。

茵陳散 回春方 治濕熱黃疸。

茵陳 梔子 赤茯苓 豬苓 澤瀉 蒼朮 枳實

黃連 厚朴 滑石 燈心

半溫半熱湯 活人方 治酒疸。

赤茯苓 白朮 蘿蔔 枳殼 大戟 甘草 黃芩

當歸 茵陳 生薑

葛朮湯 濟生方 治酒疸。

葛根 蒼朮 枳實 梔子 甘草 豆豉

梔子大黃湯 金匱方 治酒黃疸。心中懊懣。或熱痛。

梔子 大黃 枳實 豆豉

茵陳湯 千金方 治黃疸。身體面目盡黃。亦治酒疸酒癖。

茵陳 黃連 黃芩 大黃 甘草 人參 梔子

退黃散 醫鑑方 治黃疸。身面如金。小便如黃柏汁。

柴胡 升麻 龍胆草 茵陳 黃連 黃芩 梔子

黃柏 木通 滑石 甘草 燈心

石膏茵陳散 得效方 治黃疸。一身皆黃。食已即飢。

石膏 梔子 茵陳 木通 大黃 甘草 瓜蒌實

葱白

小溫中丸 醫學入門方 治食積疸。

消化器病 黃疸

白朮 山查肉 青皮 蒼朮 神麩 香附子 針砂

右爲末。醋糊和丸。梧子大。空心鹽湯下七八十九。脾虛者須以參朮陳甘。作湯使下。

大温中丸 醫學入門方 治黃疸。黃胖。黃腫。

香附子 針砂 陳皮 蒼朮 厚朴 青皮 三稜

蓬朮 黃連 苦參 白朮 甘草

製法服法同上。

藿香脾飲 證治準繩方

厚朴 甘草 半夏 藿香 陳皮 生薑 大棗

穀疸丸 醫學入門方 治冒暑瘧熱。食穀不消。熱鬱發黃。

苦參 龍胆草 人參 梔子仁

右爲末。牛胆汁和丸。梧子大。以大麥粥飲下五七十九。日二。

針砂丸 正傳方 治穀疸。酒疸。溼熱發黃等證。

針砂 香附子 蒼朮 神麩 茵陳 麥芽 芍藥

當歸 生地黃 川芎 青皮 三稜 蓬朮 梔子
薑黃 升麻 乾漆

右爲末。醋糊和丸。梧子大。薑湯下六七十丸。

紫金丹 本事方 治食勞氣勞。遍身黃腫。欲變成水。

胆 礬 黃 蠟 大 棗

右以銀石器。內入好醋三升。先下礬棗。慢火熬半日。取出棗。去皮核。次下蠟。熬一二時如膏。入臘茶末二兩。和丸梧子大。每服二三十丸。茶酒任下。

當歸白朮湯 三因極一病證方

當 歸 黃 芩 茵 陳 甘 草 白 朮 半 夏 杏 仁
枳 實 前 胡 茯 苓

清水二鍾。加生薑三片。煎至一鍾。食後服。

石膏散 得效方 治女勞疸。

石 膏 滑 石

消化器病 黃疸

右爲末。每二錢。大麥粥飲調下。

滑石散證治準繩方治女勞疸。

滑石 白礬

右爲細末。每服二錢。用大麥粥清。食前調服。以小便出黃水爲度。

四君子湯 局方見霍亂門

單方

小麥苗 治酒疸擣取汁服
或煮食之(本草)

鮒魚 主黃疸作膾和五味食之。又取活者置
水中常常看之日一易最效(俗方)

鼈 治酒疸煮熟如常法作
羹食數個愈(種杏)

水芹 治五種黃病取汁飲之作薑菹或
煮食或生食並得宜常食(本草)

苦瓠 去黃疸煎取汁滴鼻
中出黃水差(本草)

冬葵 治時行黃病煮汁飲又
作羹作薑常食(本草)

絲蓴 治熱疸作羹作齏
常食佳(本草)

豬糞 治同上取糞漬水
取清頓服(本草)

生葱 治傷寒發黃目不識人生葱火煨熟去粗皮取心扭出汗蘸香油點兩
目大小皆立明○又燒酒口噙令病人開口噴之其眼自明(種杏)

蔓青子

主急黃疸及內黃腹結不通取子搗細和水服二錢當瀉出惡物黃水砂石草髮並出差(本草)

甜瓜蒂

治黃疸初發及時氣急黃瓜蒂為末搗兩鼻中出黃水又取一錢調溫水服得吐黃水便差(本草)

絲瓜

治積傷酒麵發黃完絲瓜連皮子燒灰為末(因)麵得病麵湯調下因酒得病酒調下數服即愈矣(種)杏

白烏雞

傷寒發黃胸心昏悶不省死在須臾白烏雞雄一隻去毛及腸屎以刀爛切鋪心頭上少頃活(醫鑑)

熊膽

療天行黃疸取少許和水服(本草)

篇蓄

治熱黃搗取汁頓服一小升(本草)

梔子

主胃熱食疸水煎飲之(本草)

大麥苗

亦主黃疸取汁服(本草)

鯉魚

治黃疸如鮒魚法用之(俗方)

臘雪水

治黃疸微溫飲之(本草)

茵陳蒿

主黃疸通身發黃小便赤以水濃煎生食亦良(本草)○治酒疸取一兩清酒煎服名酒養茵陳湯(醫鑑)

葛根

解酒疸小便赤澀取一兩水煎服(本草)

酸漿草

主黃疸根味絕苦搗取汁飲之(本草)

王瓜根

治酒疸變成黑疸醫不能治取根搗取汁空心頓服一小升當有黃水隨小便出不效再服(本草)

青蒿

治熱黃心痛搗取汁飲之(本草)

黃柏

主黃疸水煎服之(本草)

車前草

最治黃疸搗取汁服之(直指)

消化器病 黃疸

瓜蒌根

主八疽身面黃水煎服之(本草)

萱草根

主酒疸搗取汁飲又嫩苗煮食之(本草)

桃根

治黃疸身面如金色取東引桃根一握細切水二鐘煎至半空心頓服三五日後其黃離離如薄雲散惟服最後差可時時飲一盞清酒則易散忌熱麵猪魚(本草)

豬脂

治五疸及胃中有乾屎發黃煎猪脂取三合日三服大便乾屎下乃愈(本草)

宗景按。凡週身肌膚發黃者。謂之黃疸。其症有陰陽之不同。如橘子色者爲陽黃。如烟熏色者爲陰黃。初起之時。病人之眼球鞏膜。必先發黃。病解亦以眼球鞏膜爲最後退。此乃診斷上之大要。若解剖後。檢其各部組織。無處不黃。惟腦脊髓仍不變色。且此種黃色素。既染色於諸組織。又混於汗液小便中。以排出體外。故本病之解。必以汗液小便爲尾閭。學者欲明其病理。當先知胆汁之作用及流行之徑路。所謂知其常。然後可測其變也。胆汁爲肝臟之分泌物。色黃綠。味極苦。其作用可分爲三種。

(一) 消化作用 胆汁有消化脂肪之能力。又能助長胰液之糖化酵素。

(二) 刺激作用 胆汁能刺激腸壁之肌肉。助其蠕動。故胆汁色素常雜於大便排出。若胆汁缺乏。則成便秘矣。

(三)防菌作用 胆汁可以防止細菌之發育。患黃疸病之人。因胆汁鬱於上部。不能下降。脂肪未經消化。而細菌在腸內繁殖。以致醱酵腐敗。故其糞便。呈灰白色。且甚臭。氣。於是可知胆汁既能消化脂肪。又能間接防菌也。

胆汁既有上列三種作用。是故平人之食糜入十二腸後。刺激小腸之感覺神經。引起膽囊之反射動作。胆汁即由輸胆管注入十二指腸。以助消化。且刺激腸壁。促其吸收。若十二指腸或輸膽管。有蛔蟲侵入。或發生膽石。以及炎症腫瘍。皆足以障礙胆汁之流通。於是胆汁由肝臟之淋巴管而入於血循環。遂成鬱滯性黃疸。若肝臟細胞發生障礙。則分泌之胆汁。不能抑留。直接入於肝靜脈毛細管。遂成交流性黃疸。此為西說黃疸之病理。而中醫謂黃疸之原因。為溼熱蒸鬱。輕則滲利。重則攻下。每多治愈。觀於大黃消石湯等方。能去十二指腸或輸胆管之障礙物。使胆汁不致鬱滯。得以流行故道。可知古人雖昧於病理。其治療之法。與近日西醫。如出一轍矣。

水蠱

釋名 沈氏尊生云。水蠱者。有蠱敗之義也。故名蠱。

原因 巢氏病源云。此由水毒氣結聚於內……

沈氏尊生云。水蠱一證。因水毒之氣結聚於內……其原多因他病。久而變成。

症狀 巢氏病源云……令腹漸大。動搖有聲。常欲飲水。皮膚蠱黑。似如腫狀。名水蠱也。

回春云。惡寒。手足厥冷。瀉水。是水蠱。

脈法 脈經云。水病脈大者。可治。微細者。不可治。水病腹大如鼓。實者生。虛者死。

經過 數月至數年。

診斷 衷中參西錄云。內經謂按之窅而不起者。風水也。愚臨證體驗以來。知凡係水臟。按之皆不能即起。氣臟則按之舉手即起。或疑若水積腹中。不行於四肢。如方書所謂單腹脹者。似難辨其爲氣爲水。不知果爲水證。重按移時舉手。則有微痕。而氣證則無也。且氣臟證。小便自若。水臟證多小便不利。此又其明徵也。

治法 沈氏尊生云……其爲證治。有可指陳者。或因雨濕而腫。宜平胃散加白朮赤苓草豆蔻。或飲水過多而腫。宜胃苓湯。或久喘後。積水氣而腫。宜葶藶丸。或久瘡變水氣而腫。宜黃甲丸。或久痢變水氣而腫。宜補中益氣湯。加附子。此等皆水氣之別也。